

# 目 录

## 顺治年间的驿递

- 1 顺天巡按黄徽胤为良乡驿站协银拖欠过半事揭帖..... 1  
    顺治三年六月二十二日\*
- 2 河南巡抚吴景道为河南驿站协济银必先拨足事揭帖..... 2  
    顺治四年四月初五日\*
- 3 直鲁豫总督张存仁为真定县等处驿站困累难支事揭帖 ..... 3  
    顺治七年正月初五日
- 4 兵部尚书明阿达礼题文武官员乘驿仍照官品酌量递减事本..... 4  
    顺治七年十一月初三日\*
- 5 兵部为临清等处沿河水驿绎夫甚为民累事揭帖 ..... 9  
    顺治八年四月十八日\*
- 6 户部和硕端重亲王波洛等题真定府属各驿马缺差繁困累难支事本 .....10  
    顺治八年七月二十五日
- 7 户部和硕端重亲王波洛等题山西驿递苦累难支急议调停事本 .....14  
    顺治八年八月二十八日

- 8 湖广巡抚李敬题临湘驿站以人代马惨不忍睹事  
本 .....15  
    顺治八年十二月初四日
- 9 刑部尚书蓝拜题县令违驿马官养之旨苦累里甲  
事本 .....16  
    顺治九年五月十九日
- 10 广西道试监察御史白尚登题各陈驿递困难之源  
流事本 .....21  
    顺治九年六月初八日
- 11 户部尚书车克题驿站累民已极严禁私帮私派里  
甲事本 .....22  
    顺治九年七月二十四日
- 12 陕西巡抚何承都为酌议陕甘冲僻驿站通融协济  
之法事揭帖 .....24  
    顺治九年八月二十六日\*
- 13 河南巡按王亮教题道臣亢发祥不按勘合多索夫  
马事本 .....25  
    顺治九年九月十八日
- 14 户部尚书车克题驿站行粮照时价于正项钱粮极  
部开销事本 .....27  
    顺治九年十月二十三日
- 15 户部尚书噶达洪题条议良法以革江西驿弊事本 .....28  
    顺治九年十二月二十六日
- 16 户部尚书噶达洪题恢复粤东邮驿事宜本 .....31  
    顺治十年正月初六日
- 17 直鲁豫总督马光辉为南省协济河间驿站银两久  
欠不解事揭帖 .....31  
    顺治十年闰六月二十六日

- 18 直魯豫总督马光辉题保定五县驿递冲繁以易州  
协济事本 .....33  
    顺治十年七月二十一日
- 19 凤阳巡抚沈文奎为江都县驿马正项不足额编外  
加派并载全书事揭帖 .....35  
    顺治十一年四月二十四日\*
- 20 江西道监察御史高尔位题请行连坐法永禁私派  
以苏民生事本 .....38  
    顺治十一年六月二十四日
- 21 山西巡抚陈应泰为山西十年驿传考成之情形事  
揭帖 .....39  
    顺治十一年七月十九日\*
- 22 宁夏巡抚黄图安为宁夏地方驿传考成情形揭  
帖 .....45  
    顺治十一年九月
- 23 江西巡抚郎廷佐题江西十年驿传考成情形事  
本 .....47  
    顺治十二年七月十五日
- 24 礼部尚书恩国泰题西宁等处喇嘛乘驿来京往还  
事宜本 .....55  
    顺治十二年九月初四日
- 25 湖广巡抚林天擎为陈楚省夫驿积弊及行清核良  
法事揭帖 .....57  
    顺治十二年十月十九日\*
- 26 浙江巡抚秦世祯为浙江协济河间驿站银两事揭  
帖 .....59  
    顺治十二年十一月二十二日

- 27 凤阳巡抚蔡士英为江北各府州驿递钱粮考成事  
揭帖.....60  
    顺治十二年十一月三十日\*
- 28 户科副理官胡秉忠为清裁僻驿虚设之马事揭  
帖.....62  
    顺治十二年十二月初四日\*
- 29 陕西总督金砺题查取遭欠驿站银两职名事本.....64  
    顺治十二年十二月十四日
- 30 江西总督马鸣佩题江南各州县冲僻各驿协济银  
两事本.....66  
    顺治十二年十二月十五日
- 31 直隶巡抚董天机题查明直隶各州县驿站冲僻以  
均协济事本.....70  
    顺治十三年正月初三日
- 32 户部尚书戴明说等题协济山东驿站银两压欠甚  
多事本.....73  
    顺治十三年二月二十二日
- 33 户部左侍郎王弘祚题闽省驿传额编站银不应动  
支事本.....77  
    顺治十三年四月二十一日
- 34 户部尚书孙廷铨题销算甘肃驿站银两事本.....80  
    顺治十三年四月初十日
- 35 直鲁豫总督李荫祖为直隶各驿不宜裁减经费事  
揭帖.....82  
    顺治十三年四五月二十三日\*
- 36 江西巡抚郎廷佐为江西僻驿不宜裁减事揭帖.....86  
    顺治十三年七月十二日\*

- 37 户部尚书车克题督臣佟代奉旨回京所用驿船情形事本 .....88  
 顺治十三年九月初五日
- 38 山西总督张玄锡为山西各驿夫马闰月钱粮事揭帖 .....95  
 顺治十三年十二月十七日\*
- 39 湖北巡按张朝瑞题拾贰年湖北协济银两已全完事本 .....96  
 顺治十三年九月十五日
- 40 兵部左侍郎额黑里题宁夏军站马匹夏秋全支草料事本 .....98  
 顺治十三年十月初五日
- 41 陕西总督马之先为河南并无协济陕西驿站银两事揭帖 .....99  
 顺治十四年六月二十八日
- 42 福建巡抚刘汉祚为造报福建十三年驿传考成文册事揭帖 ..... 102  
 顺治十四年十一月十五日
- 43 山西总督卢崇峻为册报山西宣大各县十四年驿递钱粮完欠情形揭帖 ..... 104  
 顺治十五年二月二十九日\*
- 44 偏沅巡抚袁廓宇为湘西各驿繁苦艰难暂借十五年民赋事揭帖 ..... 106  
 顺治十五年三月十六日
- 45 宁夏巡抚黄图安为宁夏驿站银两清册已开造呈报事揭帖 ..... 109  
 顺治十五年三月(四月二十四日到文)

- 46 山西巡抚白如梅为驿站与州县同城裁革驿丞事  
揭帖..... 111  
    顺治十六年三月十三日\*
- 47 兵部尚书伊图题解救陕西凤翔驿站疲累已极之  
    办法事本 ..... 118  
    顺治十六年三月十五日
- 48 湖广巡抚张长庚为接济楚湘冲驿急需钱粮办法  
    事揭帖 ..... 120  
    顺治十六年闰三月十三日\*
- 49 山西巡抚白如梅为山西驿站考成事揭帖..... 123  
    顺治十六年闰三月十三日\*
- 50 贵州巡抚赵廷臣为请动兵饷为贵州购马设驿站  
    事揭帖..... 125  
    顺治十六年十月二十三日\*
- 51 贵州巡抚赵廷臣为贵州驿站初设夫马钱粮紧急  
    事揭帖 ..... 128  
    顺治十六年十月二十三日\*
- 52 江宁巡按卫贞元为安徽盱眙怀远递银侵派蠹役  
    诈欺事揭帖 ..... 131  
    顺治十六年十一月初八日\*
- 53 河南巡抚贾汉复为五省经略解象至京事揭帖..... 133  
    顺治十六年十二月初二日
- 54 陕西巡抚张自德为解凤翔驿困加增马匹之银两  
    事揭帖 ..... 134  
    顺治十六年十二月十八日
- 55 湖广巡抚张长庚为驿站夫马钱粮小建不扣遇闰  
    不增事揭帖 ..... 136  
    顺治十七年二月二十六日\*

- 56 户部尚书车克题请管驿年久官员加级事本 ..... 141  
 顺治十七年三月二十日\*
- 57 顺天巡按陈洪柱为严禁粮船不遵给米之例惑意  
 索夫事揭帖 ..... 142  
 顺治十七年五月初十日\*
- 58 户部尚书王弘祚题为在惠法设立驿站事本 ..... 144  
 顺治十八年正月二十九日
- 59 淮扬总督蔡士英奏缴十六至十七年用过勘合火  
 牌黄册 ..... 144  
 顺治十八年四月初六日
- 60 户部尚书车克题贵州设驿买马事本 ..... 146  
 顺治十八年四月十七日
- 61 贵州巡抚卞三元为奏销贵州十七年驿站夫马钱  
 粮草料事本 ..... 147  
 顺治十八年六月二十七日
- 62 贵州巡抚卞三元题奏销贵州十七年马馆钱粮事本 ..... 148  
 顺治十八年六月二十九日
- 63 贵州巡抚卞三元题贵州复集场并收税以供协买  
 驿马事本 ..... 148  
 顺治十八年闰七月十六日
- 64 户部尚书阿思哈题核销贵州十六年驿站夫马粮  
 料支过米数事本 ..... 149  
 顺治十八年八月十八日
- 65 户部尚书阿思哈题核销十六年平清镇等驿夫马  
 粮料米数事本 ..... 150  
 顺治十八年八月二十二日
- 66 户部尚书阿思哈题拉法多羣驿站增加壮丁及牛  
 只事本 ..... 151  
 顺治十八年九月二十九日

- 67 福建巡抚许世昌奏缴顺治十八年勘合黄册…………… 151  
康熙元年七月二十三日
- 68 福建巡抚许世昌奏缴顺治十八年用过火牌黄册…………… 156  
康熙元年七月二十三日

## 顺治年间制钱的鼓铸

- 1 陕西巡抚雷兴题报叁年陕西鼓铸钱息事本…………… 161  
顺治四年二月初九日
- 2 河南巡抚吴景道题已委贰官办理河南鼓铸制钱  
事本…………… 162  
顺治四年四月十三日
- 3 吏部侍郎哈哈木题参南洙源稽迟开报鼓铸本息  
事本…………… 163  
顺治四年六月初四日
- 4 偏沅巡抚高斗光题亟请湖南开炉鼓铸事本…………… 164  
顺治四年六月十二日
- 5 户部尚书英峨偕题升授广东鼓铸通判薛官为钱  
法道事本 …………… 165  
顺治四年七月二十三日
- 6 刑部左侍郎阿拉善题查获私铸制钱人犯事本…………… 166  
顺治五年六月初四日
- 7 山西巡抚祝世昌题伍年山西鼓铸息银数目事本…………… 168  
顺治六年八月二十二日
- 8 山西巡抚刘弘遇题柒年山西鼓铸获息事本…………… 169  
顺治八年正月初六日



- 9 户部尚书巴哈纳题疏通钱法事本 ..... 169  
 顺治八年正月二十七日
- 10 江南总督马鸣骥题柒年江宁鼓铸获息事本 ..... 170  
 顺治八年正月二十八日
- 11 江南总督马鸣骥题苏州凤阳两府拒还钱本银两  
 事本 ..... 171  
 顺治八年正月二十八日
- 12 南赣巡抚刘武元题兵船兴贩赣关无税不能开铸  
 事本 ..... 172  
 顺治八年二月二十一日
- 13 山西总督佟养量题柒年山西阳和铸局本息银两  
 事本 ..... 173  
 顺治八年二月十一日
- 14 户部多罗端重郡王波洛题苏州凤阳两府欠还本  
 银应作速解完事本 ..... 174  
 顺治八年四月十一日
- 15 山陕四川粮饷总督王来用题捌年前四月鼓铸本  
 息事本 ..... 175  
 顺治八年七月十六日
- 16 户部尚书车克题江南等省未开报鼓铸本息事本 ..... 176  
 顺治九年六月二十三日
- 17 户部尚书车克题增炉广铸之意不可行事本 ..... 177  
 顺治九年七月十一日
- 18 户部尚书车克题明钱二当制钱一于市上流通之  
 意不可行事本 ..... 178  
 顺治九年十月十七日

- 19 江南江西军务粮饷总督马国柱题报捌年江宁鼓铸获息事本 ..... 179  
 顺治九年六月十六日
- 20 户部尚书车克题未报鼓铸钱息各省事本 ..... 181  
 顺治十年三月初二日
- 21 户部尚书车克题严行钱法事宜本 ..... 184  
 顺治十年闰六月十五日
- 22 户部尚书车克题进验新式样钱并请旨颁发事本 ..... 184  
 顺治十年九月十二日
- 23 山西巡抚刘弘遇题报山西拾年鼓铸息银数目事本 ..... 185  
 顺治十一年正月二十一日
- 24 户部尚书车克题查明停减炉座铸本钱息事本 ..... 186  
 顺治十一年正月二十六日
- 25 户部右侍郎郝杰题报拾壹年宝泉局鼓铸本息事本 ..... 190  
 顺治十二年正月二十五日
- 26 户部尚书巴哈纳题江宁鼓铸获息存剩银两去向开造不明事本 ..... 192  
 顺治十二年三月初六日
- 27 宣大巡按翁祖望题宣镇官炉私铸应予严究事本 ..... 194  
 顺治十二年八月二十二日
- 28 山西军务粮饷总督马之先题阳和钱局炉头私铸审理情形事本 ..... 195  
 顺治十二年十月三十日
- 29 户部右侍郎朱之弼题十二年宝泉局鼓铸获息事本 ..... 196  
 顺治十三年二月初十日

- 30 户部尚书戴明说题严查江宁鼓铸息少事本…………… 199  
 顺治十三年三月十七日
- 31 河南巡抚亢得时题查河南怀庆铸局赔累里甲事  
 本…………… 202  
 顺治十三年四月二十九日
- 32 河南巡抚亢得时题请足铜本运价事本…………… 204  
 顺治十三年闰五月十三日
- 33 户部尚书孙廷铨题参侵欠鼓铸钱本事本…………… 206  
 顺治十三年闰五月十七日
- 34 户部尚书车克题报宝泉局拾柒年鼓铸钱息事本…………… 207  
 顺治十八年三月初一日

### 顺治十七年尚衣监行文知会簿

- 1 尚衣监攀印监正等官员食俸数目…………… 210  
 顺治十七年二月二十一日
- 2 尚衣监为本监钱粮系宫内机密不便明开于册致  
 司吏院知会…………… 210  
 顺治十七年二月二十二日
- 3 尚衣监为查无书写真楷苏拉太监事致司吏院知  
 会…………… 211  
 顺治十七年三月二十一日
- 4 尚衣监为考核满洲官员事致司吏院知会…………… 212  
 顺治十七年五月初八日
- 5 尚衣监为咨送役满书办事致司吏院知会…………… 213  
 顺治十七年六月初四日
- 6 尚衣监为番译循例加级事致司吏院咨会…………… 214  
 顺治十七年六月十六日

- 7 尚衣监为本监查无善能书写太监事致司吏院知  
会 ..... 214  
    顺治十七年七月初三日
- 8 尚衣监为效力一年官员请给俸禄事致司吏院知  
会 ..... 215  
    顺治十七年九月初一日
- 9 尚衣监为请复职掌成造官员事致司吏院知会 ..... 215  
    顺治十七年九月二十一日

### 定南将军文移稿

- 清代三藩问题的档案史料 ..... 217  
    康熙十年十一至十二月

### 有关阿睦尔撒纳的档案史料

- 1 定边左副将军兆惠奏追剿阿睦尔撒纳情形折 ..... 224  
    乾隆二十二年五月初三日
- 2 沙俄官员致阿睦尔撒纳的信(共四件) ..... 230

### 承德布达拉庙

- 1 内务府总管大臣福隆安等奏布达拉庙工程所需  
    砖块由留京车协运折 ..... 234  
    乾隆三十六年
- 2 寄谕副都统和尔经额等布达拉庙砖料以自京前  
    往车辆就近运用 ..... 235  
    乾隆三十六年六月初一日
- 3 内务府奏查得镀金铜瓦工价银两事折 ..... 236  
    乾隆三十六年

- 4 内务府奏布达拉庙工程领用银两事折 ..... 236  
乾隆三十六年八月十一日
- 5 内务府奏查核布达拉庙工程用过银两折 ..... 237  
乾隆三十七年三月二十二日
- 6 内务府总管大臣福隆安奏查布达拉庙工程核减  
银两事折 ..... 237  
乾隆三十七年九月十五日
- 7 内务府总管大臣福隆安等奏布达拉庙工程坍塌  
情形折(共十五件) ..... 238  
乾隆四十年五月至八月
- 8 内务府奏布达拉等庙宇念经茶饭开销事折 ..... 245  
乾隆四十年
- 9 内务府奏查普乐寺下破窑情形折 ..... 246  
乾隆四十年
- 10 内务府总管大臣福隆安奏工部收贮之引重布达  
拉庙不合用事折 ..... 246  
乾隆四十年八月初六日
- 11 内务府奏都罡殿院及南面群楼填厢虎皮石工价  
银两折 ..... 246  
乾隆四十年八月十二日
- 12 内务府总管大臣福隆安奏万寿山香严宗印之阁  
柱木朽烂情形折 ..... 247  
乾隆四十年九月二十八日
- 13 内务府总管大臣福隆安奏改砌香严宗印之阁后  
檐墙情形折 ..... 248  
乾隆四十一年正月二十六日
- 14 内务府总管大臣福隆安奏砍伐英图莫多图等围  
场木料情形折 ..... 249

乾隆四十一年五月二十七日

- 15 谕刘浩明年将布达拉庙红台上亭坡改陡削…………… 249

乾隆四十一年六月十五日

- 16 内务府总管大臣福隆安奏查勘建盖文庙地基情形折…………… 249

乾隆四十一年九月十四日

- 17 户部侍郎和珅奏各庙仪仗换新所需锦缎纱绸数目折…………… 250

乾隆四十一年

- 18 内务府总管大臣福隆安奏昭庙殿座镀金铜瓦用铜情形折…………… 253

乾隆四十三年正月二十三日

- 19 内务府总管大臣福隆安奏卤簿大驾之金大八件见新应用事折…………… 253

乾隆四十三年二月初二日

- 20 内务府总管大臣福隆安奏制造卤簿大驾所需银两数折…………… 254

乾隆四十三年

乾隆四十八年销毁书目…………… 256

同治进药簿…………… 265

\* \* \*

清代历史档案名称简释(续二)……………单士魁 293

明清诰敕命文书简述……………鞠德源 299

## 凡 例

一、本丛编陆续从中国第一历史档案馆所藏档案中选刊一些具有一定史料价值的档案，供史学工作者和有关部门参考。因本部所保存的档案，基本上是清代的，故名之曰《清代档案史料丛编》。少量明代档案，有时也将在此发表。每辑刊载的史料，按其内容分为几个专题。专题之前酌加按语，简介史料概况。必要时也刊载一些关于清代文书档案的情况介绍和名词解释等。每辑约十五万字左右。

二、每个专题的文件，原则上按具文时间的先后编排，分别编列顺序号码。无具文时间者，则用收文或朱批时间编排，并以\*符号注明；无具文、收文时间者，则推定大致的时间，加注说明。

三、本丛编所辑档案，标题均为编者拟加。奏折标题，在正文中省略具文人职衔，而在目录中仍予保留。此外还加了标点、分段。每件档案的时间放在标题之后，文种出处放在正文之后，均用小号字排印。

四、本丛编所辑档案中，凡有皇帝批语者，标明“朱批”；皇帝的眉批、行批，则于所批正文之后，以小号字排在括号内，并于其上标明“朱批”二字。

五、本丛编所辑档案，一般均全文发表，个别与主题无关的内容酌加删节，其删节部分用〈上略〉、〈中略〉、〈下略〉字样注明。原件错字或疑系错字，以正字注写其下，用（ ）号表示；凡漏字或须酌情补注的字，均用〔 〕号表示；残缺的文字，以□号代之，大段残文以〈上残〉、〈中残〉、〈下残〉字样表示。

## 本 辑 说 明

本辑选编了八个方面的档案史料共一百三十六件。

第一,《**顺治年间的驿递**》,反映了**清初驿递制度**所强加给人民群众的沉重负担。第二,《**顺治年间制钱的鼓铸**》,反映了**清初鼓铸制钱制度**及其存在的问题。第三,《**顺治十七年尚衣监行文知会簿**》,是研究清代内务府机构演变的新史料。第四,《**定南将军文移稿**》,为有关**三藩问题**的新史料。第五,《**有关阿睦尔撒纳的档案史料**》,其中沙俄官员致阿睦尔撒纳的信件,是最近从满文译出的。第六,《**承德布达拉庙**》,记载了修建该庙的一些情况。第七,《**乾隆四十八年销毁书目**》,记载了该年前后七次所销毁七十六种书籍的书名、著者、内容及销毁原因。第八,《**同治进药簿**》记载**同治帝**从患病到去世的脉案,证明他是患天花医治无效而去世的。


本辑还刊载了《**清代历史档案名词简释**》(续二)、《**明清浩敕命文书简述**》两篇文章。

本辑编选者:方裕谨、徐艺圃


编 者

一九八〇年三月






影印件四(1)




影印件四(2) 顺治五年封许尔安浩命

天壽運  
 皇初曰朕君位萬八位  
 初之本宜者亦之本顯  
 者方與朕共龍揚名  
 尊禮之則有子親武非  
 李王家而滿共車加為  
 平何但爾等任行人身  
 行人馬車多乃兵非車  
 馬有走司王事于儀之  
 父世為忠貞人與朕連  
 朕美甲英信多壯輝勳  
 職仗拉皇車播字當  
 顯 起符于南國爭御土播  
 事于東方爾乃車儀惟  
 度貪志以朕雖朕親之  
 本克責朕德之有人古  
 特贈爾為承德郎兵部  
 典史清吏司主事賜歡  
 祭至之恩賜為茂昌之  
 祚  
 如曰朕親斯世如有欲  
 守三從以不棄父四德

影印件二(1)

其美無華而立貞永夫  
 相存之節愛而顯敬遠  
 成機付之履歷典規彰  
 綸褒文績爾神武乃兵  
 部典史清吏司主事為  
 子禮之帶春嘉成性慈  
 你健身多故兒歌平算  
 結願五不違于天子商  
 文述于王事茂章奉使  
 之外爾于王爵為時兒報  
 先遺孤之立帶儀帥道  
 曹有死謀臣以皇恩特  
 封爾為承德人悅報青  
 飾之寵水賜加奉之光  
 隆慶六年十月十八日  


影印件二(2) 隆慶六年贈兵部車駕清吏司主事冯子履父母敕命



影印件三 天命丙寅年封佟延皓命



影印件一(1)的正文部分，文字排列整齐，但因图像质量较差，具体内容难以辨认。依稀可见为竖排文字。

影印件一(1)




影印件一(2)




影印件一(3) 万历十七年封赠刑部尚书李世达及妻浩命





图二 顺治十六年七月初七日兵部火票



图三 顺治十八年正月初八日  
安南将军安达礼火牌



## 顺治年间的驿递

编者按：顺治朝驿递史料，可以考察清初驿递制度，如各品级官员乘驿则例，驿马的购买，钱粮草料的销算等等。管理驿站官员，侵吞钱粮草料，转而派里甲，甚至有以人代马的悲惨情事，给老百姓增加很大的负担，造成了极大的灾难。由于明末清初战事频仍，许多驿站名存实亡，有的虽已恢复，但由于每日差繁苦累，马不停蹄，过往官员多索夫马，协济银两不得足额，夫逃马毙，地方官穷于应付，以致被迫自杀身死。这些史料是从顺治朝内閣題本、揭帖、黄册、户科史书中选出的，现在发表供研究者参考。

### 1 冀徽胤为良乡驿站协银拖欠过半事揭帖

顺治三年六月二十二日\*

巡按顺天等处监察御史冀徽胤为请旨申饬协济站银，以清积弊事。

驿递之苦匪朝伊夕，而在今日军兴之旁午，满汉之往来，百倍往时。故凡冲途驿递，俱于偏僻州县派拨协济银而，所以适均劳逸，哀益多寡，历来相沿，其法至善。无奈有司视为故事，任意拖欠，那缓就急，而实饱于奸胥之腹。协济既无，独力难支，点金无术，势不得不私派里甲，其害遂不可言矣。

职过良乡，县官攒眉相告，良乡协济约近万金，而各州县之拖

欠过半。即此一县，余可类推。除职严催催解外，伏乞天语通行严飭。凡协济站银，俱与正供钱粮一例考成，每年终，容职汇造清册送部，分别题参，重加罚治。盖严协济，而后可以革私派，利国利民，裨益匪小。

恭候圣鉴施行。为此除具题外，理合具揭，须至揭者。

(内附揭帖)

## 2 吴景道为河南驿站协济银必先拨足事揭帖

顺治四年四月初五日

钦差巡抚河南等处地方·提督军务兼理河道·都察院右副都御史吴景道为急复驿递原额，以苏民困，以疏国脉，以维久安长治事。

顺治肆年肆月初貳日准按臣罗国士会稿内称，百姓国家之根本，驿递国家之血脉。乃中州舆图为四达之咽喉，邮传加织，应接不暇，告协济，告设处，百姓固呼抢若崩，皇上睹此情形，不知几为陨涕。

查河南省驿递，原额每年共银伍拾陆万貳千壹百余两。又浙江等处，每年协济豫省南马银壹万貳千余两，今南马已不可问矣。现在征熟止有捌万柒千玖百叁拾余两。以此寥寥孑遗，供数拾余万之钱粮，此万万必不能行者。请教藩司，不拘何项钱粮，必先足驿递一项，然后议各项之存留起解，使百姓得以休息，有司得以抚养。叁年之内，熟地日多，赋额日充，即尽复昔日之额可也。

按臣具有全疏，职遵例祇述大略具题，伏乞皇上敕部覆请行，职等遵奉施行。为此除具题外，理合具揭，须至揭帖者。

(内附揭帖)

### 3 张存仁为真定县等处驿站困累难支事揭帖

顺治七年正月初五日\*

钦命总督直隶山东河南军务兼理粮饷并巡抚保定等府·提督紫荆等关兼管天津海防·兵部尚书兼都察院右副都御史张为冲驿势难支持，急察题请，以苏困累事。

顺治陆年拾贰月贰拾壹日，据井陘道臣原毓宗呈，据真定府呈，本年拾月贰拾捌日奉本部院批，据真定县申前事声称，卑职自本年正月莅任，即奉文官养驿马。止有见在马伍拾余匹，中间止可行差者十之二三。有名无实，倒塌难堪，后续买马壹百余匹。每日差繁苦累，马不停蹄，至今已倒毙壹百叁拾余匹，愈捱愈难，实非长久之计，恳乞本部院作主批示，以便遵行缘由申详。奉批，仰真定府速将真定县并伏城驿即查照旧例，协济马匹毋得怠缓，以致两驿偏苦也。奉此。酌议间，又据真定县申，为恳怜均苦，急整驿马，以疏国脉事。声称，卑职自承管驿马，差繁苦累，马多例毙，止存壹、贰拾匹，时常不敷应付，此上台所耳而目之者。若不急为救济，而冲驿倒塌，只在呼吸间矣。查得府属偏僻贰拾肆处，原有恒山驿协济马匹，近年协济站银目今无马行差，协银似属不便，恳乞备查往例，仍各责令协济马匹牵赴镇城分定班次，供应行差，庶众擎易举，永为经久之计，而国脉得以疏通，疲驿不致偏累矣。等情具申到府。

该本府看得驿递之苦，至今日苦之极矣。本府莅任以来，见恒山、伏城贰驿狼狈之状，与别驿大不相同。揆厥所由，恒山设在镇城，四通八达之地，繁难最甚。伏城系府北腰站，止壹驿官管理，以至卑至微之官，当此极重极大之事。又因上年东省阻塞，一切差遣俱由此路而行，以有限之钱粮，供无穷之费用，马毙夫逃，苦不胜言详。奉批据详拾柒州县暂行协济，终非从长之议，不若于原额协济银分发照数应马，是为正例，仰速行缴，遵照本部院批示，通融于偏

僻貳拾肆州县分派买马。除阜平额设站银原少免派外，其余貳拾叁州县，如晋州等壹拾叁州县，共买马玖拾肆匹，俱赴恒山驿。如桑城等拾县共买马陆拾叁匹，俱赴伏城驿。皆自顺治柒年正月初壹日照依册开派定马匹数目赴驿行差，庶众擎易举，可垂永久矣。等情呈详到道。

据此。看得恒山等驿自原额裁减后，困敝日甚，至莫可救药，千方百计，总属补苴之术，于残驿分毫无裨也。兹议各州县以原额站银买马，亲赴恒、伏两驿协济行差，余银即作草料工食添补买马之费，众擎易举，苦乐均分，此亦无可奈何中权宜救济之一法也。并马匹数目文册呈详到本部院。

看得今日之驿递，自本部院自都行沿途在在莫不称苦，而恒山、伏城两驿称苦尤甚。本部院于照任之初，即据真定知县张时成极言驿递倒毙之苦，随批该道府严查确议。今据详议于真定府所属晋州等貳拾叁处偏僻州县，各照该州县原额协济站银买马，发赴恒山、伏城两驿行差，余银仍作养马工料之费，庶众擎易举，而疲驿或可稍苏矣。

除将应买马匹数目文册咨送兵部外，本部院谨会同真定按臣苏京合词具题。伏乞敕下该部议覆施行。为此除具题外，理合具揭，须至揭帖者。

(内揭揭帖)

#### 4 明阿达礼题文武官员乘驿仍照官品酌量递减事本

顺治七年十一月初三日\*

兵部题，为钦奉恩诏事。

本年八月初十日奉到恩诏内一敕，天下驿递烦累，民力难支，凡乘传员役，一切应付事宜，通行酌减，仍严核骚扰，以苏百姓。钦此钦遵。臣等即通查历来增减旧案，仍照官品分注明白，酌量递

咸，恭请敕下臣部刊册通行永遵。其有骚扰地方，多索兼支与受同罪，法在必行是。又在该督抚驿传道为百姓加意厘剔，无为徇纵，庶地方实受其福也。除具题外，须至揭帖者。

计开：

凡文武等官奉有特旨驰驿者，夫马船只临时酌填。奉恩礼优崇特异者，另酌加增，不在限内。

一品官公、侯、伯奉差出京者，以礼回籍，给假治丧者。内三院各部院加太子太保以上官，奉差出京者，在外起升赴京者，以礼予告致仕给假守制者。以上俱给勘合，议夫叁十六名，马十二匹，水路船二只，夫马不兼支。近京四百里内，差夫十八名，马八匹。如在任在差病故，填给勘合，水船一只，不兼支夫马，陆车一辆，无车处，准夫二十四名，廩给俱不支。

二品官内院大学士、六部尚书、都察院左右都御史奉差出京者，钦取起升赴任者，予告致仕给假守制者，镇守总兵官、都督同知以上一品照二品例奉命起升赴任者，奉调远征有军器，酌量止拨车。衍圣公、张真人朝贺及袭封如带法师，加廩给一分，马一匹，掌事加口粮一分，驴一头。如系差官往回，止给马二匹，夫廩俱不支，以上俱给勘合。议夫三十名，马十匹。水路船一只，夫马不兼支。近京四百里，夫十六名，马六匹。如在任在差病故勘合，水船一只，不兼支夫马，陆车一辆，无车处，准夫二十名，廩给俱不支。

三品官六部左、右侍郎，都察院副都御史，通政司通政使，大理寺卿，内三院学士，顺天府尹，光禄、太常、太仆各正卿，国子监祭酒，左右僉都御史，以四品从三品例，奉差出京者，在外起升赴任者，以礼予告致仕给假守制者，镇守总兵官、署都督僉事，以上二品照三品例，奉命起升赴任者，奉调远征有军器，止酌量拨车，以上俱给勘合。议夫二十四名，马八匹，水路船一只，夫马不兼支，有诏敕加马二匹。近京四百里，夫十名，马四匹。如在任在差病故，填

给勘合。陆路与车一辆，无车处，准夫十六名，水路加船一只，不用马，廩给俱不支。

四品官内三院侍读、侍讲、学士，通政司通政，大理寺少卿，太常、太仆寺各少卿，鸿胪寺正卿，顺天府丞，翰林院编简见充经筵日讲及先任讲官，俱从四品例，奉差出京者，进表赴任来京者，给假守制者；布政司左、右布政使，以二品减从四品例，奉命起升赴任者，朝覲进表来京者，以礼政仕守制者，以上俱给勘合。议夫二十名，马六匹，水路船一只，夫马不兼支。有诏敕加马二匹。近京四百里，夫八名，马二匹，廩给一分。如在任在差病故，填给勘合，陆路与车一辆，无车处，准夫十六名，水路加船一只，不用马，廩给俱不支。

五品官翰林院侍讲、侍读，通政司参议，大理寺寺丞，光禄寺少卿，六部郎中、员外郎，奉差出京及守制给假者，以上俱给勘合。议夫十八名，马四匹，水路船一只，夫马不兼支。加有诏敕节册及典试，加马二匹。近京差无应付。如在任在差病故，填给勘合，陆路与车一辆，无车处，准夫十六名，水路加船一只，不用马，廩给俱不支。

六品官翰林院修撰，国子监司业，太仆寺丞，六部主事，大理寺正副，光禄寺丞，奉差出京者、守制者、给假者，以上俱给勘合。议夫十六名，马三匹，水路船一只，不兼支夫马。有诏敕节册及典试，俱加马二匹，夫四名。近京差无应付，廩给俱不支。如在任在差病故，填给勘合，陆路与车一辆，无车处，准夫十六名，水路加船一只，不用马，廩给俱不支。

七品官翰林院编修、简讨、庶吉士，给事中，御史，评事，进士，中书，行人，太常寺博士，奉差出京者，给假回籍守制者，銮仪卫堂上官不拘加至一品都督等衔俱减从七品例，奉差出京者，布政司参政，按察司按察使，副使，参议，金事俱减从七品例，奉差公务

赴任者，进表代覲来京者，行太仆苑马寺卿，盐运司运使同知，不拘三、四、五品俱减从七品例，在京领敕赴任者，进表代覲来京者，奉调监军督粮者，在任按行所部者，并解紧急钱粮马匹进京者，实授都司及副总兵、参将、游击不拘加至一、二、三品都督等衔，俱减从七品例，进表并在京领敕赴任。以上俱给勘合。议夫十二名，马二匹，水路船一只，夫马不兼支。有诰、敕、节、册及典试、巡方，加马二匹，夫四名。近京差无应付，廩给俱不支。如在任在差病故，填给勘合，陆路与车一辆，无车处，准夫十六名，水路如船一只，不用马，廩给俱不支。

八品官孔、颜、曾、孟、仲五经博士、国子监监丞、博士、助教、典簿，都察院经历，通政司经历，奎仪卫经历、知事，太仆寺主簿，五府各经历，鸿胪寺少卿，钦天监监正、副，俱从八品例，奉差出京者，孔、颜、曾、孟、仲五经博士，朝贺来京，仍照七品官应付，奎仪卫见任官不拘品级，俱减从八品例，奉旨勘事及别项题差出京者，在外各省府同知、通判、推官，盐运司副使判官，不拘品级俱减从八品例，奉调监军督饷随征者，初选云、贵、川、陕行都司地方者，武官都司、守备领敕由京赴云、贵、川、陕行都司地方任者，以上俱给勘合。议夫八名，马二匹，水路船一只，夫马不兼支。有诰敕加马一匹。如在任在差病故，填给勘合，与车一辆，无车处，准夫十六名，水路加船一只，不用马，廩给俱不支。

九品官六部、都察院、大理寺司务，国子监学正、学录、典簿，太医院院使，上林苑监正，太常、鸿胪寺寺丞、主簿，鸣赞、序班、□□太医院院判，上林苑监副，光禄寺署正，太常寺典簿，上林苑监丞、典簿、署丞，光禄寺典簿、署丞，太常寺奉祀，钦天监五官正等、五官主簿、博士，太医院御医、吏目，上林苑署丞，太常寺丞，光禄寺监事，俱从九品例，奉差出京者，以上俱给勘合。议夫八名，马一匹，驴一头，水路船一只，有诰敕加马一匹。近京百里，俱无应付，廩

给俱不支。如在任在差病故，察系正途出身者，填给勘合，陆路与车一辆，无车处，准夫十六名，水路船一只，不兼用夫马，廩给俱不支。

凡四夷朝贡入京，夫马廩粮、船只，察照人数方物填给。回日领有敕书者，如马一匹，有钦赐物件者，验实拨车。

一，在外都、布、按三司缺官，用首领官代进表箋，及府佐教职等官，应聘隔省考试者，俱准应付人夫八名，马二匹。其起解京边紧急钱粮，原无扛解水脚，特差督押官员人夫，及护从马匹银两车夫，听临时酌量多寡填给，不为定例，廩粮俱不支。其原有扛解水脚，及各项本色运京钱粮，委官采买成造者，不准应付。

一，在京各部委官运发边镇军器、银钱、胛衣、火药之类，或边镇差官守领应用车辆马匹，本部临时酌填，不为定例。廩粮俱不支。如系官商领银采买成造者，不准应付。

一，在京文职，如翰林院庶吉士，吏部等衙门观政进士，京府治中、京县知县，京学教授，京卫经历、兵马司等，即有近京公务不准应付。在任病故五品至七品正途，□及庶吉士准给勘合，陆路填夫十六名，马四匹。进士、京学教授，京卫经历，兵马司填夫十名，马二匹。水路各船一只，不用马。

一，在京武职，如在任出征病故，原籍远在千里之外者，准给勘合。副将至游击，应付夫十六名，马四匹。都司、守备应付夫十二名，马二匹。水路各船一只，不用马。

一，在外文职，如各府知府，行太仆苑马寺，盐运盐课司，正副提举等官，即有在任往来公务，不准应付。解紧急钱粮马匹进京，给勘合，应付夫八名，马二匹，廩粮俱不支。在任在差病故者，给勘合，七品以上准夫十六名，马四匹。八、九品官准夫十二名，马二匹。水路各船一只，不用马。

一，内外见任职官，察照会典成例，经由地方系京职方面以上



者，虽无勘合，亦令巡路兵快防护出境，仍许住宿公馆，量给薪水烛炭，不许办送下程心红等物。犹恐既无勘合，或滋诈骗，本部近年给与印信照验，应仍旧行。

一，在京初选出云南、贵州及四川行都司、陕西行都司，地方司府卫首领、教职、州县、佐领、仓场库务、巡驿、闸坝杂职等官，俱给火牌。系七品者，应付马一匹、驴一头，八九品及未入流者，止给马一匹。水路红船一只，廩粮俱不支，如系升授补选，非初选者不准给。

一，云贵会试举人、廷试贡生，俱给火牌，每名马一匹，廩粮俱不支，回还俱准换给。

一，在京、在外文武职官见任随征，躬亲战阵死于锋镝者，俱给勘合。文职七品以上，武职四品以上，陆路准夫十六名、马四匹。文职八品以下，武职五品以下，陆路准夫十二名、马二匹。水路各船一只，不□马。

一，本部及在外督抚按镇道等衙门，传宣军务，飞报贼情，及咨奏本章，紧急公务，方用火牌，每张填马不得过三匹，其余事情，不得一概滥用。

一，廩给口粮，照依题奉钦依数目，每廩给一分给银一钱，口粮一分给银伍分，钱照时价，如有违例，与受并究。

一，省直各衙门咨奏塘报等项公务，所需邮符俱要填用部发勘合火牌，验明方准应付，如有自发纸牌索取夫马者，一概不准应付，违者部科纠参，与受一体并究。

(内閣揭帖)

## 5 兵部为临清等处沿河水驿隸夫甚为民累事揭帖

順治八年四月十八日\*

兵部題，为隸夫甚为民累，仰祈圣明教部酌定成例，以苏残黎

事。

该直省总督张存仁题前事，奉旨：该部知道。钦此钦遵。抄出到部。奉批，司查说堂，速速送司。奉此。相应具覆案呈到部。该臣等看得临清等处沿河一带，设立水驿，原有额设绎夫，凡经过船只应用绎夫，自应悉照勘合内填定数目应付，何得累及百姓。此不独临清为然，自通湾水路，以至江浙地方，皆以派扰民夫为害，相应通行严飭，照旧责成该驿应付。其额设夫价银两，须令州县发给充足，毋得仍前派扰乡民。其往来奉差官役，有横恣多索者，登记姓名，即报该督抚按指实参究可也。

除具题外，理合具揭，须至揭帖者。

(内閣揭帖)

## 6 波洛等題真定府照各驛馬缺差繁困累難支事本

順治八年七月二十五日

戶部和碩端重親王臣波洛等謹題，為驛遞沖苦，馬斃莫支，懇乞疏題設法，以蘇疲困事。

福建清吏司案呈，奉本部送准兵部咨前事內稱，車駕清吏司案呈，奉本部送兵科抄出保定巡撫于清廉題前事內開，本年伍月初拾日，據井陘道金事原毓宗、定州道金事劉興議會呈，據真定府呈，蒙井、定兩道憲票，蒙臣批，該井、定兩道呈，蒙臣批，據定州等捌州縣申前事，切照真定府屬恒山等玖驛，乃玖省通衢，又兼東路梗塞，滿漢客使往來如織，每驛舊額有馬百匹者，有伍陸拾匹者。先年俱系富民承當，間有倒斃，隨倒隨補，尚有貼差幫馬，兩差繁且且不支。自順治貳年改官吏當養，差多馬少，止有倒斃，更無別項可以買補。昔之百匹者，止存伍拾余匹，伍陸拾匹者，僅存貳叁拾匹。壹日之間，麟砌交換，馬不停蹄，出差之馬未回，而坐索等候者彌集，雖以倒斃之工料多方雇募，然馬少差多，必致累斃殆盡，將驅何物以

应也。乞为题请买补，庶驿递不致倒塌等情。蒙批，仰井、定武道会议妥确，以凭具题行缴。蒙此。随会行真定府案议去后。

续据该府呈称，察看得府属玖驿之苦情，堪攒眉议复棘手。一苦于河间路阻，东道之差皆走真定，真定驿递领一府之额银，走两府之官差，驿官安得不窘于供应，驿马安得不累于倒毙。一苦于驿马自奉文官当，旧役富户尽释归农，遗交残马，死伤失额，无人买补，虽于倒毙工料银雇觅支应，然马少差多，终非久计，欲补无银可动。一苦于马归官当，独力孤擎，昔民应一马，而朋应肆伍人，尚有新加工料。察崇祯年间，岁支新旧站银共壹拾叁万肆千伍百零。自我清定鼎，减赋豁徭，钱粮悉照万历年全书征派，将节次新加工料银伍万玖千柒百零尽裁，驿所正岁支银柒万肆千捌百零。银既减于昔，差复增于今。马且缺乏无补，况又钦奉上传，凡马匹廩粮，地方官应付稽迟，许差官参拏，按事究治，功令森严，地方官员攸系最巨宜乎。有驿州县公详告急，请乞酌夺，或留协济河间肆伍年站银，或请拨解部起运壹贰款，或暂征裁减新加工料壹年，买马整立危驿缘由到道。会看得恒山驿递千艰万苦，府详备悉。今缺马，该府议留协济河间站银买补，无容复赘。至请拨解部起运暂征新加工料，明知内帑告急，明禁森严，但目击情形，为此千万无可奈何之呼吁耳。等因。照详蒙批，驿递繁苦不独恒属缺马，议留协济河间站银买补，似属未便。新加工料既经删减，亦难暂征。仰道再行确议，并将各驿原额马匹若干，今现存若干，倒毙应补若干，逐一分晰明妥，另详以凭酌题，缴。又蒙巡按邓御史批，该两道呈同前事，蒙批，候抚院详行，缴。蒙此，随覆行真定府确查去后。

今据该府呈称，行据井陘县回称，陘山驿额马伍拾陆匹，今存叁拾伍匹，倒毙应补马贰拾壹匹。赵州回称，部城驿额马伍拾匹，今存马骡贰拾玖匹头，缺额应补马贰拾壹匹。柏乡县回称，槐水驿额马伍拾匹，今存马贰拾贰匹，骡陆头，应补缺额马贰拾贰匹。新

乐县回称，西乐驿额马柒拾匹，今存马伍拾伍匹，倒毙应补马拾伍匹。获鹿县回称，镇宁驿额马伍拾陆匹，今存马骡貳拾貳匹头，缺额应补马叁拾肆匹。栾城县回称，关城驿虽有额马伍拾匹，差繁不敷应用。真定县回称，恒山驿额马玖拾肆匹，见在马骡肆拾叁匹头，应补马伍拾壹匹，伏城驿额马陆拾叁匹，见存肆拾貳匹，应补马貳拾壹匹。定州回称，永定驿额马柒拾匹，虽今见存尚不敷用等情。各申到府。覆看得真属驿递因累之由，前详备悉，无复缕赘。至于买马之银，点济无术，舍此前议无补救之策矣。伏乞转详，仍照前议亟题补额缘由到道。会详到臣。

该臣会同真定按臣邓孕槐看得，真定地当南北冲途，繁难称最。在明季驿马皆金派民间应当，及马有伤损，皆自行买补，每至倾家，以故民不聊生，酿成极乱。我清朝定鼎，首厘此弊。故自顺治貳年即改归官当，于是民困始苏，诚为国家极本之计。但师旅繁兴，羽书旁午，兼以东路阻梗，客使皆假道于西，真属接应殆无虚晷。若差使繁多，有每日用马百匹以上，甚至貳百匹者。于是马不停蹄，每致倒毙，求不失额其可得乎？马额日减，差仍日繁，势不至倒塌不止也！夫真定属驿当天下孔道，而应付中断，其以貽悞国家，诚匪细故，合宜早为调济，酌拨何项钱粮买补马匹，则原额不失，自可支持，诚为各驿长久之计。至于差使浩繁，或至百匹、貳百匹者，溢于原额，必须雇觅，以应一时。向以缺额马工料，权宜那雇。今额马旋补，工料有余，一旦差多，将何雇觅。合无从长酌量，议以何项钱粮那抵，雇觅之费，庶无废事，著为定式，如此则邮使一至永无稽悞，而驿政修举终无倒塌矣。等因。顺治伍年伍月貳拾叁日具题，貳拾玖日奉圣旨，该部知道。钦此钦遵。抄出到部。奉批。咨户部议覆送司。奉此。相应移咨案呈到部。拟合就行等因移咨前来。

又准兵部咨为畿南驿递苦累已极，恳乞敕部速议调剂，以整邮

政事内开，车驾清吏司案呈，奉本部送兵科抄出总督叁省部院张存仁题前事内开，照得时值多事之际，军兴旁午，羽檄交驰，而驿递应付之苦于今称最。然各省驿递或路通数处，或止供本省，而直隶地方乃神京孔道，当天下冲途，凡往来差使无不取由于斯，故繁难特甚，苦累莫支。前据井陘道呈详真定恒、伏貳驿请求协济，业已具疏会题矣。今臣自都门至广大，目覩驿递繁苦，马倒夫递，处处皆然，而在在官民莫不称累，请马求济，文状迨无虚日，若不亟为调剂，恐驿路中断，关系匪轻，相应具题，伏乞敕下户、兵貳部将畿南驿递工料不敷作何协济，马匹缺少作何补给。至于河北磁、彰、卫、怀等处，驿递接壤，洺、邯均属犖毂要路，苦累同然，应为一并酌议。庶邮政不致废，而官民之累稍苏矣。等因。顺治柒年叁月初陆日题，本月拾伍日奉旨，户、兵貳部知道。钦此钦遵。抄出到部。奉批。会户部议覆送司。奉此。相应移咨案呈到部。拟合就行各等因到部。送司。奉此。案呈到部。

该臣等看得驿站之苦，真定称最，该总督抚按连章累牍，不一而足者。盖因工料在昔尚苦不足，后而减去伍万玖千，无米强炊，欲驿递之不日苦日倒得乎？既经督臣张存仁、抚臣于清廉、按臣邓孕槐屡疏具题。臣等深思，定鼎之后，往来之兵马未息，道路之通塞非旧，驿站有昔冲而今僻，钱粮有此多而彼少，督抚按目覩时艰，所以有驿递冲苦马毙莫支之请也。合无敕下督抚按，查所属州县，有存留裁剩银而，合盘打算，是否足用。若缺额不足，酌于附近州县某项可拨协济，永为定额。每年州县照数支解，年终报部查核。庶驿站免倒塌失额之泣，州县无那移拨补之扰。如有司并各衙门扣剋侵冒私派等弊，督抚按严查参究。

既经该司案呈前来，相应议覆，恭候命下，臣部转行遵奉施行。缘系驿递冲苦，马毙莫支，恳乞疏题设法，以苏疲困事理，未敢擅便，谨题请旨。

批红，是。

(内閣題本)

## 7 波洛等題山西驛道苦累難支急議調停事本

順治八年八月二十八日

戶部和碩端重親王臣波洛等謹題，為郵傳苦累難支，急議調停，以濟時艱事。

山西清吏司案呈，奉本部送戶科抄出山西巡按御史劉達題前事內稱，竊照晉驛之苦，數倍於他處，晉驛目前之苦，尤數倍於往時。蓋川陝之役，不取道於河南，并出於山右之一途，差使日繁，支應日困，年來飢僅相仍，草料日貴，而額設錢糧，日以不敷。即仰奉嚴旨，督令官養，終不能不累民間之私幫者，良由勢不能支，即尽有司而糾之，而無調停之實，終亦官民同累。查晉中除拾貳邊站外，通行民站，共肆拾伍處。買馬原無額銀，止是每一驛馬，除馬夫工食柴兩貳錢外，每年銀貳拾兩，無論驃壯即救死且不贈。況夫馬銀兩，半取諸他府他州縣之協濟。在走遞者輪蹄刻不容緩，而協濟者緩急漠不相關，考成弗載，疾呼不靈。今據陽曲等縣，日以告匱申報，臣與驛道藩司持籌審酌，買馬無銀，難以足額，量為酌定，以期實用。而驛有冲僻，勞有偏苦，量減僻緩，以益冲繁，不煩加增，不扰幫貼，總此晉驛之額銀，一轉移間，每一馬及馬夫工食草料銀，計壹年可足叁拾陸兩，而馬有實養矣。至於某縣某驛歲用若干，即在本縣正項內動支，以濟急需，而他處之應協濟者，令解布政司轉抵各縣之正項，一轉移間，而錢糧亦有實用矣。此按馬計費，止有不足，並無贏余，若過往差使豪橫需索，費將何出？臣惟有力行指參，在本省者，臣追令補驛，系他差者，報部追補，庶倒懸之郵傳其稍苏乎。除取據驛道開造馬數清冊送兵部外。臣謹會同撫臣劉弘通合詞具題，伏乞敕下該部，如果臣等議言不謬，速行覆請。再照驛

递有小建扣银各年不等，念系差繁苦累，并乞覆免施行。等因。顺治捌年陆月初貳日题，本月貳拾壹日奉圣旨：该部议奏。欽此欽遵。抄出到部送司。奉此。相应议覆案呈到部。

该臣等看得山右驿递之苦，按臣刘达查因协济不前，以致驿递倒废，欲减僻益冲。议以本州县之正项，用补本驿之急需，而以外州县之协济，汇解藩司，抵补正项，是诚一时权宜之计，应如所请，仍将冲僻增减过确数报部查核可耳。其扣小建银两，是又些须之余粒，亦应免扣，以济枵腹之用。至于差使索扰，惟祈严教抚按查明指参，庶豪横知敛戢矣。

既经该司案呈前来，相应覆请，恭候命下，臣部转行遵奉施行。缘系邮传苦累难支，急议调停，以济时艰事理，未敢擅便，谨题请旨。

批红：依议。

(内属题本)

## 8 李敬题临湘驿站以人代马惨不忍睹事本

顺治八年十二月初四日

巡按湖广湖南试监察御史臣李敬谨题，为驿递奇惨骇闻，官吏积弊久锢，据实参发，仰祈圣鉴立断，以活残黎事。

臣屡捧读上传，遍观在廷诸臣之疏，未尝不念恤驿深至也。但欲救弊，必穷弊源，欲杜害，必拔害本。处今日而谭驿困，舍官吏那移乾没，而谁问乎！未闻冤惨蔽天，使孑遗生灵剜肉割骨，磨累无已，如临湘县云、长两驿之甚者也。臣巡历临湘，驿舍倒坏，有鸱形鹄面之民，叁人共持壹竹兜而候于道左。问其故，曰：以人代马。问其何以有此。人曰：临湘拾里百排，每排出银叁两陆钱支应壹月，每月每年不可胜穷，半亲役，半雇募，数年于兹矣。臣闻之不觉此心如刺，挥泪令归，书役徒步前行至县。百姓遮道而泣。又问之

各官云：临湘驿站例有存留协济银两。臣思既有存留协济，则不应劳困百姓，既拾里百排每月应递，则存留协济之银，销于何项乎？且马经官养，立法甚善，毋论临湘藐玩不遵，而竟以官银入囊，使兵火残黎，肩挑担负崎岖，疲死于山险之中，春夏既废农桑，秋冬又苦风雪，马尚可憫，况人乎？人为夫不贍，又以人为马乎？逃亡比屋，恐将来之拾里百排，亦有难为皇上生聚者矣。除存留协济仓口额载全书，无容臣赘外。其临湘知县朱挟猷已被抚臣甄参，据其没银实多，势难缓纵。守上荆南道王璠钱粮专责，法当并问，前已经臣特纠。同知黄运泰接署县事未久，屡以病辞。平江县知县高压协济不应，有无吞噬，其一切经管之官，经承之吏，务期彻底澄清，容臣檄行。武岳两厅官，核实销算，节年侵没拖欠，归着情形，一并揭报，另疏入告。盖微臣耳目所限，废弛何止临湘，不如是则楚驿不立，楚驿不立，则楚民不安，而臣亦仰负皇上任使矣。

抑臣更有请焉，临湘以人代马，百姓旦夕莫支，计目前难复旧额，赃入官胥，库藏扫地，亟行追比，未必湊泊，一时愚敕府县正饷内，动支银壹千伍百两，部覆议价买马暂苏喘息，俟来岁开征于积欠内扣补，或于赃银内追还，则又皇上浩荡洪恩，而微臣所切为呼吁者也。

臣谨会同督臣罗绣锦、抚臣迟日益、偏沅抚臣金廷献，合词具题，伏乞敕下该部议覆施行。缘系驿递奇惨骇闻，官吏积弊久锢，据实参发，仰祈圣鉴立断，以活残黎事理，未敢擅便，谨题请旨。

批红：著察议具奏。该部知道。

（内閣題本）

### 9 藍拜題縣令違驛馬官養之旨苦累里甲事本

順治九年五月十九日

刑部尚書固山額真臣藍拜等謹題，為驛馬奉旨官養，縣令違



禁，私帮侵冒站银，苦累里甲，谨据实纠参，用伸法纪事。

陕西清吏司案呈，奉本部送刑科抄出陕西总督孟乔芳题前事内开，据陕西按察司呈，问得查名刘之英，年贰拾岁，西安府同州澄城县兵房书办，状招有先存今故本县知县姚钦明，贪婪有声，以致疏参。一查该县伍、陆、柒年底簿，止开草料工食，未开马价。白龙里见年刘自朋等供，每里买马壹匹，其马系民买，可知有违禁例。审据在官刘自朋供称，顺治肆年澄城失陷，驿马被劫，前任另案杖革。知县王之佐著甲下买马贰拾叁匹，除协济黄龙山马壹匹，留马贰拾贰匹。王知县去任，交与署印理问赵燠，赵燠交与姚知县，交代册可据。伍年倒马玖匹，买补各价不等，官银贰百贰拾陆两。陆年原倒马陆匹，之英不合捏倒死马捌匹，买补价值不等，共开销价值贰百贰拾捌两。姚知县发价每匹短少银伍两，共扣银肆拾两。之英又不合于内侵欺冒破马贰匹，银肆拾两，入己讫。又柒年自朋赔买马壹匹，使银叁拾两，姚知县照数开销站银，未给自朋分文。审在官里长范宗诏等供同。

查雇夫喂马。如通政里见役王长有，雇安耀庭每年与银拾两。仁千里见役党应禄，雇本户党夙务应当马夫，每年与银柒两。白奇里、范宗诏雇苏必荣与银伍两管饭。扶龙里丁养气、白龙里刘自朋雇刘自宾与银捌两、米壹石。太平里杨加兴雇马夫杨复卿，每年与银捌两管饭，审据各见役之口可凭。其各有歇家，则给包揽银叁百两，各本人证。审据范宗诏等供称，本县在号马夫壹拾壹名，姚知县因不足使用，外在里下又叫金报拾名。每日走差，回马去时官给草料，回来一路草料皆小的等自备，马回到县，交与在官在号马夫路玺等喂养。各马夫俱有歇家，不过打发饭钱，原无给包揽银叁百两情由。审党应禄等供同。一查该县簿内，有支银数目，未开买草豆若干，收有草料数目，未开用价若干，事属蒙混，中有冒破。审据路玺供称，发买草豆各有收支底簿，原无冒破情弊，惟是亏短价值，

每豆壹斗亏价壹分伍厘，每草壹百斤亏价壹分伍厘。伍、陆、柒年共买豆陆百叁石肆斗叁升，共亏价玖拾两伍钱壹分肆厘伍毫。草贰拾万陆千肆百伍拾斤，共亏价叁拾两玖钱陆分柒厘伍毫。本官扣收入已讫。一查该县协济潼关每马壹匹，带银捌百两，士民庞舍朴、李进举等证。审据在官。庞舍朴供称，澄城原有协济华阴站银，华阴该在潼关走马叁匹，后华阴募夫告准令澄民代走，因此柒年小的太平里与太贤里、阴泉里共叁里，同往潼关走马叁匹，该领工食银叁百贰拾壹两，俱领讫，领状可据。此外小的们因路冲差繁，每马壹匹伺候贰叁匹仍不足用，原在潼关查里约使费银柒百余两，不与本官相干。一查该县工食俱支给马夫，路玺见年养马，未见壹钱，此辈滥支工食，又索民帑，刘自朋等证。审据路玺供称，本县原额马贰拾叁匹，除协济黄龙山马壹匹，实在马贰拾贰匹，额马夫壹拾壹名，又撤塘马夫肆名，共壹拾伍名，每年共额工食银壹百捌两。柒年春夏贰季，玺等共领过工食银柒拾捌两玖钱陆分，领状有据，俱在号马夫领食讫。玺又不合在于各里金报马夫拾名内，每名每月私索带银玖钱，拾名每月该银玖两。自柒年贰月起至玖月止，共私带银柒拾贰两，又向各里讨稿劳银捌两，麦贰石，俱玺入己讫。审在官柒年见役刘自朋等供同。柒年陆月内蒙总督孟尚书牌行驿传道，查出钦明等前项情弊，同咸阳县知县张宽具疏厘参。顺治柒年玖月拾肆日奉旨：张宽、姚钦明俱革了职，并本内有名人犯，著该督抚提问追拟具奏。该部知道。钦此钦遵。抄出到部。

移咨总督孟尚书，又咨巡抚马都御史俱行本司，转行西安理刑厅。依蒙行问，钦明具恳鉴独冤，愿开汤网情词赴巡抚马都御史处呈批，仰按察司查报，依蒙转行到厅，该推官冯班行提姚钦明并各犯到官审问，各证止供姚钦明扣马价肆拾两，将扣刘自朋赔马银及草料价银并刘之英捏报马侵银情由未曾供明，致准问拟路玺杂犯徒罪姚钦明、之英各不应杖罪招解本司详批，姚钦明侵扣站银，原

款数虽未指而理则甚明，今逐款为之支饰，仅以微赃塞责，不思当日驿传道查时，悉凭里役之口与对证之簿，亦将谓风影捕捉耶！仰厅会同西安府逐款磨勘，简招妥拟报依蒙吊唤姚钦明等一千犯证到官，该推官冯班会同知府孟继昌覆审各证，将前情供吐明白。看得养马之弊，上干功令下系民艰，姚钦明敢违明旨而董董不怍，罪复何辞。卑厅凜遵宪驳，会同本府逐款覆核如扣克马价与刘之英捏开倒死前供已确，无容复喷。又伍、陆、柴等年发银召买豆草价银总计亏其值者，壹百贰拾余金焉，各里何幸受此赔累乎！其外思长雇夫私帮渔马审无染指，姚钦明、刘之英、路玺分别拟徒褫革示儆，事在款前，统候宪裁问拟，姚钦明、之英、路玺各徒罪招解到司。

该本司按察使于时跃覆审，看得养马不许派累民间，屢廛天语，非不极为严切，不意藐玩。如知县姚钦明者，心存贪墨，罔恤民瘼，发马价则克扣站银，买草料则短少价值，以及里役赔马扣银入己，种种违禁累民，追贓拟徒，其何辞焉。衙役刘之英侵冒马价。马夫路玺索帮多金。均属非法，分别各徒，允宜查钦明等事犯款前应免罪追贓，以广皇仁，伏候宪裁问拟。姚钦明杂犯徒罪，路玺在官求索，刘之英诈欺取财，各徒罪招，呈军门孟尚书详批，仰候会题，缴。依蒙遵候问。又蒙本部院宪牌，查潼关虽称冲途，然不过与华阴、华州、渭南各驿等耳，万无一马每年费至柒、捌百金之理，既称与官无干，即系驿棍冒破，况奉旨官养而又私派里下帮站可乎！未经究明，有碍具题，合行查审。为此仰司官吏文到，即提庞含朴等一千人犯到官，覆加严讯，原在潼关查里，约使费银柒百余两，出之何项，作何使费，经手者何人，姚钦明曾否知情，有无干涉，务得确情速具招报，以便具题，毋得耽延钦件也。

依蒙备行到厅，即行提庞含朴等。随据长安县申据，咸宁县典史陈朗结称，犯官姚钦明今于本月拾陆日身死，申报本厅相验明白，呈报本司，转报各部院讫，随吊唤李进举到厅，该冯推官审据庞

舍朴供称：当年因关马不足，走递原是里民自家私帮，每匹费许多银子，本官并不知情，其经手就是李进举、刘于朝这几个人，其银都使费在雇觅及各乡民往来食用，叫如今那里去追究，进举们自当见役后，都已家产尽绝，且当日雇觅食用多人，亦不能记得是谁，如今逃者逃，死者死，年代既多，又经皇恩大赦，这银子实为地方公务使费，并无扣落情由。据此，看得姚钦明一案驳勘关马多帮盖柴年以前关门多事驿逃较难，李进举等赔累不堪，澄民不忍坐视，私相帮助，此从公起见，县官实未之知也。再三穷鞠使费项款，或以雇觅贴走而日久人亡，或以往来食用而事过星散，进举等未尝扣落分毫，已费之物，难以追求矣。且钦明业经病故，而进举辈向因走逃产破倾家，鳩鵲之形奄奄待毙，当此皇恩肆赦之后，饶尽法穷追不几，欲安民而反累民哉。应照原拟，伏候裁转问拟之英等，各前罪招呈到司。

该本司覆详无异，看得此案官役侵扣贖私，前审已无遗情，无庸再议。至协济撞关马匹查款，当柴年以前，关门来往繁多，正供不足，赔累难支，澄民公派帮助，与县官原无干涉也。且日久人亡，据供业已实费，似难过为深求。姚钦明已经物故，相应免议，名下赃银著落伊子姚衍洛追纳。刘之英、路玺各照原拟赦罪追赃。伏候宪裁，将之英等取问罪犯，议得刘之英等所犯，路玺合依豪强之人求索财者，并计赃准不枉法论捌拾而律，杖玖拾，徒贰年半。刘之英依诈欺官取财者计赃准窃盗论免刺陆拾两律，杖柒拾，徒壹年半。刘之英系书办、路玺系马夫，俱革役，但事在赦前应免罪追赃。合候具题，请旨发落。照出徒罪刘之英、路玺只罪遵赦俱免。其姚钦明原短少马价银肆拾而，又冒破刘自朋买赔马价银叁拾两，又发银买豆亏价银玖拾两伍钱壹分肆厘伍毫，买草亏价银叁拾两玖钱陆分柒厘伍毫，应在本官家属姚衍洛名下追纳。刘之英冒破开买马贰匹，破银肆拾两。路玺索帮各里工食银柒拾贰两，又私索里下

稿银捌两、麦贰石，值银贰两，应入官。并姚钦明赃银俱追贮澄城县官库，听文支销，取实收缴，报具招呈详到臣。该臣看得驿站苦民，全在帮贴私扣之弊，屡奉圣旨禁革最为严切，何物姚钦明身为县宰，罔恤民艰，于马价内克扣多金，仍于草料内亏短其值，贪污殃民，莫此为甚，然已物故，应从免议。其原受之赃在于家属姚衍洛名下追纳。至于刘之英、路玺或冒破马价，或索帮里甲，赃各有据，并徒何辞，但犯在恩赦之前，俱应免议追赃者也。既经问明呈详前来，臣谨会同陕西抚臣马之先合词具题，伏乞圣鉴勅部覆议施行。等因。于顺治玖年叁月拾玖日题，肆月初肆日奉圣旨，刑部核议具奏。钦此钦遵。抄部送司。案呈到部。

该臣等覆核，看得知县姚钦明罔恤驿站之苦，马价草豆多方扣短，计赃壹百玖拾余两，今物故免议，赃仍著落家属照追。书役刘之英冒领马价，马夫路玺需索帮贴，各徒不枉，查犯在赦前，俱免罪革役，赃各照追马价帮贴入官，亏短草豆价给主。缘系驿马奉旨官养，县令违禁私帮，假冒站银，苦累里甲，谨据实纠参，用伸法纪事理，未敢擅便，谨题请旨。

批红，刘之英等依议。

(内閣題本)

## 10 白尚登題備陳驛遞困難之源流事本

順治九年六月初八日

廣西道試監察御史臣白尚登謹題，為備陳驛困，懇賜厘飭，以疏郵政，以蘇民累事。

竊惟分途設驛，量繁簡定工料，官應而不擾民，其制法最良且善，乃今在在告苦，處處稱累者何也？其受困有源，一曰工料不繼，何能枵腹行差。查得會典一款，驛遞支用銀兩，俱要先期完解，如春季分應用者，于上年冬季終解到。夏季分應用者，于本年春季終

解到。若然，则夫马饱腾，于应邮传也。何有如地圈缺额，宜令预为申请，速行拨补，庶无误于军机。一曰驿马不足，北直虽系部发官当，乃疮病倒毙外用买补，奈无此项钱粮。查得会典所载，江南、江西、浙江等处，倒有协济各驿马价银两，合无仍照明季给文各自催取，以为贴补买马之需，庶无误于驰驱。一曰行粮无措，凡过往廉给，盐菜米豆草束随到随支，刻不容缓，奈无额储供此项者，非那移以应，必设处而给。夫那移者，侵刻之端，设处者扰民之渐，总不派取里甲，亦须贷借铺商，夫铺商驰非民乎？似应从长妥议，如近畿圈占缺额，州县免行支給，庶不至于扰民。

其被困有流。一越站伤马，宜禁不许骑越。一包重压马，照会典注定斤数。一满人走差〔无得下路跑马追兔〕。凡此皆致马倒毙之由，无怪乎随发马出，〔旋解〕皮入也。一扛抬过重，人夫畏难而逃。一痛笞驿卒，各役惧虐而散。一挨门拨夫护送过往，使民不得休息。一沿村拿夫赶马拉牵，使民不得安业。凡此皆驱民逃窜之端，无感乎生齿日消，人户日徙也。似此夫逸马毙，驿站哽噎，此臣所亲尝而躬历者。备陈于圣明之前，如果臣言可采，伏乞敕部速议，通飭着实举行，务令澄其源，而清其流，邮传幸甚，民生幸甚。

缘系备陈驿困，恳赐厘飭以疏邮政，以苏民累事。具本谨题请旨。

批红：该部议奏。

（内附题本）

## 11 车克题驿站累民已极严禁私帮私派里甲事本

顺治九年七月二十四日

户部尚书臣车克等谨题，为驿站累民已极，官役蒙混私帮，据实纠参，仰乞圣鉴事。

湖广清吏司案呈，奉本部送户科抄出刑科外抄，先该巡按湖北

御史聂玠题前事内称，窃照我皇上亲政以来，驿递之禁不啻严矣。臣仰遵明纶谆飭至再，亦不啻家喻户晓，期于官喂官走，尽革多索私帮等弊，故置立循环贰簿，按季报查。如承差张国政多骑驛马，臣即一面行道查究，一面移会督臣，已经督臣疏告多索之风知取矣。臣又密查私帮之弊，如江陵县阳托官养之名，阴行包当之实，不遵前禁，私派里民。臣随行该道臣彭三益、推官陈兆鸾确查。据详兵房经承韩相通同积棍杨茂之、段子玉、吴泰、岳相等，捌年实系包当，除正项工食外，每粮查石科银壹钱不等，计银壹千捌百余两，排夫玖拾玖名，夫头焦忠、张明、谢锡派索里甲，亦至数百余两。臣阅之不胜骇异，值此功令严切，而犹以残里之膏脂，供积蠹之腹吸，可谓目中尚有法纪乎！第赃私尚未查确，经管知县楚心孟已经奉旨休致回籍，本官亦不知有无染指。臣批行驿盐道会同分巡上荆南道严行究审外。事关私帮大弊，理合据实纠参，臣谨会同督臣罗绣锦、抚臣迟日益、治臣赵兆麟合词具题，伏乞圣鉴，敕部查议行，臣等究拟施行，庶各驿咸知儆惕，而驿站不致重困，里民得以休息矣。等因。顺治玖年伍月贰拾伍日题，陆月拾肆日奉圣旨：著严察究拟具奏。该部知道。钦此钦递。抄出到部。送司。奉此。相应议覆。

该臣等看得驿站私帮私派，皆因官役攘夺之借名，奉旨严禁非一，面楚属之江陵县经承韩相等仍敢违禁私派科索多赃，所当遵旨严查究拟者也。惟官养为名实行科敛，不止楚之江陵一县为然，应敕各督抚按严行刷厘，如有州县正项外，敢行私帮私派分文，滋扰病民，循实题参，从重议处。倪互相瞻徇，别有奏闻，督抚按并难辞其咎矣。

既经该司案呈前来，相应覆请恭候命下，臣部转行遵奉施行。臣等未敢擅便，谨题请旨。

批红：是。著通行严飭。该部知道。

（内閣題本）

## 12 何承都为酌议陕甘冲僻驿站通融协济之法事揭帖

顺治九年八月二十六日\*

巡按陕西甘肃监察御史，为酌议冲僻通融协济之法，乞敕部议，以苏民困，以均皇仁事。

职奉命两河，每巡历所到，钦遵功令，贪吏必纠，民苦必陈，务期肃清安辑，仰副皇上简命至意。而秦民最苦者，莫如驿站一事，职前协济考成一疏，荷蒙谕旨飭行矣。乃秦地之困于驿站者，与各省又有异焉。其一为今昔不同，冲僻各异也；其一为孤边莫措，冲僻各异也。总因协济不均所致，职备行两河十道临、巩二府查明。随据靖远道刘景云分巡陇西道于之士等详报，查得两河昔日由平凉进京，安定、会宁为冲。今日由关陇进京，清水、秦伏、宁陇等处最冲。川蜀用兵，往来络绎，秦、徽、西、礼、阶州等处尤冲。今查协济之揭，如徽州昔年额协安定站银壹百叁拾玖两捌钱玖分叁厘贰毫五丝，礼县协银捌百四拾壹两玖分陆厘五毫，西和协银陆百五拾四两叁钱四分叁厘，阶州协银捌拾柒两六钱四分贰厘五毫，秦州协银壹百壹拾贰两叁钱捌分五厘五毫，通渭协银壹千贰百捌两柒钱四分壹厘六毫五丝，秦安协银捌百玖拾贰两六钱五厘。又徽州昔年额协会宁站银壹百叁拾玖两捌钱九分叁厘贰毫五丝，礼县协银捌百四十壹两九分六厘五毫，西和协银六百五拾四两叁钱四分叁厘，阶州协银捌拾柒两六钱四分贰厘五毫，秦州协银壹百壹拾贰两叁钱捌分五厘五毫，通渭协银壹千贰百捌两柒钱四分壹厘六毫五丝，秦安协银捌百九拾贰两六钱五厘。夫昔僻今冲之秦、徽等处，疲倒偏累，而昔冲今僻之安会，坐享溢额，此官民嗷嗷呼困矣。职所谓河东今昔冲僻不同，其各处协济额数应为通融者也。

查得河西一带西宁、庄浪，近喇嘛活佛来京，大人缤纷如织，兵马一到，道厅仰屋莫措，百姓逃亡，日日见告，有通堡哭遁，如庄



浪参将褚云龙报通远堡者。第查西、庄从无协济之额，而甘肃极边雕残之余，自顾不支，难言协济，惟有凉州安籍稍可议济。且越站一款，据兰泉驿召夫告诉，屡被苦水越过兰马，致累倒毙。及查在城驿马匹疲羸充数，即行庄浪兵备道冯士标极力振饬。乃本官因循苟且，毫无整额。而西宁一线绝徼，兵民枵腹屡闻，职所谓河西孤边莫措，冲僻亦应通融者也。

职窃议得河东安定、会宁、金县，今称静僻，秦、陇、渭、狄等处，今称冲疲，则应停免安会协济之额，均融通恤秦、陇等州县。而河西五卫，惟凉州稍僻，庄、西既旧无协济，正项无可轻动，或将凉州酌量均济。同为皇上赤子，使苦乐适平，职乌菟微见，所祝祷者也。伏乞皇上敕部查议。如果职言不谬，将秦、徽等州县协济安定、会宁站价，西、庄、凉三卫和盘通融，斟酌定规。至冯士标坐视越站，以致偏累，虽经升任，并乞议处，以励振刷者也。

为此除具题外，理合具揭，须至揭帖者。

(内两揭帖)

### 13 王亮教题道臣亢发祥不按勘合多索夫马事本

顺治九年九月十八日

巡按河南带管屯田试监察御史臣王亮教谨题，为恤驿屡奉严纶，道臣故违过索，谨据申特参，以信功令，以儆将来事。

臣惟驿递之苦至今日已甚，中州之冲较他省更难。故内外臣工每切切以疲因为请，皇上亦屡屡以骚扰为禁，颁文颁告，不啻严切，或官或民无弗闻见。臣又恐布告难周，致虚朝廷德意宣扬未遍，有伤误犯官民，每奉咨札，必遍行晓谕，凡事接替处所，见今榜示重叠，使本驿人员务仰体我皇上矜恤之恩，不以夫马当人情，往来官役亦仰遵我皇上严饬之旨，不以需索。滋邮累驿递之困，或亦可以少苏，何竟有大谬不然者。

如宁陵知县侯国泰申报，南来新任昌平道亢金事，持江南驿传道，奉总督部院马都御史批给原任亳州知州亢发祥勘合壹道，内注夫拾贰名，马贰匹，于玖月初陆日卯时到县，随照依勘合夫马应付外，多索马匹，不肯起行。至次日锁拿兵房，索银叁两，仍将抄牌书役马天才责贰拾板，多索夫玖名，复押至号房强拉马叁匹，背包骑用，随据天才等将情禀县。该本县看得昌平道亢金事，初陆到县，锁拿兵房，索银叁两，仍痛责抄牌书役马天才、探马高臣各贰拾板。似此武骑虎列，气焰薰天，人人畏威，莫敢与抗，多索夫马，为所欲为，缘系违旨骚扰，理合具文申报。等情。据此。

又据杞县知县王永茂声称，新任直隶昌平道亢发祥，本年玖月初捌日，由杞经过本县，查照勘合内，止马贰匹，夫拾贰名，不意该道额外多索马叁匹，夫玖名，且将夫头马头鞭棍乱打不计其数，仍将夫头董自登复责伍板，执事人役索要拾捌名，使用不尽，折钱伍千壹百文，拟合申报。等因。通详到臣。

案查柒月初捌日，臣已奉都察院勘札兵科抄出户科右给事中杜筠枯题，有驿递苦累查疏内，该兵部覆称，无论满汉奉差官员，如有额外需索，鞭撻苦害等情，该抚按即指名飞章参奏，以凭敕究业，奉有依议之旨，煌煌天语，发祥独未之闻乎？况祥既升转昌平，虽未抵任，俨然方面官员也，乃轻事敲朴，既不顾于严旨有违，滥行需索，又谁谓于官箴无玷，叁两伍千之私折，即日无多，叁马玖夫之多索，渐岂可长，况两邑若此经历贰千余里，如杞与宁者又不知几多也。悖旨藐法，安望其表率僚属哉。既经各县申报前来，相应会同督臣马光輝、抚臣吴景道合词具题，伏乞皇上敕下该部将亢发祥从重议处，庶将来之官役知儆，而驿递之困苦少苏矣。

缘系血驿屡奉严谕道臣故违过索。谨据申特参，以信功令，以儆将来事理。臣等未敢擅便，为此具本专差快手高登云赍捧，谨题请旨。

批红，亢发祥著从重议处具奏。该部知道。

(内閣題本)

#### 14 车克题驿站行粮照时价于正项钱粮部开销事本

顺治九年十月二十三日

户部尚书臣车克等谨题，为备陈驿困，恳赐厘饬，以疏邮政，以苏民累事。

福建清吏司案呈，奉本部送户科抄出广西道试监察御史白尚登题前事内开，窃惟分途设驿，量繁简定工料，官应而不扰民，其制法最良且善，乃今在在告苦，处处称累者何也？其受困有源，一曰工料不继，何能枵腹行差。查得会典一款，驿递支用银两，俱要先期完解。如春季应用者，于上年冬季终解到。夏季分应用者，于本年春季终解到。若然，则夫马饱腾，于应邮传也。何有如地圈缺额，宜令预为申请，速行拨补，庶无误于军机。一曰驿马不足。北直虽系部发官当，乃疮痍倒毙外用买补，奈无此项钱粮。查得会典所载，江南、江西、浙江等处，倒有协济各驿马价银两。合无仍照明季给文，各自催取，以为贴补买马之需，庶无误于驰驱。一曰行粮无措。凡过往禀给盐菜米豆草束，随到随支，刻不容缓，奈无额储供此项者，非那移以应必设处而给夫。那移者侵克之端，设处者扰民之渐，总不派取里甲，亦须贷借铺商，夫铺商独非民乎！似应从长妥议。如近畿圈占缺额，州县免行支給，庶不致于扰民，其被困有流，一越站伤马宜禁，不许骑越。一包重压马，照会典注定斤数。一满人走差，无得下路跑马追兔。凡此皆致马倒毙之由，无怪乎随发马出，旋解皮入也。一扛抬过重，人夫畏难而逃。一痛笞驿卒，各役惧虐而散。一挨门拨夫，护送过往，使民不得休息。一沿村拿夫，赶马拉犂，使民不得安业。凡此皆驱民逃窜之端，无惑乎生齿日消，人户日徙也。似此夫逃马毙，驿站哽噎，此臣所亲尝而躬历

者，备陈于圣明之前，如果臣言可采，伏乞敕部速议通飭，著实举行，务令澄其源，而清其流，邮传幸甚，民生幸甚等因。于顺治玖年陆月初捌日题，本月初玖日奉圣旨：该部议奏。钦此钦遵。抄出到部。送司。奉此。相应议覆案呈到部。

该臣等看得台臣白尚登条议驿困一疏，如驿马不足及越站伤马等弊，已经兵部议覆外。其行粮一项，臣部久有定例，各州县支应过数目，俱照时价，在于正项钱粮报部开销。至于工料缺额，自当申请，酌为拨补。近该按臣陈棨具有畿辅民困已极，请定画一协济一疏，已奉谕旨，行令督抚按，通查各州县缺额工料，酌定协济，用垂永久，候查明具奏，臣部覆请定夺可也。

既经该司案呈前来，相应覆请恭候命下，臣部转行遵奉施行。臣等未敢擅便，谨题请旨。

批红：是。

(内题本)

## 15 噶达洪题条议良法以革江西驿弊事本

顺治九年十二月二十六日

户部尚书固山额真臣噶达洪等谨题，为直陈驿递极弊，条议良法事。

江西清吏司案呈，奉本部送户科抄出兵科外抄，兵部题覆前事内开，车驾清吏司案呈，奉本部送兵科抄出该江西巡按御史张嘉题称，窃惟驿递之弊，有源有流，其源在于差使之横索，而其流在于有司之加派金报，与兵胥马户夫头之朋比为奸，然其中有不得已之势。惟求其不得已者而变通之，则极弊可挽，而良法可立也。凡乘传员役恣行骚扰，威挟县官，鞭撻夫马，过站折乾诸弊此其源也。夫马工食载在条编，小民业已输之公家矣。县官扣克，胥役侵渔，借口驿递繁苦，或行加派，托之公议，名为乐输，正额反少，私加反多。

或行金报，朝张暮李，脱甲移乙，仇口以为报复，衙役以为美差，有司以为利藪，官未获壹马之用，而壹马已破百拾家之产矣。此流弊之极也。今奉恩纶优恤驿递，凡乘传骚扰，督抚按容隐即以悖旨论罪，澄其源矣。禁加派，禁金报，清其流矣。

臣所谓不得已之势则何也？江右兵燹之余，匹马不存，查全书止编马料，不编马价，所以买马应动料银，江省买马壹匹，时价陆、柒拾两，马料额编每匹贰拾肆两，是叁匹马料始足备一马也。递夫工食额给每日贰分，江省米价日贵，人一日不再食则饥，贰分之需不供一饱，况妻孥待始乎！马料工食不敷，于是议帮议贴，而加派金报虽严法禁之，不过纸上递依耳。臣昼夜思维，补救无术。查额设夫马，以冲僻为多寡，南昌府之附廓南、新贰县，旧额马壹百壹拾贰匹，夫叁百捌拾名，其他冲县大率准此。伏读钦定应付条例，壹品官应付夫叁拾陆名、马拾贰匹止矣。其下依品而减，几曾见壹品、贰品、叁品官同时并过乎！臣设立循环簿，按季缴查，皇华之使，间月一过。至于本省紧急公务，应付无多，其不登循环者，皆县官徇情违法，所当与受笇究者也。为今之计，邮费既节，额马减半，尚有余闲动支料价买马，赴驿传道验烙，计实在马若干。每贰匹鞭夫壹名，旧例工食柒两贰钱，今倍给之拾肆两肆钱。每马壹匹，日给草料银壹钱，如遇拨差，加给伍分，附县者县尉董之，在驿者驿丞董之。若膘落倒瘠，以侵匿料银论，如真正病坏，务先期报验。臣就江省计之，极冲之邑，有马叁肆拾匹便自不匮。而僻处者，永无京差载驰，虽叁肆匹不为少也。至于递夫，应将额设裁去，凡遇走递，动支驿银见雇，每人给贰钱，计程壹日往回肆钱，程贰日往回捌钱，则人皆奔走应募之不暇。平时无虚糜之患，临期忘奔命之苦，填记循环簿上，清算开销，不当应付者，不准开销，则滥觞既杜，而驿费大省矣。仍以节省之银，买马造船，邮政大举，尚有累及小民之患乎？

臣伏查应付有以夫准车之例，江省实有无马之邑，勒马为名，

折乾无算，仍以夫代，合无明白申飭，以夫贰名扛抬准马壹匹，庶免差使横索之患，又更替夫马到县交换，未著为例，不致中途守候，耽延时日。又协济银两，秦越视之望梅无济，目今编造赋役全书，悉以僻县协济开注正款项下抵解藩司，不致关支侵蚀之患。又越站之弊，各县买马有备，且令以夫，准马越站之弊，胡为乎来哉。又驿传钱粮不载考成，有司漫不经心，臣请以驿传附入考成，夫马舟楫齐备，不累小民者为上等。夫马舟楫略备，不累小民者为中等。夫马舟楫不备，反累小民者为下等。责成驿传道稽察分别焉。即以通省之修废，为驿道之殿最，则车攻马同，驿弊既除，民累永杜矣。伏乞皇上敕部覆议。如果臣言可采，乞赐申飭行，臣等遵奉施行。等因。顺治玖年陆月贰拾日题，捌月拾陆日奉圣旨：该部议奏。钦此钦遵。抄出到部。送司。奉此。案呈到部。

该臣等者得江省驿站工料，应听户部议外，至设立循环稽查骚扰冒滥违例等弊，已经臣部覆请谕旨通飭在案，无容再议。其该省多属水乡，苦乏马匹，该按议以夫贰名扛抬准马壹匹，相应准从。但系传报紧急军机，必需马匹，不得借口折夫，致悞要务可也。恭候命下臣部遵奉施行。等因。顺治玖年拾月贰拾捌日题，贰拾玖日奉圣旨：依议行。钦此钦遵。抄出到部。送司。奉此。相应议覆案呈到部。

该臣等看得江西按臣张嘉条议驿递诸款，除已经兵部覆准外，其各属协济银两，议编造全书正项款内抵解藩司。查钱粮各有款项，改抵恐致混淆，但各州县因协济不载考成，每致拖欠，应请敕该督抚按转行该布政司，每岁终将驿站协济一并造册报部，分别考成，以儆怠玩。至酌量冲僻，裁减原额马数，节省料价，加给工食草料，并考成夫马舟楫果否修废，有无累民等项，仍应听兵部议覆者也。

既经该司案呈前来，相应覆请恭候命下，臣部转行遵奉施行。

臣等未敢擅便，谨题请旨。

(内閣題本)

## 16 晴达洪题恢复粤东邮驿事宜本

顺治十年正月初六日

户部尚书·固山额真臣晴达洪等谨题，为邮政废弛已久，民夫供应万难，请旨严飭复驿，以救民困事。

广东清吏司案呈，奉本部送户科抄出兵科外抄，该兵部题前事等因。顺治九年十一月二十三日题，本月二十五日奉圣旨：依议行。钦此钦遵。抄出到部。送司。奉此。查得疏内铨选粤东驿丞应听吏部。至于禁止抗驿，已经兵部议覆外，再有复设驿站夫役，相应覆请案呈到部。

该臣等看得粤东驿站夫役，该省赋役全书内，原有派征银两自足供应，近因兵燹废弛，至累小民。合无严敕该抚按督，令驿传道备查通省各驿原额银两若干，今应酌量缓急冲僻，通融协济，务使夫不缺用，害不及民，以仰副皇上恤民至意。仍将派定各驿银两数目，造册报部，以凭核销可也。

既经该司案呈前来，相应覆请恭候命下，臣部特行遵奉施行。臣等未敢擅便，谨题请旨。

顺治十年正月初六日题，本日奉旨：是。

(内閣戶科史書)

## 17 马光辉为南省协济河间驿站银两久欠不解事揭帖

顺治十年閏六月二十六日

钦命总督直隶山东河南军务兼理粮饷并巡抚保定等府·提督紫荆等关兼管天津海防·兵部尚书兼都察院右副都御史马为冲途驿遽繁难，协银久欠不解，请乞圣明勅部察议，以苏疲困事。

窃照驿递之设，原为通皇华而速军情，必钱粮足而后夫马齐，夫马齐而后差使济也。况河间当畿南首冲，往来如织，更值圈拨之后，民穷财尽，尤属繁难。查先据天津道呈报，该府额有南省协济银两，久未起解，职随批令确查去后。今顺治拾年陆月貳拾陆日，据副使李呈祥呈，据河间府详称，河间路当孔道，南通各省，故江西该协银捌百壹拾叁两玖钱叁分陆厘，浙江该协银肆百陆拾叁两肆钱叁分贰毫，苏州府该协银貳千陆百壹拾两肆钱陆分叁厘叁毫，常州府该协银壹千柒拾肆两柒钱叁分叁厘，松江府该协银捌拾两叁钱玖分柒厘，以上共银伍千肆拾貳两玖钱伍分玖厘肆毫。原旧额分协河间县瀛海驿银壹千陆拾陆两玖分叁厘陆毫，任丘县鄆城驿银玖百陆拾陆两貳钱壹分伍厘壹毫陆忽陆纤，献县、乐城县银伍百貳拾陆两肆钱柒分壹厘陆毫陆丝肆忽叁微伍纤，阜城县阜城驿银玖百伍拾貳两肆钱叁分肆厘捌毫伍丝肆忽陆微，景州东光驿银玖百零陆两貳钱肆分叁厘壹毫柒丝肆忽玖微玖纤，交河县富庄驿银陆百貳拾伍两伍钱壹厘，旧案昭然。自我清朝鼎革，初而道路梗塞，难以提取，各府杳无一解，具详清部，未蒙批示，惟祈转详督按具题，庶残驿稍济应付等因到道。

该本道察得南省府属例应协济河间府属银伍千肆拾貳两玖钱零。原系载在经制，历案可稽，其节年未解之故，止因隔省途遥，催提无济，且屡详未有确示。今各驿告苦云累，纷纷控吁不已，相应详请速赐定夺，等因。呈详到职。

该职看得南省协济银两，其来久矣。盖以南省之差使，必由直隶经过，故立协济一项，以为驿递支用，此不独河间为然，即山东、河南亦皆有南省协济也。今两省之银俱已照旧支领。惟河间全□发解，该道原因驿站繁难，差使络绎，申请催解。但协济既属额设之款，自应解支，但未领已久，事属始创，前银恐经该省别动，不无徒费远涉，相应具疏上请，仰乞皇上勅部。确查南省江、浙、苏、松、



常伍处原有协济河间驿银伍千肆拾贰两零，曾否动作别项，如未经动用，以前未给者，应作何支销，自后应给者，责令该省司府按期支解，以济冲途。倘若已经别用，并无见在之银，则河间应否另拨补给，又听部臣酌议定夺者也。

职谨会同顺天按臣陈渠合词具题，伏乞勒下该部察覆施行。为此，除具题外，理合具揭，须至揭帖者。

(内閣揭帖)

### 18 马光辉题保定五县驿递冲繁以易州协济事本

顺治十年七月二十一日

钦差总督直隶山东河南军务兼理粮饷并巡抚保定等府·提督紫荆等关兼管天津海防·兵部尚书兼都察院右副都御史臣马光辉谨题，为驿递苦乐不均，畿南调剂宜急事。

顺治拾年柒月拾貳日，据易州兵备道副使许可用呈详，蒙总督直省马尚书宪票，准户部咨，该本部题覆巡视南城贵州道御史陈自德题前事，看得疏内所称，差官骚扰及禁止滥差，已经兵部议覆外。所有工料一项，原供驿递差使往来之用，要冲州邑多以差繁称苦，则偏僻驿递车马原有协济在案。但定、肃、清、满、庆都伍县固称冲繁，而易州、新、雄叁处差使不及。其节年工料作何开销，应否照例裁减协济冲邑，及贰拾州县按月轮当之议，是否妥便，伏乞敕下督按察照疏内情节从长议妥具奏，以凭议覆者也。恭候命下，臣部遵奉施行。顺治玖年玖月初玖日奉圣旨：是。钦此钦遵。备咨到本部院，转行到道，票仰该府遵照圣旨及部覆，并抄疏内事理，即察定、肃、清、满、庆都伍县固称冲繁，而易州、新、雄叁处差使不及，其节年工料作何开销，应否照例裁减协济冲邑，及贰拾州县按月轮当之议，是否妥便，从长议妥备具确详呈道，以凭覆核，转报会奏议覆施行。蒙此。行间又蒙本道宪票，蒙巡按顺天陈御史宪票，奉都察

院勘札，准户部咨同前事等因。备行到府。遵照即备关本府清军王同知、会同管粮魏通判、理刑吕推官，逐一从长察议确定去后。

今于顺治拾年陆月拾玖日，准叁厅关称并行各州县官及驿所官亲诣公所，公同会议得，定兴、安肃、清苑、满城、庆都与易州、新城、雄县驿递一事。在昔年驿路俱通，原按驿递之繁简，以定工料之多寡，数适均也。迩年以来，取道于易州者，十分之三四耳，与昔年不同。若新、雄两县其差之繁，固与易州相悬，而东路尚多梗塞，终不似定兴等伍县路当子午之冲，轮蹄如织，应接不暇，苦乐委属不均，调剂所以宜急也。第节年工料，原系计马而设，为买办草料以供喂养之需，俱按额支领，无容再议。至若贰拾州县按月轮当之说，势复难行。盖州县与驿递，其地里相距各有远近之不同，不止更张病民，抑且推诿悞事，故未可以轻议也。然而易州之差既少，合无将上陈、清苑贰驿工料银伍千玖百肆拾伍而贰钱陆分内，裁去雇夫长夫银壹千贰百两。新城、雄县之差固较简，于定兴等伍县而比之易州，则亦大不相同。合无将雄县工料银柒千肆百壹拾捌两内，亦量裁去雇夫银肆百两。新城工料银柒千柒百玖拾贰两捌钱内，亦量裁去雇夫银肆百两。肆驿共裁银贰千两，以济定兴等伍县之不及。俟易州、新、雄叁处驿路通时，仍复其旧，即以拾年为始可也。缘由备关到府。

随该本府知府胡延年看得，定兴、安肃、清苑、满城、庆都与易州、新城、雄县驿递一事，在当时皇华无梗，视往来之繁简定工料之多寡，原无偏畸也。近因东道未通，而新、雄两邑不若定兴等伍邑之繁，至取道于易州者更少，其繁简委自不同，而节年工料已供养马之用，无烦再议。其贰拾州县按月轮当之说，不止累官病民，抑且推诿悞事，断难轻议。为今日计者，易州之差既少，合无将易州裁去雇夫长夫银壹千贰百两，新、雄两县各裁去雇夫银肆百两，肆处共裁银贰千两，自拾年为始，均行分给定兴等伍驿所稍济其疲

苦。俟易州、新、雄、武县路若大通，仍复其旧。庶彼此不至偏枯，而定兴等伍驿亦不至再为哓哓称苦矣。缘由呈详到道。

据此。该本道覆看得保属玖驿，惟定、安、清、满、庆都伍处，鞘扛接踵，冠盖相望，极为繁冲。其新、雄、易州肆驿，揆之今日，委觉简静。今暂裁简协繁，苦乐适均，诚为妥议。如新、雄、易州路若大通，仍各复其旧额，既经府厅议覆前来，相应照转。等因。呈详到臣。

该臣等看得保定当畿南孔道，设有玖驿，定、肃、清、满、庆伍驿居中，连壤夙号极冲，新、雄两驿偏在东路稍次，易州之贰驿止供西差，又其次也。初编工料，亦因而有多寡之分矣。值今东西使差寥寥，中路繁苦难支，台臣陈自德作令，庆邑各悉其艰，详切入告，盖谓地方均劳逸，邮传计经久耳。行据道府呈称，今议自拾年为始，暂岁裁易、新、雄肆驿银贰千两，均给定、肃、清、满、庆伍县，以甦目前之困，待其东西差复额，仍各归旧，斯亦调剂盈虚，少示补助者也。至于贰拾州县轮应之说，事属更创，难以轻议。

既经该道呈详前来，臣谨会同抚臣王来用合词具题，伏乞敕下该部议覆施行。缘系驿递苦乐不均，畿南调剂宜急事理，未敢擅便，谨题请旨。

批红：户部议奏。

（内周题本）。

## 19 沈文奎为江都县驿马冗项不足额编外加派

### 并载全书事揭帖

原治十一年四月二十四日\*

钦命总督满运·巡抚凤阳等处地方海防军务兼理粮饷·兵部尚书兼都察院右副都御史沈文奎为：县票背旨不颁，私征害民最大，恳乞圣明申严大法，清赋除奸，以救穷黎事。

案准户部咨江南漕吏司案呈，先奉本部送户科抄出该本部题，本司案呈，奉本部送户科抄出苏松巡按御史秦世禎题前事等因。顺治玖年拾壹月貳拾捌日题，拾貳月貳拾伍日奉圣旨：该部知道。钦此钦遵。抄出到部。送司。奉此。相应议覆案呈到部。

该职等看得征收钱粮岁有定额，滥加私派，民命何堪。乃江都县马差一项，据称，正项马价不足，道府酌议额编之外，每匹听里下贴银貳百两，是每岁仍派加银貳万叁千貳百两。续据该按揭开准总漕移会因江都四路冲繁，仿照山阳县例，于旧额柒千柒百肆拾陆两柒钱之外，加编银陆千两，添载全书，官征官养。但未审山阳旧例，曾否题明仿例而行，果否里民称便，应再请教该按会同该督抚再行查议妥确。其借支银共计若干两，应着落某衙役，查明指名，各追银若干两，务照数追补清楚，一并详明奏报者也。相应具题，恭候命下，臣部转行遵奉施行。等因。照治拾年肆月初二日题，初肆日奉圣旨：依议行。钦此钦遵。抄部。送司。案呈到部。各咨到职。随行准，扬二道确查去后。

又经节次严催，今据淮海道呈称，山阳路当孔道，南北往来应付络绎，其驿送差马，里下喂养力不能支，故议有帮马银柒千肆百伍拾肆两。今既裁免宽民，止议新增银肆千两，摊派丁鞭，毫不加增于田亩，载入全书，以杜私帮之害。马既官养，里下可绝赔累之苦，民既乐从称便，可垂求久，相应准从，合候本部院裁详示下遵行。又催据扬州道呈称，行据江都县回称，随该卑县唤集各区区头里长余毛奚等，当堂回报，蒙朱票差皂王先拘唤十区区头，查议差马一项，仿山阳例，加编银陆千两，添载全书，官征官养，实为民便。其借支银两数目，严催该府照数查追清楚，另文详覆。随又催据该道行据江都县声称，查得借支一项，肆年分库吏王文华物故，子王召役内借支银壹万陆千陆百玖拾壹两叁钱貳分玖厘。伍年分库吏王士俊物故，子王鼎役内借支银陆百玖拾柒两壹钱肆厘。伍年分

库吏黄应甲物故，弟黄兆役内借支银叁千伍百玖拾捌两壹钱柒分柒厘。陆年分库吏纪鸣鹿役内借支银贰千伍百壹两肆钱捌分陆厘。以上共借支银贰万叁千肆百捌拾捌两玖分陆厘。但查各吏不禁在淮，即禁在省，请乞宪牌严追结案，各等因，详报到职。

据此，该职看得山阳水陆冲途，轮蹄杂沓，差使往来，拨舟索马，日无宁晷，人疲马病，困苦极矣。里下穷民负累难支，议贴帮马银柒千肆百伍十肆两，加以马户代养。但马户率多积年揽棍，兵房吏书又多玩法作奸，钱粮尽由此辈通同侵费。职目击民艰，前行淮安府推官李子莹，公同乡绅士民商确，裁去私帮，每年共议增银肆千两，每马壹匹，连旧额新增岁共支银柒拾玖两叁钱捌厘零。派入丁鞭，以为草料工食之用，责成官征官养，削除民害，里民咸称其便矣。造入赋役全书，汇题咨部，候覆遵行。

其江都县亦系冲邑，四通八达，较之山阳更繁。马差一项，正额马价不足，先经道府酌议在额编外，每匹里下贴银贰百两，岁共加银贰万叁千贰百两，民苦已甚。该职与前按臣秦世祯会议比照山阳加马价之例，于旧额外加编银陆千两，每马壹匹，岁共支工食草料银壹百壹拾捌两伍钱陆厘零，官征官养，裁去私帮，里民称便，载入全书，达部听候议覆。

至于借支，系江都县肆年库吏王文华物故，子王召，伍年分库吏王士俊物故，子王鼎，黄应甲物故，弟黄兆，陆年分库吏纪鸣鹿，以上共借支银贰万叁千肆百捌拾捌两玖分陆厘，严行扬州道府在于各役名下照数勒限追完还库，以补原借银项。庶二县马差不苦于民，而驿因稍苏，则借项得以清追完库，不致奸役久通乾没矣。等因。于拾年拾壹月贰拾壹日咨覆户部回奏去后。

续准户部咨，为遵旨参酌赋役纂订全书告成等事，该本部覆准咨内款开山阳县走递马银，原编每匹肆拾叁两陆钱，后因驿递冲繁，又有私征帮马之名，今册开每匹岁支银柒拾玖两叁钱，官征官

养，不派里民，似应准从。一江都县原额走递马银每匹陆拾陆两柒钱捌分，后因驿递冲繁，每匹私帮银贰百两，民累不堪。已经苏松巡按具题，每匹岁支银壹百壹拾捌两伍钱，官征官养，不累里民，本部议覆，奉有谕旨，在案，似应准从。等因。备咨到职。除转行江南藩司并准扬二道，各遵照并载入全书外。今准前因，该职覆看得，山阳、江都二县，地皆冲若，岁支走递马银已照前数编入全书，官征官养，革去私帮，里民称便，前咨叙明，业已部覆准从，无容再赘矣。惟是江都借支银两，查有各年库吏王文华等各名下应追前项借支共银贰万叁千肆百捌拾捌两玖分陆厘，屡经撤行扬州道府严追各库吏照数补还。俟道府详报追补完数，职即径行咨部，务借项不致久虚，而积弊为之尽洗也。

既经该道查明前来，职谨会同总督江南江西等处兵部尚书右都御史臣马国柱合词具题，伏乞敕下该部议覆行职等遵奉施行。为此除具题外，理合具揭，须至揭帖者。

(内揭揭帖)

## 20 高尔位题请行连坐法永禁私派以苏民生事本

顺治十一年六月二十四日

江西道监察御史臣高尔位谨题，为请行连坐之法，永禁私派，以苏民生事。

窃惟驿递之弊，诸臣条谏累牍连章，蒙皇上天语申饬，不啻三令五申矣。迩来民困已极，蒙皇上遣大臣八府分赈，皇太后发官中节省银两，无非念窃穷黎。臣思欲恤民生者，必先去其害民之尤，欲剔弊端者，必先杜其滋弊之根。夫驿马官喂也，州县之中拾不能壹贰，民应者则拾有捌玖。夫民乃乡愚也，必不能自应，情之于驿棍百般勒索遂意，然后代应。赤手空拳原无一马，遇军机传报使客邮符无马支撑，惟有逃避而已。州县不得已仍拘小民，或典田卖

产；或重利称贷，急救燃眉之鞭朴。嗟此，愚民即一厘一毫莫非脂膏，在朝廷赋役有一定之额。安知此无限之杂差，更可异者，府厅差役下州县催比差粮而骑驿马者，司道差官下府县提催号件而骑驿马者，总兵私遣员役亦骑驿马者。虽屡奉严纶，遍行各省，而官役私牌，日日差行，州县不敢不应，及报上又不敢登册，甚至私牌内有朱批上司免报者。

臣请自今以后，各省司道暨府厅一应纸票，及过往参谒各官，骑用驿马，统行禁革，非大部火牌勘合，不许擅骑驿马，州县亦不许惧或滥应。如有违禁扰驿之官役，每季另册报该驿传道揭部，请旨重惩。其各省州县驿马里马，照赋役额设协济银两，确算足用动支备办，如额设站银或荒多熟少，邻封协银或迟延者，详申督抚调画足额，以为经久之成规，亦于每季终，各出官当毫不累民甘结报府，转报驿传道，汇齐统报部科查照。倘有仍前累民者，许科道指名纠参，道府不发觉者连坐并究。庶加派之弊，私票之端，可得永绝矣。

抑臣更有请焉，直隶真照广大等八府所属州县，俱有额设芝麻、棉花贰项，多寡不等，解运之弊，脚价盘费一倍数倍，大为民害，伏祈勒部查照秦中汇解药材之例，直隶责成本府汇解，并不经小民之手，庶民困少甦矣。

因述逾格，如果臣言足采，统祈圣鉴勒部议禁施行。缘系请行连坐之法，永禁私派，以甦民生事理，臣未敢擅便，谨题请旨。

批红：著察议具奏。该部知道。

(内用题本)

## 21 陈应泰为山西十年驿传考成之情形事揭帖

顺治十一年七月十九日\*

钦差提督雁门等关兼巡抚山西太原等处地方·都察院右副都御史陈应泰为协济本可通融，冲僻不难酌量，请严定驿传考成之

法，厘夙弊以饬郵政事。

順治拾壹年陸月拾柒日，據山西驛傳道副使周召南呈，順治拾年拾月貳拾叁日，蒙巡撫劉都御史案驗，拾年拾月貳拾日准兵部咨，車駕清吏司案呈，奉本部送兵科抄出該本部題覆戶科給事中周曾發題前事內稱，臣惟驛遞錢糧浩繁，關於國計民生甚大，其間地方之冲僻不一，供億之繁簡懸殊，則協濟之數目可以立辨，迩來紛紛陳請多未核實。如山東按臣馮右京疏題，酌議部咨督撫確查，原欲節偏僻有餘以補冲繁不足，而申覆但議加增，致奉驛遞錢糧，須酌量地方冲僻，通融協濟，何得加派累民之旨，仰見我皇上憂國憂民至深且切矣。

然臣謂責成不嚴，則酌量終未有當也。切照驛遞应付，俱凭勘合火牌為可據以清查者耳。但清查必屬專官，考成原有通例，近見督糧道以漕白貳糧完欠為考成，提學道以衡文稱職為考成，則驛傳道不得漫無考成明矣。臣請自今以後，凡大兵來往，及奉使官役需用夫馬口糧，照依勘合火牌，該州縣驛官逐一登記明白，按季呈繳各驛傳道及帶銜等官。該道于歲終清造款冊，詳開月日，应付過某衙門某人，或勘合，或火牌，夫若干，馬若干，口糧若干，類送督撫，督撫轉送戶、兵貳部磨對察核。其間冲繁簡僻了若指掌。視有錢糧多而应付少者，即可據以裁減，应付多而錢糧少者，即可據以加增。其或先冲而後僻，或先簡而後繁，不妨隨時酌量，總以勘合火牌為準，就額設之銀，通融協濟，期于各足，何至有朦朧加派之事乎！至于應行協濟之處，亦惟該驛傳嚴催督解，其中有无完欠及各州縣所給馬頭料價，或銀錢，或草豆，悉將頒給日期，領支姓名，附載前冊具報，部臣并行查核，照糧道學道一例考成。倘有以無為有，以寡為多，不遵勘合火牌，敢以紙牌应付，蒙騙協濟銀兩及有私派侵欺等弊，開報不實，協應不前者，驛傳道以濫職論罪，叁年內有能清厘弊端，使簡僻不致冒支，冲繁不致偏困，上不病國，下不累民，中不苦



驿，户兵贰部具题从优升擢。如此考成，一以清婪奸需索之害，一以绝官胥侵冒之端，一以杜小民加派之累，国计民生胥攸赖矣。如果臣言不谬，伏乞圣鉴敕部议覆施行。等因。顺治拾年柒月貳拾肆日题，本月貳拾陆日奉圣旨，着议奏。该部知道。钦此钦遵。抄出到部。送司。奉此。案呈到部。

该臣等看得各省驿递臣部已经题请设立循环文册，以杜冒滥横索等弊，见在通飭查核在案。今应从科臣之议，以驿政考成驿传道，令各州县按季造册呈缴该道，该道按季呈缴该督抚，该督抚年终核实题参敕下臣部分别考成。至各驿冲僻不均，宜通融协济者，总以勘合火牌为主，应察其应付多寡，即定州县冲僻，由此通融协济，务期适均，不致偏苦。并督催应协银两，及期完解，仍将完欠数目填册，以凭考核。如有纵容州县私加私派，及应付纸票白牌者，事发参处。其直隶地方，原无驿传专官，应责各该本道照例察核造报，该督抚一体考成可也。恭候命下，臣部遵奉施行。等因。顺治拾年玖月拾伍日题，本月拾陆日奉圣旨，依议行。钦此钦遵。抄出到部。移咨前来。

案仰本道即便行令各州县按季造册呈缴该道，该道按季呈缴督抚，以凭年终核实题参下部分别考成。至各驿冲僻不均，宜通融协济者，总以勘合火牌为主，应察其应付多寡，即定州县冲僻，通融协济，务期适均，不致偏苦。并督催应协银两及期完解，仍将完解数目填册，以凭考核，如有纵容州县私加私派，及应付纸票白牌者，事发参处施行。蒙此。又蒙总督佟传郎案验同前事。等因。蒙此。已经备行太、平、潞、汾肆府，泽、辽、沁叁州，致造及屡催间。顺治拾壹年贰月初伍日，又蒙巡抚刘都御史案验，准兵部咨车驾清吏司案呈，案查顺治拾年玖月拾伍日，本部覆户科给事中周曾发题前事内称，各省驿递曩设循环文册，以杜冒滥横索，今应从科臣之请，令各州县按季开造呈缴该驿传道，该道按季呈缴该督抚，该督抚年终

核实题参敕部分别以为驿传考成。其直隶地方，原无驿传专官，应责各该本道照例察核造报，该督抚一体考成等因。具题。本月拾陆日奉有依议行之旨。欽此欽遵。随咨各督抚去后。

迄今数月未见查核题参，本部无凭分别考成，事关奉旨事务，不便稽延，应咨催各督抚转行各州县，将顺治拾年分应付过本部勘合火牌，速造详明文册呈缴该道，该道即查酌应付多寡，以定各驿冲僻，由此通融协济，务期适均，并督催应协银两及期完解，仍将完欠数目，并填册内造报该督抚，该督抚严查有无私加私派，及应付纸票白牌，刻期核实题参，以便本部分别考成可也。等因。案呈到部。移咨到院。

案仰本道即将顺治拾年分所属各州县驿递应付过勘合火牌，该道查酌多寡，以定冲僻，通融协济，务期适均，并催应协银两及期完解，一应考成文册作速造完送院，以凭会同总督查核具题。蒙此。又经备行太、平、潞、汾肆府，泽、辽、沁叁州，取造及行催去后。节据造报前来。该本道副使周召南覆查看得，置邮何分明晦时事旁午，苦差繁而疲奔命，安能以有限之物力，当无穷络绎也。艰于正项，势必脱于额外，一镗一铄，孰非民膏，况议帮议加，大声呼吁，流弊有不堪言者，则驿递关于国计民生，信非眇小，而需于樽节爱养，期以实惠。晋省当西南咽喉之首，接秦、豫连巴蜀。军兴孔亟，一切满汉贡奏，势加星火，冠盖往来，更相接踵，不停蹄不息肩，而夫与马不知宵旦，可尽道其苦哉。夫民既不知养马，而驿棍亦不可养马，势必官养官应，无点金之术，不可无法以处。此匹马工料叁拾陆两，额设于一岁之中，今饬其半作喂养，半作买补草豆，以时差役，以序其工料。坐落本县者，不难径征，而邻县协济，每多缓视，今力为催督，已完玖分柴厘之上，如五台、隰州、定襄等州县。虽其地方残疲，而征解无法，难为本官宽也。查照欠数分别造册外。使其应付止以勘合火牌为准，一切白牌纸票滥骑需索，概行严禁，省余

力以急公务，何敢避豪强而徇情而。诚以驿务之苦，有不忍不苏者，惟以国法伸之，任怨任劳实心力行而已。然钱粮既力为催督而供应，又革其冒滥，皇华庶几起色矣。犹痛革其私帮私派，甚不可以驿政之弊，敝里下恐不肖者，阳奉阴违，犹有金报股实，以苛敛帮补为名，孰非病驿以病民也。谆谆体访，不啻三令五申，更严其该管府厅，不时稽查，取甘结存案刊示，间里知驿递不许累民。止以额设站银着官养官应，是民既不可欺，而法又不可犯，悚以功令而动以天良，惟求驿递整饬耳。至钱粮有一定之数，而差役多不均之叹，则拨补通融，不可不议也。查科疏有钱粮少而应付多，即可据以加增；钱粮多而应付少，即可据以裁减。变通之间，不外额设钱粮顿使冲僻各得其宜，孰有善于此者，视告帮告协，与议帮议协，何啻百倍。如栢井至蒲州貳拾驿，路当秦川，一切紧急军情章奏，烽火刻无宁晷，诚上上冲也。而盘陀至星轺，共拾壹驿，成晋至军站，共柒驿，虽偶有差役，供于勘合火牌者无几，即马数与冲处差绌，而匹头工料叁拾陆两，不减于上冲，遵照原行，以拾年应付定冲僻，即以冲僻定增减，走过差数不及冲途拾分之叁，亦原行一时之冲，一时之僻者，不可不斟酌拨补，以免议协议帮纷纷不平之鸣也。随行太原府查照应付册数，从公拨补去后。今据造报前来，该本道覆查无异，至于加减细数，及应付差使完欠钱粮，备详册内，请乞裁酌具题。等缘由。于本年肆月叁拾日具呈巡抚刘都御史照详。蒙批。仰呈新院会题缴，册并发。蒙此。今将前项缘由，并造完文册于本年陆月初柒日呈详巡抚陈都御史蒙批，驿传考成，事属回奏宜万分详慎，其顿载站银，既经该道与赋役比对相符，而应付之数，又有各驿册籍可据，第以僻协冲一事，该道再遵照部覆照行细心磨勘，务于原额之中，通融拨补，至确至当，明晰回详，以便会题，勿得游移两请，徒滋批驳，耽延时日未便。缴。蒙此。拟合确议。为此，仰本府官吏即便查照抚院详驳，并递照部覆原行细心磨勘，务于原额

之中，通融拨补，至确至当，明晰呈详本道，以凭转院会题，毋得迟延。蒙此。该本府知府边大绶看得驿站夫马钱粮，系关考成之责，自当再四酌议，求其至当，方可具题。额载站银细查与赋役相符，应付差使覆核有驿册可据，虚心磨勘，不为不慎。惟冲僻通融加减马匹一事，查部覆原行内云，各驿冲僻不均，宜通融协济者，总以勘合火牌为主，应察其应付多寡即定州县冲僻，由此通融协济，务期适均。今照各驿应付过拾年分勘合火牌之差，定其为冲为僻，即以冲僻定其可加可减，斟酌拨补，未尝有加于额银之外，正与部文相合，似此冲僻得宜，实为不易之典，永可遵行，再四斟酌仍照原议，应请会题遵行可也。相应呈请，合候转达详示等缘由到道。据此。该本道副使周召南覆详看得驿站额载钱粮，与夫各驿应付差数已经查明，无容再议。惟是冲僻通融加减马匹一事，遵照部行以差数定冲僻，即以冲僻定加减，总不出于额银之外，正与部文相合。既经太原府覆酌明确，相应呈请本院会题。等因。呈详到职。

该职谨会同督臣马鸣颯看得驿政之兴废，关于国计民生，年来仰荷圣明轸念邮传，谕旨森切。职等以为惟严禁冒滥，清核支领，杜私征横派之弊，调冲僻裒益之宜，解发如期，协济无违，而驿政之大端举矣。职等入境之初，即申严禁，约期与官民惕于功令，共惟遵守。兹值十年考成奏报之期，事属创行，敢不兢兢矢公矢慎。惟是晋省当畿、豫、秦、蜀孔道，奉使往来章奏塘报络绎于途，日无宁晷，而冲驿之疲于奔命，惟在僻驿之协济，其苦乃年来聚讼盈庭，此既告帮，彼复告敝，纷纭莫决，今断以勘合火牌为准，以应付之多寡定一时之冲僻，惟于原额之中，通融拨补，而纷争定横派杜矣。然而督理邮政，一切清冒厘奸，酌简济繁，则驿传道专责。兹据该道副使周召南呈详，拾年分驿传考成，职等屡行驳核，遵照部题，求其至当，而该道复称覆查无异，请乞具题。至于应征拾年分站银已未完数目，及经征接管各官，起止年月日期，与夫事故各官，俱备载册

内。如总理经催以拾分为率，未完贰厘之上驿传道副使周召南，未完伍厘之上太原府知府边大绶，未完叁厘之上平阳府调用知府张云龙、见任知府李月桂。如经征以拾分为率，太原府属未完捌分叁厘之上岚县署事文水县县丞刘建新，未完柒分陆厘之上五台县署事本县升任教谕章时雨、见任知县董以威。未完叁分伍厘之上定襄县署事按察司经历斤之俊、丁忧知县吴玺。平阳府属未完陆分玖厘之上蒲县降调知县王永祚，未完陆分伍厘之上永和县署事本县见任教谕冯征庸、见任知县武士豪。未完肆分柒厘之上平陆县见任知县崔伟。未完贰分之上猗氏县升任知县高自极、署事运司运判孙茂、见任知县陈尧。未完壹分捌厘之上隰州见任知州祖泽阔，未完壹分叁厘之上垣曲县署事平陆县县丞王世禄、见任知县秦乐德。未完陆厘之上岳阳县见任知县郭奇勋。以上未完各官，息缓催征，难免考成之法，统候部覆，仰请圣裁，非职等所敢擅议也。

既经该道酌议明确造册前未，职等覆核无异，除册径送户兵两部查核外，相应具题伏乞敕下该部覆议上请行，职等遵奉施行。为此除具题外，理合具揭，须至揭帖者。

(内閣揭帖)

## 22 賞圖安為寧夏地方驛傳

### 考成情形揭帖

順治十一年九月

欽差巡撫寧夏等處地方·贊理軍務·都察院右僉都御史黃圖安為協濟本可通融，冲僻不難酌量，册严定驛傳考成之法，厘夙弊，以飭郵政事。

案照前任撫臣孫茂蘭，于順治拾年拾壹月拾叁日，准兵部咨車駕清吏司案呈，奉本部送兵科抄出該本部覆戶科給事中周曾發題前事部覆，該臣等看得各省驛遞，臣部已經題請設立循環文册，以

杜冒濫橫索等弊，見在通飭查核在案。

今應從科臣之議，以驛政考成驛傳道，令各州縣按季造冊呈繳該道，該道按季呈繳該督撫，該督撫年終核實題參，敕下臣部分別考成。至各驛冲僻不均，宜通融協濟者，總□勘合火牌為主，應察其應付多寡即定州縣冲僻，由此通融協濟，務期適均，不至偏苦。并督催應協銀兩及期完解，仍將完欠數目，填冊以凭考核，如有縱容州縣私加私派，及應付紙票白牌者，事發參處。其直隸地方原無驛傳專官，應責各該本道照例察核造報，該督撫一體考成等因。題奉聖旨：依議行。欽此欽遵。抄出到部。備咨前來。

又准督臣咨同前事。該前撫臣一面嚴行驛傳道督催協濟，□填站价及期完解，并查有无私加私派情由，一面行令河西、河東兩道，詳查各驛應付差遣有無冒濫橫索等弊，屢行催駁，及職到任復催〔去后〕。今據陝西分巡關內道帶督驛傳道副使周天裔，開造協濟站价完欠，并无私加私派及催征各官職名前來。又據河西道僉事曹叶卜、河東道僉事牛应征，各造驛遞應付差遣馬匹與夫，并無冒濫橫索等弊，文冊俱報到職。

該職看得寧鎮孤處一隅，原無州縣面所設驛遞。在明季時，每年額供站銀玖千〔兩〕之多。該前任撫臣李鑒量差遣之煩簡，酌地里之遠近，而于玖千兩之內，每歲議留叁千壹拾伍兩，供應寧屬壹車叁驛購買馬驴，并差遣廩給，及新設回馬夫役工食之用，余充兵餉具題在案。此遞融適均并无偏苦，况此項之內，又有除豁□□之數，僅實征銀貳千伍百叁拾餘兩，皆取派于長武、白水、郃陽三縣之協濟也。中有督催及期完解，自無容議，間有拾年未完，延至拾壹年補解者，部臣自有考成。至于冒濫差遣私加私派，以及應付紙票白牌者，前撫及職飭禁最嚴，據報并无此弊。所有順治拾年分協濟完欠分數，及催征各官職名，應付過差遣馬匹數目，既經該道呈詳造冊前來，遂加核明備造青冊，咨送戶兵二部查考外。

职谨会同督臣金砺合无具题，伏乞敕下该部议覆施行。为此除具题外，理合具揭，须至揭帖者。

(内两揭帖)

### 23 郎廷佐题江西十年驿传考成情形事本

顺治十二年七月十五日

钦差巡抚江西等处地方兼理军务·兵部右侍郎兼都察院右副都御史臣郎廷佐谨题，为协济本可通融，冲僻不难酌量，请严定驿传考成之法，厘夙弊以饬邮政事。

顺治拾贰年陆月贰拾玖日，据江西按察司清军驿传道兼管盐法副使萧起元呈详，案照顺治拾年拾壹月贰拾伍日，奉前巡抚江西蔡左副都御史宪牌，顺治拾年拾壹月拾壹日，准兵部咨开，车驾清吏司案呈，奉本部送兵科抄出该本部属覆户科给事中周曾发题前事等因。顺治拾年柒月贰拾肆日题，本月贰拾陆日奉旨：著议奏。该部知道。钦此钦遵。抄出到部。送司。奉此。案呈到部。

该臣等者得各省驿递，臣部已经题请设立循环文册，以杜冒滥横索等弊，见在通飭查核在案。今应从科臣之议，以驿政考成驿传道，令各州县按季造册呈缴该道，该道按季呈缴该督抚，该督抚年终核实题参，敕下臣部分别考成。至各驿冲僻不均，宜通融协济者，总以勘合火牌为主，应察其应付多寡，即定州县冲僻，由此通融协济，务期适均，不致偏苦。并督催应协银两及期完解，仍将欠欠数目，填册以凭考核，如有纵容州县私加私派，及应付纸票白牌者，事发参处，其直隶地方，原无驿传专官，应责各该本道照例察核造报该督抚，一体考成可也。恭候命下，臣部遵奉施行。等因。顺治拾年玖月拾伍日题，本月拾陆日奉旨：依议行。钦此钦遵。抄出到部。蒙批，司查行旨送司。奉此。相应通行案呈到部。备咨前来。各牌仰道。奉此。

就经前道右参议萧应聘通行各府州县，责令遵照造报去后，节奉前抚部院宪檄严催，前道迭次转催，各属经年竟未造缴，及至本道拾壹年拾壹月终莅任，见此案稽延日久，差檄守催，殆无虚日，间有缴到，俱不合式。至拾貳年貳月初伍日，奉巡抚江西郎右副都御史宪牌，准兵部咨催，查得此案历有年余，前抚部院任内行催不次延今尚未详覆，怠玩之处，已见一斑。备牌仰道。奉此。又节奉严檄本道差催不停，复继之详究提比经承，始据各属陆续方有造缴，随将文册细加查核，仰遵功令，一切白粟纸牌，已经严飭，不啻三令五申，无敢踵习冒滥，止以兵部勘合火牌为准，而私帮暗派，厘之剔之，如鹰鹯之逐鸟雀。查额银之盈绌，稽应付之多寡，分别冲僻，酌量通融协济。本道细查江西通省柒拾捌州县，除未到叁县未入总册外，查邑之冲繁，应付多而钱粮少，当议僻县协济者，则南昌、新建、丰城、上高、新淦、峡江、庐陵、泰和、吉水、南城、新城、星子、建昌、彭泽、湖口、赣县、大庾、南康拾捌县也。邑之偏僻，钱粮多而应付少，当议协济冲邑者，则宁州、进贤、武宁、奉新、靖安、宜春、分宜、万载、新喻、安福、临川、宜黄、崇仁、东乡、乐安、泸溪、南丰、广昌、铅山、广永丰、兴安、鄱阳、余干、万年、安仁、浮梁、乐平、都昌、瑞昌、宁都、零都叁拾壹州县也。至如邑虽冲繁，额银足用，与夫邑虽偏僻，银银无多，仍应照旧无容再议增减者，则高安、新昌、清江、龙泉、永宁、金溪、上饶、弋阳、贵溪、玉山、德兴、安义、德化、德安、龙南、瑞金、兴国、定南、长宁、安远、石城、上犹、崇义贰拾叁县也。如会星县原无额设马银，止有夫船额银壹百壹拾玖两。邑虽不甚冲繁，查该县已有火牌，应付马匹，亦当置买。今议零都县拨马伍匹，令其起站。所宜增其本，无如信丰县差马额银壹百捌拾两，据该县册开改抵兵饷，但该县亦有火牌应付马银，未便全裁，应议仍还额马，照旧起站。所宜还其本，有如萍乡县荒芜特甚，虽有编载，而无征收，几与倒站者相等。所当恤其凋残，量拨夫马，以权济一时燃



眉之急，此皆本道谨遵部文酌分冲解，定议增减，总求驿站适均耳。所当请究咨题，尚有吉安府属永新县造缴之册，不明注有无应付，竟以额银冒破开销，且又漏造协济。永丰县呈缴之册，应付白票纸牌，且县官到任，滥用夫马，公然开销钱粮。万安县造缴之册，支給任意朦混，数目全不清楚，其中滥应可知，俱驳回换造，至今任催不缴，此叁县怙终不悛，滥觞冒破，几不知功令之可畏也。除永丰县知县王演碧已经别案纠参外，所有永新、万安贰县知县王登录、李炳然并应请究题参，以为玩违者戒。今遵部飭，比照马政考成之法，造完总册，见在合应详缴。但查此案系拾年分考成，今日始得竣局，竟过载余不无延迟，然事系创始，况江属积玩成习，卒难变更，且造报格式推敲难合，每一驳改，往返之间，远者便淹数月，本道忧心如焚，朝夕乾惕，难逃宪台洞鉴，则非本道之怠忽可见于此矣。再照部行查明驿站冲解等事一案，又冲途之协济不均等事一案，词语虽殊，情事则同，总祈一并题明，以结欵案，庶少迟误之愆矣。等因呈详，并造送夫马船只廩给，及协济各完欠数目清册前来。

臣将某解，某冲，某钱粮多而应付少，某应付多而钱粮少，减解补冲，与照旧不必增减者，逐一覆核，各得均平，庶与协济本可通融之原行不悖也，并将额编完欠核算明白，及道府州县各官职名，经征数目完欠分数，臣谨照例开列，题请考成。江西省顺治拾年分。

一夫马船只廩给项下：

全完府官壹员，瑞州府见任知府杨朝公。全完县官贰拾陆员，新建县见任知县秦之铉，武宁县见任知县王道隆，署高安县事降调都司经历聂源，上高县降调知县易道沛，署新昌县事回任布政司照磨王好仁，新昌县见任知县赵元勋，署龙泉县事降调布政司都事赵惕胤，龙泉县见任知县路汝前，金溪县降调知县吴守来，金溪县见任知县石大品，兴安县升任知县叶承桃，署兴安县事回任广信府通

判张羽明，兴安县见任知县宋玄衡，署万年县事回任建昌府通判崔名世，万年县见任知县赵康，建昌县升任知县魏裔鲁，德化县见任知县郭皇图，德安县升任知县高显辰，署德安县事回任按察司经历章三益，德安县升任知县张经猷，瑞昌县见任知县李芳春，署瑞昌县事去任都昌县教谕陆藻，署宁都县事回任赣州府经历李启，宁都县见任知县王树骏，长宁县升任知县方启渭，龙南县见任知县贾程谊。未完厘毫府官查拾肆员，署南昌府事回任本府推官张芳，接署南昌府事回任广信府同知夏一凤，署临江府事回任抚州府同知王擢之，署吉安府事回任本府通判陈诚心，接署吉安府事回任本府同知韩键，吉安府见任知府李兴元，署抚州府事回任建昌府知府刘道著，抚州府丁忧知府张始音，接署建昌府事回任本府推官王嘉生，饶州府升任知府程凤翥，饶州府见任知府梁以桂，南康府丁忧知府徐士仪，接署南康府事回任降调本府推官胡淑寅，九江府见任知府王孙章。未完厘毫州县官肆拾叁员，署南昌县事回任建昌府同知张垣，丰城县见任知县宗彝，进贤县降调知县徐凤鸣，宁州降调知州张朝衡，奉新县降调知县王家楨，接署奉新县事回任布政司照磨王好仁，靖安县升任知县张慎行，接署靖安县事回任瑞州府通判申大有，靖安县见任知县胡璫，宜春县见任知县华日跻，萍乡县见任知县刁之裔，清江县见任知县何如龙，新淦县见任知县潘龄，峡江县降调知县许毓仁，峡江县见任知县李昇，庐陵县见任知县杜宁邦，署泰和县事回任临江府经历张文灿，泰和县见任知县杨汝乘，署吉水县事回任南昌府经历陈国鼎，临川县降调知县梁大年，临川县见任知县卜震，东乡县降调知县曹可大，东乡县见任知县李玄，乐安县见任知县寇胤楨，宜黄县见任知县屠以宁，崇仁县降调知县丘源仑，上饶县见任知县程汝璞，弋阳县降调知县杜良祚，弋阳县见任知县刘临孙，贵溪县升任知县汪煊南，接署贵溪县事回任本府兴屯同知叶承桃，鄱阳县见任知县蔡嘉楨，德兴县降调知县郑士樟，

德兴县见任知县徐叔雅，安仁县见任知县史可信，署浮梁县事升任本府同知许兆祥，署都昌县事去任本县教谕陆藩，湖口县见任知县康永福，彭泽县丁忧知县赵一中，上犹县见任知县陈学孟，崇义县见任知县朱组绶，会昌县见任知县王洵，署安远县事回任长宁县知县方启涓。未完壹分以上道官壹员，驿传道升任右参议萧应聘。未完壹分以上府官贰员，袁州府见任知府吴南岱，署饶州府事回任本府推官王澄。未完壹分以上县官壹拾肆员，署万载县事宜宜春县升任县丞宋光时，清江县降调知县洪其清，新淦县降调知县吴来仪，吉水县见任知县黄中实，宜黄县降调知县王世醜，署南丰县事回任广信府同知夏一凤，署上饶县事回任金溪县县丞余士聪，广永丰县见参知县唐士奇，余干县见任知县宁纘宗，浮梁县见任知县王虞吉，乐平县见任知县索景藻，大庾县降调知县梁世通，赣县去任知县王煊昆，石城县见任知县郭尧京。未完贰分以上府官贰员，署袁州府事升任本府推官王延梅，建昌府见任知府刘道著。未完贰分以上县官陆员，庐陵县降调知县常龄，南城县见任知县杜希旦，署玉山县事回任本县县丞鲁国兴，都阳县降调知县蒋如璠，南康县革职戴罪缉贼见任知县郑思鲁，石城县丁忧知县董应誉。未完叁分以上府官壹员，赣州府见任知府郎永清。未完叁分以上县官壹员，署永宁县事回任本县教谕徐元朗。未完肆分以上府官壹员，广信府见任知府朱治泰。未完肆分以上县官肆员，万载县丁忧知县张一跃，广昌县见任知县沈寅，铅山县降调知县刘汉卿，安远县升任知县牛天宿。未完陆分以上县官肆员，永宁县见任知县齐赞宸，泸溪县降调知县李即龙，零都县丁忧知县何铿，署石城县事回任赣县县丞吴道煇。未完捌分以上县官叁员，广永丰县降调知县扈标，乐平县降调知县王德明，瑞金县见任知县钱江。未完玖分以上县官肆员，萍乡县降调知县吴兴祚，上犹县降调知县李圭，崇义县降调知县王斗枢，信丰县升任知县吉允迪。全未完县官壹员，定南县见任知县祝

天寿。

一协济项下：

全完县官壹拾玖员，进贤县降调知县徐凤鸣，靖安县升任知县张慎行，署靖安县事回任瑞州府通判申大有，靖安县见任知县胡琏，署新昌县事回任布政司照磨王好仁，新昌县见任知县赵元勋，新淦县降调知县吴来仪，新淦县见任知县潘岭，峡江县降调知县许毓仁，峡江县见任知县李升，署龙泉县事降调布政司都事赵锡胤，龙泉县见任知县路汝前，德兴县降调知县郑士禛，德兴县见任知县徐叔雅，署都昌县事去任本县教谕陆藩，彭泽县丁忧知县赵一中，上犹县见任知县陈学孟，零都县丁忧知县何铿，信丰县升任知县吉允迪。未完厘毫府官玖员，署南昌府事回任本府推官张芳，接署南昌府事回任广信府同知夏一凤，署临江府事回任抚州府同知王擢之，署吉安府事回任本府通判陈诚心，接署吉安府事回任本府同知韩键，吉安府见任知府李兴元，抚州府丁忧知府张始音，饶州府见任知府梁以桂，南康府丁忧知府徐士仪。未完厘毫县官壹拾叁员，丰城县见任知县宗彝，署奉新县事回任布政司照磨王好仁，金溪县见任知县石大品，兴安县升任知县叶承祧，兴安县见任知县宋玄衡，鄱阳县见任知县蔡嘉楨，署浮梁县事升任本府同知许兆祥，乐平县见任知县索景藻，湖口县见任知县康永福，署瑞昌县事去任都昌县教谕陆藩，上犹县降调知县李圭，崇义县见任知县朱组绶，宁都县见任知县王树骏。未完壹分以上府官贰员，饶州府升任知府翟凤翥，九江府见任知府王孙章。未完壹分以上县官伍员，宜黄县见任知县屠以宁，广永丰县见参知县唐士奇，万年县见任知县赵康，德安县升任知县高显辰，德安县升任知县张经猷。未完贰分以上县官肆员，金溪县降调知县吴守来，乐平县降调知县王德明，署德安县事回任按察司经历章三益，瑞昌县见任知县李芳春。未完叁分以上道官壹员，驿传道升任右参议萧应聘。未完叁分以上

府官叁员，署抚州府事回任建昌府知府刘道著，署饶州府事回任本府推官王澄，署南康府事回任降调本府推官胡淑寅。未完叁分以上县官陆员，署兴安县事回任本府通判张羽明，鄱阳县降调知县蒋如璠，署万年县事回任建昌府通判崔名世，浮梁县见任知县王虞吉，建昌县升任知县魏高鲁，署宁都县事回任本府经历李启。未完肆分以上府官壹员，瑞州府见任知府杨朝公。未完肆分以上县官壹员，崇义县降调知县王斗枢。未完伍分以上府官壹员，赣州府见任知府郎永清。未完伍分以上县官壹员，崇仁县降调知县丘源仑。未完捌分以上县官叁员，宜黄县降调知县王世醜，广永丰县降调知县扈标，南康县革职戴罪缉贓见任知县郑思鲁。未完玖分以上府官壹员，广信府见任知府朱治泰。未完玖分以上州县官叁员，宁州降调知州张朝衡，奉新县降调知县王家楨，上高县降调知县易道沛。全未完县官壹员，余干县见任知县宁纘宗。叁劾官貳拾玖员，南昌府知府陆运际，瑞州府知府张其义，署瑞州府事本府推官骆篋伯，署临江府事本府推官王纪，吉安府知府杨可楹，抚州府知府景世英，署抚州府事本府推官唐巍然，宁州知州毛斌然，南昌县知县徐登瀛，南昌县知县李云鹤，进贤县知县吴居辰，高安县知县刘鸿猷，上高县知县朱廷瑜，新昌县知县汪梦蒲，分宜县知县冯横，新喻县知县刘于廷，崇仁县知县张四维，南丰县知县张金榜，南丰县知县胡然翰，上饶县知县沈狮，贵溪县知县刘允升，万年县知县张德亨，署万年县事南康府通判赵殊，都昌县知县彭一骅，安义县知县徐君彦，德化县知县吕朝辅，署湖口县事九江府同知梁世奇，署赣县事赣州府同知韩文明，宁都县知县朱之楨。休致官壹员，署安福县事本府推官刘若澹。告病官壹员，新城县知县杨成德。物故官壹拾肆员，临江府知府赵吉士，南安府知府庄正中，宜春县知县王忻，分宜县知县江载清，署分宜县事袁州府同知高廷璧，泰和县知县杜应用，署安福县事南昌府通判郭崑，安福县知县杨英，泸溪县知县张

希斌，玉山县知县萧孔和，铅山县知县王天锡，星子县知县薛胤隆，兴国县知县王廷儒，署兴国县事吉安府经历张秉彝。

以上各官臣遵考成之法，分别任事之月日，壹年分作拾分打算，妥确其间，参劾病故之官，例应不议，然则见任之官，亦不知功令之足畏耶！站银协济均属急需，而各府州县多有未完者，愈玩之咎百口难辞，应听部臣照例查议矣。至于吉安府永丰县知县王演碧、永新县知县王登录、万安县知县李炳然，或冒破钱粮，或漏造协济，或应付白牌纸票，通未开载明白，复经该道駁查，频催不至，敢因参县之稽迟并稽通省之册乎！王演碧查系已参革职者，应听另案审结。王登录、李炳然均当重处，以为藐视功令者戒。抑臣更有请者，江省积玩罄竹难书，臣查此案，原系顺治拾年拾壹月内行至江西，至臣拾贰年贰月内到任之日，尚无影响。臣始檄驿传道从头料理，而各府州县犹昏昏醉梦，不知所从，多有造报不妥者，往返駁查，动经贰千余里，非臣催督之不力，实系升任驿传道萧应聘之玩忽违悞耳！见任驿传道副使萧起元接管，创造极力告竣，似与久稽未造者不同，均听部覆。今将冲僻均平，与协济完欠演册咨送兵部查核，除未到参县文册催至之日彻底清查，与拾壹年分考成见在催造，另疏具题外。

臣谨会同江南督臣马鸣璠合词具题，伏乞敕部核议行，臣等遵奉施行。缘系协济本可通融冲僻不难酌量清严定驿传考成之法照夙弊以飭部政事理，未敢擅便，为此具本，差承差杨廷秀赍捧谨题请旨。

批红，三法司核拟具奏。

（内閣題本）

## 24 恩国泰题西宁等处喇嘛乘驛

### 来京往还事宜本

顺治十二年九月初四日

礼部尚书臣恩国泰等谨题，为遵谕教陈职掌事。

主客清史司案呈，奉本部送礼科抄出兵科外抄，兵部尚书李际期等题前事，车驾清史司郎中宋之屏奏疏内称，奉谕：在京柴品以上满汉官员，俱宜殫竭忠诚，共图补救，凡职掌之内，向来积弊所在，见今整顿之方，详切敷陈，以资采用。钦此。臣谨臚列叁款为皇上陈之。

一，今日驿递，畿内为极冲极苦，每日应付不下数拾起，地圈民投，钱粮取给户部领讨维艰。过往员役奉法者少，倚势凌逼者多。既供马匹，复行刁索，不遂其欲，则尽力奔驰，马随倒毙。各州县官疾声大呼，愁苦欲死。臣屡呈堂禁约并行督抚调停，未见实济。臣见汉官照题定条例分品级给与夫马，满官止按跟役多寡填给马匹，茫无定数。窃思满汉一体，满官奉差，亦应遵照条例依品填与勘合。又查条例内，肆品以上官近京肆百里差，量给夫马，余官近差，俱无应付。臣以为畿内驿递非减差不能少苏。今应无论满汉官，不拘几品，凡近京伍百里差，俱不许驰驛。平西、平南各王差官赴京，自是公务，但见每次勘合，用马多系壹贰拾匹，络绎不绝，乞谕各王，以后赉奏报捷等公事，填给勘合，其余不得轻骑驛马。若有奉差员役，非系紧急军情，骑毙驛马者，该管官据实报部，务必照例责赔。庶差少则驛困可苏，例严则倒毙自少矣。伏候上裁。

一，喇嘛宜禁。臣见甘肃抚臣咨称，拾年闰陆月，喇嘛回藏，用马壹千贰百余匹，倒失马壹百叁拾柒匹。拾壹年肆月，喇嘛进京，用庄浪营驛马壹百玖拾壹匹，车贰百贰拾伍辆，沿途马少，接替不及，越站柒百余里。人民号哭奔随，倒失官马伍拾玖匹，民牛拾

查头；民车伍拾陆辆。甘肃一处如此，经过地方，处处受累可知。又拾壹年玖月，送喇嘛回藏，用马骡壹百玖拾叁匹，从京送至怀来，怀来送至张家口外，进宁夏，出西宁，驿马无几，又不知如何骚扰矣。此辈何功于国，何利于民，妄称活佛。频频往来，扰害百姓，所宜深恶而痛绝者也。伏候上裁。

一，宣慎一带，设有军站，应付过往员役。今闻军站空有名色，一应差遣，俱拉商民头畜应付，以致民累难堪，商旅裹足。乞敕该督严查各路所设军站，有无马匹，各站所给钱粮有无冒破，核实奏闻，务期驿差官应，不得再累民间。倘有冒破害民等情，即将该管官役立行纠参，庶穷边残黎稍可存活。伏候上裁。

以上皆臣职掌所关，冒昧上言，字稍逾格，伏祈裁鉴施行。等因。顺治拾贰年正月贰拾陆日奏，贰月拾柒日奉旨：兵部察议具奏。钦此钦遵。抄出到部送司。案呈到部。

该臣等看得各官填给勘合，自应照题定条例，毋容再议。其四品以上官近差，应仍照旧例量给夫马，满汉一体应付，奉差员役不系军情，骑毙驿马，照例议处。平西、平南各王差官赴京务要的系公务，方可动用勘合，酌填马匹。至于迎送喇嘛，骚扰驿递，苦累百姓，其禁止事宜，应听理藩院、礼部议覆。宣慎设有军站，何得混拉商民头畜应差，明系官役侵冒钱粮，不买马匹，请敕该督按严查具奏再议可也。臣等未敢擅便，谨题请旨。照治拾贰年陆月贰拾捌日题，贰拾玖日奉旨：依议。钦此钦遵。抄出到部送司。案呈到部。

该臣等查得顺治拾年，陕西沿边一带，西宁、庄浪等处喇嘛来京，缴换明朝敕印，该省总督量给驿递车马前来。回还时，臣部亦照总督所给勘合，酌量算给驿递车马，移咨兵部给发前往在案。今西宁一带，来京缴换敕印喇嘛想已将尽。至于乌思藏阐化王，每叁年照会典定例朝贡一次，所有驿递车马，自顺定例给发。如往来按违定例，骚扰驿递，苦累百姓，应听地方官严查题参。谨题请旨。



批红：依议。

(内无题本)

25 林天擎为陈楚省夫驛积弊  
及行清核良法事揭帖

顺治十二年十月十九日\*

钦差巡抚湖广等处地方兼提督军务·都察院右金都御史林天擎为驛困拨济不敷，夫马尚可通融，谨陈积弊，仰乞睿鉴敕部议行事。

窃驛递之苦，惟楚为甚，军兴考午，差使络绎，即使驛银足额，较设驛之初，马匹人工草料无一不贵，止抵当年十分之三四，况除荒征熟，缺额几乎半！如合省脚马驛马原额银壹拾捌万柒千玖百捌拾肆钱壹分陆厘，今除荒止实征银拾万玖千玖百捌拾柒钱柒分，排夫银壹拾壹万肆千零陆拾壹两叁钱伍分玖厘。今除荒止实征银陆万伍千零玖拾伍两贰钱柒分玖厘陆毫。仰遵拨解济冲之行，总于不足之内，哀彼以益此，此未足而彼又告苦。本年貳月貳拾伍日，钦奉敕谕内云，每驛应用马匹草豆鞍轡夫役工食数目钱粮，见额若干，应补若干，逐一确算造册奏报，应用钱粮准于应解正项钱粮内动支。钦此。但正项有数，军需告急，安得如许以补驛递。惟有清查排夫，严禁滥差，尚有余银，可以少济驛马之困。查马匹除照部定驛规，司道府厅州县在任不许擅用夫马，仍应勘合火牌，督抚按院军机会稿不可已之役，至于排夫止应勘合一差，或督抚按巡历拾送文卷，及解送满兵月饷，此外皆系滥用。职严行申饬，不啻再三淳且切矣。

本年肆月貳拾柒日，据蓝山县新任知县穆贞元详称，本县初辟，荒残之极，以入代马，有往来过客上司差遣不奉勘合火牌，求讨人情，动掇夫叁肆名或壹贰拾名，往返半月，人不如马，当即通行严

禁矣。柒月初貳日，据京山县新任知县曲帅正详称，排夫任全等告称，除分守道轿伞夫陆名，软抬管粮厅水夫贰名，计其所扣已去伍拾捌两伍钱陆分。本县清捕儒学水伞夫捌名，更有府县长差饭米盘费，无不在工食内扣除，日应无名之役，苦实难支。查轿伞夫间有应得，两水夫则系滥占。职随传该县夫头任全、屈成、袁明亲行查问。各役执出拾贰年正月起到陆月止，朱笔夫票，共计差用过夫陆百伍拾玖名。内止有起解郢襄会剿兵饷，先后陆次，共用夫壹百叁拾捌名。其余俱系署事知县谢泰差挑戏箱，差送礼节，差送过客衙役，又长差远接家小动夫银壹百陆拾两，马银贰百伍拾两。阅之未毕，不觉发指毗裂。职叨抚全楚，愧未能灭贼朝食，惟矢冰蘖，率属虽居省会，竟同寄客，即水皆买食，执事人役，俱系自发纹银雇募，并未敢动地方一文，役地方一人。诿意各属藐视功令，竟滥觞至此其极，除行驿盐道严查禁飭。谢泰已经经略辅臣别案纠参外。职思一县如此，其余可知，甚有道府厅官在衙，日有夫马伺候，有时公出，各属夫马数拾迎送交界。密访则实明，查皆坚不肯认，此何非百姓膏血，朝廷正供可听滥用，若斯致令各夫时为控告求增求协乎？何如严加清核，无所容其蒙混，则夫银有余，更可以济驿马之不足也。然当年设夫时，平岁稔工食原贱，日止貳分，今尚不足一餐。合省俱无见在之夫，止养夫头叁肆名，临时雇募，每拾里给银貳分。职思清核之法，即照各属见行之例，与之计差算夫，计夫算银。有夫百名者，准其募养夫头数名，吃拾名工食，不论有差无差，按日支給，印发循环，逐差登记，或某日某官执勘合往某处，用夫几名，或某院差某役为某事往某处，用夫几名。向之道府厅县衙官儒学各有额占长夫，游玩交际，过客衙役俱行取用短夫，皆因有夫可拨，故滥索而无忌，辄多而不足。今按季清核，夫则有名，银则有数，即欲滥用一夫而不敢，混冒一名而不能。如京山至冲之地，计之半年，约省用夫伍百余名，一年之内可省十之五六，而偏僻之处，

竟无所用，其省不更多乎？将此节省之银，俱令按季起解驿盐道，协济冲驿，或买马，或应差，惟以足额而止，不许过额。年终清算，省过若干，协过若干，汇总报销，一清核转移间，夫不告苦，而马有余助。职已查明，窃意其可行，但积玩之官吏难醒，未必恪遵，仰祈睿鉴敕部酌议，若果可行，严加申饬，庶人心知惕，而邮政望有起色矣。

职谨会同督臣祖泽远、治臣胡全才、沅抚臣袁廓宇、湖南按臣胡来相、湖北按臣张朝瑞，合词具题。伏乞敕部议覆施行，各述夫马情由，字稍逾额，统祈鉴宥，为此除具题外，理合具揭。须至揭帖者。

（内附揭帖）

## 26 秦世禎为浙江协济河间驿站银两事揭帖

顺治十二年十一月二十二日

钦差巡抚浙江等处地方·提督军务·都察院右金都御史秦世禎为遵旨具奏事。

顺治拾贰年拾月初玖日，准户部咨前事内开，该本部题覆直隶、山东、河南总督李荫祖奏前事等因。顺治拾贰年捌月初肆日奉旨：户部知道。钦此钦遵。该臣等看得江南、江西、浙江协济河间府驿站银两一案，该督臣李荫祖疏称，似应移催彼中督抚覆奏。等因。第查前事于顺治拾年拾壹月内，该臣部题明，通咨江南、江西、浙江各督抚确查具题去后。续准江西抚臣蔡士英回咨，前项协银，自陆年叛变之后，兵饷无措，搜括改抵等因，并未具疏上闻亦未分晰应协数目。至于江南、浙江各督抚，迄今尚未覆奏，应再请敕江南、浙江各该督抚，确察前项银两，节年曾否征收，作何支解及迟悞情由覆奏，并乞敕江西抚臣，分晰具题下部，以凭察核定夺可也。等因。顺治拾贰年玖月拾贰日奉旨：依议行。仍立限去，如迟延违限，科道官纠参处治。钦此钦遵。抄出到部。相应移咨限三月内覆奏等因。到职。准此。

随即转行藩司备查去后，今据左布政使张增彦呈称，河间府协济银两每年额派山阴县银四百四两二钱一分零，会稽县银二十二两六钱一分。顺治三年分，山阴县减征银一百一十八两三分零，会稽县减征银六两六钱零，俱已全完。奉前任张都院取充军饷用讫。其四、五、六、七、八、九、十年分，案奉部咨催查，遵即严檄该县勒限催提，不啻楮穷颖秃，无奈该县视协济为缓征，毫无完解，致稽部限。十一、二年分，山阴县已完银六百两，会稽县全完银四十五两二钱二分，俱见贮在库，另候搭解。今将各年已、未完额造册，见在呈送等因到职。

据此，该职查看得，浙省协济河间府驿站银两每年额，该山阴、会稽两县征解共银四百二十六两八钱二分零。顺治三年分，当两浙初定之时，军需孔亟之际，已完银两，俱经前任督臣张存仁军前支用讫。其四、五、六、七、八、九、十等年，该县慢视缓征，遂致节年压欠。今职已严檄藩司，责令该县见任官，按年带征勒限完解。至于十一、十二年分，严檄督催，共已完银六百四十五两二钱二分，见贮司库，即令该司先行附解，以济急需可也。

既经该司察明造册呈报前来，除文册送部查核外。谨会同督臣佟代，合词覆奏，伏乞敕下该部查核施行。为此除具题外，须至揭帖者。

(内附揭帖)

## 27 蔡士英为江北各府州驿遣钱粮考成事揭帖

顺治十二年十一月三十日\*

钦命总督漕运·巡抚凤阳等处地方海防军务兼理粮饷·兵部左侍郎兼都察院左副都御史今罚俸蔡士英为协济本可通融，冲需不难酌量，请严定驿传考成之法，厘夙弊以饬邮政事。

案准兵部咨前事内开，以驿政考成驿传道，令州县按季造册

呈报该道，该道呈报督抚，年终核实题参，敕下兵部分别考成等因，奉有谕旨各咨在案。所有拾壹年分驿递钱粮完欠职名，例应遵旨题参，以别殿最。今催据江南驿传道金事赵曰燠，将江北庐、凤、淮、扬肆府，徐、滁、和叁州，驿递钱粮完欠分数，并督征经征各职名，造报清册前来。

该职按册覆核，若拾分全完者，则无为州经征知州佟国祯，舒城县经征知县周敬先，巢县经征知县陈自明，霍山县经征知县栾元魁，英山县经征知县王兆樾，寿州经征知州李大升，泗州署印盱眙县知县孙昭锡、接征今被劾知州宋德芳，宿州经征知州刘名世，凤阳县经征知县柯汝芝，临淮县经征知县安洪嗣，定远县经征署印本府升任同知覃楚大、接征署印本府经历邓豫，蒙城县经征知县田本沛，盱眙县经征知县孙昭锡，天长县经征知县王辛，颍上县经征升任知县鲍弘仁，淮安府督征今被劾知府李廷梅，邳州经征署印徐州同徐光祖，接征知州李成栋，山阳县经征去任知县许重华、接征知县李祥光，清河县经征知县杨必昌，桃源县经征知县郑牧民，宿迁县经征被劾知县焦文华、接征知县周祚永，安东县经征升任知县吴尚礼、接征知县张世泽，署印本府照磨柳应滨、接征知县夏时正，沐阳县经征知县王国泰，盐城县经征知县贾国泰，赣榆县经征知县穆尔谟，睢宁县经征知县魏翰，高邮州经征升任知州龚蕃锡、接征知州张士望，江都县经征升任知县刘玉瓚、接征知县卜昌运，仪真县经征知县牟文龙，宝应县经征被劾知县祁登第、署印本县县丞潘茂隆、接征知县王同春，海门县经征知县庄泰弘，兴化县经征知县张嘏、接征知县任登级，滁州督征知州杨凤岐、经征知州杨凤岐，全椒县经征知县白愧涵，来安县经征知县汤九围，徐州督征知州余志明、经征知州余志明，萧县经征署印徐州卫经历杨用陞、接征知县丁体仁，丰县经征知县阎珩，沛县经征署印儒学教谕萧松龄、接征知县郭维新，砀山县经征知县夏以牧，和州督征今被劾知州李如

兰、经征今被劾知州李如兰，含山县经征知县黄鼎。未完不及壹分者，则庐州府今升任知府吴允昇，凤阳府督征知府王曰都，合肥县经征知县司南，定远县接征知县高万仞，霍丘县经征知县戴治盛，太和县经征知县夏云从，扬州府督征今被劾知府萧瑄，泰州经征知州赵汲，通州经征知州钱国琦，如皋县经征知县李璞。未完壹分者，则怀远县经征知县傅慎固。未完壹分以上者，则庐江县经征知县孙弘詰，六安州经征知州刘克孔，颍州经征知州王天民。未完贰分以上者，则亳州经征去任知州严自泰，灵璧县经征知县刘樞，颍上县接征知县罗正冕、署印颍州州同郇献谟。未完叁分以上者，则秦兴县经征升任知县石荣、接征知县王调羹。未完肆分以上者，则五河县经征升任知县丁裕初、接征知县王建樞，虹县经征知县李养麟。若以庐、凤、淮、扬、徐、滁、和柴府州之完欠，计驿传道金事赵曰燠之考成，则是未完不及壹分。

既经该道呈报前来，除将印册咨送兵部查核外，职谨会同总督江南、江西等处兵部尚书·右副都御史臣马鸣璜、巡按江宁等处监察御史臣鍾有鸣、巡按苏松等处监察御史臣孔胤樾，合词具题，伏乞敕下该部议覆施行。为此除具题外，理合具揭，须至揭帖者。

(内揭揭帖)

## 28 胡秉忠为清裁僻驛虚设之马事揭帖

顺治十二年十二月初四日\*

户科副理官胡秉忠谨揭，为大路冲繁之驛既已协济，僻邑虚设之马亟宜清裁，谨献刍言，特效愚悃，吁请睿鉴，严察速革，以整残驛，以裕国用事。

切职旧人也，沐朝廷豢养之弘恩，亟图报称于罔极，且以刍牧小吏，新蒙皇恩拔置耳目侍从之班，谬膺言责受斯任者凡有风闻，尚当入告，况躬历目击之事，而敢不以上闻乎！职前承乏襄陵司牧

数载，其民间疾苦取可得而主持者，已尽兴除，以遂间间乐利外，惟有襄陵额设县马一事，非丸邑小吏所得而擅行调剂者，兹特为皇上陈之。

切查平阳一郡，驿递之极冲者，则有临汾县之建雄驿，曲沃县之蒙城、侯马等驿。盖诸驿隶在大路，凡赍奏等差，以及军需银粮，并使客过往一一恪遵功令，不敢枉道，俱由建雄等驿大路而行。至取所莅襄陵则邑居偏僻，并无设立驿递，一切差使等项，一岁之内或间有一二经由者。故昔因调剂驿递冲僻，议将襄蒙县协济建雄驿正、副马三十四匹，终岁在于该驿应付一切差使。仍议将襄陵正项站银，每岁动支一千二十九两有奇，买办草豆，拨夫运送该驿，以供喂养协济马匹之需。此以简济繁，议属至当，所宜永遵，而万难更张者。惟是襄陵除协济建雄外，又有额设县马一十五匹，每岁亦动支正供银四百二十两，以资秣饲。但所设之马，缘系僻邑，终日安闲无所事事，偶遇紧急公文，则有经制马快八名，足以赍送。似此县马之设，有应差之名，无应差之实，全无裨于皇路，徒糜费于国帑，如是而孜孜牧养何为哉？职緬思数载以来，南早北涝，灾祲频仍，民生困穷未苏，司农仰屋兴嗟之际，岂堪以有用之金钱，养虚设之马匹，良足惜也。微臣亲历其事，久为扼腕，而亟欲赴控于君父之前者。且也县马之虚设，不独襄陵一邑为然，即太平等县，绛州等州，皆系僻路，均有额设之马，动支之银。顾襄陵之县马当裁，则太平等州县虚设之马，一并宜裁，更即此而类推之，各直省偏僻之州县，在在皆有，而虚设之马匹，岂云独无司邮符者，不可不详察而熟筹之也。合无请勅该部速察襄陵是否僻邑，额设县马有无差使，按晋省年终报部册籍一目了然，稽核既明，即将县马十五匹尽行裁革，并四百二十两喂马站银照数征收解部，仍酌议所裁之马，或拨补残驿缺额之数，或变价解部以济驿站急需。职区区管见，虽非嘉猷，然亦驿政之一助也。

更请严勅各直省督抚按，将所属僻路州县调簿详阅，概行清察，其无用之马匹，虚糜之钱粮，一例裁革解部，即将裁革之银马，用以补助冲驿之不敷者，特一转移间，伫见凋残之驿递，借此可望整顿，而天下之驿政，一时焕然改观矣。

因陈末议，字多逾额，仰祈鉴宥采纳，勅部速察议覆施行。为此除具题外，理合具揭，须至揭帖者。

(内开揭帖)

### 29 金砺题查取通欠驿站银两职名事本

顺治十二年十二月十四日

钦命总督陕西叁边四川等处军务兼理粮餉·兵部尚书兼都察院右都御史今降壹级臣金砺谨题，为钦奉上谕事。

顺治拾贰年拾壹月贰拾叁日，准兵部咨奉上谕开催壹件，陕川总督金砺题为恭报甘镇站价等事疏内，列有各州县官累年积通站银，本部覆请敕该督抚勒限严追，务照数完解，以佐军需等因。顺治拾壹年拾贰月拾叁日奉旨：是。依议行。前件限文到壹月内具覆。等因。顺治拾贰年拾月贰拾捌日题，本月贰拾玖日奉旨：这行察事件，尔部既酌定期限，依议速飭行。钦此钦遵。抄出到部。各咨到臣。准此。

案顺治拾贰年贰月初壹日准兵部咨开，该臣等看得甘肃所属驿站，额设军夫马牛数多，又各衙门杂费俱支动站银，致每岁额派协济银，共贰万捌千捌拾玖两。今据该督疏称，招补驿兵壹千玖百柒拾肆名，查有旧存驿马玖拾叁匹、牛壹百肆拾陆只、驴拾肆头，又买过马壹千捌拾壹匹，酌量地方冲缓，安立走递，壹应滥差杂费概行禁革，每年议留站银肆千两，已足供应。自抚臣周文焯任内，陆、柒、捌、玖年及拾年共节剩站银壹拾壹万叁千柒百陆拾玖两零，议归充饷，以后遇有供应浩繁，如迎送喇嘛之类，仍另行司库支银



前来，既经该督酌议妥当，相应如议。

至于各州县官累年积逋站银，该督疏称，委因地方荒残，征解不前，仍应敕该督抚勒限严追，务期照数完解，以佐军需可也。等因。奉旨：是。依议行。钦此钦遵。抄出到部。移咨到臣。随经转咨陕西抚臣，并行布政司，勒限严追，务期照数完解，以佐军需及屢催去后。

今准部咨，钦奉上谕，立限开催前来，遵即转移该抚，并行该司，差人守催间，拾贰月初壹日，据署布政司事督粮道参政程之璿呈称，行据西安府申称，先奉本司信牌，蒙总督陕川金尚书完牌前事等因，仰府官吏查照各云牌内事理，即勒限严催蒲城、乾州、邠州速将未完前项站银，务要勒限壹月通完解司，收充兵饷，奉此。遵照各行蒲城、乾州、邠州严催去后。又奉本司信牌，蒙巡抚陕西陈都御史完牌同前事等因。仰府官吏查照前行及今各云牌内事理，即将蒲城等州县节年通欠甘站银两，限文到叁日内，务要尽数通完解司佐饷，仍具由呈报，如再违限不完，将各官职名揭报本司，以凭转报题参，奉此。遵照各云，复行各该州县严限催解，及屢催去后。又奉本司信牌，亦同前事等因，仰府官吏即将该州县未完甘站银两经征，并带征各官职名，并经承姓名，造册报司，立等转报各部院，一面仍将未完银两严催通完解司，慎勿再缓，未便奉此。除行各州县严加催解外，遵将各州县陆年起，拾年止，甘站银两分别已、未完数目，并经征各官职名，造册拟合申赍等情到司。

据此，该本司为照各州县协站充饷，自宜尽数通完，而无如屢年积逋，正署相沿，屢催不解何也？据西安府册造甘镇站银题充兵饷壹项，除陆、柒两年未完银两，奉旨蠲免外，其捌、玖、拾叁年额征银两，除荒征熟内朝邑乾州同官，已经通完。其捌、玖年未完蒲城掌印知县张舜举、带征知县田大茂，拾年分未完蒲城署印县丞余天茂、掌印知县璿明琳、带征知县田大茂，捌、玖、拾叁年未完邠州掌

印知州苏东柱各官接管经征带征起止日期，未完数目，遵依指名造册，相应呈报等因到臣。

据此，该臣看得甘肃节剩站粮，既经该抚题明充饷，而累年积逋之数，部议臣等严追完解，以佐军需，当此兵饷孔棘之时，岂容仍前逋欠。臣等严加催督，不遗余力，已拾阅月之久，而蒲城、邠州除遵诏蠲免外，尚有未完银共捌千壹百伍拾余两，经征各官均不能无咎也。

既经该司查取职名造册呈报前未，除原册咨送兵部外，臣谨会同陕西抚臣陈极新会词具题。伏乞敕部议处施行。因备述咨文，字稍逾额，更祈鉴宥。为此具本，专差承差王尚义资捧谨题请旨。

批红，著兵部察核议奏。<sup>①</sup>

(内閣題本)

### 30 马鸣珮题江南各州县冲僻各驿协济银两事本

顺治十二年十二月十五日

钦命总督江南江西等处地方军务兼理粮餉·兵部尚书兼都察院右副都御史今降贰级戴罪臣马鸣珮谨题，为协济本可通融，冲僻不准酌量，请严定驿传考成之法，厘夙弊以饬邮政事。

顺治拾贰年拾贰月初伍日，准兵部咨开，该本部覆江南总督马鸣珮题前事等因，抄出到部。该臣等看得督臣马鸣珮疏题江南省经催征经驿站协济已完未完各官内，除庐、凤、淮、扬肆府，滁、和、徐叁州，所属各官业经漕督蔡士英疏参，臣部覆奉旨行吏部议处，无容再赘外。其余已、未完协济各官，并江南驿传道赵曰熿，玩忽部政，相应并请敕吏部照例议处，以别勤惰。至于酌议江南各驿冲僻事宜，据该督疏称，俟各抚臣酌妥另行续奏，仍应请敕该督速为严

<sup>①</sup> 此仅文批红缺，据清文批红译补。

查，明确奏夺，以均劳逸可也。等因具题。顺治拾贰年拾月贰拾柒日奉旨：是。依议行。仍立限去，如迟延违限，科道官指参处治。欽此欽遵。抄出到部。限文到壹月内具覆等因。移咨到臣。

案查前督臣马国柱交代卷内，准兵部咨，为欽奉敕谕事，吏部接捧敕谕内开，一，近来各处驿递疲累至极，冲要地方，尤为困苦，皆因马价草料工食等银不敷支用，民力既穷，马亦随毙，买补之费，仍出于民，民困如此，势必至驿政尽坏，道路不通。著户、兵贰部行各督抚察地方冲僻，及路程远近，每驿应用马匹、草豆、鞍辔、夫役、工食数目，钱粮见额若干，应补若干，逐一确算，造册奏报，应用钱粮，准予应解正项钱粮内动支，原解缺额，该部另行酌议，务期久远可行。凡从前倒塌驿站，责令各地方官速行料理，如因仍废弛，著该督抚察明，并道府题参究治。其奉差员役，需索骚扰，屡有严禁，著再行申飭，务革积弊。欽此欽遵。

案查又准兵部咨，为遵旨条陈时宜等事，覆江南右布政使郑廷樾原题内开，以僻驿之钱粮，协冲驿之买马，查明原额，逐项造册报部等因。又准兵部咨，为协济本可通融等事，覆户科给事中周曾发原题内开，各省驿递钱粮，该督抚年终核实施参，臣部分别考成。至各驿冲僻不均，宜通融协济者，总以勘合火牌为主，应察其应付多寡，即定州县冲僻。由此，通融协济，务期适均，不至偏苦，并督催应协报两，及期完解，仍将完欠数目填册，以凭考核。等因。又准兵部咨，为查明驿站冲僻，以均协济事。该本部原题内开，各督抚各查各州县驿递，应付过勘合火牌数目，酌量通融。如钱粮多而应付少者，即可据以裁减，应付多而钱粮少者，即可据以加增，径行疏请，务期适均。等因。又准兵部咨，为冲途之协济不均等事，覆礼科给事中杜澳原题内开，各驿冲僻今昔不同，站银俱宜通变，应并行各该督抚速为酌议，务期适均具奏等因前来。

该前督臣节经咨会江南、江西各抚臣，并行两省驿传道查议去。

后。臣于本年叁月貳拾肆日到任，即将欽奉勅諭，并以儲濟冲各案，飭催兩省驛傳道，除江西省前據該道副使蕭起元，查明縣驛冲儲，撥派協濟，已于順治拾年分考成冊中填造明白，臣与抚臣郎廷佐各疏會題乞。其江南各驛，系叁抚臣分轄，抚臣身在地方，冲儲見聞更切，哀簡益繁，必須抚臣酌妥，是以簡督臣批候各抚臣詳承會題。自臣接管之后，清理積案，嚴檄飭催，先據該道詳稱，查江南全省，惟安慶各驛差繁，近奉操抚李部院酌定，以徽、寧、廣等處僻邑錢糧撥濟，題奉諭旨。其江、寧、蘇、松、常鎮伍府，各驛旧額尽足支用，一照全書，各归原額，已經詳蒙江寧張抚院批允，仍旧无煩更議。惟漕抚庐凤等处，業已屢催各屬查議，未據回覆，无凭詳報等因。臣复加严批，又屢行飭催去后。今據江南驛傳道金事趙曰燠詳稱，本道遵照部行，以勘合火牌应付之多寡，定驛遞之繁簡，自奉文以來，各府州縣詳請紛紛，督抚各台批酌再四，歷經岁月，始克有成。淮江北各屬驛遞最冲，支應最苦，本道遵將漕抚部院發下凤府酌議，各州縣協濟清冊，裁酌務求至當。計凤屬應減出寿州、泗州、潁州、定遠、盱眙、頰上、太和、張橋捌州縣驛銀陸千捌百玖拾兩玖錢陸分伍題，以補凤屬池河、紅心、王庄、固鎮、睢陽、虹縣及滁州之大柳等縣驛，共銀伍千柒百捌拾貳兩柒錢柒分陸厘柒毫伍絲，尚有裁出銀壹千壹百捌兩壹錢捌分捌厘貳毫伍絲，應留以俟后來果有極疲者，詳請酌濟。又于和屬含山縣，減出銀捌百兩，以補滁州之濉陽，此以儲濟冲之定議也。又宿遷縣，原設馬肆拾肆匹，額銀捌百伍拾叁兩陸錢，帳馬不敷，該縣議設馬捌拾匹，驢肆拾頭，請增銀肆千捌百肆拾玖兩，具詳漕抚蔡部院。奉批：宿邑彈丸，而地當最冲，驛遞疲困極矣，第蕞爾一縣而驟加至伍千金之多，事屬難行，仰淮徐道確議報。隨經移酌議，量增馬貳拾貳匹，驢貳拾頭，馬价草料鞍轡槽工食等項，應增銀貳千肆百貳拾肆兩伍錢，合原額共銀叁千貳百柒拾捌兩壹錢，堪以供遞。又邳州請增銀貳千陸百玖

拾柒两贰钱。查该州原额马壹百零肆匹，原额银叁千叁百贰拾捌两，向减马一半，设船贰拾只，今陆路差繁，止留船拾只，减去船拾只，补马贰拾陆匹，其马价工料旧额不敷，本道议增银捌百叁拾贰两以济其用。计淮属邳、宿贰州县共应增银叁千贰百伍拾陆两伍钱，无可裁拨，应遵勅谕请动本州县正项，以苏驿困。理合造册通详，伏乞宪裁。具题等因到臣。据此。

该臣看得江南路当孔道，南北通衢，应付频仍，县驿久称苦累，荷蒙皇恩浩荡，查议以僻济冲，不止下恤民艰，更可清厘邮政。臣行驿道察覆，若江宁苏松等伍府则原额适均，不烦裒益，业经抚臣定议矣。若安庆、池州等陆府州，则酌拨徽宁僻邑协济安庆吕亭、陶冲等驿，先经抚臣题明矣。惟江北凤阳所属，酌省简僻之寿、泗等捌州县驿银陆千捌百玖拾两零，内补冲繁之池河、红心等县驿银伍千柒百捌拾贰两零，余银壹千壹百捌两零道详存备疲驿。又于和州所属含山县减出银捌百两，以补滁州之滁阳驿，可谓通融，以符部议矣。但淮安所属宿迁县驿疲地冲，请增马驴工料等项银贰千肆百贰拾肆两伍钱，邳州陆路差繁，请增补马银捌百叁拾贰两，贰项无可裁拨，该道请遵勅谕请动本州县正项。臣恩凤属余银壹千壹百余两，虽该道议留以备本属疲驿，然当此国用告匮之日，节省岂容余存，应将余银壹千壹百余两拨济宿邳之困，其余不敷，应否动支正项，统候兵部再加酌度，非臣所敢擅议也。

除该道造到清册送部查核外，臣谨会同漕抚督臣蔡士英、江宁抚臣张中元，合同具题，恭候皇上敕部议覆施行。缘系协济本可通融，冲僻不难酌量，清严定驿传考成之法，厘夙弊，以饬邮政事理，未敢擅便，为此具本，专差官黄治国赍捧谨题请旨。

批红，著察核具奏。兵部知道。

(内简题本)

### 31 董天机题查明直隶各州县驿站冲僻以均协济事本

顺治十三年正月初三日①

钦差巡抚直隶等府地方·赞理军务并关镇海防都察院右副都御史臣董天机谨题，为查明驿站冲僻，以均协济事。

顺治拾贰年柒月拾贰日，准兵部咨，车驾携吏司案呈，奉本部送兵科抄出该臣题前事等因。顺治拾贰年叁月贰拾肆日奉旨，该部确议具奏。欽此欽遵。抄出到部。蒙批，司查议覆。送司。奉此。

看得直抚疏题，酌议冲僻通融增减，其加增银两，遇马匹倒毙，即可买补，无容再请部发。等因。按僻济冲，原均劳逸。但直隶驿遵冲僻不止数处，即如清苑、涇阳、庆都与定州、新乐接壤，均系大路，应付相同。何清苑、涇阳、庆都议冲即增，而定州、新乐议僻即减。又如三河与蓟州连界，道里相同，三河独增，而蓟州竟不說出。再查遵化、顺义、密云、怀柔等处，俱应付寥寥，似属简僻，又未议及裁减。如此数驿错误，他处可知。至于所议加增银两，果否足备买马，事关邮传要务，必须区画的当，方可久行，倘虑有不悉，恐日后纷更，殊为未便。相应仍咨该督抚将所属州县驿递逐细查核，勿以前后矛盾为嫌，务期斟酌妥确回部，以便议覆。等因。呈奉堂批，駁查送司。奉此。相应移咨案呈到部。移咨到臣。

窃惟调剂冲僻，屢座明纶。臣于前岁冬底履任，即留心体察。去春部催急迫，不遑详核，辄据道府详册参酌入告。缘直属幅员辽阔，未经躬历，难以周知，故增减调停间有未确，复经部臣驳回再议，敢不从头整顿，以期详尽，于呈咨会督臣请其指示，通行道府，复加详酌去后。

又于去年拾月贰拾陆日，准兵部咨同前事内开，车驾清吏司案

① 此件日期据本年国五月二十三日件补。

呈，奉本部送兵科抄出该本部覆直隶巡抚董天机题前事等因。奉旨：该部确议具奏。钦此钦遵。抄出到部。批司查议。随经司议呈堂。

该臣等查得直抚疏内酌议所属各驿递冲僻一事，臣部因增减处所尚有未悉，及近畿州县驿递地土圈文者，额有部发驿马多寡不等以资应用。而该抚疏内有驿马无烦部发之语，果否能行久远，恐日后纷更未便，业经于陆月内，行查该督抚去后，至今尚未回部，相应请敕该督抚作速酌议妥确具题，以凭议覆可也。等因。顺治拾贰年拾月拾陆日题，本月拾柒日奉旨：依议行。仍立限去，如迟延违限，科道官指参处治。钦此钦遵。抄出到部。蒙批，司查勒限行送司。奉此。相应移咨定限拾壹月拾贰日速行查奏等因到臣。

随将各道府陆续回报缘由，一面斟酌从违及查各道府造送应付数目，亦有拾年、拾壹年之殊，如再驳取，尤恐稽迟，臣思此番哀益，遂为经久之图，不致朝三暮四，再滋纷更，是以其难其慎，未敢急速从事，兹准督臣咨会与道府条议逐一汇核。如首冲，则良乡、涿州、通州，应付繁剧，长垫甚多。并三河县差亦颇繁，额银数少，前虽议增，今宜再加，以苏积困。如次冲，则真定府属恒山、伏城贰驿，额数无多，前岁以支应不敷，议复站银未几，仍又裁去，面途冲马少，襟肘可虞。又蓟州先以额银较三河仿佛，未议加增，今三河既复增添，蓟州应同一视。再则丰润、玉田贰县，与永平府属七家岭、滦河、芦峰、迁安、榆关伍驿均系盛京孔道，差使日繁，以及河间府属胙县、静海、沧州叁州县，官庄壹驿，顺德府属中丘驿，俱额银数少，前所未及，今应量增，用资接济。又如保定府属，除金台驿额数稍足，无庸议增外。其宣化、白沟、涇阳、翟城肆驿，以及河间府属除瀛海驿照前议增外，其鄯城、乐城、阜城叁驿，前俱以东西两路次冲递相增益。今覆察宣化等驿，另有递运，所而鄯城等驿长垫无多，前加增之数，不无稍溢，今减半议增，以示均平。其武清县河、杨

两驿，仍照前数加增，并新城雄县协济定兴、安肃等处，仍归本县，俱无烦再议。以上首冲次冲各驿递，共计增银贰万柒千贰拾壹两肆钱。至如简僻则有顺天府属霸州、文安、大城、固安、永清、东安、香河、密云、宝坻、平谷、顺义、怀柔拾贰州县，保定府属唐县、易州、完县、容城、蠡县、祁州、深泽、束鹿、高阳、涞水拾州县，河间府属肃宁县，真定府属除定州、新乐、栾城、赵州、柏乡亦系稍冲。查站银业已足用，似应照旧支給。至于递马银数颇浮，宜量为稍减。其灵寿、藁城、无极、行唐、平山、冀州、新河、枣强、安平、饶阳、隆平、临城、高邑、宁晋、深州、衡水、南宫、晋州、曲阳、元氏贰拾州县，顺德府属平乡、南和、广宗、巨鹿、唐山伍县，广平府属永年、肥乡、曲周、广平、鸡泽、威县、成安、清河捌县，大名府属开州、南乐、魏县、清丰、东明、长垣、滑县、濬县、内黄玖州县，若驿若递，或额银太浮，或应付无几，臣亦酌其地方之稍冲极僻，计其郡邑之大小繁简，各裁减有差，共计裁银肆万柒千贰百肆拾贰两贰银玖分。前项应增之银，即于应裁之内坐派关领外，尚余银贰万零贰百贰拾两捌钱玖分，以备向后支拨缺额。

此外，真定府属井陘、获鹿贰县，顺德府属邢台、内丘贰县，前因有驿应付之故，递马稍减，督臣以地属冲途，仍议免裁，以佐不逮。并遵化、石门两驿，应付虽简，额银无多，亦应仍存其旧。总之，臣等不拘以前成议，惟求调剂适均，各得其宜而已。至若良、涿等处，旧例有部发马匹，今虽增银，而一旦责其自备，恐所得不偿，所费似应仍请部发，俟岁终臣等核其站银，果能充裕，然后令其购补。〈下残〉

批红：著核议具奏。该部知道。

（内閣題本）



## 32 戴明说等题协济山东驿站银两压欠甚多事本

顺治十三年二月二十二日

户部尚书臣戴明说等谨题，为冲驿繁苦难支，协银压欠不解，请乞睿鉴，敕部察议，以救民命事。

山东清吏司案呈，奉本部送户科抄出钦差巡抚江西等处地方兼理军务·兵部右侍郎兼都察院右副都御史臣郎廷佐题前事内开，顺治拾贰年拾贰月拾柒日，据江西布政司署左布政使分守南瑞道金事管右参议事迟日震详称，本年拾贰月初贰日，奉巡抚江西郎右副都御史宪牌内开，顺治拾贰年拾壹月贰拾陆日，准户部咨开，山东清吏司案呈，奉本部送户科抄出直省总督李荫祖题前事等因。顺治拾贰年陆月贰拾捌日题，柒月初玖日奉旨：该部察议具奏。钦此钦遵。抄出到部。送司。奉此。相应议覆案呈到部。

该臣等看得山东驿递，江南、江西、浙江叁省数年协济压欠至拾陆万玖千捌百余两。该督议自拾贰年为始，将叁省岁额协济责令解部，算作东省起运之数，其各驿买马，竟扣留藩司正项起运钱粮具题前来。案查兵部题覆，该督浙江协济河南疏内，议于拾贰年为始，将浙省岁编协济，径解户部，河南应领浙省协济站银，照数赴该藩司兑领，已经奉旨：依议。拾壹年以前欠银，着该督抚严察具奏。钦遵在案。则江南等处协济东省银两，亦应一体解部，其东省驿站，该藩司即动支本省正项钱粮。庶隔省无影射之弊，而催解免守候之苦矣。其江南各省钱粮，数年压欠甚多，既不协济山东，此项作何着落，折救该抚彻底清查，勿令拾余万金钱徒饱谿壑，仍明白具奏。至山东驿递，既无江南等处协济，不知向来驿站作何支应，请敕该抚确查冲僻，酌量款项报部酌夺，不得仍照贰万额数轻议扣留，致滋冒破。至大兵经过，拽船夫役，臣部覆该督，拽夫苦累一疏，每船应用纤夫若干，臣部俟兵部咨到，每口每日给米捌合叁勺，

仍将用过船只，并纤夫数目，取清汉字报部核销，奉有谕旨，在案，相应通行该省一体遵行可也。相应具覆，恭候命下，臣部转行遵奉施行。等因。顺治拾贰年拾月拾贰日题，拾叁日奉旨：是。依议行。钦此钦遵。抄出到部。送司。奉此。相应咨会案呈到部。移咨前来。备牌仰司。

即将江西协济山东驿站银两彻底清查，如属改抵兵饷，务将始末具详，以凭回奏，事关钱粮，且系奉拨解部之数，毋得混忽，不早求清，致稽款项，以贻后日葛藤未便。等因。奉此。又于本年拾贰月初伍日，奉巡抚江西郎右副都御史宪牌同前事内开，顺治拾贰年拾壹月叁拾日，准兵部咨开，车驾清吏司案呈，奉本部送兵科抄出户科外抄，该本部覆直省总督李荫祖题前事等因，顺治拾贰年陆月贰拾捌日题，柒月初玖日奉旨：该部察议具奏。钦此钦遵。抄出到部。批司查议。随经司议呈堂。

该臣等查得南省协济马价，前经该督疏请，河南一省，自顺治肆年起，至拾壹年止，未完银两，曾奉谕旨移咨浙抚查明未回。今玖月贰拾柒日，又据河间各州县具文请领南马银两到部，已经咨行各抚，备查各省领过银两并未领细数，及造某省每年应协某省某州县银两若干清册报部，以便查核去后。既经该督题请山东一省未完银壹拾陆万玖千捌百壹拾肆两零等因前来。相应并敕各抚速行查明题奏，以凭察议。至于疏称各省正项钱粮扣抵马价，俟各抚查明之日再行酌议可也，等因。顺治拾贰年拾月拾壹日题，本月拾贰日奉旨：依议行。正项钱粮，应否扣抵马价，尔部即确议具奏，不必又俟察报。钦此钦遵。抄出到部。批司查议。随经司议呈堂。

该臣等看将南省协济马价一项催解维艰，即差役赴领，经年累月守候，所领之银，往还盘费余剩无几，何济急务，该督议请浙江、江南、江西叁省协济山东马价银两，自拾贰年为始，将本省正项照数扣留，其南省应协钱粮改抵东省藩司正项诚属妥便。但东省额领

南省协济银两，虽经造册送部，而浙江、江南、江西该抚并无应协数目造报，而止据东省之数抵兑，倘有不符，日后分更未便，臣部故有查明酌议之请。今既奉有正项钱粮，应否扣抵马价，尔部即确议具奏，不必又俟察报之旨。

案查河南通省各驿有浙江协济马价一项，业经该督题请臣部覆奉谕旨准抵在案。今东省亦应如该督所请，将藩司正项照数扣留，为各驿备用。臣等再四筹画，查山东各驿，拾贰年于兹南省协济所得，十无一二，各驿亦尚能支应，今南马银两全扣，正项余剩甚多，恐滋滥冒，请教该督抚严查，所属驿递，果系冲繁，马匹缺额，方许动支，其余剩银两，年终一并报部核销，勿任下吏侵冒。仍敕浙江、江南、江西叁省各该抚，应协东省马价银两，自拾贰年为始，起解户部改抵东省藩司正项，册报兵部磨对及以前未完银两，速为查明题奏可也。等因。顺治拾贰年拾月贰拾贰日题，本月贰拾叁日奉旨，依议行。各驿应用马价，该督抚确酌数目具奏，有余的仍著解部。钦此钦遵。抄出到部。蒙批，司速查行送司。奉此。相应移咨案呈到部。移咨前来。备牌俾司。奉此。

该本司署司事右参议迟日震查看得协济山东驿站银两，岁额应解壹千肆百柒拾柒两叁钱伍分，于明季时，每年照额征解无异议也。自我清定鼎以来，兼之顺治伍年贰逆叛变之后，奉前巡抚朱右金都御史议，设镇营官兵，岁计索饷，查明季全书，搜括各款，改抵兵饷，共银陆拾叁万有奇，协济山东驿站之银，南京会同馆马价并金台、永定、白沟、镇宁等各驿马价正脚银，共玖千陆百伍拾捌两叁钱陆分捌厘柒毫，均在其中，业于顺治拾壹年正月初陆日奉前巡抚蔡左副都御史宪牌，为冲途驿递繁难，协济久欠不解，请乞睿鉴，敕部察议，以苏疲困事案内，已经前司卢震阳备将协济各驿改抵兵饷缘由呈详咨覆在案。复于顺治拾贰年玖月拾壹日，又奉宪台为钦奉上传事案内，本司又将协济各驿额征数目，逐一备细造册详缴宪

合，仰恳咨题在案。至于奉查肆年起，至拾壹年止，已、未完解作何支用。如肆、伍年者，乃金逆叛变之时，案卷焚毁，无凭查考，其自陆年以至拾壹年，皆征解于兵饷镇营支給无存，已载年终奏销，岁参班班可考。其自拾贰年，奉文解部，业经前院题明。见今兵饷荒缺，尚在祈请拨补，不能将此嗷嗷待哺之兵饷，征解于内部也。仰恳垂念军需急务，封疆重寄，俯将协济已改兵饷之银，急赐咨题，庶国计军需两有攸赖矣。等因。到臣。据此。该臣看得江西协济山东驿站银两，肆年以前自遭金逆叛变，卷案灰烬，无从查考。陆年恢复之后，题改兵饷，按年征给，前抚臣蔡士英曾经咨明在部。臣复于本年拾壹月初柒日，为查明驿递冲僻等事，具疏题明，无容再赘矣。今复奉有拾贰年为始，起解户部之旨，敢不凛遵，但既改兵饷，念此计口授食，见在急需，与茫无著落者不同，则此协济一项，仍祈皇上敕留本省为兵食之用，如该省站银就近另为拨补，庶彼此得免牵混，而兵民皆沐皇恩矣。除协济河间府站银，另疏题明外。臣再会同江南督臣马鸣珮、江西按臣竺重光合词具题，伏乞敕部一并议覆施行。等因。顺治拾贰年拾贰月贰拾伍日题，拾叁年贰月拾叁日奉旨：著议奏。该部知道。钦此钦遵。贰月拾肆日抄出到部。送司。奉此。相应议覆案呈到部。

该臣等看得江西协济山东驿站银两，前经臣部题覆直省督臣李荫祖疏称，压欠甚多，议自拾贰年为始，起解臣部，算作山东藩司正项钱粮。肆年起至拾壹年止，站银既未协济山东，此项作何著落，仍明白具奏，奉有谕旨钦遵在案。今江西抚臣郎廷佐题称，协济山东驿站银，岁额应解壹千肆百柒拾柒两零。肆、伍年间，遭金逆叛变，卷案焚毁，无从查考。陆年恢复之后，议设镇营官兵改抵兵饷项款内，有南京会同馆马价，并金台、永定、白沟、镇宁等各驿马价，共银玖千陆百余两，均在其中，仍留本省为兵食之用，题请前来，相应准其所请。再查该省册造协济山东东平州东源等驿，计马

查百貳拾捌匹，每年額征共銀叁千陸百餘兩，疏內開載應協山竈站銀壹千肆百柒拾柒兩零，冊內銀數，與疏內銀數不符，仍折敕下該撫將應協山東各驛項款并銀兩確數，另造清冊咨送臣部，以凭查考可也。

相應具覆，恭候命下，臣部轉行遵奉施行。臣等未敢擅便，謹題請旨。

批紅：是。依議行。

(內閣題本)

### 33 王弘祚題閩省驛傳額續站輟不应当支事本

順治十三年四月二十一日

戶部左侍郎今降參級仍留原任臣王弘祚等謹題，為冲驛万分緊急，請勅力扶倒塌，嚴護協濟，無悞封疆事。

福建清吏司案呈，奉本部送戶科抄出欽差提督軍務·巡撫福建等處地方·兵部左侍郎兼都察院右副都御史臣宜永貴題前事內稱，順治拾叁年正月貳拾柒日，據福建驛傳兵備道呈詳，拾貳年拾貳月初拾日，奉臣憲牌，准兵部咨車駕清吏司案呈，奉本部送兵科抄出該本部覆吏科給事中李文煌題前事等因。順治拾貳年捌月貳拾壹日題，貳拾肆日奉旨：該部議奏。欽此欽遵。抄出到部。批司查議。隨經司議呈堂。

該臣等看得驛遞困苦不許騷擾，屢經嚴飭。至于科臣疏請嚴催協濟前來。案查臣部題覆科臣周曾發協濟本可通融疏內，考成各驛傳道并備征各官遵奉諭旨通行各撫在案。今查山東、山西、陝西、宣大、江西、河南等省，俱經分別考成，見在糾參外。有北直、浙江、湖廣、福建各省并无考成到部，无凭查核。相應咨催各該撫速行查奏，以便臣部分別考成，以速協濟，以蘇驛困，其嚴責道府州縣沿途防禦，已經臣部屢行申飭，无容再議者也。等因。順治拾貳

年拾月拾肆日題，本月拾伍日奉旨，依議行。還立限去，如或遲延違限，爾部參來處治。欽此欽遵。抄出到部。蒙批：司勒限行送司。奉此。相應移咨案呈到部。擬合執行，為此合咨前去，煩為查照，本部奉旨內事理，定限次年貳月終，速行查奏，以完欽件施行等因。到院部。准此。各牌行道，遵照咨文奉旨內事理，即便確查原行部咨速將考成協濟并催征等項妥議叙詳，以凭具奏，毋得違限，致干參處等因。奉此。

案照先為協濟本可通融，冲僻不難酌量，請嚴定驛傳考成之法，厘夙弊以飭郵政事。奉前抚院佟都御史完牌，准兵部咨車駕清吏司案呈。案查順治拾年玖月拾伍日，本都覆戶科給事中周曾發題前事內稱，各省驛遞曩設循環文冊，以杜冒濫橫索。今應從科臣之請，令各州縣按季開造呈繳該驛傳道，該道按季呈繳該督抚，該督抚年終核實題參勦部分別以為驛傳考成。其直隸地方，原無驛傳專官，應責各該本道照例察核造報該督抚，一體考成等因具題。本月拾陸日奉有依議行之旨，欽此欽遵。隨咨各督抚去后。迄今數月，未見查核題參，本部无凭分別考成，事關奉旨事務，不便稽延，應咨各督抚轉行各州縣，將順治拾年分应付過本部勘合火牌，速造詳明文冊呈繳該道，該道隨即查酌应付多寡，以定各驛冲僻，由此通融協濟，務期造均，并督催應協銀兩及期完解，仍將完欠數目，并填冊內造報該督抚，該督抚嚴查有无私加私派及应付紙票白牌刻期核實題參，以便本部分別考成可也。等因。呈堂。蒙批，照咨行送司。奉此。相應移咨案呈到部。移咨到院。各牌行道。

遵照先今咨文內事理，即轉行所屬各州縣，將順治拾年分应付過勘合火牌，詳造文冊繳道，查酌应付多寡，以定各驛冲僻，通融協濟，務宜適均，并督催應協銀兩及期完解，仍將完欠數目并填冊內造報，以凭嚴查，有无前弊，核實題參，毋得違忽。等因。奉此。遵行各屬造報去后。

今奉前因，随该本道副使崔起鹏，查得原奉部文协济本可通融一案，造册报部查核。今细查闽省驿递，原与北方不同，陆路则万山层叠，水路则溪滩叵测，故夫役较苦于别省，一切应支夫马船夫等项工料银两，向循成规，俱坐派于就近各县支給，养贍在驿，差繁不加，差简不扣，是以壹驿之站银，足供一驿之支用，无烦别县协济者。今自顺治拾年起，新经藩司酌定赋役岁编站银，除裁减充饷并派给各衙门员役柴薪工食外，实留给县驿支前项额银亦多坐派于各县就近支领，即有应协银两，所派无几，亦止在各本府所属各县就近协应悉遣完解矣。兹奉宪檄，查顺议详已经稟奉部文严催各属造报前来，相应汇造逐一开明在册，伏乞咨送户兵两部奏缴施行。等因。呈详到臣。该臣看得闽省驿递之冲僻不一，而钱粮之编派悬殊，是所寓于通融协济者也。至于各驿站银向在就近县分发给，原无延缓偏苦之累，即自新定赋役，留给额银并拨协银两，俱照坐派于各县及时完应就近支领，各驿足供应付需用，似无繁难倒塌之忧。今据该道遵照部文，将拾年分各属应付过勒合火牌逐一开明汇造文册前来，除缴送户、兵贰部外。臣谨会同督臣佟代、按臣朱克简合疏具题，伏乞睿鉴勅部查覆施行。为此具本，谨题请旨。顺治拾叁年貳月貳拾貳日题，肆月拾壹日奉旨：该部核议具奏。欽此欽遵。肆月拾貳日抄出到部。送司。奉此。相应议覆案呈到部。

除驿传考成事隶兵部，闽省各驿一切应付过勒合火牌应听兵部查议外。该臣等看得闽抚咨送拾年分站银文册内开，通省额编站银壹拾壹万伍千叁百叁拾陆两肆钱壹照内，湊给各衙门员役俸薪武场供应留府备用等项，共银壹万肆千壹百捌拾肆两壹钱捌分，又裁充兵饷银贰万陆千肆拾捌两叁钱壹分，实留给县驿支应夫马廩船等项银柒万伍千壹百叁两捌钱玖分捌厘。查官役俸食并供应备用，各有项款，不应动支站银，臣部久经酌定赋役册式颁发该抚攒造在案，应请敕该督抚按将该省赋役册星速造送以凭查核可

也。

相应具覆恭候命下，臣部转行遵奉施行。臣等未敢擅便，谨题请旨。

批红，依议速行。

(内閣題本)

### 34 孙廷铨题销算甘肃驿站银两事本

顺治十三年四月初十日

户部尚书臣孙廷铨等谨题，为协济本可通融，冲僻不难酌量，请严定驿传考成之法，厘夙弊以飭邮政事。

陕西清吏司案呈，奉本部送户科抄出钦差巡抚甘肃等处地方，赞理军务·兵部右侍郎加都察院右都御史周文烨题前事内开，顺治拾叁年贰月初叁日，准户部咨开，该本部题覆户科抄出该臣题前事等因。顺治拾贰年拾月拾壹日题，拾贰月初贰日奉旨，该部知道。钦此钦遵。抄出到部。送司。奉此。相应议覆案呈到部。

该臣等看得甘镇伍道属自顺治陆年起，至拾年止，领过站轡备买马骡、牛只并应付康治等项，前经该抚周文烨造册具疏前来。臣部查陆年以前，未经造报，请教该抚备查奏报屢催去后。今据疏称，肃、甘贰道属，陆年以前，逆回盘踞，文卷烧毁，无可查报，即凉、庄、西叁道，虽有收支细数，又不合恂臣原发站银壹万叁千陆百陆拾玖两柒钱肆厘之数。臣部查肃、甘贰道，陆年以前，既无可考似，不必再行驳查。其凉、庄、西叁道与恂臣原发银数目不相合，亦毋庸再议。至于陆、柒、捌、玖、拾年分，共领过站银贰万陆百肆拾陆两柒钱陆分玖厘，买马骡、牛只并鞍履康给等银共壹万玖千肆百叁两陆钱柒分，见在银壹千贰百肆拾叁两玖分玖厘，及凉、庄、西叁道，陆年以前，收支数目并分发各驿当差马匹康给等项，俱各明白，自应准其奏销。其通省站银亦应备造清册奏销，以清国课，以杜冒滥可



也。相应具覆，恭候命下，臣部转行遵奉施行。等因。顺治拾贰年拾贰月拾伍日题，拾陆日奉旨，依议。钦此钦遵。抄出到部。相应移咨贵部院烦为查照。本部覆奉旨内事理。其拾壹、拾贰年分，驿站亦应照造清册奏销钦遵施行。准此。又准总督金砺咨准户部咨同前事等因。各咨前来。准此。除通省站银应听总督及陕西抚臣奏销外。随经案行臣属甘镇伍道查照部覆奉旨内事理遵行去后。

今据分巡西宁道牟廷选、分守西宁道苏铤、庄浪道班璉、署西宁德事西宁监收通判张伟绩、肃州道陈贻呈详俱称。奉此。查得顺治拾壹年拾贰年，各驿应付公差马匹与支过廩给口粮银两，并颁发站银，买过驿马牛只等项细数备造清册，遵照原行按年径呈户兵贰部查核矣。今奉部行复将拾壹、拾贰两年旧管新收开除实在站银，买补过驿马匹牛只等项，各数目拟合造册呈报等情。又据甘州监收同知李鸿呈报，厅库收贮站银数目，各报到臣。据此。

该臣覆查得顺治拾壹年、拾贰年分，甘肃五道，册开拾壹年内旧管及拾壹、拾贰两年分，新收发领到站价银共玖千伍百玖拾陆两叁钱叁分内，除供应公差廩给口粮银及买补马匹牛只等银，共陆千柒百陆拾贰两叁钱贰分外，实在银贰千捌百叁拾肆两壹分，旧管新收马共壹千陆百贰拾捌匹，牛叁百肆拾柒只，驴壹拾贰头，除陆续倒毙外，实在马壹千肆百玖拾叁匹，牛叁百肆拾壹只，驴壹拾壹头，已经行令五道查造各驿支应廩给口粮与买补马牛等项银两，及买补各驿马匹牛只并倒毙马匹牛只各数目日期，俱按年径报户兵贰部查核矣。今准户部咨开，拾壹、拾贰年分站银亦应照造清册奏销。臣复行据各道报到清册，臣覆加查明，汇造总册贰本，除咨送户兵两部查核外，相应具题，伏乞皇上敕部核覆施行。等因。顺治拾叁年肆月贰拾贰日题，伍月贰拾肆日奉旨：著察核。该部知道。钦此钦遵。于伍月贰拾伍日抄出到部。送司。奉此。相应议覆案呈到部。

该臣等看得甘镇自貳年起，至拾年止，领过站银备买马驴牛只价值，并应付廩给口粮等项，前经该抚周文焯造册奏报臣部，于拾貳年拾貳月内覆核具题准其销算。迄今该抚复将拾壹、拾貳年分站支银两造册奏报前来。臣部按册察核收支数目，俱各明白，相应准其套销。至于买过马驴牛只发驿当差等项应听兵部议覆者也。

相应具覆，恭候命下，臣部转行遵奉施行。臣等未敢擅便，谨题请旨。

批红，依议。

(内閣題本)

### 35 李荫祖为直隶各驿不宜裁减经费

#### 事揭帖

顺治十三年丙五月二十三日\*

钦命总督直隶山东河南等处军务兼理粮饷·兵部尚书兼都察院右副都御史李为察明驿站冲僻，以均协济事。

顺治拾叁年貳月貳拾玖日，准兵部咨车驾司案呈，奉本部送兵科抄出该本部覆直隶巡抚董天机题前事等因。顺治拾叁年正月初叁日题，本月拾柒日奉旨，著核议具奏。该部知道。钦此钦遵。正月拾捌日抄出到部。批司察议。随经司议呈堂。该臣等察得直隶遵抚前酌议各州县驿递冲僻一疏，臣部因阅裒益，册内尚有数处未悉，业经覆奉谕旨行察去后。

今据该抚覆称，直属地方辽阔，未经躬历，难以周知，故增减调停少有未确，覆经部臣驳回，务期详悉，随即逐一汇核。如首冲良乡、涿州、通州、三河县。次冲如恒山、伏城二驿，蓟州、丰润县、玉田县、七家岭驿、滦河驿、榆关驿、迁安驿、芦峰驿、青县、静海县沧州、富壮驿、中立驿、宣化驿、白沟驿、胥阳驿、瀛海驿、郑城驿、乐城驿、阜城驿、河西驿、杨村驿、翟城驿等处，共议增

银贰万柒千贰拾壹两肆钱。至于简僻州县，则霸州、文安县、大城县、固安县、永清县、东安县、香河县、密云县、宝坻县、平谷县、顺义县、怀柔县、唐县、易州、完县、容城县、蠡县、祁州、深泽县、束鹿县、高阳县、涞水县、肃宁县、定州、新乐县、栾城县、赵州、柏乡县、灵寿县、藁城县、无极县、行唐县、平山县、冀州、新河县、枣强县、安平县、饶阳县、隆平县、临城县、高邑县、宁晋县、深州、衡水县、南宫县、晋州、曲阳县、元氏县、平乡县、南和县、广宗县、巨鹿县、唐山县、永年县、肥乡县、曲周县、广平县、鸡泽县、威县、成安县、清河县、开州、南乐县、魏县、清丰县、东明县、长垣县、滑县、滑县、内黄县等处，共裁减银肆万柒千贰百肆拾贰两贰钱玖分。前项应增之银，即于裁减银内关领外，尚余银贰万零贰百贰拾两捌钱玖分，以备支拨缺额。再良、涿等处，旧例有部发马匹，今虽增银难以责其自备，仍应请部发马匹。等因前来。

但察该抚前疏称，顺德府邢台内丘议裁递马银两，今称系冲免减，而新乐、定州亦属极冲，较邢、内更繁，疏内议减之银，亦当免减，始得其平，其余酌议增减处所，既经该抚复察明确前来，相应如议。其加增诸驿，亦应如该抚之请，以拾贰年为始，永为定例，臣部照该抚坐派册给文，按时支給，务期实济，倘有稽延措勒等弊，即行报部，照例参处。至于裁减州县，该抚据各州县拾年分文册议定，应自拾壹年照数扣裁，俱勒令作速解府存贮，听部通融察补冲驿缺额可也。等因。顺治拾叁年正月贰拾陆日题，贰月初肆日奉旨：依议。钦此钦遵。抄出到部。蒙批。司速行送司。奉此。除本部票行增减各府州县催给外，相应移咨案呈到部，拟合就行，为此，合咨贵部院，烦为察照本部覆奉旨内事理，钦遵施行。等因。各咨到职。准此。

随即移会直隶抚臣，并票行各道遵行在案。节据清丰县、东明县、长垣县、内黄县、开州、滑县、滑县、南乐县、永年县、成安县、肥

乡县、曲周县、广平县、鸡泽县、威县、清河县、曲阳县、无极县、安平县、涞水县、高阳县、宝坻县、固安县、平谷县、文安县等处，纷纷控吁内称，蒙此。遵照信票备蒙宪票，及咨文覆奉旨内事理。看得驿递协济，乃仰遵部咨宪文，万弗获己之通融，凡在属邑，谁不愿效割股之恩，稍分灼艾之痛。如近始奉到檄催拾壹、贰年分裁减夫马工食草料等银，不知此项额设本年征收，本年给散，备察库内，实无丝毫存剩，可容搜括应解者也。盖顺治拾年冬止奉有酌议冲僻之文，未奉有禁约给散之令。而所裁定夫马额数，才于本年正月内题准咨行，其在未经题准之先，岂么糜县令敢擅裁一夫，擅减一马，而预为之困哉。况逐年支給，即于逐年开销，载入循环报详，历历可稽，业于拾壹、贰年内给之矣，又安能取领给过之夫，扼吭而吐之，梅饲乞之，马剖腹而求之耶？若重复派之民间，则当此恒风恒雨民艰粒食之时，远近逃荒者，仆偃道路，惨至不堪图尽，肘腋之侧，涵涵岌岌，方拊循之不暇，又安能撻而索之乎？既不可问之瘠瘠之夫马，又不敢派之凋瘵之残黎，譬犹悬空釜而炊，效求果腹，此必不得之数也。职等已将苦情面控，极荷矜怜，伏乞宪恩俯准咨题。自拾叁年起，每县或裁夫若干名，马若干匹，即将所裁工料银两，解充协济，庶几彼此通融，不属空文，而职等未奉文之前，已经给散者亦不致有赔累之苦矣。据此。

又据李得珠等告，为乞免裁减工食，以苏贫命事内称，珠等俱系成安等县走递扛轿夫役，窃照原额走递，夫役额设工食除扣裁外，仅存额银为数无几，每名每日仅食银壹分陆厘，年荒米贵，三餐曾无半饱，往返接送经过官员，拍送鞘扛，日无停刻，且快壮各役，看库守城护狱各役相帮，敢辞劳苦，身既在官难事生业。有地者既不得耕耘，以贍妻子，无地者，又不得挑贩，以逐厘末。忍饿担饥，半登鬼菜，逃亡报顶，携家远奔，种种苦情，县官目击心酸，上司哀怜无策。今忽奉文自顺治拾壹年起，裁减工食尽行扣追。痛思穷

役每日领银壹分陆厘，止买数个糖饼填腹，不及数里便已枵饥。今日扣追，何从吐还，且使稍有身家“谁肯认当接递之下役，即数严追，徒作筮楚之冤鬼。情在可原，苦实堪念，叩乞部院俯怜赤贫下役，恩咨豁免前扣照复旧额，庶蚁命得苏。据此。该职看得畿辅驿递屡荷皇仁，加意珍恤，叠行确议，前经抚臣确核驿站冲僻，察其拾年应付过勘合火牌数目多寡，酌盈济歉，通融协济，造册送部具疏同职会题在案。随经兵部覆议，其中尚未尽确，复于顺治拾贰年柒月内，行职等覆行会议确核具题，职凛遵明纶行据各道覆察，详明造册详报，职同抚臣按程绘图，悉心商确，共议减僻地银牌万柒千贰百肆拾贰两零，补冲驿银贰万柒千贰拾两零，余银贰万贰百贰拾两零，以备向后缺额之用，造册于顺治拾叁年正月内具疏会题，迄今于贰月贰拾玖日准到部咨内开，裁减银两俱自拾壹年起追扣存库。案照拾年玖月内科臣周曾发有协济本可通融查疏，部行直省通行确议，抚臣随于拾壹年照州县拾年分文册议定应裁州县，但经制久定，未经情明，未便行令减裁，逾增减已有成画，增者固望速济倒悬，减者亦吁请还故有。是以抚臣断自拾贰年为始，及奉部覆再行职等会议，职等再四商酌，方敢具题，随奉谕旨时，已拾叁年正月矣。是前此州县各驿尚遵经制行差，其养马雇夫，支給工料，自应仍旧也。今准部咨，计贰年裁减共应追银玖万肆千余两，俱系已经支费之银，宜各属之告苦告难也。再照直隶捌府地方，屡岁凶荒，灾侵叠见。如顺、永、保、河肆府，地土闾丈，人多投充。真、照、广、大肆府，递年喂马供亿粮草，筋力已竭，况屡仅皇仁宽征蠲赈，复荷皇太后颁发帑金极救饥民，畿内残黎赖此稍有起色。今若复追此裁减，如许之银不惟马畜不可问，夫役闻追将尽递，即官俸有几宁堪赔，此势必仍累小民，不几大拂〈下残〉

（内閣揭帖）

### 36 郎廷佐为江西僻驛不宜裁减事揭帖

、 順治十三年七月十二日\*

欽差巡抚江西等处地方兼理军务·兵部右侍郎兼都察院右副都御史加一级郎廷佐为大路冲繁之驛，既已协济，僻邑虚设之马，亟宜清裁，谨献刍言，时效愚悃，吁请睿鉴严察速革，以甄残驛，以裕国用事。

順治拾叁年閏伍月貳拾叁日，据江西清军驛盐道署道事分巡南瑞道金事安世鼎详称，奉巡抚江西郎右副都御史宪牌内开，順治拾叁年貳月拾叁日，准兵部咨开，车驾清吏司案呈，奉本部送兵科抄出该本部覆户科副理官胡秉忠题前事。等因。順治拾貳年拾貳月初肆日题，本月初拾日奉旨：该部察议具奏。欽此欽遵。于本月拾壹日抄出到部，批司查议，随经司议呈堂。

该臣等查得科臣胡秉忠疏称，襄陵县额设递马拾伍匹，每岁动银肆百貳拾两，终日安闲无事，空费钱粮，请行裁革，其站银照数解部，以补冲繁，并请敕各直省抚按清察无用递马，一例裁革。等因前来。但查山西通省递马文册并未造报，而襄陵既系科臣亲历目见，相应如议裁革，以杜糜费。至于各直省递马州县地方，有冲僻不一，应付亦有多寡不同，若一概议裁，日后恐有纒更未便。相应请敕各督抚备查所属各州县，速将递马并工料与应付过各数目，逐一造册具题，以便从长查议定夺可也。等因。順治拾貳年拾貳月貳拾壹日题，本月貳拾貳日奉旨：依议行。欽此欽遵。抄出到部。蒙批司，速行送司。奉此。相应移咨案呈到部。移咨到部院。准此。各牌仰遵。奉此。

该署清军驛盐道事分巡南瑞道金事安世鼎查看得驛递额设夫马，上供使节之征辎，以尊王事，下速邮符之遣道，以迅军机。盖通远途于一脉，继往来以不穷者也。江右所属拾叁郡，共计柒拾捌州

县，全书旧编差马钱粮，止有工料，原无马价，每匹多则贰拾肆两，少则拾貳两，下此尚有不及拾两者，因县分之大小以为损益，按地方之繁简而定多寡，调剂酌量已无不周。我朝定鼎以来，严禁白牌纸票滥应差遣，又奉设立考成，稽查虚冒，民困稍解，而驿站亦稍苏矣。然其间或有昔冲而今略僻，昔简而今复繁者。如九江为江楚门户，彭泽、湖口等县先年应付无多，今则湖南正在用兵，露布不时，差使不一，日无宁晷矣。如赣南为两粤咽喉，大庾、南康等县初年往来亦少，今则藩邸驻蹕诏费频加，费捧不绝，鲜有息肩矣。减僻济冲，诚为救时确论，故前道斟酌再三，将简僻诸县分别拨补冲繁各邑，以期均平，业蒙宪台二次咨题，遵奉部议，俱以拾贰年为始，遵行在案矣。今复奉有清裁之议，细查江右通省各县，近年亦间有数县从无差使经过勘合火牌应付者。第江右各县，壤接浙闽楚粤之界，处处相通，而地杂于丛山环水之中，高下不一。简僻数县目前虽无应付，切恐各院一时偶有紧急军务经过该县，或大道稍有梗塞，两必取间道以行，或此驿为山水所扼，亦必图假道于他者，驿马在所必需，事豫则立备乃无患。若今日权宜议裁，本地既无额设驿站，万一军机有悞，彼此推诿，临事请复，不惟补过不及，抑且大费更端矣。况僻邑见存，多者不过捌匹，少者仅存陆匹，所余无几耳。且江右钱粮自拾年考成之议已定，冲繁简僻之间，已无有余不足之偏苦矣。谨将通省所属额马数目旧编钱粮，新议冲僻增减马数，及即年应付多寡，备造简明文册呈详，俯票咨题，照旧遵行，庶驿递可以相通，而成宪不致屢更矣。等因。呈详到职。据此。

该职看得驿递疲弛江右为甚，自职任事后，奉旨酌量冲僻通融协济，渐有起色，两经具题在案。顷复准部文查议，正在甫经裁定之后，无论朝三暮四，难于适从，而路当四塞，络绎载途，夫马奔驰曾无停刻。间有一二僻邑，虽目前未经应付，军兴未息，使节频驰，取道间关，实难预计，若概如襄陵之例，万一通塞不常，皇华羽檄，舍

彼就此，其将不胫而走乎？是江右之未可与他省同语，诚有如部臣所云，一概议裁，恐有纷更者，洵相地酌宜之通论也。今据该道详覆前来。

除将递马工料额数，并各年应付次数文册咨送兵部查考外。职谨会同江南督臣马鸣璠、江西按臣宣重光合词具题，伏乞睿鉴敕部议覆行职等遵奉施行。为此除具题外，理合具揭，须至揭帖者。

(内阁揭帖)

### 37 车克题督臣佟代奉旨回京所用驿船

#### 情形事本

顺治十三年九月初五日

少傅兼太子太傅·内翰林秘书院大学士·管户部尚书事臣车克等谨题，为钦奉上谕事。

广东清吏司案呈，奉车部送户科抄出该本部复浙江巡抚秦世禎题前事内称，本年肆月拾陆日，准督臣佟代咨前事内开，本部院奉旨回京，瞻天日近，私心窃幸，恨不缩地言归，第车部院随带亲丁家口众多，前经奉旨著户部封船坐驾南来，今奉旨回京，所需船只，屡经檄催驿传道齐备，然终以本部院为去任之官，呼应不灵，合烦贵院严檄该道，刻期齐备，以便本部院交代启行。等因。到臣。准此。随经严行驿传道，火速备齐，听候应用去后。随于肆月拾柒日，据带管驿传道事金事郭一鵬呈称，遵奉宪行，查得部院檄取座站等船叁百号，为数甚多，已经严檄仁和县遍行封刷，诚恐不敷，又著嘉、湖貳府调拨协济。但稽满洲大人换班，固山升调，应用船只原奉部文，沿途各督抚拨给，历例昭然。今部台钦召回京，并带随行披甲兵丁家口众多，所有坐用船只，应照前例沿途更换，合请先赐移咨苏松抚院，转行道府拨船接替，庶浙地不致遍累。等因。据此。除经移咨江宁抚臣，并严行该道，上紧封刷应用间。肆月拾



玖日，又准督臣移咨开称，本部院奉旨回京，随即备移贵院，迅檄驿传道齐备应需船只，以便即日交代，趲装就道。今该道所报船只寥寥无几，本部院携带数百之亲丁家口，相距都城几肆千里，岂能飞越，况部院一闻君命，恨不奋飞，合再烦贵院鼎力速催齐备。等因。复经严檄该道督催去后。

随于肆月贰拾贰日，又据驿传道呈称，催据仁和县知县石祜申称，奉宪封刷船只，卑县昼夜龟勉，共有卷稍、仙浪、沙湖等船共壹百玖拾叁只，停泊河下，听候部院坐用。内卷稍船壹只，至苏州更换。每站例给水脚银伍两，如至通州，出江家伙在外，口粮照站给发。仙船贰只，顶大浪船叁只。大焦湖船壹只、大桨船叁只、大阔头船叁只，至苏每只每站议给口粮银肆两，如至通州，出江家伙在外，口粮照站。又中浪船叁只、划子船叁拾贰只、桨船叁拾叁只、苏剥船陆只、淮安船壹只、宣州船壹只、阔头船壹只、杭式船叁只，至苏每只每站口粮银壹两，如至镇江，口粮照站给发。大沙湖船贰只，至苏每只每站口粮银陆钱。次沙湖船贰拾壹只，至苏每只每站口粮银伍钱。中沙湖船贰拾叁只，至苏每只每站口粮银肆钱。小荡河尖头船玖只，至苏每只每站口粮银叁钱。小沙湖船肆拾伍只，至苏每只每站口粮银壹钱。如俱至镇江，口粮各照站给发。因中浪划桨等船不能渡江，止可至苏住止，计程肆站，或至镇江，计程捌站，至彼更替。其应给口粮，则以查站计算，该银壹百陆拾壹两柒钱，为数甚多，卑县额设站俵年仅肆千柒百两，业经解给拾分之陆，目今蚕期停卯，大兵供应浩繁，库藏如洗，恳赐差取外邑或暂借藩、盐贰司库催分发，俟取外属站银补还，拟合详请。据此。

该本道看得部合所取船只，势必酌给水脚，但船数众多，钱粮无措，及查驿传项下，并无雇船脚价，合请宪台俯念繁因，或行藩司借用，或于盐司樵关贰处那借，并乞于各府站银内节省协济，庶公

务不误。等因。随该臣批行，该道设法那给，以应急需去后。

肆月貳拾伍日，又准督臣咨称，本部院奉旨回京，所需船只已经严督驿传道星速封捉在案。今拟本月貳拾伍日先遣家眷下船，俟船只一齐，本部院即同偕往，合咨贵院，烦请再为严催。等因。准此。

即便严飭驿传道，务必封刷如数，听候坐用。随于肆月貳拾陆日，据该道呈称，本部院所取船只，本道勉调度，亲督仁和县设法寻觅，已封仙、浪、沙、民等船壹百玖拾叁只，内小船盐船面同差官验放，仍应该县补封如数。又据嘉兴府呈解，坐仙等船捌拾伍只。湖州府呈报浪民船叁拾柒只，其数已足。但查往例，自浙船雇送抵通，大民船每只价银肆百陆拾两，官座船每只给银貳百玖拾玖两，仙船、大浪船每只例给银壹百肆拾肆两，卷稍船每只例给银壹百捌拾两。至于大小民浪等船，势必多勒水脚，所费不资，钱粮并无额设，兼之部台启行期迫，势不容缓，仁和库藏如洗，本道无术点金，临期必致违悞，合请充台俯念公务，先于何项借支应用，俟后即行抵补。等因。当经批令会同藩盐贰司，酌议动支应用间。肆月貳拾柒日，又准督臣咨称，准贵院咨开，催据嘉兴兵道呈报，雇到座香仙酒等船捌拾伍只，严督该府星飞解省。又据驿传道报到船共壹百肆拾柒只，业经派装，除一面严督该道再催湖府雇足来省听候乘座。至于该道详请移会苏松抚院，比照满洲大人回京事例，欲逐省替换之议，据言船多费繁，无从设处。等因。到部院。准此。

为照本部院奉旨回京，难容刻缓，屢读台听，实非得已。今承雅谊，已得报有前项船只，但其中出江贡具家伙并抵通口粮，若不预为措给，宁能免无兔脱阻滞之虞。况本部院乃浙省之家，应从本省措办，以便遄行，岂有向苏松外省取给之事乎！所有湖属未到船只，并口粮贡具等项，烦再为一一严催齐备，俾本部院蚤得束装就道。等因。准此。复经各檄该道查搜驿站银两，并移会藩运贰司

确议借支給发，毋致有悞行期，飭行去后。

随据该道复称，驿传项款各有定额，照数支销原无余剩，应付各宪并满洲大人回京，应给修船水脚口粮贡具等项无从措处。议于各府站银抽取，名为节省，额所不载，其数亦不过贰千有奇，不足以偿前差之费。查前任刘部院回京，取用座船叁只，皆系本道额内官船，尚给修葺水手等银玖百贰拾肆两，皆于节省银内措给。今部台奉召回京，撤令拨船抵通，所有本道官座船叁只，应照例共给银陆百叁拾两，已经各行仁和县措给，俟于节省内拨补。至于雇封座、仙、民、浪等船叁百余只，至苏水脚口粮，共银壹千陆百壹拾两捌钱。如至通州，共银壹万叁千肆百陆拾捌两，此项既无额设，且本年节省并未派取，况为数甚多，又非区区节省可抵。目今部台行期急迫，仰屋徒嗟，合请宪批藩盐贰司借用库银，立刻给发，以充急用。等因。就经批行，布盐贰司酌议，应动何项，速为那支，以免迟误之咎。

随于肆月叁拾日，据布政司署司事右参议官靖共呈称，部院回京需用船只，向于邮道站银内动支，此历来之成例也。兹以船只数多，费用浩繁，站银额数有限，难以支值，致该道详宪借支，何项给发，再议何项抵补。奉批，两司确酌详复本司备查。藩帑钱粮悉属正项，各有解销，并无堪动额款，止有备用水脚滴珠等项，皆系零星之额，征解不全，且悉有正项支销，所余无几。今部院进京期迫，邮道总饷详本司，敢不黽勉筹画，或于参项之内竭蹶凑发叁千两，以应急需，尚有不敷，应听邮道措给。等因。当即批令该司移送驿传道，速解总督衙门，听验明给发外。伍月初叁日，又据该道详称，部院回京，船价该用壹万叁千肆百两有零，业率宪批布盐贰司那借。今运司以不日起解阙饷为辞，空文回复。藩司以库藏如洗，止允借银叁千两，今部台行期已迫，舍此别无可那，合再详明请飭贰司照数那发，或别赐裁夺等因。随经严飭该道会商司道各官，再行

设处给发间。又据该道呈称，部院奉命回京，所有应用船只，业经差官选用官民座船捌只，浪船壹百伍拾壹只。内除座船捌只及浪船壹百零壹只俱给长行水脚，听候本部院并兵丁家口坐用抵通外，尚有卷、稍、仙、香、民、浪等船伍拾只，装送原带披甲兵丁，应照大兵旧例，按省交替。成案昭然，合请宪台移咨江宁抚院转行苏州府预备大船伍拾只，以便至苏更换。等因到臣。据此。

该臣看得督臣佟代奉旨起程回京，初行驿传道取用大小座、仙、浪等船叁百号，但省城系水源尽处，船只往来甚少。该道详源嘉湖贰府多方雇觅，一时不能如数，督臣节次移咨，切责臣差檄星驰催督，俱于肆月贰拾玖日报齐，臣即日咨会督臣差官选验坐用。据带管驿传道金事郭一鹏报称，除选退小船外，实用到京各船壹百伍拾玖号，内以伍拾号装载奏带闲甲伍百副家口，其船户水脚口粮议照满洲大兵成例，浙江动支本项银两，计站酌给，至江南苏州照船更替，似应逐省交换。惟是督臣亲丁眷属家口行李，为数殷繁，坐用官民船壹百玖只，查别省无雇换之例，督臣严行该道措处，水脚口粮责令抵通交卸。奈船多费重，并无额设钱粮，司道各官与臣计议，实苦点金乏术，莫不攒眉相向，再四商酌，无从搜括。然虑耽延咎及，又不敢不通融济急，如起运正赋，断难轻动，司道议于存留项款挪借。布政司备用滴珠水脚银叁千两，又借运司银壹千两，又借粮道行粮折银壹千两，该道又那驿站夫银壹千两，以上共陆千两，俱解赴督臣听差，随行标官自行计程酌发。其所借各项，仍令司道各官议处补还，以归原额之用，此实途长费倍，设处维艰，原非地方官敢于怠忽耽误也。督臣业于伍月拾壹日启行，所据需用船只水脚数目，相应具疏题明，伏乞敕下该部查照施行。为此具本，谨具题知。顺治拾叁年伍月拾壹日题，闰伍月初拾日奉旨，据奏佟代回京用船壹百伍拾玖只，水脚口粮动银陆千两。前遣佟代赴浙，曾给船粮若干，著察明具奏。该部知道。钦此钦遵。于闰伍月拾壹日抄

出到部。送司。奉此。相应议复案呈到部。

该臣等查得，拾壹年拾月内，准兵部咨开，总督佟代前往浙闽，带领披甲亲丁家口共贰千捌百零肆名口，所用船只，臣部行文坐粮厅查回空漕船拨给乘坐，止许足用，不得多给去后。

随据该厅呈报，共用漕船壹百贰拾只，撑船水手玖百陆拾名，复行文坐粮厅德州仓总河总漕，照依旧例，每名每日给米捌仓合叁勺，以资沿途食用。今查坐粮厅德州仓济宁州共报支给过米柒百柒拾贰石捌斗玖升陆合，其淮安支过口粮尚未据该督报部。今浙抚秦世禎疏称，督臣佟代回京用船壹百伍拾玖只，共给水脚口粮银陆千两，臣部查督臣赴浙时，止用漕船壹百贰拾只，并不催觅船只，是以未用水脚，止给水手口粮，并未给银。今督臣佟代回京，乘坐船只比赴浙乘坐船只多用叁拾玖只，相应查明具奏，谨题请旨。顺治拾叁年伍月贰拾伍日题，本月贰拾陆日奉旨：这多用船只，动用水脚等银，俟佟代至京察明议奏。钦遵在案。

今佟代业已抵京，臣部随传佟代来问，你去时坐船壹百贰拾只，今来多要叁拾玖只坐来，是何缘故？据回称，去时坐的船俱系漕粮大船，我家里伍百披甲，连闲家口共贰千玖百乘坐吃，其外我的身子并妻子闲杂使唤女人器皿装坐不敷，将浙江省回空大坐船陆只与他饭吃，自己雇了坐去。回来时多要船叁拾玖只，此船俱系民间小船，故多用船叁拾玖只，如今将去时坐的船，来时坐的船，对看可知。秦世禎疏称，佟代家伍百披甲，止用伍拾只船，你自身用壹百零玖只船，这是怎么说？据称，我自己坐的船要了陆只，装我的妻子并使唤的女人、器皿，其壹百伍拾查只，船上伍百披甲人役，他的妻子家口，连我家里的男妇共贰千玖百余口坐来，又送我来的官员书办门子坐的船两只。我来后，秦世禎与我不合，将我家里的伍百披甲家口坐来的船壹百伍拾查只，止作伍拾只船具题。又问你坐来的壹百伍拾玖只船，水脚口粮动用银陆千两，是何缘故？据

称，巡抚秦世祯对我说，船上脚价口粮银两共用陆千两，我说我止坐船去，脚价银两所用多少，照你们定例给发，尽你，非是我管的，我就没有管他。后这银两俱系秦世祯差旗鼓官看着雇了，我只坐这船来了。

因此，臣部札行通州中南仓爱惜喇库哈方外山、西仓爱惜喇库哈方土克善、坐粮厅郎中唐德亮，确查佟代往浙江赴任时，乘坐漕船壹百贰拾只，与回京坐的船壹百伍拾玖只，查明大小报部，如以大作小，小作大，混开呈送，难以辞答去后。

随据通州中南仓爱惜喇库哈方外山、西仓爱惜喇库哈方土克善、坐粮厅郎中唐德亮回称，查旧档，佟代往浙江坐去江南省漕船壹百贰拾只，每只长捌丈伍尺，共长壹千贰拾丈，阔壹丈叁尺，共阔壹百伍拾陆丈，长阔通算，每只计玖丈捌尺。今回来坐的船壹百伍拾玖只，长阔不等，共长伍百贰丈柒尺，阔玖拾玖丈玖尺等因。册报到部。照佟代原坐去的漕船玖丈捌尺，合算共折船陆拾贰只，比原去船少伍拾捌只。又案查佟代往浙江去时，给的口粮水手口粮，据坐粮厅、德州仓、济宁州此叁处送到淮安支給的，米数未报臣部。

因此，臣等议得，秦世祯疏称，佟代本身要船壹百玖只，伍百披甲要船伍拾只。佟代供称，本身与妻子使唤的女人、器皿共要船陆只，伍百披甲连男妇共贰千玖百余口，要船壹百伍拾壹只，送来的官员、书办、门子坐来的船贰只。其动用陆千两银子。佟代供称，我没有管，秦世祯差的旗鼓官看着雇船给发。秦世祯疏称，送到佟代跟前起程。但秦世祯疏内船脚价若干，口粮价值若干，未经分晰，又去时淮安给的米粮之数，未经报到臣部，难以查议。相应敕下该地方督抚按，将佟代本身、妻子、闲散家口所给船若干，伍百披甲给的船若干，每船脚价若干，共银若干，佟代家口粮银每口若干，共银若干，水手口粮银若干，共银若干，逐一确查分晰明白开列。其送佟代来的官员、书办、门子，或系旧例该送，或是佟代私自带来，

此人口曾否给与口粮银两，一坐来的船脚价若干。其陆千两银子秦世祜旗鼓官看著雇给，佟代未管缘由，一并查明具奏。又淮安给米册档，亦应送臣部查议具复可也。

相应具题，恭候命下，臣部转行遵奉施行。臣等未敢擅便，谨题册旨。

批红，依议行。

（内閣題本）

### 38 张玄锡为山西各驿夫马闰月钱粮事揭帖

顺治十三年十二月十七日\*

钦命总督宣大山西等处军务兼理粮饷·兵部尚书兼都察院右副都御史张玄锡为请示通融，酌给驿递夫马闰月钱粮事。

顺治拾叁年拾壹月拾柒日，准兵部咨内开，准宣督咨前事到部，看得各驿遇闰自当加以工料，所请似亦可行，但事关钱粮，必须该督明白具题，再为定夺可也。等因到职。准此。复行大同两道确议去后。

据阳和道副使刘兴汉、大同道金事相有度呈称，行据大同府知府蔡永华申称，查得驿递额设夫马工料一项，各州县自顺治拾年以前，每岁连廩粮马价等银遇闰通融支給。自拾年奉文考成，将工料马价等银考核实用之数，余银作为截扣，奉部文贮库，故拾叁年闰月钱两，无项可动。前议以设有马价等银者通融支销，无马价等银者酌量借给，总以公家之帑作公家之费，申请转详咨部在案。今蒙覆查，如应州安银子驿额马陆拾贰匹，该闰月料草银壹百壹拾壹陆两钱，喂养马夫叁拾壹名，该闰月工食银叁拾柒两贰钱。蔚州马驿额马陆拾匹，该料草银壹百零捌两，喂养马夫叁拾名，该工食银叁拾陆两。大同县瓮城驿额马肆拾匹，该料草银柒拾贰两，喂养马夫贰拾名，该工食银贰拾肆两。怀仁县西安驿额马叁拾伍匹，该料草银

陆拾叁两，喂养马夫壹拾捌名，该工食银贰拾壹两陆钱。山阴县山阴驿额马肆拾匹，该料草银柒拾贰两，喂养马夫贰拾名，该工食银贰拾肆两。马邑县广武驿额马叁拾捌匹，该料草银陆拾捌两肆钱，喂养马夫壹拾玖名，该工食银贰拾贰两捌钱。灵丘县太白驿额马肆拾匹，该料草银柒拾贰两，喂养马夫壹拾名，该工食银壹拾贰两。广灵县驿额马叁拾匹，该料草银伍拾肆两，喂养马夫壹拾伍名，该工食银壹拾捌两。广昌县香、倒贰驿额马叁拾贰匹，该料草银伍拾柒两陆钱，喂养马夫壹拾陆名，该工食银壹拾玖两贰钱。以上通共该闰月工料银捌百玖拾叁两肆钱，合无仍照前议，以州县设马价者，于存剩马价银内支销，其无马价者，亦在该州县截剩料草廩粮等项银内，通融动支。俟年终造册报部开销。等因到道。

该两道查看得云镇各驿，闰月工料银共捌百玖拾叁两肆钱，应照前议，于各州县马价廩粮等银内支給报销，无庸别议。等因到职。

该职看得驿递之工料，犹营兵之饷乾也。云镇驿递，经制无闰月工料之设，前此遇闰，即于廩粮马价等银内通融支销。自拾年奉文，每于岁终有驿递考成，凡支剩钱粮，俱经部覆奉旨贮库，是以拾叁年闰月工料，未经清明，不敢擅支，如营兵营马，既有闰月饷乾，例于截旷小建银内动给，则各驿闰月工料，似应于各驿节存廩粮马价等银通融支销，事同一体，原未尝加增于额外也。

既经部臣移咨该道察议前来，相应具题，伏乞敕部议覆施行。为此除具题外，理合具揭，须至揭帖者。

(内简揭帖)

### 39 张朝瑞题拾贰年湖北协济银两已全完事本

顺治十三年九月十五日

巡按湖北监察御史臣张朝瑞谨题，为协济本可通融，冲僻不难酌量，请严定驿传考成之法，厘夙弊以饬邮政事。



顺治拾叁年伍月貳拾貳日，奉都察院勘札，准吏部咨该本部覆兵部题前事。等因。奉旨：依议。欽此欽遵。抄部咨院。备札到臣。奉此。随案行驿盐道，即将未完驿站协济钱粮，勒令各该见任官严行督催完报具题。察抄疏内开，除别案革职与病故、休致、全完各官俱无庸再议。又未完不及壹分，并未完壹、貳分者，均应照例免议，仍严行督催。其未完叁分以上，递及玖、拾分者，俱遵照降罚定议，仍严催完日开复去后。

今据该道遵将已经罚俸各官行令湖北各府遵旨住俸，并免议各官一切未完银两，勒限严催，星速全完具报，以凭汇册赏院具题。又经屡次催催。今据汉、黄、安、德、荆、襄、郧柒府造报，各州县原报拾贰年分未完协银柒千叁百叁拾两零玖钱柒分叁厘玖毫陆丝玖忽肆微。今各具印文回报严催陆续全完，备造印册前来，随该本道又照各府印册复加察核全完无欠。今将续完协银数目，并前报全完之银，共肆万壹千玖百伍拾捌两柒钱玖厘玖毫陆丝叁忽零陆尘貳纤玖渺，连续完银柒千叁百叁拾两零玖钱柒分叁厘玖毫陆丝玖忽肆微，共合额载实征协银肆万玖千貳百捌拾玖两陆钱捌分叁厘玖毫叁丝貳忽肆微陆尘貳纤玖渺之数，以拾分为率，是拾贰年分协济银两已完足拾分无欠，今合并汇造清册，相应具文呈奏等因。据此。随准抚臣林天擎会稿到臣。准此。该臣看得臣属湖北拾贰年协济银两，因各官之通欠甚多，已经参处降罚在案，臣凛遵部行严催，该道转催各属，勒限完报，以凭题复。今据驿盐道臣卜三元详报，俱已如额全完，各取印结在案，星各属之凛遵，然钦实该道督催之力居多矣。相应概请开复，以励后效者也。

除将原册呈送都察院咨部察核外，其各官职名抚臣已列全疏，臣例不敢琐渎，谨具贴黄大意，会同督臣祖泽远、抚臣林天擎合同具题，伏乞敕部议覆施行。缘系协济本可通融，冲僻不难酌量，情严定驿传考成之法，厘夙弊以饬邮政事理。臣等未敢擅便，为此具

本谨题请旨。

批红：已有旨了。该部知道。

(内函题本)

#### 40 额黑里题宁夏军站马匹夏秋全支草料事本

顺治十三年十月初五日

兵部左侍郎臣额黑里等谨题，为钦奉上谕事。

车驾清吏司案呈，奉本部送兵科抄出宁夏巡抚黄图安题前事内称，案照顺治拾叁年伍月貳拾叁日，准兵部咨车驾清吏司案呈，奉本部送兵科抄出该本部覆宁夏巡抚黄图安题前事。等因。部覆奉旨，尔部即会同户部确议具奏。钦此钦遵。抄出到部。

该臣等贰部会议得宁属各驿，原系军站，故向来比照营马放青之例，夏秋半给料草。该抚以驿马时常走差，不同营马，如放青无挤缓急，请全支料草，始便责成各驿。前户部以钱粮不敷因议不准。查该省有兵部项下裁减驿站银两可以拨给。但宁属各军驿原设马若干，夏秋全给料草，需银若干，并无细数，相应请敕该抚确查具奏，以便贰部会议应否拨给酌量定夺可也。等因。顺治拾叁年肆月拾伍日题，本月拾陆日奉旨，依议行。钦此钦遵。抄出到部。备咨到院。行据河西道金事曹叶卜、河东道金事韩廷芑，查报各驿马驴额数应支料草到院。

该本院看得驿设马驴，全借料草，以资走递，自难与营马放青之例而比也。本院谨遵部覆，确查驿马细数，会议定夺之说，此虽部臣曲画甚悉，本院亦详议明妥，倘拨本省裁减驿站银两，不惟途远缓急无挤，抑且例喂须臾难缺。再查本镇两河壹拾叁驿，共该驿马叁百叁拾匹，驿驴壹百贰拾捌头，自肆月以至捌月，该增半支料玖百叁拾肆石伍斗，应于本镇兵马岁支余剩料豆内支給。惟该增半支草伍万玖千壹百束，并无支应根枝。据该道详议，每束折银伍

厘，该银贰百玖拾伍两伍钱，在于本镇买马站银内照数动支，此就近妥便无烦外拨，除造具马驴额数清册送部查核外，相应具题，伏乞皇上敕下该部议覆施行。等因。顺治拾叁年捌月初柒日题，玖月拾肆日奉旨，著察核。兵部知道。钦此钦遵。玖月拾伍日抄出到部。批司查议。随经司议呈堂。

该臣等看得宁抚黄图安题请宁属各军站马匹，夏秋全支料草一事，先经臣部会同户部查议，因该抚未经开造各驿马匹并夏秋全支料草需银若干，并无细数，业经请教该抚确查去后。今据该抚查明题报前来，相应仍请教会同户部酌议妥确具奏可也。

臣等未敢擅便，谨题请旨。

批红，依议。

(内閣題本)

#### 41 马之先为河南并无协济陕西驿站

##### 银两事揭帖

顺治十四年六月二十八日

钦命总督陕西三边四川等处军务兼理粮饷·兵部尚书兼都察院右副都御史马之先为钦奉敕谕事。

顺治拾肆年陆月拾玖日，据陕西布政使司呈蒙本部院案验，准兵部咨车驾清吏司案呈，奉本部送兵科抄出该本部覆河南巡抚亢得时题前事等因。顺治拾肆年正月叁拾日题，贰月拾陆日奉旨，该部议奏。钦此钦遵。贰月拾柒日抄出到部。批司查议。陆经司议皇堂。

该臣等看得豫抚亢得时前题该省驿站银两缺额甚多，请将原协济江南、陕西贰省银壹千叁百壹拾壹两陆钱零，留为本省各驿支用。臣部议覆以河南应协江南、陕西银两留作本省支用，其贰省银两作何抵补，仍敕该抚查明另议，奉有谕旨遵行去后。今据该抚疏

称，浙省每岁应协河南各驿马价银壹万肆千捌百贰拾余两，前经户部议裁，以佐军需，是浙省之不协济河南，与河南之不协济江陕似可类推。其江陕站银作何抵补，听彼中自为通融等因。查河南驿站银两除荒缺额甚多，浙江之协济既经户部议裁，则该省应协江、陕银两留为本省支用，亦属有理。但此旧编协济银两，原派给于江、陕某府某州县，疏内未经说明。再查协济本可通融一案。江南、陕西贰省斟酌冲僻增减已有成议。河南协济之银，曾否算入数内，若去此河南协济有无别项可以通融足用，应敕下江、陕督抚备查明确具奏，到日臣部再行酌议可也。等因。顺治拾肆年叁月初拾日题，本月拾壹日奉旨：依议行。钦此钦遵。抄出到部。蒙批司查行送司。奉此。拟合就行，案呈到部，备咨到部院。准此。拟合就行，为此仰司官吏查照部覆奉旨事理，即查河南协济陕西银若干，原派给某府某州县，曾否算入斟酌冲僻增减数内，若去此河南协济有无别项可以通融足用，备查明确速详呈报，以凭会奏施行。蒙此。

又蒙巡抚陕西陈右副都御史案验，准兵部咨同前事。等因。蒙此。即移驿传道并行西安等捌府及兴安州确查去后。今据凤翔、延安、平凉叁府各回称，府属州县并无额有河南协济银两，拟合回报。等情。又据西安府申称，备行所属递马州县查取去后。今据商南县回称，查得浙川县协济商南县工料银贰拾两，系未除荒之数，从无赋役全书，不知起自何年，于拾肆年正月拾柒日，准浙川县关送拾年熟银贰两贰钱伍毫，拾壹年熟银贰两肆分叁厘肆毫，拾贰年熟银贰两肆分捌厘肆毫，拾叁年熟银连闰贰两贰钱壹分玖厘伍毫。开荒渐多，银数渐增，即于本日原封换文，批原差解司实收缴府讫，细查拾年以前，通未关取关送银，在拾肆年正月以前销算，冲僻册原不敢入，因全书久毁，无所凭据，自不敢冒入，应协止此一项，再无递马及扛轿夫工料银两，此原额贰拾两，尚询之老生老民方知详悉，今奉行查，理合回报。又据泾阳等拾叁州县各回称，递

马工料并无河南协银两等情到府。据此。除未到州县另报外等情。

该本司看得豫省协济陕省站银，原系明季额编，本司无案可考，是以备移驿传道并行西安等捌府及兴安州查报去后。随据西安府申报，除商南县回称，拾肆年正月内，准河南浙川县关送拾年起拾叁年止协济本县工料银两外，其泾阳等拾叁州县并凤、延、平、凉各称俱无河南协银。至于西安未报各属并庆阳、临巩、汉、兴等府州屡催未据报到。今蒙宪票严催，除一面勒限驰催至日呈报外，兹恐违限，拟合亟行呈报。等因。呈详。蒙批。未到各属，仰勒限严催查确通详报。蒙此。又蒙巡抚陕西陈右副都御史批，据本司呈同前事。蒙批。未报各属仰司勒限严催，至日速通详报，以凭会奏。缴。蒙此。遵照批示，又经移催差催去后。今据庆阳、临洮、汉中叁府并兴安州各回称，所属州县并无河南协济银两，拟合回报。等情。据此。又据巩昌府申称，查得河南并未有协济本府所属秦、陇等州县银两。再查拾叁年叁月内，奉文酌定冲僻册内，亦未有此项，拟合回报等情。又据西安府申称，除商南等州县前已申报外，查得长安等贰拾叁州县，并无河南协济银两，无凭具详，拟合回报等情。又准驿传道牒称，为照河南岁协江南、陕西银壹千叁百壹拾壹两，称系经制所载，查原疏未分江南若干，陕西若干，今本道备行西安等捌府查州确查去后。据西安府行据商南县报称，河南南阳府浙川县每年有额协本县工料银贰拾两，系未除荒之数，从无赋役全书可查，不知起自何年，于拾肆年正月拾柒日，准浙川县关送熟银自拾年起，拾叁年止，共银捌两伍钱壹分壹厘伍毫，到县随换文批解交布政司讫，原未算入斟酌冲僻增减数目，其余各府州县，俱称并无河南协济银西。为此除呈详督抚两部院外，拟合移会等情到司。准此。

该本司看得豫省协济陕西站银，查全书经制并未载有此项，无

凭稽考，行据捌府壹州查报去后，惟据商南县申称，河南浙川县每年额协本县工料银贰拾两，系未除荒之数，亦无全书可查，已于拾肆年正月拾柒日，准该县关送熟银，自拾年起，拾叁年止，共银捌两伍钱零，换文解司讫。原未算入冲僻册数，其余府州县俱称并无河南协济站银，各报金同，惟恐不的，复移驿传道确查，随准牒称无异。既经道府回报前来，又经驿传道通详宪台，本司无庸再议也。等情。据此。又据驿传道副使刘士兰呈详，情节相同。据此。该职看得豫省岁协陕西银两，惟南阳府浙川县每年额协西安府商南县工料银贰拾两，系未除荒之数，缘无赋役全书可考，不知起自何年，未曾算入冲僻增减数内，而浙川县始于拾肆年正月内送到熟银自拾年起拾叁年止共银捌两伍钱壹分零。其余各府州县俱称并无河南协济银两，既经司道查明呈详前来。

职谨会两陕西抚臣陈极新合词具题，伏乞敕部覆议施行。为此除具题外，理合具揭，须至揭帖者。

(内閣揭帖)

#### 42 刘汉祚为造报福建十三年驿传考成文册事揭帖

顺治十四年十一月十五日

钦差提督军务·巡抚福建等处地方·兵部右侍郎兼都察院右副都御史刘汉祚谨揭，为协济本可通融，冲僻不难酌量，请严定驿传考成之法，厘夙弊以饬邮政事。

顺治拾肆年拾壹月拾叁日，据福建驿传兵备道副使萧炎详称，案奉前巡抚佟都御史案验，准兵部咨车驾清吏司案呈，奉本部题覆料臣周曾发题前事，以驿政考成驿传道，令各州县按季造册呈缴该道，该道呈缴该督抚，该督抚年终核实题参，敕下臣部分别考成，奉有谕旨遵行在案。

今宣大督臣、山西抚臣各题覆前来，除各驿递冲僻加减并支用

余剩银两内多开载不明，业经将原册咨行该督抚确查去后，俟查回之日，另行具覆外。至于疏内列有驿传道各府州县等官协济未完分数应行议处者，但协济驿递钱粮虽经题请考成，并未议有处分定例，臣部惟有题定厩寺马政考成则例。查马价系内解买马之银，协济乃外驿供差之银，总皆臣部钱粮其未完协济各官，应比照马政考成之法，分别处分者也。臣部未敢擅便，谨题请旨。等因。顺治拾壹年拾貳月初拾日题，本月拾叁日奉旨：依议。钦此钦遵。抄出到部。蒙批行送司。奉此。相应通行案呈到部。拟合就行。为此咨前去，烦为遵照施行。等因。准此。拟合就行。为此备案到道。遵照咨文奉旨内事理，通行各府州县等官，一体钦遵施行。

计粘驿站考成查纸，未完不及壹分，未完壹分，未完貳分，俱免议，仍严行督催。未完叁分、肆分，罚俸壹月。未完伍分、陆分，降俸壹级。未完柒分、捌分降俸贰级。未完玖分、全未完者，降俸叁级。完日开复。等因。案发到道。奉此。业经通行遵照在案。又为严催未完欵件事，奉巡抚刘都御史宪牌，拾肆年拾壹月初貳日，准兵部咨车驾清吏司案呈，奉本部送准福建巡抚刘汉祚咨前事等因到部。

蒙批司查送司。奉此。查得本部前因闽省拾年、拾壹、拾贰、拾叁年分，驿站钱粮考成，俱未经题报，业已咨催该抚去后。续该抚将闽省拾壹、拾贰两年驿站完欠分数题参到部，本部随经具覆在案。今该抚咨覆惟称，拾叁年分现在严催查造，其拾年分考成竟未言及，相应仍咨回该抚，将拾年分同拾叁年分考成一并速行查明具奏，以完欵件可也。等因。呈奉堂批，照咨送司。奉此。相应移咨案呈到部。移咨到部院。准此。备牌仰道。奉此。

随该本道副使萧炎案查得闽省拾年分考成驿站完欠分数文册，原为协济本可通融等事，自顺治拾年为始也。先经前道榷副使于拾叁年正月内，造送前抚院宣都御史具题咨部外。今又奉兵部

徵催拾年分同拾叁年考成一并造报，合就仍遵宪行逐一查照拾壹、拾贰年分报部考成完欠册式，星夜勒令经承分造贰本，现在合亟呈送听候完台具题咨部，照例处分。等因。据此。

该职看得驿站钱粮考成完欠，原以苏驿困速邮传所关匪渺小也。职自履任来，竭愿催完拾壹、拾贰两年文册，亲加磨核，奏报在案。今准部咨行催拾年并拾叁年分细册，职即转行该道屢催严催，今据详覆前来，职复加磨核，除拾年分完欠数目先经前抚臣宜永贵题报咨部，今复照拾壹、拾贰年分册式，再行造送。其拾叁年分钱粮，务必于拾壹、拾贰两年奏报之后，方得开除清算，且又駁查往返，势难加期，实非故于延玩也。

除清册揭送兵部外。职谨会同浙闽督臣李率泰、按臣成性合词具题，伏乞敕部覆核施行。为此除具题外，理合具揭。须至揭帖者。

(内开揭帖)

#### 43 卢崇峻为册报山西宣大各县十四年驿

##### 递钱粮完欠情形揭帖

顺治十五年二月二十九日\*

钦命总督宣大山西等处军务兼理粮饷·兵部左侍郎兼都察院右副都御史卢崇峻为协济本可通融，冲僻不难酌量，请严定驿传考成之法，厘夙弊以饬邮政事。

案照各省驿递钱粮完欠，年终造册考成，其未完协济各官，比照马政考成之法，分别处分，奉有定例。顺治拾叁年叁月初壹日，又准兵部咨，为查催协济考成等事内开，嗣后每年立定限期，俱以叁月内查题到部。等因。顺治拾肆年正月贰拾捌日，又准兵部咨，为请复参罚之旧例等事内开，驿站钱粮参罚则例，经催经征道府州县等官，未完不及壹分并未完壹、贰分者，免议，仍严行督催。未完



叁分、肆分者，罚俸壹月。未完伍分、陆分者降俸壹级。未完柒分、捌分者，降俸贰级。未完玖分及全未完者，降俸叁级。以上罚俸降俸等项，俱戴罪督催，完日开复。等因。俱各行遵奉在案。

今行据分守口北道并带管怀隆道参议朱廷璠呈称，宣镇俱系军站，原无额设协济银两，今将各驿拾肆年分应付过勘合火牌马匹廩粮数目文册，拟合造报等因。又据阳和道副使郭一骊、大同道金事相有度呈据，大同府开造拾肆年分府属州县驿递钱粮，并协济银两，已、未完数目及各官职名分数文册，转呈到职。该职覆加详核，除宣镇原无协济，并云镇催征驿粮协济全完者不开外，督催官大同道见任金事相有度，大同府见任知府蔡永华，计已完玖分捌厘之上，未完壹厘之上。阳和道见任副使郭一骊，计已完玖分柒厘之上，未完贰厘之上。大同中路革职通判王遵圣，计已完玖分伍厘之上，未完肆厘之上。大同南路革职通判钱民颢，计已完玖分之上，未完玖厘之上。经征官马邑县见任知县王之垣，计已完玖分捌厘之上，未完壹厘之上。应州升任知州张文德，计已完玖分贰厘之上，未完柒厘之上。广昌县革职知县强玮，计已完捌分肆厘之上，未完壹分伍厘之上。署广昌县事浑源县儒学见任学正赵灿垣，计已完叁分陆厘之上，未完陆分叁厘之上。以上未完银两责令见任各官严催，其经催经征数目分数，遵例各作拾分计算。

查拾肆年分节存银钱与续完节年驿粮并旧贮银钱共柒千柒百玖拾两壹钱捌分贰厘叁毫肆丝叁忽柒微，治钱壹拾肆万叁千伍百玖拾文，分晰管收。除在并各官接管日期，已、未完分数，俱详载在册。除清册移送兵部兵科查核外。

缘宣大按臣俞铎已经丁忧，不便会衔，相应具题，伏乞敕部议覆施行。为此除具题外。理合具揭，须至揭帖者。

(内附揭帖)

#### 44 袁廓宇为湘西各驿繁苦艰难暂借十五年民赋事揭帖

顺治十五年三月十六日

钦差巡抚偏沅等处地方提督军务兼理粮饷都察院右僉都御史袁廓宇为边驿繁苦异常，新复地方尤为艰难，职谨据详具题，仰祈睿裁，蚤赐从长计议事。

顺治拾伍年贰月初贰日，据常德府知府梅茂春申详，据武陵县申称，本县驿马，官喂官走，照依原额，驿马伍拾匹，并收回摆设辰州、辰龙关等处马玖匹，共计马伍拾玖匹在槽喂养。节奉兵部勘合火牌差官同满洲内院兵、户贰部大人差使络绎，每遇一差，或贰、叁拾匹，或壹、贰拾匹。经略督抚各院，各有紧急军情，飞驰跑伤，屡屡倒毙。随即于额载府河、大龙贰驿马募银两内，动支买补，叠经申报在案。然近来满洲差使更加繁苦，一日数起，支持无术。如此紧急差使，如梭如织，朝送澧州，暮送龙阳，昼夜飞驰，刻无宁暑。即欲剪纸作马，亦难应酬。且满洲骑马，北至澧州贰百里半日工夫即到，东至龙阳玖拾里半晌工夫即到。飞跑疾骋，逐电追风，虽千里神骏，不旋踵而倒毙。今驿递缺马，钱粮不敷，点金无术，卑职受尽凌辱，每于临期，遍觅营马应差。庸查马则用银肆、伍而，倒查马则赔银肆、伍拾两，百般赔累，揭债无穷。今如再无变计，卑职即如始兴县知县陈育、曲江县知县李能白、保昌县知县白可久等以驿递之苦，或以自缢，或以自刎。卑职之苦将来亦几不免。虽一县官之命，不足惜，而驿递缺马以致违误军机干系匪轻。武陵就今论之，北通荆、澧，东通长沙，两处大兵驻扎，差使如梭，则武陵驿马非有百匹不足应差，非增钱粮不能买备。伏乞垂念边驿疲苦，赐文转详祈请外属协济银两增买马匹，以应急需，庶驿因可以稍苏，而卑职有活命之路矣。

又据桃源县申详，为大兵进辰冲县驿站，刻不容缓，事奉本府

纸牌，转奉大将军及经略内院完牌申饬，预备粮料，修理桥路，大兵指日前进。等因。奉此。但辰沅一开，卑县乃水陆通衢，伍省要道，传递军机，刻不容缓。查得桃邑旧例设有桃、郑、新叁驛，額馬壹百肆拾貳匹。每馬壹匹馬夫壹名，每名每月工食銀壹兩叁錢。召募提槽馬牌肆名，每名每月工食銀壹兩叁錢。召募兽医壹名，每月工食銀壹兩叁錢。每年应开销夫役工食草料等項銀肆千叁百玖拾貳兩。桃源驛額馬肆拾捌匹內，武陵縣協馬捌匹、沅江縣協馬壹匹。又鄭家驛額馬肆拾捌匹內，龍陽縣協馬壹拾壹匹、沅江縣協馬壹拾匹。又新店驛額馬肆拾捌匹內，龍陽縣協編馬陸匹。以上叁驛，叁縣應協馬叁拾陸匹。又查武陵縣每年應協濟銀貳百叁拾捌兩玖錢壹分陸厘，龍陽縣每年應協濟銀伍百兩零貳錢。又沅江縣每年應協濟銀叁百壹拾伍兩壹錢陸分陸厘。以上叁縣，每年應協銀壹千伍拾餘兩，向來俱未關領。今本縣錢糧既荒多熟少，而脚馬又止得玖匹，倘一經差使，羽檄遽至，將何以應。如前歲開辰未經壹月，皇華絡繹紛騶凌軻，卑職几不自保。况今重師前進，巨敵在前，軍機重務，安敢緩視，豈有不亟為預籌之耶！及查本縣雖尚有熟征銀陸百貳拾叁兩有零，前經藩司撥補官俸廩糧及買馬之後，所余无几。今欲興郵政，而本縣既無堪動錢糧，各縣協濟自是呼之不應，若以見在玖匹之馬，而應柒百里往返之差，不但馬斃夫逃，則縣亦難為縣矣。等因。各申詳到府。据此。

該本府知府梅茂春看得武陵當冲疲之地，往來差使多系緊急軍需，刻不容緩，而該縣之馬仅有伍拾玖匹，一遇滿洲走差，或貳叁拾人不等，又或前差方去，而后差又來，馬少實難应付。桃源縣當水陸交冲，目今大兵征進，往來傳報緊急軍情。桃邑驛站最為吃緊，該縣所有桃、鄭、新叁驛廢弛日久，乞請額載協濟銀兩，買馬立站，亦勢難容緩。然卑府更有請焉，今日貳縣之時勢，非昔日無事之時勢也。若當無事之日，馬少就可支持，今則用兵之秋，羽檄交

驰，势如迅雷掣电，若迟误军机，地方官必无以解免。貳县之马，每县非百匹不能敷用。然请协济请立站犹属缓著，今时势燃眉，刻难容待。即批准协济，其间往来关取，必不能按日应付，此从来因循成风，已非一日，必乞别属现在银两立发买马，庶克有济。俟奏捷之日，再照成规，然事属通变，且关紧要，驿站卑府不敢含默。等因。到职。该职看得常德府西北通澧州、荆襄，西南由桃源县直达辰州、沅州，乃湖南第一冲途。往时辰、沅未复，只荆、澧、长沙各驻大兵，往来会议军机，动则骑马壹、贰拾匹或贰、叁拾匹。武陵四应之地，桃邑辰沅孔道，即在平时，两县拾年残荒，官民交苦，已不能支持，据其大声疾呼，情词悲切，读之凛凛滋惧。兹当大兵进取，仰仗皇上天威，文武励志，将兵齐心，自是旋复辰沅，直进云贵。惟辰沅云贵恢复之后，凡满汉飞报捷音，恭上疏章及会催兵饷商议军机，皆急如星火，有不容一刻稽误者。职谨查自常德府起，至辰州府，计路叁百陆拾余里，原设有桃源、郑家、新店、界亭、马底共伍驿。自辰州府起至沅州计路叁百伍拾余里，原设有辰阳、山塘、怀化、罗旧共肆驿。自沅州至贵州接界，原设有便水、晃州等驿，通计自常德至晃州，计路千里，共有拾壹驿，向皆为贼盘踞。武陵尚有马伍拾余匹，桃源止有马玖匹，其余玖驿皆久未设立。今辰沅一复，云贵一定，满汉大兵皆分守于云贵辰沅之间。地方初开，军机繁重，势必差使络绎，马不停蹄。若不预为计议，先行起站，则云贵之报捷章疏，必不能徒步千里，催饷兵饷，会议军机，必不能稽迟时刻，即及今料理，亦须两叁月方能措办。失今不计，将来经过无马，军机迟误，即新委道府州县，人人如武陵县所云，如始兴等县知县陈言等，或以自缢或以自刎，究竟亦何补于违误封疆也。职以为处承平之时，循规整饬，需之月日，自可就绪。若处变更之时，自应从权通变，合于时宜，似难以胶柱鼓瑟执一而论。今共拾壹驿，每驿必需马百匹或柒捌拾匹，方足往返应付。而喂马料草，夫役工食等项，

所需不资。且驿驿皆复，则马有更换，得以休息。若一驿不设，长骑过站，则两驿受累，必至马死夫逃，并两驿废弛，再从而整理，所费益大。即今如欲取之地方，则拾年新复之荒区，正应招徕抚绥，以奉扬皇上之德意，何以先下刻苦之令，以迫之转相逃窜。欲以旧日区区协济，催征买马复驿，以应多差，犹如西江之水，必不能应时救急。为今之计，必先行驿传道，遍搜湖广通省有余之站银，纤毫查出，尽行买马。又计马匹之料草夫役，为之预计经画得当，恐楚省之站银有限，即穷搜亦不能猝起拾壹驿站，势必从权借支拾伍年民赋银两，先行买马起驿救急，统候湖广通省节缩站银，照数一一抵补。此正赋暂借必还，各驿一时能复，无误军机，有裨封疆，似亦因时通变之一机也。职如不早为预计，而又必欲循规蹈矩，不能与时变通。异日千里无一驿马，报捷疏章，军机饬务，致有违误方为言及，则为时已晚，职罪何辞。职今不敢不披沥预先叩请。

职谨会同督臣李荫祖、抚臣张长庚合词具题，伏乞皇上敕部从长计议，请旨行，职等遵奉施行。为此除具题外。理合具揭，须至揭帖者。

(内閣揭帖)

#### 45 黄图安为宁夏驿站银两清册已开造呈报事揭帖

顺治十五年三月(四月二十四日到文)

钦差巡抚宁夏等处地方·赞理军务·都察院右副都御史黄图安为协济本可通融，冲僻不难酌量，请严定驿传考成之法，厘夙弊以饬邮政事。

案查顺治拾年拾壹月拾叁日，准兵部咨车驾清吏司案呈，奉本部送兵科抄出该本部覆户科给事中周曾发题前事部覆。该臣等看得各省驿递臣部已经题请设立循环文册，以杜冒滥横索等弊，见在通飭查核在案。今应从科臣之议，以驿政考成驿传道，令各州县按

季造册呈缴该道，该道按季呈缴该督抚，该督抚年终核实题参敕下臣部分别考成。至各驿冲僻不均，宜通融协济者，总以勘合火牌为主，应察其应付多寡，即定州县冲僻，由此通融协济，务期适均，不至偏苦。并督催应协银两及期完解，仍将完欠数目填册，以凭考核。如有纵容州县私加私派及应付纸票白牌者，事发参处。其直隶地方，原无驿传专官，应责各该本道照例察核造报该督抚一体考成。等因。题奉旨，依议行。钦此钦遵。抄出到部。备咨前来，遵照在案。除顺治拾叁年分经职具题外。又于顺治拾叁年拾贰月初柒日，准兵部咨为钦奉上谕事内开，该职题请宁属各驿马匹，夏秋全支料草缘由，奉旨，部覆，除买马站银原系宁镇驿站银两，相应如议动支买草，其该镇兵马支剩料豆，俱系兵马正项钱粮，不便动支，仍照前覆，于兵部项下裁减驿站银内动用。等因。奉旨，依议。钦此钦遵。咨行到职。除不足草束动支站银易买外，至于料豆照依时价行据驿传道，于官平县站价裁充兵饷内拨给宁镇料豆银陆百壹拾两柒钱，呈解支放，并应报顺治拾肆年分协济银两，各行该道及催促去后。

今据陕西驿传道副使刘士兰、宁夏河西道金事郭之培、河东道金事韩庭芑，开造协济驿站银两及催征各官职名并无私加私派，亦无冒滥横索，应付白牌纸票情弊，造报到职。该职查得宁镇壹拾叁驿，每年额设站银内，除荒粮并渐次星荒实征银贰千伍百肆拾玖两零，在于西安府属郃阳、白水、长武叁县协济本镇在城等驿，通融购买马匹及诸用之需，并无加派冒滥应付白牌纸票各情弊，所有前项协济并料豆银两以拾分俱已全完，深于驿务有裨。今据呈报经征收支各官职名前来，覆查明白，除造清册咨送兵部查核外。相应具题，伏乞皇上敕部议覆施行。

为此除具题外，理合具揭，须至揭帖者。

(内附揭帖)

#### 48 白如梅为驛站与州县同城裁革驛丞事揭帖

順治十六年三月十三日\*

欽差提督雁門等关·巡抚山西太原等处地方兼理云鎮諸务·都察院右副都御史白如梅为内外尚多冗员，請敕一并議裁事。

順治拾陸年貳月貳拾陸日，据山西布政司呈，蒙巡抚白都御史案驗，順治拾伍年拾壹月貳拾貳日，准吏部咨文选清吏司案呈，奉本部送吏科抄出，该本部覆礼科右給事中陈台孙題，臣伏見上諭各衙門開列职掌，斟酌繁簡，凡屬冗員，既分別裁汰，省官省事。誠一时裕国之良規，乃有糜祿虛糜，毫无司事，廷議未及，所當議裁者，虽屬散員，不容偏置，暨在外虛設之贅員并當議裁，以省浮費，謹为皇上陳之。

如中后貳府经历司者，因先朝建立五軍都督府所司繁重，故每府設立经历壹員，以为首領官，若陸部各衙門之有司务承行堂上事也。今五府都督不復設立，則是堂衙既已久廢，首領何为虛存，即間有一二承行事务，不妨酌令归并，此所當議裁者也。又如五城兵馬司，先朝内外城地方辽阔，故設兵馬指揮壹員，复以貳員副之。自我朝定鼎，内城既八旗分住。至外城地方，兵馬司一正一副尽足料理，今仍設副兵馬貳員，不独空糜俸米，且恐地方多一官，未免多一事，此所當議各裁其一者也。又如京卫经历司及直省各卫经历司，先朝每卫有指揮使及指揮同知金事等官，品級优崇，文武不相統攝，故各設经历壹員，以便批行文移，料理卫务。今卫虽仍旧，官已易守备、千总，凡催屯領運，金丁造册，俱系守备总理，千总分任经历，曾不得过而問焉，其为贅員，灼然可見，此所當一并議裁者也。又如驛馬新例，尽归州县官养，則除極冲以外，凡同城之驛丞可裁也。各处軍儲尽經本营与州县自为免收，則无粮之仓大使。可裁散員末秩，积少可以成多，统乞敕部酌議裁汰，以定經制，其于节財

裕用，不无小补矣。等因。顺治拾伍年玖月貳拾伍日题，貳拾捌日奉旨：吏部议奏。钦此钦遵。抄出到部。送司。相应议覆案呈到部。

该臣等议得科臣陈台孙内外尚多冗员等事一疏内称，五府都督不设，首领何为虚存，中后貳府经历应裁。又五城兵马司指挥一正一副尽足料理，每城副指挥貳员，应裁壹员。又京卫及直省各卫，俱系守备总理，千总分任经历，当一并议裁。又州县同城之驿丞，无粮之仓大使，俱可裁等语。查中后貳府经历承行事务，应归并何衙门管理，京卫经历果否旷闲无事之官，又五城副指挥所管地方，果否可以归并兼理，臣部难以悬议。查五府京卫系兵部所辖，应请敕下兵部酌议裁减归并具奏。五城副指挥系巡城御史所属，应请敕下都察院转行各巡城御史，察照职掌繁简，归并事宜酌议裁减具奏。至各直省卫经历，臣部于拾貳年拾壹月覆宪臣魏裔介条奏，请旨咨行各省抚按裁汰。续据各省题报，内有冗员应裁者，有经征粮草应留者，俱经臣部覆准裁留在案。又无粮仓大使，臣部于拾叁年内，节据各省咨报，悉行题裁在案。今应再请敕下各该抚按严查裁减，并查各省何驿系与州县同城，其驿务应归并何官兼管，详议具奏，另议可也。理合具覆，恭候命下臣部遵奉施行。等因。顺治拾伍年拾月拾玖日奉旨：是。依议行。钦此钦遵。抄出到部。送司。相应行咨案呈到部。拟合就行。为此合咨前去，烦为钦遵查照施行。准此。拟合就行。为此。仰本司官吏查照咨案遵奉旨内及粘抄事理，即便会同驿粮道速将无粮仓大使并各属驿递，确查何驿与州县同城应裁，其驿务应归并何官兼管，逐一详议妥当，呈详本院，以凭会题施行。蒙此。

顺治拾伍年拾壹月貳拾伍日，又据经历司呈抄蒙巡按加壹级伊御史案验，顺治拾伍年拾壹月貳拾日，奉都察院吏行貳百叁拾陆号勘札，准吏部咨前事。等因。抄呈到司。蒙此。俱经备行驿粮



道转行太、平、大、潞、汾伍府，泽、辽、沁叁州确议妥详去后。

于顺治拾陆年貳月拾柒日，准驿粮道牒呈，据太原府详称，查得所属驿丞与州县同城者，阳曲县有临汾驿，祁县贾令驿，徐沟县同戈驿，平定州平泽驿，忻州九原驿，代州雁门驿，岢岚州永宁驿，切查各驿与州县同城，但印官与驿官各有职掌，似难兼摄，应否归并，是在宪裁等缘由具呈。照详蒙批，此系归并事理，当一言而决不必持两可之说，仰府再确议报，以凭转详速速。蒙此。该本府知府宗彝覆详看得所属驿丞与州县同城者，已经缕述具申，应否归并，印官恭听宪夺。蒙批，说介两可，仰再确议。窃思汰冗节费，诚裕国之石画也。但职掌难以兼该，则禄糈不容樽节。印官任司民社钱谷刑名，责任一身者甚弘，驿丞分效驱驰邮传递送，繁劳于己者罔尽，虽秩有尊卑，然事皆艰瘁，不相谋也，不相贷也。倘必欲裁彼统此，是率印官而路将望尘伏道之不暇，安能经理郡邑之急务乎？再四思维，碍难归并，伏候宪酌转覆可也等缘由。据此。又据平阳府详称，蒙此。备行各州县查议去后。

今据洪洞县申称，奉此。查得洪邑设有普润一驿，与县原系同城，驿丞壹员管理驿务，但本县路当于午之冲，差使络绎，应付浩繁，职虽微而任实巨，似难议裁。又据灵石县申称，奉此。查得瑞石驿虽系同城，斗大小邑，极冲极繁之地，北接汾介两路，差使络绎，凋残冲疲，驿务层集，似与别县未可同日而论也。又据蒲州申称，奉此。查者得卑州设立河东驿，驿丞壹员，虽系同城，但地当伍省通衢，满汉差使络绎不绝，必得专官料理，尚苦繁难，今议归并，似与偏僻地方不同，恐难兼摄者也。又据临晋县申称，奉此。查得本县樊桥驿，离城貳拾伍里，设立驿官壹员，迎送往返，整理驿务。自顺治陆年间，因逆贼作乱，本驿毁坏无存，未经修补，暂移本县关外候差，不过一时权宜之计，非同城者比，况系第一冲繁驿递，又兼陆路遥接，驿官终日奔忙，实无宁晷，诚难裁减。又据闻喜县申称，

奉此。查得本县涑川驿，虽则近城，但路通八衢，冲繁至极，况叁县喂马，壹官昼夜专为料理，似难议裁。又据霍州申称，奉此。查得邮亭之一官也，为职虽微，而仔肩甚巨，霍当冲繁之区，凡一切兵马，紧急军机，络绎不绝，为是职者，欲分身而未有术也，驿务繁重，势难议裁。各缘由申详到府。及查本府并无无粮仓大使，至于建雄驿设居府郭，冲要之地，比别驿邮务更繁，同城官员各有职掌，尤难议裁。据此。

该本府知府李月桂查看得，裁官节费诚裕用之良图，但员若赘疣，而无事糜饷，时奉裁适如其事而止。倘职肩繁细，而遽议汰并，则欲去终难强议而行。即前之可以酌减训导县丞，而今之不能议裁驿丞，是以平属路当子午之冲，皇华使客，冠盖相望，轮蹄给（络）绎最号殷繁，其间往来迎送之劳，趋承供应之琐，惟驿官奔走是赖。今若一旦撤去，令他员兼摄，在州县印官职司钱粮民社，自是不克仆仆于道途。即吏目、典史、巡捕有地方之责，且奉差解饷，往返需特，亦难分身以借应。是设官原有专责，犹之耕当问奴，织当问婢，盖两不相袭耳。若使归并兼理，将顾此失彼，其不至旷黷职业，而废弛驿递者几何哉？无论同城外隶驿丞一官，似难裁并，本府不敢徂于目前，而貽悞于将来也。既据各该州县查议申详到府，伏乞汇转等情。据此。

又据大同府详称，蒙此。随行所属州县酌议去后。节据各该州县申称，裁留纷纷，尚未画一，碍难据文转详。该本府查得所属全镇各仓大使，于顺治拾叁年伍月内奉，用人乃治平之大务等事一案，将各仓大使一概议裁。等因。递行在卷。其所遗仓务归并同城守备等衙门兼摄外，为照大同一府所属共拾壹州县，除广灵县原未设有驿官，与朔州因有驿无马，其驿丞潘秉直已经另案奉裁外。内有玖州县，有灵丘县太白驿，驿丞久缺未铨。其见在捌州县应州安银子驿、浑源州上盘捕驿、蔚州马驿、怀仁县西安驿、山阴县山阴

驛、馬邑縣廣武驛、廣昌縣因冲繁設有香山驛，以上柴州縣各驛俱有驛丞壹員，查應、澤、潞叁州并懷仁、山陰、馬邑、廣昌肆縣，以上共柴州縣俱系同城，其驛務應歸各州縣可以兼理，驛丞壹員似屬贅龐，一概裁去，以省糜費可也。據此。

又據潞安府詳稱，隨查本府所屬并无應裁無糧倉大使，其應裁驛官隨行長子、屯留、襄垣叁縣查議去后。今據長子縣申稱，奉此。查得本縣所屬漳澤驛系同城，其驛丞應裁，驛務應歸并典史兼管，擬合申報。據屯留縣申稱，奉此。查得本縣所屬余吾驛系同城，其驛丞應裁，驛務應歸并典史兼管，擬合申報。據襄垣縣申稱，奉此。查得本縣所屬觀亭驛，離縣陸拾里之遙，不系同城，支應冲繁，難以議裁，擬合回報。各等情。申報到府。據此。該本府知府楊昉看得本府所屬叁縣，除襄垣觀亭驛離縣穹遠，无容議裁外。其長子之漳澤驛、屯留余吾驛，俱系同城，驛丞應裁，其驛務歸并各縣典史兼管，似屬妥便。據此。

又據汾州府詳稱，蒙此。該本府知府王琚看得汾城附郭有汾陽驛，驛丞壹員，平遙縣有洪善驛，驛丞壹員，介休縣有義棠驛，驛丞壹員，永寧州有玉亭驛，驛丞壹員，皆系同城，相應俱行裁汰者也。其驛遞夫馬事務，自當州并吏目、縣歸典史兼管為便。至汾陽、平遙、介休叁縣，虽有冲繁議留之請，然既系同城，自應裁并。沁州城外有沁陽驛，驛丞壹員，州屬武鄉縣有權店驛，驛丞壹員，除權店驛離城柒拾里，不系同城无容議裁。其沁陽驛丞虽駐州城北門之外，即是同城，自當裁汰，該驛夫馬事務，應歸并吏目兼管，是屬妥便。據此。又據澤州詳稱，蒙此。該本州知州傅繼說，查看得本州惟太行驛里系同城，乃秦豫通衢，夫馬往來絡繹不絕，供應需官料理，是屬極冲，各驛俱有專職，无官可并等緣由。節據呈詳到道。

該本道覆詳看得太原、平陽、大同、潞安、汾州伍府，澤、辽、沁

叁州回称，并无应裁无粮仓大使，所有驿丞，除不系同城免议不叙外，大同府应州安银子驿、浑源州上盘铺驿、蔚州马驿、怀仁县西安驿、山阴县山阴驿、马邑县广武驿、广昌县香山驿，驿务归并州县。潞安府长子县漳泽驿、屯留县余吾驿、汾州府汾阳县汾阳驿、平遥县洪善驿、介休县义棠驿，驿务归并典史。永宁州玉亭驿、沁州沁阳驿，驿务归并吏目。以上壹拾肆驿，该府详议应裁，无容再议。其太原府阳曲县临汾驿、祁县贾令驿、徐沟县同戈驿、平定州平潭驿、忻州九原驿、代州雁门驿、苛岚州永宁驿、平阳府临汾县建雄驿、洪洞县普润驿、灵石县瑞石驿、蒲州河东驿、临晋县樊桥驿、闻喜县涑川驿、霍州霍山驿、泽州太行驿，以上壹拾伍驿。该府州详称，各驿路当孔道，驿务繁难，凋残冲疲，差使络绎，供应甚琐，需官料理，印官职司钱粮，典史巡捕地方，责任一身，碍难归并。本道欲行批驳，务得可否裁并，但宪件期迫，不敢久稽，既经各该府州详议前来，相应转呈，合无请乞宪台裁酌转请施行。等因到司。准此。

该本司左布政使彭有义查看得设官分职，各有所司，若旷闲无事，虚糜廩禄，诚宜裁并，以省冗费。第驿丞壹官，其职虽微，其责则重，不可不从长酌议也。三晋为秦蜀孔道，往来络绎如织，非属偏僻可比。其驿递之不与州县同城者，自是无容议裁，而于州县同处者，犹当详议画一，若一议裁，而一议留，其中不无遗拟。本司细绎原行及各府回详，咸云同城之驿归并典史，似为善计，但典史壹官，不惟有地方巡捕之责，且不时有委解钱粮之任。近奉新例，责成甚愴，而申饬亦甚严，倘典史、吏目奉委公出，其夫马之饲，备皇华之供应，将又委之谁乎？况平西王之紧急军务，犹如疾风骤雨，又时刻之难少待者，使无尚官支应，此必不得之数也。本司谬议，在太、平、潞、汾以及泽、辽、沁州，俱当仍旧，不便轻议裁并。惟是大同界在边隅，非属冲繁之区，且钱粮无多，委解颇少，应如府议，以省糜费可也。至于无粮仓大使，晋省从前奉裁已久，其余俱有职掌，无

容别议者也。既经该道府查议前来。相应呈请合候宪裁具题施行。等因。呈详巡抚白都御史照详间。

又蒙本院宪票，查得大同县尚有瓮城口壹驿，详内未显裁留字样，且灵丘太白驿，驿丞久缺未补，应否亦议裁汰，详内亦未明言，事关具题，不便草草，相应查明。为此。仰本司官吏即查大同县瓮城口驿，驿丞壹官，是否与该县同城，或应裁并，或应议留；灵丘县太白驿，驿丞虽久未铨补，是否应裁，作速查明，呈详本院，以凭入疏具题。等因。到司。蒙此。又蒙巡按白御史批，据本司经历司呈同前事。蒙批，该司会同驿道酌议妥确，通详两院题请。缴。蒙此。俱即随移驿粮道确议去后。

于本月贰拾肆日，准驿粮道牒呈，准本司照会移查大同县瓮城口驿、灵丘县太白驿，是否同城，应否裁留到道。准此。查得大同县瓮城口驿，离城陆拾里，非系同城，无容议裁者。灵丘县太白驿，虽久缺未铨，系属同城，亦应议裁。其余各府悉如司议，似为妥便。今准前因似合回复。等因。到司。准此。该本司左布政使彭有义覆查得大同县瓮城口驿，离城陆拾里，不系同城，无容议裁。灵丘县太白驿，久未铨补，系属同城，亦应裁并。其余悉照前议可也。既经该道查明前来。相应呈请，全候本院详示裁酌会题施行。等因。呈详到职。据此。

该职看得裁并冗员，固所以节省糜费，然必查果系无事之官，方可议汰，若有本分职掌，及当冲繁要路，断断乎难以裁并者。前部覆科臣条议，查汰同城驿丞及无粮大使等官。职等行据藩司会同驿粮道确议详称，晋省所属，并无无粮大使。至于驿丞一官，专司夫马草料，以备皇华之使，其职虽微，其责甚巨，况太、平、潞、汾肆府与泽、辽、沁叁州，皆通秦蜀要路，过往差使络绎如织，若驿丞裁并，脱有紧急军情，恐致耽悞，俱不便于议裁也。惟大同府界在边隅，除大同县瓮城口驿不系同城，亦不便议裁外，其应州安便子驿、

浑源州上盘铺驿、蔚州马驿、怀仁县西安驿、山阴县山阴驿、马邑县广武驿、广昌县香山驿并灵丘县太白驿，虽久缺未铨，俱系同城，所当一并裁汰，其该驿事务，州归吏目，县并典史，责令兼理可也。

既经该司呈详前来。职谨会同按臣白尚登合词具题，伏乞敕部议覆施行。为此除具题外，理合具揭，须至揭帖者。

(内属揭帖)

#### 47 伊图题解救陕西凤翔驿站疲累已极之办法事本

顺治十六年三月十五日

兵部尚书今降叁级照旧管事臣觉罗伊图等谨题，为驿递疲累已极，站马倒毙堪怜事。

车驾清吏司案呈，奉本部送兵科抄出陕西布政使司左布政使陈耀题前事内称，秦地大而辽阔，兼之用师滇、黔，由西安而达凤翔，由凤翔而达汉中，由汉中而达川之阳平关，入贵州，皆山川险阻，兵马往来差遣络绎之地，非他处可比者也。迩来汉属率皆鸟倒官递，凤属宝鸡之马，每每越站至数百里。且一入汉，而马多不可问矣。因而凤属之马，渐亦就毙，凤属之驿，渐亦就倒。汉与凤既毙且倒，则凡与凤、汉相邻者，恐駉駉俱受其累矣。见今督抚臣行查而受累之由，尚未得出。臣惧倒毙无已，势必貽累于里下小民，里下小民不支，必纷纷逃窜矣。臣访利弊于各道，有关西道余应魁条议一款，小民之困阨，莫如驿递之重累，驿递之累，莫如三秦，三秦较之又莫如凤翔府属矣。今筹国计民生者，言驿递情弊，洞烛隐微，不为不详且周矣。有额设站银，动站银购马，官养官喂，似无累小民，而不知尤为累民，何也？如驿马足额，止可供勘合火牌额数之用。如额外索马，马纵驽壮不骑，必欲雇人之马骑之。每站脚价少则壹贰两，多则肆伍两，羸瘦者骑倒必赔，值叁肆拾两。至于横索常例，一时无措经承，马牌子揭借重债，半为差使之费，半肥奸胥之腹。

有司何术点金之偿此重费乎！脚价倒马，百姓偿还，借债重利，百姓偿还。如曰部给一单，所过州县驿递取印信即不为扰，差使一到，惟求其速行不可得也，若取印信何敢吝焉。小民重复受累，剜肉医疮，风民之受累有甚于三秦。为今救弊，凡过往差使，如应付马匹并倒毙者，许有司照数按季造报抚按驿传道，年终抚按汇造送兵部查核，有司亦得于年终造册，径投兵部。如果于牌勘外多索骑毙者，奏闻追拟。庶驿递不致倒坏，小民有乐生之机，应魁之条议如此。臣思风系应魁所属，见之真故言之切也。臣愚以为秦地辽远，非无驿传道统辖其间，然驿传道驻扎省会，每行票稽查，即应之至速者，亦须半载，况各郡县漠然坐视者，呼应不灵乎！不如以各郡管辖之府道，即各责以所辖之驿传，事近而易核，法简而易行。庶钱粮无混冒之弊，倒毙无欺蒙之端矣。为此具本，谨具奏闻。等因。顺治拾陆年正月初拾日奏，貳月貳拾捌日奉旨：该部议奏。欽此欽遵。貳月貳拾玖日抄出到部。批司查议。随经司议呈堂。

该臣等议得，陕西左布政使陈爌奏称，汉属率皆马倒官逃，凤属驿马每每越站渐亦倒毙，势必累民，条议救弊之法。凡过往差使，应付马匹倒毙，有司与抚按年终造册报部查核。果与牌勘外多索骑毙者，奏闻追拟等语。查驿递应付止许照勘合火牌，臣部设立循环文册，原杜横索骚扰等弊。至奉差员役额外多索，臣部屡经严饬禁革。今应再请敕该抚按严饬所属，嗣后如有过往差使，分外多索骑毙驿马及骚扰情弊，该州县官立时指名申报抚按，飞章题参重处。若有司侵克站银，无马应差，派累小民，该抚按即行据实纠参。又疏称驿传道驻扎省城，各郡行票稽查必须半载，不如以各郡之道府各责以所辖之驿传等语。查秦地辽阔，驿传一道似难遥制，但该省既专设驿传道，应否分责各处府道管理，请敕下该抚按详议妥确具题到部再议。

臣等未敢擅便，谨题请旨。

批红：是。依议严饬行。

(内閣題本)

#### 48 张长庚为接济楚湘冲驿急需钱粮办法事揭帖

顺治十六年丙三月十三日\*

钦差巡抚湖广等处地方兼提督军务·兵部右侍郎兼都察院右副都御史张长庚为冲驿急需整立等事。

据布政司左布政使黄志逸详奉职牌，准户部咨湖广清吏司案呈，奉本部送户科抄出先该兵部题覆湖广巡抚张长庚题前事。等因。顺治拾伍年玖月拾叁日题，本月拾肆日奉旨：依议。钦此钦遵。抄出到部。送司。奉此。相应议覆案呈到部。

该本部看得湖广巡抚张长庚奏称，襄阳至贵州交界止，设立夫马应添补银肆万捌千伍百柒拾余两，奏请暂拨兵部钱粮早为接济等因具题。该兵部议覆该省，并无别项解部银两，无凭给发，请敕户部确酌议覆前来。臣部查得本年伍月内，先该兵部议覆偏沅巡抚袁廓宇疏请，边驿繁苦一案，借支拾伍年民赋钱粮等因，应否动支，请敕下户部查议。臣部以楚省钱粮俱留充饷，尚在不足，仍赖别省协济。查会典开载，设立驿站买马之事，俱系兵部职掌，况买马有额定钱粮，覆请敕兵部查议奉旨在案。今楚抚张长庚疏称，驿站乏银，暂拨兵部钱粮早为接济，兵部覆请臣部酌议。该臣部查得楚省正杂钱粮俱留充饷尚在不敷，况今大兵进取，钱粮关系紧要，不便动支，相应仍敕下兵部查议可也。顺治拾伍年拾月初伍日题，本月初陆日奉旨：尔部即会同兵部确议具奏。钦此钦遵。抄出到部。送司。奉此。相应议覆案呈到部。

该臣等二部会议得，楚省自襄阳起，至贵州交界止，设立驿站夫马，据该抚疏称，尚应添补银肆万捌千伍百余两，请动兵部钱粮接济。查兵部将该省节省排夫等银肆千捌百余两拨补紧急驿站



外，该省别无别项解部钱粮。查户部项下楚省本折钱粮俱留充饷，尚在不敷，仍赖别省协济，应请教该督抚查可动钱粮作速议定，无致有悞驿站急务，仍行题报可也。顺治拾伍年拾壹月初肆日题，本月初伍日奉旨：是。依议行。钦此钦遵。抄部送司。奉此。相应咨会案呈到部。备咨过本部院烦为查照本部覆奉旨内事理，钦遵施行。等因。准此。

为照大兵底定云贵军机饷务羽檄交驰，差使络绎不绝，沿途驿递昼夜应付罔暇，马少差繁倒毙，纷纷见告，各部院具疏吁请，内部无银堪拨。覆查本省可动钱粮无致有悞驿站急务，仍行题报。惟今冲繁各站悬望拨济，势减燃眉，迟缓必致误事，除行驿盐道外，合行查议各牌行司。即便会同驿盐道确查可动钱粮，极力搜括，以济冲繁各驿亟需，议妥星速详报，以凭具题，事关紧急，慎毋迟违。等因。奉此。

该本司同驿盐道于副使会看得，滇黔已服，凡系解运资安报捷传檄一切差使，悉皆取道于荆襄安潼常辰一带。其驿站兴复买马设夫，需银迫切，为数不资，诚有不容缓待者，前奉本部院宪檄，虑钱粮正处匱乏之际，令先将驿站项下银两尽行搜出济用，再有不敷，方可请动正项。随该驿盐道遵将节年夫马、驳追节省、充饷各项实征之银，无论已完未完，一概计抵前项冲途马价等用外，尚少马匹、工料、排夫、扛夫、馆夫、工食等项银肆万捌千伍百柒拾壹两有零，是以前详本部院请动正项拨济。今又新奉偏院宪行内开，楚省近黔之平溪、清浪贰卫，共该设夫壹百陆拾名，每年该银壹千壹百柒拾壹两零，贰项俱自顺治拾陆年为始，实共少银肆万玖千柒百肆拾余两有奇矣。捧读部文内云，查可动钱粮作速议定，无致有悞驿站急务，是内部早有明鉴矣。本司与驿盐道从长商酌，并无别项可动，惟有拾陆年江济水夫除荒实征银叁万叁千零叁拾柒两陆钱叁分零，原系兵部项下仓口。又拾陆年夫马叁分之一除荒实征充饷银

伍千陆百伍拾玖两陆钱叁分肆厘，与拾陆年司道府厅额载红船除荒实征银陆千壹百叁拾壹两贰钱陆分捌厘零，虽全书刊载各衙门名目，但原系驿站项下仓口，俱堪请动支用，以叁项合计共仅得银肆万伍千壹百壹拾玖两伍钱壹分零，尚缺少银肆千陆百余两，无可添补。再四思维，止可复于本省各县驿内查其昔冲今僻者，可将夫马酌量减裁，以足此数，此外别无可议也。

第查江济一项，系已算制兵情数，今既拨抵驿用，是所缺情数又应听内部另拨。惟是前项所少肆万玖千有零之数，俱系工料工食等项，乃岁岁必需之数，拾陆年之议如此，其以后所需银两。其辰沅等属即有新垦恐难济用，仍议以江济水夫等银暂为拨补，或俟新开荒残地方田赋征之时，各归各项可耳。又查红船一项，原自拾肆年题报造船应付大兵，后因乏银，添补无济，乃事随于上年柒月内，详请本部院题充驿站之用，续缘冲途各驿军机重大，差使繁难，马匹报倒，竟无虚日，买补苦于无银，一切应付不敢时刻有悞，职司邮政者，幸以前报之数两拾伍年已完红船银两稍得通融救济，统俟完日汇报开销可也。等因。详议到职。

该职看得冲驿急需整立一案，先为王师征进，辰沅初复，则湖南久废之邮路，与常遭荆襄一带尽属紧要通衢。且黔滇两省相继而开，羽书日重，凡遇内外差遣，骑马甚多，驿站额马额夫应创设与添设者，需费不资，即竭力搜括买马，其工料等银终是无出。自去岁以来，无日不苦，捉襟露肘。于顺治拾伍年拾贰月初柒日职接准部咨，随行布政司，会同驿盐道查议可动钱粮，作速确详去后。

今据藩司驿道会详驿递题添钱粮，以拾陆年为始，该银肆万玖千柒百肆拾余两，查无别项可动。惟有江济水夫一项，岁该实征银叁万叁千零叁拾余两，乃兵部项下仓口。并拾陆年夫马叁分之一充饷银伍千陆百伍拾余两，与拾陆年分公司道府厅额载红船除荒实征银陆千壹百叁拾余两，俱堪请动支用。以此叁项之外，每年尚实

缺银肆千陆百有奇，果无别项可以添补。再四思维，止可于本省各县驿查其昔为冲繁今稍偏僻者，另将夫马斟酌减裁，以足此数。自拾陆年以后，暂议照行。俟新开荒残地方田赋赋征之时，自当各归各项，此经职会同督臣传集该司道面议，又复加再四细酌，舍此通融之法，别无可以动用。但江济一项，原系已派制兵饷数。今既借补冲驿支应，而所缺之饷，是又听内部另拨，以敷前额，除拾肆年红船等银，职前疏已经题明，并同拾伍年已完银两向因军机重大，差使繁难，已行酌入冲驿支用，统俟汇报，不敢混入项赘外。今据藩司驿道会议前来，职谨会同督臣李荫祖、治臣张尚、沅抚臣袁廓宇，合词具题，伏乞。敕部议覆施行。

为此，除具题外，理合具揭，须至揭帖者。

(内附揭帖)

#### 49 白如梅为山西驿站考成事揭帖

顺治十六年閏三月十三日\*

钦差提督雁门等关·巡抚山西太原等处地方兼理云镇诸务·都察院右副都御史白如梅为查催协济考成，以济驿困事。

顺治拾陆年叁月贰拾捌日据山西驿粮道副使于变龙呈案，照前蒙巡抚白都御史案验，准兵部咨车驾清吏司案呈，奉本部送兵科抄出该本部覆山西巡抚白如梅题前事。等因。顺治拾叁年拾月拾捌日题，本月贰拾玖日奉旨：兵部核议具奏。钦此钦遵。拾月叁拾日抄出到部。批司查议。随经司议呈堂。

该臣等查得臣部覆晋抚白如梅题参该省拾贰年分驿站协济钱粮已未完各官一疏，吏部以臣部未经按各官经手年月多寡，分晰应征并完欠分数，题查到部。臣部覆经请敕该抚逐一查明具奏去后。今该抚止将各官起止年月日期，及应征钱粮数目具题前来，并未分晰某人经手若干月日，应征若干分数，有壹年之内叁肆易其人者，

俱仍各以拾分计算完欠，与吏部原题之例，仍不相符，难以详覆，再应请教该抚详悉分别具奏，以便查覆可也。等因。顺治拾叁年拾壹月拾叁日题，本月拾肆日奉旨，依议行。钦此钦遵。抄出到部。蒙批司速行送司。奉此。相应移咨案呈到部。拟合就行。为此。合咨前去，颇为查原本部覆奉旨内事理，钦遵施行。准此。拟合就行。为此。仰本道官吏照依咨案，遵奉旨内事理，即将拾贰年分未完站银各官，查照部文并前定参罚则例，各官经手月日各作拾分，作速分晰明确，造册叙详，本院以凭具题，勿得迟惰等因到道。蒙此。

除将节年文册造报外，于顺治拾伍年拾贰月拾柒日，蒙巡抚白都御史宪禀，为飭催年终事宜事，仰本道官吏即将后开事件，速查照原奉部文应造册者，叙详造册，应呈详者呈详，各照限期预先作速呈院，以凭覆核具题，勿得违限，致于功令未便等因到道。蒙此。该本道遵蒙宪示，随即通行所属，取造经征经催接管起止月日职名，各作拾分去后。节据各府州造送前来。据此。

该本道覆查得，太、平、潞、汾肆府，泽、辽、沁叁州，原额站银壹拾伍万捌千陆百玖拾叁两叁银肆分贰厘玖毫陆丝伍忽伍微柒纤壹尘，内除奉旨豁免大宁、永和贰县银陆百叁拾两柒钱伍分玖厘肆毫玖丝伍忽捌微内，永和县拾肆年分开垦过荒地起科银叁拾玖两柒钱贰分玖厘捌毫陆丝伍忽捌微，拾伍年分开垦过荒地起科银叁百叁拾壹两叁钱柒分玖厘贰毫陆丝柒忽柒微陆纤，实免银贰百伍拾玖两陆钱伍分叁毫陆丝贰忽贰微肆纤，实征银壹拾伍万捌千肆百叁拾叁两陆钱玖分贰厘陆毫叁忽叁微叁纤壹尘，已完银壹拾伍万柒千陆百肆拾玖两叁钱柒分玖厘壹毫叁忽叁微叁纤壹尘，未完银柒百捌拾肆两叁钱壹分叁厘伍毫。又新奉归并大同府，额征站银壹万柒千贰百贰拾伍两贰钱叁分肆厘伍毫叁忽玖微。顺治拾肆年除豁山阴县荒银叁百壹拾伍两伍银陆分肆厘外，实征银壹万陆千

玖百玖两陆钱柒分伍毫叁忽玖微，已完银壹万陆千壹百陆拾贰两柒分玖厘伍毫叁忽玖微，未完银柒百肆拾柒两伍钱玖分壹厘。该本道副使于变龙看得驿站钱粮，乃夫马养命之需，自应厘额通完，以供皇华急务，岂容府州县各官慢不催征，以致迭欠有悞邮政，除照额通完各官职名，备载册内外。今该本道见任副使于变龙已完玖分玖厘之上，未完不及壹厘。太原府见任知府宗彝，已完玖分柒厘之上，未完贰厘之上。兴县计处知县刘元懋，已完陆分捌厘之上，未完叁分壹厘之上。五台县计处知县夏大廷，已完肆分贰厘之上，未完伍分柒厘之上。大同府见任知府蔡永华，已完玖分伍厘之上，未完肆厘之上。广灵县参劾知县刘竟达，已完玖分陆厘之上，未完叁厘之上。应州计处知州林友王，已完捌分贰厘之上，未完壹分柒厘之上。以上各官俱已备查明白，相应造册皇详，候本院覆核具题，分别处分，以儆怠玩可也。等因。呈详到职。奉此。

该职看得额载站银，乃夫马朝夕所资，为饱腾之用，各州县自当照数完解，以便按时支給，不容毫厘拖欠，更不容征解愆期也。职查晋省拾伍年分额设站银，时已岁更尚有拖欠，所属催征各官，难辞怠缓之咎矣。职行据驿粮道，将原额已、未完及各官职名，催征月日，分晰分数备造册揭呈详前来。

该职覆核无异，除原册揭咨送兵部查核外。相应具题，伏乞敕部议处施行。为此除具题外，理合具揭，须至揭帖者。

(内揭揭帖)

## 50 赵廷臣为请动兵情为贵州购马设驿站事揭帖

顺治十六年十月二十三日\*

钦差巡抚贵州兼督理湖北川东等处地方·提督军务·都察院右金都御史赵廷臣为贵州驿站全无钱粮，应用夫马拾分紧急，职谨酌议通融设立事宜，以期及蚤整理毋误军机事。

顺治拾陆年玖月拾贰日，据贵州驿传道呈详，奉职牌准兵部咨开，该本部覆五省经略洪题前事等因。顺治拾伍年拾贰月拾贰日题，拾陆年贰月初拾日奉旨：该部议奏。钦此钦遵。贰月拾壹日抄出到部。批司查议。随经司议呈堂。该臣等看得经略辅臣洪疏题，设立贵州驿递共贰拾站，每站设马伍拾匹，共需银肆万两，已于湖广等处解到兵饷银陆续借备肆万，并先借备银柒千两，或即于兵饷银开销，或应兵部项下照数拨补等因。查驿站钱粮，系臣部职掌，但贵州银两无征，至马价等项俱归户部，无凭拨补，应请敕户部查议。其疏称贵州设驿最难，乞节省驿递应付马匹等语，应如所请。嗣后遇云贵军机，奉差使臣，应令少带甲兵，减省员役，止行沿途官兵严为获送，臣部酌填勘合火牌，马匹口粮不许多给。新设驿站凡遇差使，自应挨站换马，如有违例越站，即行指名题参重处，仍请敕贵州抚臣清查明季驿递规例，本省额设钱粮并邻省协济钱粮，核查明白具疏题请再议可也。等因。顺治拾陆年叁月初壹日题，本月初贰日奉旨：是。依议行。钦此钦遵。咨移到院。为此。牌仰该道查照牌内容文奉旨事理，即查遇省各驿站明季规例，本省额设驿递银粮若干，邻省协济钱粮若干，逐一会同布政司确查分晰造册详报，以凭覆核具题。等因。奉此。该本道遵依就经备移布政司逐一确查去后。

于顺治拾陆年玖月初壹日，准布政司照会移同前事内开，为照本省各府属马馆钱粮原额，总共银肆万零柒百柒拾陆两叁钱叁分壹厘贰毫。今查荒芜无征银贰万叁千玖百零捌两陆钱伍分陆厘柒毫捌丝陆忽玖尘贰纤陆渺。成熟有征银壹万陆千捌百陆拾柒两陆钱柒分肆厘肆毫壹丝叁忽玖微柒纤肆渺，逐驿分晰备册移送。再查旧额云南每岁协济贵州夫马银壹千伍百两，遇朝会年分加增银壹千两。今滇省初辟，粮赋未定，无凭取解，合并移知等因到道。准此。

该按察司金事管驿传盐法道副使事黄惟缎看得贵州大小驿

站，前奉纂修会典之行，已列名数造报矣。今值黔省各驿有冲僻之不同，马匹号数有多寡之不等。明季规例率多土司走马，有土民亲自赴驿承走者，有雇募马户承走者，有客民代走者，为例不一，其通省协济马馆钱粮，俱于条编内摊派。旧额共肆万零柒百柒拾陆两叁钱叁分壹厘贰毫。自逆贼盘踞拾数年，田土荒芜过半，前移布政司分晰，本年除荒去银贰万叁千玖百零捌两陆钱伍分陆厘柒毫捌丝陆忽玖尘贰纤陆渺，实征马馆银止壹万陆千捌百陆拾柒两陆钱柒分肆厘肆毫壹丝叁忽玖微柒纤肆渺。至于邻省协济驿递钱粮，惟云南每年协济夫马银壹千伍百两，通朝会年分，加增银壹千两。今滇省初辟，正在用兵，且粮赋未定，前项银两似难催解。至于楚蜀皆有协济，俱系军饷支销，原与马馆无与，所有本省府州县卫协济驿站马馆钱粮，备造清册，理合呈报，伏乞本院覆核具题施行。等因到职。

该职看得贵州驿递钱粮，明季额该肆万零柒百柒拾陆两叁钱叁分壹厘贰毫，除荒芜无征银贰万叁千玖百零捌两陆钱伍分陆厘柒毫捌丝陆忽玖尘贰纤陆渺，今止有成熟有征银壹万陆千捌百陆拾柒两陆钱柒分肆厘肆毫壹丝叁忽玖微柒纤肆渺。又值今岁早魃为灾，是前项成熟又难期为全完之确数也。至协济旧例，止有云南每年协济夫马银壹千伍百两，通朝会年分加增银壹千两，此外并无别省协济。但云南初经开辟，一切粮赋尚未开征，协济银两自难催取。查黔省驿递仰荷皇恩，准动兵饷肆万两购马设立，其有不敷钱粮，应于本省见征马馆银两通融接支。职已另疏具题请旨外。今据该道呈详备造通省府州县卫原额驿递钱粮，并除荒征熟暨云南协济数目清册前来，除册咨送兵部查核外。

职谨会同经略辅臣洪合词具题，伏乞上鉴敕部议覆施行。为此除具题外，理合具揭，须至揭帖者。

(内附揭帖)

## 51 赵廷臣为贵州驿站初设夫马钱粮紧急事揭帖

顺治十六年十月二十三日\*

钦差巡抚贵州兼督理湖北川东等处地方·提督军务·都察院右金都御史赵廷臣为驿站全无钱粮应用，夫马拾分紧急，职谨酌议通融设立事宜，以期及蚤整理毋误军机事。

顺治拾陆年玖月初叁日，据贵州驛传道呈详，奉职牌准户部咨开，该本部覆兵部题前事内开，车驾清吏司案呈，奉本部送兵科抄出五省经略拱题前事等因。顺治拾陆年叁月初壹日题，本月初貳日奉旨，是。依议行。钦此钦遵。于叁月初捌日抄出到部。送司。奉此。相应议覆案呈到部。

该臣等议得经略辅臣拱疏称，设立贵州以北龙里等驿拾站，已于湖广解到兵饷内借备柴千两，购买马匹并整鞍屐等项，仍设马夫并工食草料以资奔走，岂期差遣日多，马皆伤毙。今王师进滇，差遣更倍。自贵州西南尚有威清等拾驿，并需夫马，合南北大路共貳拾站，每站各设马伍拾匹，约共价银肆万两，始足买备，叩恳呈恩俯准，在于湖广各省解到兵饷内，借备肆万两，或于兵饷内开销，或应兵部项下拨补。等因。该兵部覆称贵州银两无征，至马价等项，俱归户部，应请敕户部查议。等因前来。

臣部查得马价银两，俱系陆续取充兵饷，今辅臣题请设驿买马所需银两并人夫工食差官糜粮等项，应如所请，于兵饷内照数动支，至夫马粮料于额征民赋屯粮取给，其支过各项数目，仍造册具题，以便臣部核销可也。理合具覆恭候命下臣部转行遵奉施行。等因。顺治拾陆年叁月貳拾陆日题，本月貳拾柒日奉旨，依议。钦此钦遵。各咨到院。拟合就行。为此。牌仰该道官吏查照部咨奉旨事理，速将贵州南北大路貳拾站驿马，于湖广各省解到兵饷内照数动支，上紧公同各该道府购买，该道仍亲往上下各驿逐一料理安



设。至夫马粮料，俱照部咨，于额征民赋屯粮内取给，完日将支过各项数目，并买过马匹毛齿动过银两价值，备造清册报院，以凭具题，毋得违错。等因。奉此。

该贵州按察司金事管驿传盐法道副使事黄惟锻遵奉宪行，除先闻邸报于肆月贰拾等日在省城先买过马伍拾匹。随于伍月初陆日，自省城起行前北龙里以至楚界平溪卫拾驿，遵于湖广解到各省兵饷内陆续截留动支，共买过马陆百贰拾肆匹。又经略阁部先动银柒千两，买设各驿马匹，据报陆续倒毙，止剩马壹拾肆匹，除龙里等拾驿各设马伍拾匹外，尚剩马壹百捌拾捌匹，赶至省城，业已解赴本院面验。随自省城又由威清以□滇界亦资孔拾驿，又买过马叁百壹拾贰匹。计贵州南北贰拾驿，每驿设马伍拾匹，共已设驿马壹千匹，除旧存马壹拾肆匹，共新买过马玖百捌拾陆匹，每匹价值不等，动过买价银叁万柒千伍百贰拾肆两，独是马虽照站安设，每站雇马夫贰拾伍名，每名每月照经略阁部原题，给工食银陆钱，米叁斗。除米于额征屯粮内支給，上下贰拾站共该马夫伍百名，每年共该工食银叁千陆百两。每站应制马鞍贰拾副，应制马屐伍拾副，每鞍壹副价银捌钱，每屐壹副价银贰钱。上下贰拾站，共该鞍屐银伍百贰拾两。每站铡刀伍把，每把价银玖钱。上下贰拾站共该铡刀银玖拾两。每站修盖马房叁间，每间价银叁两。上下贰拾站，共该修盖马房银壹百捌拾两。每马壹匹每月钉脚涩壹副，每副价银陆分。上下贰拾站，每年该脚涩银柒百贰拾两。每马壹匹，日支稻谷伍斤，于额征屯粮动支外，又日支草壹束，照经略辅臣原题，重拾贰斤，每月每马支草叁拾束，每束价银壹分。上下贰拾站，每年共该草价银叁千陆百两。此外尤有兽医工食药材调剂不与焉。又未设驿马以前，除营马应付要紧差使外，如经略阁部与本院一切奏催饷催粮等差，各提督总兵奏投季报营兵与遵人等册，并一切奏贺差遣，以及湖广、广西、江西、河南、四川各省督抚差官差丞押解饷扛

等差，遇无马匹应付，每站每差官壹员，雇夫贰名，以夫代马。各站呈报雇夫银两，又动用不资。若尽此肆万两兵饷买马又备各项支用实为不敷，故不得不将本省马馆银两清出通融支给。据各属呈报通省原额马馆银肆万零柒百柒拾陆两叁钱叁分壹厘贰毫，除荒芜无征银贰万叁千玖百零捌两陆钱伍分陆厘柒毫捌丝陆忽玖尘贰纤陆渺，实该成熟有征银壹万陆千捌百陆拾柒两陆钱柒分肆厘肆毫壹丝叁忽玖微柒纤肆渺。今岁又值早荒，尚未定实征若干。且新买马匹设驿未久，即值往来差遣络绎不绝，脊不卸鞍，足不停蹄，前差将至，后差又到。甚至有马数不足，以前站马匹，凑应后站，后站马匹又凑〔应〕后站。更有云南初辟，驿站〔未〕设，竟〔有〕贵州马匹长骑以至云南省城。遇有急差又至，且□黔驿初设，缘何设马无马，而不知皆为前差〔递〕骑未回。本道思朝廷动如许金钱，以买此马匹，视驿马如本道性命，一般无奈甫入驿厩，而倍历其苦，百计求善，而莫悟其理。近据经理驿马府州县卫各官纷纷泣诉，有称领马未及叁月，差〔勤〕路险倒毙在〔途〕与病起仓卒，百药不效，一卧〔不〕起者，及驳查〔不〕准开销，而经理各官，有甘死难赔，动以自经相寻，有郁愁成病，动以辞脱为幸。但当初设驿递之始，不敢冒昧控告，又不敢不据实陈情，仰赖本院一并曲赐调停者也。除各项支用细数于马馆银通融接支，统候年终汇〔册〕详请题销外，所有买过马匹毛齿，并动过价值细数，备造清册呈报，相应呈□，伏乞□院速赐题夺。等因。呈详到职。

该职者得贵州应设驿递，职准部咨奉旨动支兵饷肆万两购买马匹。随于顺治拾陆年五月初伍日，各行贵州驿传道黄惟锻公同各〔该〕道府购买设立去后。今据该道备将买过马匹价值，并安设各驿缘由，暨驿递各项支用，逐一详报到职。职查贵州上下贰拾站，每站设马伍拾匹，除经略辅臣先设驿马，据报陆续倒毙，止剩马壹拾肆匹，共〔买〕马玖〔百〕捌拾陆匹，每匹价值不等，共动过兵饷

叁万柒千□百貳拾肆两，止余兵餉貳千肆百柒拾陆两□。所剩之银，不足给马夫壹年〔工食〕，则此□尤有马匹鞍履银两无所出，铡刀马房银两无所出，脚涩草束银两无所出，且医药之傍费，过差之糜粮，皆无所出。仰荷皇恩，怜念贵州荒穷，动饷买马已出格外，凡驿政〔之〕所当务而未备，暨兵饷之已用而不足者，必于本省马馆银内搜查催征，接续支給。惟是贵州千里羊肠，一线鸟道，马匹初设，差使如织，严越站之法，前差将行，后差又到，马不敷差，则不得不将后马而前驱，□□〔见〕马□马之法。滇驿未设，无马可换，则不得不将黔马而□骑也。遇有倒毙，责成该管官赔补，则穷官倒□难填。职以宽词慰之，犹泣诉□陈不已。若以赔补责之，必至情急计拙，以命自尽。职愚以为，今后〔各〕驿〔已〕领驿马，或平常差遣倒毙，平常差遣越站，或医药失宜，喂养失节，致有倒毙，不准开销，仍照经略辅臣原题，责令该管官必要赔补，必要重罚。至若以追风逐电之差，遇有驿马不足，或越骑，出于万不得已，或无马更换，由黔界以至滇南，或水土不服，病起不测，但有如此倒毙，必分别买补，□可以苏驿吏马夫之至。若所动买□银两，即于查出马馆并扣除缺马草料通融合算，通融拨补。再有不足，酌请协济，容职另疏具题，请旨定夺。今据该道呈详前来，除将造报买过马匹毛齿价值细数清册咨送户、兵贰部查核，其用过马夫工食马匹料草，并一切〔鞍〕履、脚涩、槽铡等项，暨随时买补，缺马细数统候年终奏报外。

职谨会同经略辅臣洪合词具题，伏乞上鉴敕部议覆，事关驿站，字逾格限，统祈鉴宥施行。为此除具题外。理合具揭，须至揭帖者。

（内閣揭帖）

## 52 卫贞元为安徽盱眙怀远递银侵雇薑役诈欺事揭帖

顺治十六年十一月初八日\*

巡按江宁等处兼管屯田监察御史卫贞元为递银侵派已久，

蠹役诈欺难宽，特请严纶永祛积弊事。

职惟驿递之艰，供亿之苦，年来经诸臣之条议，奉谕旨之申严，禁骚扰以通往来，量冲疲而酌协济，亦既稍甦厥苦矣。然吃苦莫如驿，而滋弊亦莫如驿正，不可不清厘而察核也。职遵旨遍巡阅州历县，察风属驿递较别属为繁难，而风驿钱粮较别驿更朦混，厥弊有二，敬为我皇上直陈焉。

其一，为侵蚀额银之弊，盱眙县是也。盱眙岁征递马草料银捌千壹百陆拾两，递夫银壹千叁百壹拾肆两肆钱，此载全书可考者。然支销动用必须逐岁分明，乃上年买马壹百贰匹，每马额价肆拾两，共动银肆千捌拾两矣。今年买马亦壹百贰匹，又动银肆千捌拾两矣。其上年存马付之何人？本月草料若干矣，次月草料亦若干矣，其倒毙扣银归之何处？问之官，官不知也。问之役，役无以应也。批查刑究，到底庇徇，岂朝廷数万金钱，可任其含糊侵冒乎！则知县张端锡初任不谙此中侵蚀奸欺，皆积年经承吴国祥、陈奇彦、沈之杰之作弊也。

其一，为科派里民之弊，怀远县是也。怀远实征递马银壹千壹百柒拾伍两贰钱陆分零，递夫银壹百捌拾贰两伍钱壹分零，续奉裁扣三分之一，仅存夫马两项银玖百伍两壹钱捌分零。揆当日议裁，必以其僻而然耳。乃该县借口不足，每年私派至叁肆千金。若云额编不足，何不详请于定赋之时，即不然亦应声说于减额之日，乃敢私自派增，滥行科索，岂小民有限脂膏，可任其横征暴敛乎！则知县宁泽广溺职滋奸，此中私派妄支，又皆极恶经承孙素、郭有道、吴允达、陶应麟、沈得志之作弊也。夫一递马也，额编多者，既冒支以分烹，额编少者，又滥派以滋诈。是驿递一项，竟为该官吏射利之场。由此以推，若泗，若天长等处，均有情弊，固不止二县而已也。

当此国用正殷，征一分必稽一分之著落，民力已竭，少一分即

省一分之膏脂，岂容若官若吏积年侵渔，俾下里吞声，小民饮泣哉。除严行凤宿道李实秀暨凤刑官李世格，将各州县自捌年起至拾陆年分止，查核究追外，似应据实题参，仰请敕议究追，庶各驿之侵派可除，各蠹之奸欺可杜矣。

为此除具题外，理合具揭，须至揭帖者。

(内附揭帖)

### 53 贾汉复为五省经略解象至京事揭帖

顺治十六年十二月初二日

钦差巡抚河南等处地方·提督军务兼理河道·太子少保·兵部尚书兼都察院右副都御史加二级贾汉复为直陈解象需索之大害，请敕严禁以甦驿困，以安民生事。

顺治拾陆年伍月拾伍日，准兵部咨车驾清吏司案呈，奉本部送兵科抄出该本部覆吏科给事中法若贞题前事，奉旨：该部严察议奏。钦此。抄部。

该臣等看得科臣法若贞疏称，解象员役自南而北，到处勒搭象棚，需索花红，一时无备，俱令折银跟马押本跟随，供役之人靡不有费，凌官虐民无所不至。每一州县约费贰百伍陆拾金不等。栢乡未履所需，将公廨板片尽行烧毁。恐后有押解象只，相沿为例，疏请严饬前来。察驿递骚扰，屡经明旨严禁，奉差员役，止照勘合火牌支应，不许分外需索。今南来解象员役，沿途苛索，烧毁栢乡公廨，殊属不法。相应请敕直隶、河南、湖广各该抚按，确察烧毁公廨，沿途折银勒索等情，并原解员役姓名据实题报，以凭议处，并清敕各该抚按严行所属，嗣后凡有解物来京经过州县，止照勘合火牌应付，加有分外苛索，凌官虐民者，立行申报该抚按据实题参从重议处，以甦驿困，等因。顺治拾陆年肆月拾玖日题，本月贰拾日奉旨：依议行。钦此。抄部移咨到职。随牌行驿传道确察速报，通行严

访去后。

至顺治拾陆年捌月貳拾伍日，据该道呈奉职牌随行开封等八府并汝州严访察报间。又准布政司照会，抄蒙巡按李御史案验，同前事移会到道，复行各属察访屡催，先据归德、怀庆、河南、南阳四府并汝州各回称，行据所属州县遍察，并无南来解象员役，无凭开报外。又据汝宁等府，行据信阳等州县遵依察得，南来解象员役，系五省经略牌差军前随征阿达哈哈番陈自福、贾三省及投诚副将张子秀、王重贤等，押解象壹拾貳只，夫马粮草止照单牌内注定数日应付起行讫，并无烧毁公廨，亦无勒索折银等情，无凭开报，等因详职。职恐有未确，覆驳该道再照经略原行逐程严察，有无额外多索，通取各州县印结，详注看语速报。至顺治拾陆年拾壹月貳拾捌日，据驿传道僉事陈士本呈称，本道遵照宪批，复行汝、开、彰、卫等四府逐程严察。今据各府呈送并无烧毁公廨勒索折银甘结前来。该本道看得经过员役地方，受其骚扰，凡被害者，恨不乘隙泄忿，宁甘隐忍不言，今屢察既无扰害情弊，且有取到印结，相应转呈等因到职。除嗣后解物来京，有于勘牌外，多索凌虐者，职复通行各道转行各州县着实遵行外。该职看得解象员役，沿途勒索一案，职履行该道逐程详察，各属坚称乌有，似难苛求。

既取有不致容隐甘结，相应会同按臣李粹然合词具题，伏乞敕部施行。为此除具题外。理合具揭，须至揭帖者。

(内附揭帖)

#### 54 张自德为解凤翔驿额加增马匹之额两事揭帖

顺治十六年十二月十八日

钦差巡抚陕西等处地方·赞理军务·都察院右副都御史张自德为民艰驿困目击最真，谨陈末议，用佐治理事。

案照前准兵部咨车驾清吏司案呈，奉本部送兵科抄出该本部

覆陕西巡按扈申忠题前事。等因。覆称，凤翔、汉中府属，于四川相近者，岐阳、草凉等驿，既查系首因如议，照数加增。但查汉、凤所属加增马匹，十五年岁序将终，支应已无多日，应于次年照数增马，走递应差，将应用钱粮若干，另造清册报部。再查秦省逐年裁僻银两，前奉旨敕行，该抚按照数查明具题。今该按惟将十三年题裁耀州同官等二十七处并淳化等八处议增银内，共裁银五千七百五十两五钱零，及西安、平凉、巩昌等府属，裁出下剩马驴变价银两，仍充加增各驿马匹之用。其汉属裁有抵站银一万三千五百四两七钱零，并秦省裁僻各驿十一、十二两年，量免应追银共二万三千二百余两。又追平凉、凤翔二府库收支值忙差银两十一、十二两年未经支销银，共三千八百八十九两零。原题严追完解充饷，仍将应解充某处兵饷开明报部稽核。今疏内未经题明，事关钱粮，难以久悬，应仍请敕该抚按速行查明，照数严追题报，以凭核销。等因。顺治十五年十一月初十日题，本月十一日奉旨：依议行。钦此钦遵。抄出到部。奉批司行送司。奉此。相应移咨案呈到部。移咨前抚臣陈极新案行陕西驿传道，遵顺部覆谕允事理，加增各驿马匹，并严追抵站等项银两完解充饷，仍将应解充某处兵饷缘由开报去后。

及取接管，催据该道造咨加增驿马应用钱粮各数目图册前来。逐一核明，随将原册于十六年九月十六日咨部外，复将应追抵站等银及应解充某处兵饷缘由，勒催完解开报不遗余力，及据册报或除荒银数混错，或登答款项未晰，或有解数而无年月，或有年月而无营分，不得不再四批驳，务求明确。今据开造前来。查已、未完银数及解充某处兵饷各缘由，备载册内，无庸琐陈。除将原册咨部稽核，未完银两仍行严追外。

谨会同陕西按臣石维崑、甘肃按臣张吉午合词具题，伏乞敕部查核施行。为此除具题外。理合具揭，须至揭帖者。

〈内閣揭帖〉

## 55 张长庚为驿站夫马钱粮小建不扣闰月不增事揭帖

顺治十七年二月二十六日\*

钦差巡抚湖广等处地方兼提督军务·兵部尚书兼都察院右副都御史张长庚为广询利病，共勤治理事。

据驿传盐法道副使陈彩详奉职牌，顺治拾陆年贰月初玖日准兵部咨车驾清吏司案呈，奉本部送兵科抄出该本部覆湖广巡抚张长庚题前事等因。顺治拾伍年拾月贰拾肆日题，拾壹月拾伍日奉旨：该部议奏。钦此钦遵。抄出到部。批司查议，随经司议呈堂。

该臣等查得前据湖广巡抚张长庚疏称，前任抚臣将该省长养排夫裁去，各属止养夫头几名，巡差计夫算银，临时雇募，节省余银充买马之用。法行未久，庚夫应差官民苦累，将武都等查拾伍府州排夫马匹贰项工料钱粮，酌量冲僻，仍设长养排夫工食，并支给马匹草料置备各物等项外，每岁尚有余存银壹万壹千陆百叁拾玖两零，以备买补倒毙缺额马匹，苏驿因以除民害。等因。臣部以地方利弊该抚必知其详，覆请如议举行。查疏内所列，除荒银数，因驿站钱粮系存留款项，是否与起解一例除荒，并查册内各属夫马应有小建扣除银两，作何扣支，请教该抚确查具奏，另议去后。今据该抚疏称，驿站钱粮虽属存留与起解均出民赋，除荒征熟，原自一例，无容分别，若扣除小建，查夫马银两额派已定，小建原不扣除，闰月免致增补。等因。查楚省驿站钱粮，称与起解一例除荒，应敕下户部查核。至疏称小建原不扣除，闰月免致增补。案查前抚册报原额项款，俱列有正闰银两，何又以闰月免增为辞，相应仍教该抚确查明白具奏另议。等因。顺治拾伍年拾貳月初柒日奉旨：依议行。钦此钦遵。抄出到部。奉批司行送司。奉此。相应移咨案呈到部。备咨到本部院。烦为查照本部覆奉旨内事理，钦遵施行等因。准此。拟合就行。备牌行道。照牌内咨文奉旨事理，即将小建原



不扣除，与闰月免致增补，并前院册报原额列有正闰银两各缘由，逐查明确详报，以凭具题，勿再含糊，未便速速。等因到道。奉此。

随该本道遵依案查前院册报夫马列有正闰款项，先因夫马钱粮照额每马工料等项以叁拾两伍钱算支給，遂分正闰，凡遇该年闰月不补，小建从未扣除。续奉本部院题定条议，每马工料鞍屐药饵等项减至贰拾叁两柒钱肆分，算夫马日用实为减少。如欲扣除小建，当兹近日差遣冲掣，即在正月夫马工料固已不敷，而闰月又岂枵腹无补。今以小建与闰月计之，小建之为日无几，尚不足以补闰月。若以闰月请补，时当钱粮匱油，自难那彼益此。况又从前未扣之小建，今时万不敢擅议以病驿递也。今奉前因相应具文呈报，伏乞本部院俯赐题达等因。奉批，部驳大意，盖为既称小建不扣，闰月不增，如何前院又列有正闰字样，故此诘问。此详止称小建不足以补闰月，尚未登答明白，仰再覆确妥详以凭题达。缴。奉此。

该本道覆查得前抚宪疏开，楚省夫马列有正闰字样，原因全书编有正闰，故尔因其刊载以述之。但本道确查驿站夫马，未奉条议之先，每马工料以叁拾两伍钱扣算，即在正闰止共以叁拾两伍钱支給，遇闰非有另增。及奉条议之后，每马工料减以贰拾叁两柒钱零不等扣算，如遇闰月，亦无议增之事。是前抚宪所列之故，不过盖以正闰二字，凡该钱粮不得取正而舍闰，遂并统名而合词也。今细绎本部院之批驳，深为洞晰矣。相应具文呈报，等因。奉批，正闰二字，仍未声说明白，事关题达，岂可含糊，仰再实指确详，仍用部文叙作详首妥报，以凭缮疏。缴。奉此。

该本道覆看得，正闰二字，原出全书，今推原前人立书开载正闰之意，因递年有正有闰，如列正，而不列闰，后人必因闰开端，凡遇钱粮未免有纷纷请益之议，是合正闰为言正，所以定画一之例也。前抚宪疏内开列原因全书于夫马二项列有正闰二字，递尔照

旧填用，实非有所增减于其间也。案查前奉题定每脚马工料以叁拾两伍钱算，历遇正闰月分大建小建，俱在每马工料银叁拾两伍钱之内通融支給。及新奉本部院条议册内题达，每马工料减至贰拾叁两柒钱肆分算，亦不分正闰，不分大建小建，总只在每马贰拾叁两柒钱肆分之内通融支給，如此可知正闰原无分别多寡之故矣。今奉复批事理，相应据实回复，伏候本部院俯赐题达，庶欵件得以蚤销矣。等因呈详。

奉批，全书既刊有正闰字样，似乎闰月有加，而小建必有扣也。今称闰月与小建原无增减，前人开载正闰，岂是无意！后人踵行，抑岂不查，此详仍未透彻，据以回奏，复滋部驳，仰再分晰确详，的限叁日具覆，立等具题。缴。奉此。为照本道新任未能周知旧例，但按全书并无分别正闰小建增减。今据别案列有小建扣除，恐必实有所本，已经通行各府查报，容报到之日，另行呈详，相应预为报明。等因。奉批仰严行催报妥议详夺。缴。奉此。随该本道遵依，又经勒限屡催去后。

随据武昌府回称，查得小建一项，每年扣算仅止陆日，若以叁年循环周转，是小建银两不足以补闰月之用。今若扣除小建，闰月必须增补，反滋不已纷嚣。伏乞转详咨覆。等因。据此。又据汉阳府回称，遵查夫马小建全书，原系带闰字样，小建不扣，遇闰不增，此历来不易之定例也。今若纷更，则是小建不增存扣，闰月必请增补，恐无此项金钱以补于此耳。伏恳酌夺详覆。等因。据此。又据黄州府回称，州县驿遇夫马钱粮，丝毫皆以全书为准，难于增减者也。今查照全书，皆有正闰字样，向来遇闰不增，小建不扣，兹属历来画一之规。今若以小建扣补闰月，一年不过陆日，叁年之内亦不足以补闰月之资，来敢擅议扣除，相应仍照旧例为便。等因。据此。又据安陆府回称，查得府属驿站钱粮，近奉条议，每马工料鞍屉药饵等项减至贰拾叁两柒钱肆分，则日用已不敷矣。若以

小建扣补闰月，通计叁年之内，不过拾肆伍日，岂能资补壹月之需。伏乞仍旧贯之为愈也。等因。据此。又据德安府回称，查得夫马钱粮，旧日全书所载正闰银两，向来皆系通融支給，实不分别小建即扣，遇闰则有叁百捌拾肆日矣。以扣存小建银两补给外，尚有壹拾贰日，岂能枵腹应差，势必详清酌补。伏乞因仍旧制，免滋纷扰可也。等因。据此。又据襄阳府回称，据各州县申报，从无扣除小建增补闰月旧制，无从回复，拟合具文回报，转详咨部结案，免致耽延。等因。据此。又据郴州回称，查得州属夫马二项银两，查照奉颁全书，历来未分正闰，未分大建小建，每年遵照数目通融支給，旧例并无扣除增补，无凭查复。等因。各报到道。据此。

该本道覆看得各州县驿夫马额载钱粮全书，虽载有正闰二字，原遇闰月不加，遇小建不扣，历来皆然。今奉宪驳，本道只得详慎行据各府回称，金云夫马日用不敷，若以小建扣算，每年不过陆日，即以叁年计之，亦不足以补闰月。且云前数则例既定，旧制不敢擅更。各各回复，毫无异词。以此观之，则是小建不扣，闰月不补也明矣。本道亦不得擅议变制，以滋纷更者也。今据各回报前来，相应具文回复，伏乞本部院俯赐查阅，咨达施行。等因。奉批，仰候据详具题。缴。奉此。又奉本部院宪票，据该道呈详夫马钱粮正闰扣建缘由到本部院。随批，仰候据详具题。缴。等因。除批发外，随经缮疏间，细绎部文，原查夫马钱粮屡驳屡覆，该道止云条议题达，每马工料减至贰拾叁两柒钱零，不分正闰，大小月建，虽所说似是，但并未言及夫役一项。兹检查条议底册，排夫每名每年正闰银柒两叁钱贰分，是已有闰银壹钱贰分在内，应否与马匹一例，俱不增扣，未据说明明白，殊属疏漏。且原册见在，内部含糊具疏，定滋复驳，未便合行确查，备票行道，照票事理，即便确议，星速详报，立等回奏。查此案迟滞将及壹年，慎毋再缓取咎，未便速速。等因。到道。奉此。

该本道查看得，各属马匹条议册，每年每马工料减至贰拾叁两柒钱零，不分正闰大建小建，已经前详明，悉无容赘议矣。至于各属排夫，每年每名正银柒两贰钱，闰银壹钱贰分，共银柒两叁钱贰分内，若补给闰月，该银陆钱，除每年带闰银壹钱贰分，叁年共银叁钱陆分，尚少贰钱肆分，即系扣存小建银之数，是以全书额定每年正闰支給柒两叁钱贰分，遇闰不增，遇小建并不扣减，实与马匹一例相符，此系查照全书一一刊载甚明，非敢自为臆说者也。今奉前因，理合据实回覆，伏乞本部院俯赐查阅照覆。等因。奉批，覆核既明，仰将部文作首顺叙妥确详报，以凭具题。缴。奉此。

该本道查看得各州县驿夫马钱粮，俱不得外全书而立说者也。不独本道不敢率意为之异同，即各属亦不敢越例两生歧议。今据各属回报，夫马钱粮遇闰不增，遇小建不扣，合词皆然。本道又再细绎全书内，刊列排夫每年每名正银柒两贰钱，闰银壹钱贰分，共银柒两叁钱贰分内，若补给闰月，是该银陆钱矣。除每年带闰银壹钱贰分，叁年共银叁钱陆分，尚少银贰钱肆分，即系扣存小建银之数，是以全书额定每年每名正闰支給柒两叁钱贰分，此皆遇闰不增，遇小建并不扣减之故也。至若马匹工料，亦据各属咸称日用不敷，若以小建扣算，每年不过陆日，即以叁年计之，共止应扣拾捌日，亦不足以补闰月。且又据云，前数则例既定旧制，不敢擅更。以此观之，则是小建不扣，闰月不补也。明矣。今奉前因并据各回报前来，相应备晰回覆；伏乞本部院俯赐查核题覆。等因。呈详到职。

该职看得楚省驿站钱粮存留与起解一例，除荒缘由，先经准咨查明，职已照覆在案矣。只缘分别小建闰月二项，部核前抚册报，原有项款列有正闰，又何以闰月兑增为辞，奉有确查明白具奏之旨。职接准部咨，随严催该驿盐道确查去后。节据呈详，因于中尚欠明悉，又经屡驳，今据该道副使陈彩备核全书，小建不扣，闰月不

补，夫马一例，刊列甚悉，原非敢于岐议，据详前来。

职谨据实具题伏乞勅部议覆施行。为此除具题外。理合具揭，须至揭帖者。

(内閣揭帖)

### 56 车克题请管驿年久官员加级事本

顺治十七年三月二十日\*

少师兼太子太师·户部尚书加壹级臣车克等谨题，为备陈年久效劳事。

据管东京等驿陆品官常有恩呈称，卑职所管原有柴驿，后将柴驿内壮丁作为玖驿。其太子河搭桥渡津，原无专设人役，亦系驿递壮丁搭桥渡津，将卑职放管驿递后往来行人一切事务。卑职尽力效劳，未悞驿递事务，将卑职放太子河把总。拾年放驿递拨什库，陆年授陆品官，仍补管驿柴年，共贰拾叁年，并无罪过，但卑职年久效劳备陈部堂。等因。呈部。

该臣等议得常有恩因其勤好，自太子河调管东京等驿递无顶带拨什库，后顺治拾壹年授陆品官品级，管驿年久，效劳是实。况此等山海关外授管驿递陆品官品级正黄旗王来任牛录下刘调彪效力有年，因其勤好，升为牛录章京品级授管尚阳堡等处流徙人。其常有恩亦应升调转用。但盛京一带无有见缺，若候缺出，仍留以陆品官品级。其效力有年，又似属可悯，合无将伊加级，仍管驿递，但加级非系臣部职掌，相应请勅吏部议覆可也。

事关加级，臣等未敢擅便，为此具本，谨题请旨。

批红：应否加级，著吏部议奏。

(内閣題本)

## 57 陈洪柱为严禁粮船不遵给米之

### 例恣意索夫事揭帖

顺治十七年五月初十日\*

巡按顺天等处兼理屯政监察御史加壹级陈洪柱谨揭，为酌定雇夫正项之银，再申运军领米之令，以速兵行，以苏驿累事。

案据天津道副使李嵩阳呈，为驿递倒悬，水手不遵部覆等事内称，据河间府属杨青驿等柴驿驿丞等官张文彬等呈称。伏查顺治拾伍年拾贰月间，蒙兵部题覆前按院董御史疏，为民夫苦累已极等事内开，兵行乘坐回空粮船，原有水手纤夫，设有行月等粮，既可以载重运，岂不可以带兵行。嗣后止照本船水手纤夫名数，每名日给米捌合叁勺，州县驿递准动正项，事完开销。如本船水手纤夫果不足用，止动用该驿额设驿夫，如驿夫不足，果系紧要军机，该驿仍量行雇觅，以速军行，事完照例开销。奉旨依议。钦遵在案。则凡兵船经过处所，遵照供办前项米粮应付军行，最为道速，深有裨益者也。无奈粮船虚捆难开，暴因禁甚，载兵全不要米，悖旨必欲索夫，运军坐享行粮，水手公然获利，驿设额夫供应皇华能有几何，或柴、捌拾名不等，多亦不过百名。即有军机重务，部题于各驿额夫之外，量行雇觅。痛思各驿，每年额载站银不足供壹岁之用，则军机重务，量行雇觅之夫，雇价又从何地取给乎？职等若不先为申明，遇有紧要军机，粉骨难办，违悞之咎谁归，伏望宪台俯察危迫，亟赐转详具题。再信部覆清船水手，严飭领给食米，不许分外索夫，军机无悞，驿困得苏矣。为此合词具呈。等情到道。据此。

为照回空粮船载兵南下，止照本船水手纤夫名数，每名日给米捌合叁勺，业奉谕旨通行在案。据详粮船不遵给米之例，仍然恣意索夫，第粮船水手系见在之夫，原设有行月等粮，岂重运能拽，而兵行反不能挽耶？明系藐抗偷安，倚恃装载大兵，任意索夫者有之

矣！查額設驛夫爲數無幾，多者不過百名，以有限之夫，焉能供數百數千之用，則照例領給食米，無容分外索夫，所不待再計而決也。至于部題各驛額夫之外，如遇緊急軍務，有量行雇覓之旨。今各驛以每年額載站銀尚不足供一歲之用，其雇覓之價，無從措處。等情。本道以事關軍務，既無此項錢糧，自難爲無米之炊，理合轉請憲台府鑒。軍務急緊，驛困難支，所有部覆于各驛額夫之外，量行雇覓，應動何項錢糧支應，並將漕船水手統折嚴飭遵例領給食米，不許分外索夫，一并亟賜題請，庶下吏可以遵奉，而軍行不致稽悞矣。等因。呈詳到職。

該職看得兵船急用繙夫，而役夫恐致扰民，屢經部臣核議區畫周〔詳〕，節奉諭旨通飭遵行無事臣言矣。蓋有不容緘默，必爲上渎者，其如糧船水手之藐抗雇夫正項之未定。夫回空糧船，議以載兵本船水手，日給行米，而運軍仍有月糧，既爲公家所役，授以行月之糈，誠無亏其辛力也。何竟抗不領米，仍欲依恃索夫，然驛夫之設，以供郵傳，蓋爲軍興傍午，權濟急需，且繙夫動稱千百，一驛寧有幾何？應照成議，本船水手繙夫領給食米，不許分外索夫，仰懇天語申嚴，使官軍凜惕奉行。至若軍情緊急，應照部議，必用驛夫協繙不足，量行雇覓，惟是各驛站銀，額定供應較繁，自給尚多不敷，豈能分供夫價，揆諸事理，勢所難能，悅不預計，不惟軍興有悞，而驛傳先已不支矣。內部議覆，前按臣董國興爲民夫苦累已極壹疏，准動正項錢糧，事完開銷，業奉欽依，但未明其何項可動，先期酌定，以便臨事支應，庶兵驛兩利，而下吏得以竭廉奉公矣。

既據該道詳請前來。相應具題，伏乞睿鑒敕部議覆施行。爲此除具題外。理合具揭，須至揭帖者。

（內閣揭帖）

## 58 王弘祚题为在惠法设立驿站事本

顺治十八年正月二十九日

太子太保·户部尚书今在任守制臣王弘祚谨题，为设立驿站事。

山东清史司案呈，奉本部送户科抄出盛京户部咨称，看守盛京地方总管吴库立等移文内，凡送往宁古塔等处等项，系盛京驿站车牛送至拉法多浑，因地遥路险，无驿可换，已至牛死，站丁甚苦。如常走递，盛京驿站渐次损坏。多浑、莺格之间，于惠法二十丁之外，应添增壮丁，设立整驿。庶盛京驿站劳苦少苏，烦为大部酌议施行。等因。到部。送司。奉此。相应具题案呈到部。

该臣等看得盛京户部侍郎费齐咨称，盛〔京〕驿站递往宁古塔，因地递路险，车牛回来者甚少，如常走送，驿站渐次损坏，应将驻防边台章京何所立安都户等所管，每台十名人丁内，拨出一名，添入惠法二十名内，设立一驿，似应准从。但设立驿站管辖边台，事隶兵部，本部难以遽议。相应敕下兵部，应否裁减边台驻防人丁，确议具覆，以凭酌议者也。

相应具题，恭候命下，臣部转行遵奉施行。臣等未敢擅便，谨题请旨。

顺治十八年正月二十九日题，本月三十日奉旨，尔部即会同兵部确议具奏。

（内阅户科史书）

## 59 蔡士英奏缴十六至十七年

用过勘合火牌黄册

顺治十八年四月初六日

钦命总督淮扬等处地方·提督漕运海防军务兼理粮饷·兵部



左侍郎兼都察院左副都御史臣蔡士英谨奏，为遵例奏缴邮符事。

准兵部咨发坐名勘合壹道，空勘合拾道，节次咨发火牌玖拾张。今将臣到任起，至顺治拾柒年终止，用过勘合火牌字号，并贡奏承差姓名，马匹口粮人夫船只数目，年月日期，除造青册咨送兵部查核外。谨缮黄册，恋呈睿览，敕部施行。谨具奏闻。

计开：

顺治拾陆年玖月初壹日，准兵部咨发臣坐名勘合壹道，填夫贰拾名，马陆匹，船壹只，外加救马贰匹，赴淮履任。

列字肆百柒拾壹号勘合壹道，于顺治拾陆年拾月拾壹日，给扬州钞关范郎中，差官役韩希、孔榭、孙震领解钞银进京。填夫贰拾捌名，马叁匹。据本官回称，在京寓住庙内，被火焚毁，业经报明兵部，咨移到臣，知照在案。

列字肆百柒拾贰号勘合壹道，于顺治拾陆年拾月拾贰日给徐州仓户部吴郎中，差官役王世麟、朱印炳领解商税等银进京。填夫拾玖名，马贰匹。拾柒年贰月内，该司具文缴到兵部，换给勘合壹道。回日马贰匹，夫无。

列字肆百柒拾叁号勘合壹道，于顺治拾陆年拾月拾柒日，给凤阳仓户部钱主事差官役高登、唐莢秀领解钞税等银进京。填夫拾捌名，马贰匹。

列字肆百柒拾肆号勘合壹道，于顺治拾陆年拾月贰拾壹日，给淮安钞关户部马郎中，差官役赵馨、梁奉、王才、张荣领解船钞银进京。填夫贰拾名，马肆匹，船壹只。拾柒年正月内，该司具文缴到兵部，换给勘合壹道。回日马肆匹，夫无。

以上除臣坐名勘合壹道外，填用过列字号勘合肆道，尚存空勘合陆道，俟顺治拾捌年终顺例奏缴。

金字叁百捌拾陆号火牌壹张，于顺治拾陆年玖月贰拾柒日，差承于永祥、杨加爵贡奏。填马贰匹，口粮贰分。

生字柒百伍拾肆号火牌壹张，于顺治拾柒年叁月初柒日，差承蒋珍、王栋奏。填马贰匹，口粮贰分。

生字柒百伍拾伍号火牌壹张，于顺治拾柒年叁月初玖日，差承祁良玉、李衍、金之镇奏。填马叁匹，口粮叁分。

〈中略生字柒百伍拾陆号至生字柒百柒拾叁号火牌。〉

生字柒百柒拾肆号火牌壹张，于顺治拾柒年正月贰拾日，差承宋名芳、夏登奏捧军政本册。填马叁匹，口粮贰分。回马贰匹。

〈中略生字柒百柒拾伍号至生字柒百捌拾叁号火牌，丽字玖百玖拾叁号至丽字玖百玖拾陆号火牌。〉

丽字玖百玖拾柒号火牌壹张，于顺治拾柒年肆月初玖日，差承徐世禎、游国辅奏捧销顺治拾陆年分兵马钱粮本册。填马贰匹，口粮贰分，外给包马壹匹，回日不用。

〈中略丽字玖百玖拾捌号至丽字壹千号火牌，水字壹号至贰拾贰号火牌，玉字壹百陆拾柒至玉字壹百柒拾玖号火牌。〉

玉字壹百捌拾号火牌壹张，于顺治拾柒年拾贰月贰拾陆日，差承周一贯、禹光祚奏。填马贰匹，粮贰分。

以上共填用过火牌柒拾伍张，内有前任总漕臣亢得时存余金字号火牌壹张，其臣准兵部叁次咨移火牌，除填用外，尚存玉字号火牌拾陆张，俟顺治拾捌年终照例奏缴。

右谨奏闻。

（内閣黄册）

## 60 车克题贵州设驛买马事本

顺治十八年四月十七日

少师兼太子太师·户部尚书加一级臣车克等谨题，为查明第一次购买驛马用过价银，以便奏销事。

户科抄出兵科外抄，总督云贵等处地方军务兼理粮饷·兵部

右侍郎兼都察院右副都御史赵廷臣题前事。顺治十八年二月初二日题，三月二十七日奉旨：著察核。该部知道。钦此钦遵。于四月初三日抄出到部。

该臣等看得督臣赵廷臣疏称，黔当开辟之时，自楚至黔驿站未设，经略辅臣恐无驿马不能通达军机，疏请动大兵项下饷银七千两，分发买马，今止动支银五千五百三十六两六钱二分。等因。查经略辅臣洪承畴设立贵州驿站，借兵饷银七千两买马，臣部覆准照数动支在案，今该督赵廷臣查明造册奏销前来。但饷银系臣部所司，设立驿站马匹系兵部职掌，其买马价值并置备鞍屉，支給马夫工食，应请敕下兵部核议，以便臣部照数开销可也。

恭候命下，臣部转行遵奉施行。臣等未敢擅便，谨题请旨。

顺治十八年四月十七日题，本月十九日奉旨：依议。

(内閣戶科史書)

### 61 卞三元为奏销贵州十七年驿站夫马钱粮草料事本

顺治十八年六月二十七日

钦差巡抚贵州兼督理湖北川东等处地方·都察院右副都御史臣卞三元谨题，为奏销钱粮事。

据贵州驿盐道呈详到臣。该臣等看得黔省上下二十驿站，十七年分支给过马匹料谷一万五千二百六十石零，该折秋粮米七千六十石零。又给过马夫口粮米一千四百四十石。二项共支过民屯秋粮米九千七十石零。今催据该道造报前来，臣覆查无异，理合题报开销，除将支給粮料清册咨送户、兵二部查核外。

臣谨会题，伏乞敕下部臣核销施行。谨题请旨。

顺治十八年六月二十七日题，闰七月初十日奉旨：著察核。该部知道。

(内閣戶科史書)

## 62 卞三元题奏销贵州十七年马馆钱粮事本

顺治十八年六月二十九日

钦差巡抚贵州兼督理湖北川东等处地方·提督军务·都察院右副都御史臣卞三元谨题，为奏销马馆钱粮事。

据贵州驿盐道呈详到臣。该臣等看得顺治十七年分马馆银两，通查旧管新收，及麻阳协济，并十七年先五起借动兵饷银两，总共该银四万九百四十一两零内，支給修造马棚、铡刀、鞍轡、马厩及买补各驿缺马，用过细数，臣已另疏报销，仍应汇造入册。又支給各驿马夫工食，打造驿马脚湿，买备驿马药饵，买备各驿马草，支給勘合糜粮，及买备信郡王班师驼档子、马匹，以上各项，通共用过银三万四千四百六十四两零。今据该道汇册造报前来，臣覆查无异，理合报销。尚有存剩银七千七百九两零，应俟十八年分一并报销。

除将清册送户、兵二部查核外。谨会题。伏乞敕下部臣核销施行。谨题请旨。

顺治十八年六月二十九日题，闰七月初十日奉旨：著察核。该部知道。

(内閣户科史书)

## 63 卞三元题贵州复集场并收税以供协买驛马事本

顺治十八年闰七月十六日

钦差巡抚贵州兼督理湖北川东等处地方·提督军务·都察院右副都御史臣卞三元谨题，为酌议马馆银两等事。

据贵州布政司驿传道公详到臣。该臣看得黔省为滇楚冲道，差使络绎，马不停蹄，随买随倒。查马馆钱粮额设无多。十七年臣与督臣两疏，请借饷银三万二千四百余两，陆续买马，分给二十驿站，仅可支持十七、十八两年之用。今复日报倒毙，计至年终，又必

空厥。臣恐兵饷不能再借，何以应付驿差。搜查旧例，贵阳等府属，明时旧有三十余集场，系民间轮日买裹之地，旧例收税以供协买驿马。臣行该司道公议详称，应自康熙元年为始，照例开税，约计每年可收银四千余两。应行令各府州县官，每逢各场集期，循例准货征银，贴买驿马。俟年造册同马馆银两一总奏销。

除将应征税课场名清册，咨送户、兵二部外。臣谨会题，伏乞勅下部臣议覆行，臣遵奉施行。谨题请旨。

顺治十八年闰七月十六日题，八月二十一日奉旨：该部察议具奏。

（内照户科史书）

#### 64 阿思哈题核销贵州十六年驿站夫马粮料支过米数事本

顺治十八年八月十八日

户部尚书加一级臣阿思哈等谨题，为驿站全无钱粮应用，夫马十分紧急，臣谨酌议通融设立事宜，以期及早整理，毋误军机事。

户科抄出兵科外抄，兵部尚书加一级今降三级照旧管事梁清标等题前事。顺治十八年闰七月二十七日题，本月二十九日奉旨，依议。欽此欽遵。于八月初三日抄出到部。

该臣等看得云贵总督赵廷臣，将贵州十六年设驿起，至十二月终止，夫马粮料共支过米五千九百五石三斗三升七合零，奏销前来。查民屯粮米，系臣部所属。其驿站应支数目，系兵部职掌。请敕兵部核明，以凭臣部照数核销。等因。奉有谕旨遵行在案。

今兵部疏称，贵州皇华等二十驿，每驿马夫二十五名，每名日支米一升。每驿马五十匹，每匹日支料谷五升。自十六年四、五等月起，至十二月终止，共支过黔省秋粮米五千九百零五石三斗零内，除各驿陆续倒过马一百七十八匹，共扣存米六十二石五斗，变价买补缺马。核册相符，请敕臣部核销前来。

查贵州皇华等二十驿，夫马粮料自十六年四、五等月设驿起，至本年十二月终止，共支过米五千八百四十二石八斗零。既经兵部核明，相应准其开销。

又疏称，各驿倒马扣存米六十二石五斗，变价买缺马。等因。查买驿马，应动兵部钱粮，不便动用臣部扣存粮米。仍请教下该督，将扣存粮米照数追补贮仓，以作十八年正项支給，年终奏报，以凭核销可也。

恭候命下，臣部遵奉施行。谨题请旨。

顺治十八年八月十八日题，本月二十日奉旨：是。依议行。

（内閣戶科史書）

#### 65 阿思哈題核銷十六年平清銷等驛夫馬糧料米數事本

順治十八年八月二十二日

戶部尚書加一級臣阿思哈等謹題，為驛站全無錢糧應用，夫馬十分緊急，臣謹酌議通融設立事宜，以期及蚤整理毋誤軍機事。

戶科抄出巡撫偏沅等處地方·提督軍務兼理糧餉·都察院右金都御史加一級袁廓宇題前事。順治十八年閏七月初二日題，八月初六日奉旨：該部核議具奏。欽此欽遵。于本日抄出到部。

該臣等看得偏沅巡撫袁廓宇，將十六年分平清鎮偏四驛，夫馬糧料支過各該衛屯糧，共米三十二石一斗六升零，科谷九百二十二石九斗九升零，奏銷前來，似應核銷。但查楚撫前冊開，平溪衛實征丁糧銀三百五十九兩一分，除支給本衛官役俸食外，存銀三十二兩九錢二分六厘，改征米谷支給本衛驛站馬夫。其清浪、偏橋、鎮遠三衛共屯折銀六百一十一兩一錢一分零，給本衛官役俸食不敷，並無余銀充餉。今沅撫又稱支給用過不知系何項米谷，未經開明，無從核銷，仍请教下該撫查明具奏，以憑核覆可也。

恭候命下，臣部遵奉施行。謹題請旨。

順治十八年八月二十二日題，本月二十四日奉旨：依議行。

(內閣戶科史書)

## 66 阿思哈題拉法多舉驛站增加壯丁及牛只事本

順治十八年九月二十九日

戶部尚書加一級臣阿思哈等謹題，為具告重役難堪事。

據拉法多舉六品官禪代告前事，該臣等查得拉法多舉設有壯丁四十名，耕種官地，驛站事務亦系應付。將此務農壯丁又令應付驛遞事務，農時廢弛是實。相應增添壯丁二十名，兩分庄驛，此應添壯丁二十名。臣部將凡各部衙門所送入官之人，照其所得之數，給與添增拉法多舉壯丁四十名之上共作陸十名，內壯丁四十名，仍令耕種官地，將所收之糧，照舊應用無誤。

再查鸞格鵝河梭羅驛站，各有壯丁二十名、馬十五匹、牛五只。應將添增壯丁二十名，着令看喂馬三十匹，並應付一應傳遞事務。至於拉法多舉止有馬三十匹，無牛，應照別驛設牛五只，亦自臣部給發可也。

恭候命下，臣部遵施行。臣等未敢擅便，謹題請旨。

順治十八年九月二十九日題，十月初一日奉旨：依議。

(內閣戶科史書)

## 67 許世昌奏繳順治十八年勘合黃冊

康熙元年七月二十三日

欽差巡撫福建等處地方·兵部右侍郎兼都察院右副都御史加三級臣許世昌謹奏，為咨請勘合火牌事。

案准兵部咨客車駕清吏司案呈，奉本部送兵科抄出該本部會同兵科題覆暫署河務都察院左金都御史苗澄等奏繳順治拾柒年分填用過郵符。等因。于康熙元年正月貳拾伍日奉旨，是。依議行。欽

此钦遵。抄部送司。奉此。相应通行知照案呈到部。合咨前去，烦为查照。本部覆奉旨内并粘抄事理，即便转行各镇总兵官，并驿传道一体钦遵移咨前来，转行各镇总兵官及驿传道遵照去后。今据福建驿传道副使张仲德呈称，本道原领到兵部勘合火牌，除将顺治拾柒年分已、未填用过事由，业经造册申报奏缴外。今自顺治拾捌年正月起，至拾贰月终止，系经前署道事巡视海道副使宋可发、署道事右布政使于际清、前道副使张基远、署道事福州府知府吴六一，各经手填给过。该年分勘合火牌逐一分别管收，除在遵例截年造报间，奉臣票发已、未用勘合火牌号数各到道。据该道分为贰册呈报到臣。该臣覆查无异，除另册移送部科查考外。遵将用过勘合造册谨具奏览。

计开

旧管

无。

新收

一驿传道衙门，于照治拾捌年正月初捌日，奉前抚臣徐永祜票发，准兵部咨送勘合自张字贰百柒拾肆号起，至张字贰百玖拾叁号止，贰拾道。又于照治拾捌年捌月拾柒日，奉督臣李率奏批给前道副使张基远呈详，因前号勘合用完，已详前抚臣徐永祜咨部请给，未到，借用部送督臣衙门戾字捌百叁拾玖号勘合壹道。又于照治拾捌年玖月初伍日，奉臣票发准兵部咨送勘合，自张字柒百肆拾玖号起，至张字柒百陆拾捌号止，贰拾道。又于顺治拾捌年拾壹月拾玖日，奉臣票发准兵部咨送勘合，自张字柒百玖拾玖号起，至张字捌百拾捌号止，贰拾道。以上通共陆拾壹道。

开除

今将用过勘合数目开后。

张字贰百柒拾肆号，前件据该道册开，于顺治拾捌年正月初玖



日，填给粮饷道参议升任陕西宁夏河东兵粮道副使孙禧赴任。由福州府三山驿起，至陕西止，陆路夫拾名，马贰匹，水路船壹只，到彼缴陕西驿传道，汇缴兵部投销。

张字贰百柒拾伍号，前件据该道册开，于顺治拾捌年正月初玖日填给驿传道副使升任山西分守口北道参政潘超先赴任。由福州府三山驿起，至山西止。陆路夫拾名，马贰匹，水路船壹只。到彼缴山西驿传道，汇缴兵部投销。

张字贰百柒拾陆号，前件据该道册开，于顺治拾捌年正月初玖日，奉督臣李率泰批给标下右营参将升任山西平阳副将朱龙赴任。由福州府三山驿起，至山西止。陆路夫拾名，马贰匹，水路船壹只。到彼缴山西驿传道，汇缴兵部投销。

〈中略张字贰百柒拾柒至贰百捌拾叁号〉

张字贰百捌拾肆号，前件据该道册开于顺治拾捌年叁月初陆日准布政使司照会，移取详奉前抚臣徐永祜批给委官福清县牛头门巡检钱景元前往山东兑领协济闽饷银壹万两，抵解工部各年粮匹钱粮。又续准布政司照会，详委连江县北茭巡检马启先、跟役陈福梅、庚陈辉、陈嘉、张周等前往长芦盐运司兑领盐课，协济闽饷银伍万肆千肆百零贰两，抵解工部各年钱粮赴京上纳陆路银鞘夫共壹百贰拾捌名，共马玖匹，移送该司给领外。续于本年叁月贰拾玖日，又准该司照会，移称前项兑解银两，今已准山东长芦等省协饷，俱经解到本司投收讫，前给勘合移还声说汇缴，等因。准此。遵将原给勘合见在缴销。

张字贰百捌拾伍号，前件据该道册开，于顺治拾捌年叁月初肆日，填给巡海道副使，升任湖广驿盐道参政宋可发赴任。由福州府三山驿起，至湖广止，陆路夫拾名，马贰匹，水路船壹只。到彼该道汇缴兵部投销。

以上自张字贰百柒拾肆号起，至张字贰百捌拾伍号止，共拾贰

道，系经署道事巡海道副使宋可发经手填给。

〈中略张字贰百捌拾陆号至贰百玖拾叁，戾字叁拾玖号，张字柒百肆拾玖，张字柒百伍拾〉

张字柒百伍拾壹号，前件据该道册开，于顺治拾捌年玖月初陆日，奉督臣李率泰批给福宁右路镇标右营游击，升任陕西兴安镇游击田逢年赴任，由福州府三山驿起，至陕西止。陆路夫拾名，马贰匹，水路船壹只。到彼缴陕西驿传道，汇缴兵部投销。

以上自张字贰百玖拾贰号起，至张字贰百玖拾叁号止，贰道。又戾字捌百叁拾玖号壹道。又自张字柒百肆拾玖号起，至张字柒百伍拾壹号止，叁道。通共陆道，俱系前驿传道副使张基远经手填给。

张字柒百伍拾贰号，前件据该道册开，于顺治拾捌年玖月贰拾日，奉臣批给延平城守右营游击，升任湖广德安参将高沂赴任，由延平府剑浦驿起，至湖广止。陆路夫拾名，马贰匹，水路船壹只。到彼缴湖广驿盐道，汇缴兵部投销。

张字柒百伍拾叁号，前件据该道册开，于顺治拾捌年玖月贰拾日，填给漳州水师营参将，升任广西新太参将孙凤鸣赴任。由漳州起，至广西止。陆路夫拾名，马贰匹，水路船壹只。到彼缴广西驿盐右布政司，汇缴兵部投销。

张字柒百伍拾肆号，前件据该道册开，于顺治拾捌年玖月贰拾捌日，奉臣批给仙游县已故知县于鹏举义男子生、许山，扶柩回籍。由福州府三山驿起，至山东文登县止。陆路夫拾陆名，马肆匹，水路船壹只。到彼缴山东驿盐按察司，汇缴兵部投销。

张字柒百伍拾伍号，前件据该道册开，于顺治拾捌年拾月贰拾日，填给分守福宁道左参政法若真代覲。由福州府三山驿起，至北京止。陆路夫拾名，马贰匹，水路船壹只。到京缴兵部投销。

张字柒百伍拾陆号，前件据该道册开，于顺治拾捌年拾贰月拾壹日，填给分巡漳南道副使申伟抱，赉捧万寿表笺。自福建起，至

北京止。陆路夫拾名，马贰匹，水路船壹只。到京缴兵部投销。

张字柒百伍拾柒号，前件据该道册开，于顺治捌年拾贰月拾贰日，奉臣批给长乐县已故知县孟国瑾男生员孟经邦扶柩回籍。由福州府三山驿起，至山西太原府文水县止。陆路夫拾陆名，马肆匹，水路船壹只。到彼缴山西驿传道，汇缴兵部投销。

以上自张字柒百伍拾贰号起，至张字柒百伍拾柒号止，共陆道。系署道事福州府知府吴六一经手填给。

实在

今将已、未用勘合数目开后。

张字柒百伍拾捌号〔至〕张字柒百陆拾捌号，前件据该道册开，前号勘合拾壹道，蒙臣咨部请发康熙年号勘合未到，已于康熙元年贰月贰拾玖日起，至陆月初肆日止，已经填用。其用过事由，应造于元年册内声说报销。

张字柒百玖拾玖号〔至〕张字捌百拾捌号，前件据该道册开，前号勘合贰拾道于顺治拾捌年拾壹月拾玖日，奉臣票发该道收存候用。

计缴

今将收过各衙门用完旧勘合数目开后。

一、兵部换给福建按察司经历史起魁进表，回勘合壹道。

一、兵部填给福建延平府副将罗景秋赴任，勘合壹道。

一、山西驿传道填给福建分巡漳南道副使申伟抱赴任，勘合壹道。

一、兵部换给福建建宁府经历俞之璠解银回，勘合壹道。

一、兵部填给福建连罗游击刘正朝赴任，勘合壹道。

一、兵部填给福建漳州城守副将卜世龙赴任，勘合壹道。

一、山西驿传道填给福建福州水师营副将李长荣赴任，勘合壹道。

一、兵部填给福建按察司按察使王原阮赴任，勘合壹道。

一、陕西驿传道填给福建督标左营副将党守全赴任，勘合壹道。

一、湖广驿盐道填给福建布政司左布政使王孙蔚赴任，勘合壹道。

一、兵部换给福建候官县竹崎巡检唐国贵解茶回，勘合壹道。

一、兵部换给福建泉州府城守参将龚居庸赴任，勘合壹道。

一、兵部换给福建布政司委官北茭巡检马启先解银回，勘合壹道。

一、兵部填给福建驿传道副使加一级张仲德赴任，勘合壹道。

一、兵部填给福建布政司右布政使金光祖赴任，勘合壹道。

一、兵部换给福建布政司照磨王章进表回勘合壹道。

一、陕西驿传道填给福建福州闽安镇水师右营游击陈梦龙赴任，勘合壹道。

一、福建布政司移还原给委官钱景元、马启先往山东长芦兑解协饷赴京，未用勘合壹道。

一、广西驿盐右布政司填给福建盐运司运使祖泽闾赴任，勘合壹道。

一、湖广驿盐道填给福建邵武府副将王翰赴任，勘合壹道。

一、兵部换给福建分巡漳南道副使申伟抱进表回，勘合壹道。

前件据该道册开收过用完旧勘合，共贰拾壹道，见在缴销。

右谨奏闻。

(内閣黃册)

### 68 许世昌奏缴顺治十八年用过火牌黄册

康熙元年七月二十三日

钦差巡抚福建等处地方·兵部右侍郎兼都察院右副都御史加

三级臣许世昌谨奏，为咨请勘合火牌事。

〈奏文同前件故略〉

遵将用过火牌造册，谨具奏览。

计开

旧管

一，驿传道衙门原奉兵部发到火牌，除金字玖百捌拾捌号起，至金字玖百玖拾壹号止肆张。又自金字玖百玖拾陆号、金字玖百玖拾柒号贰张。又金字玖百玖拾玖号、金字壹千号贰张。又生字壹号起，至生字捌号止捌张。又生字拾壹号壹张。又自金字贰百陆拾柒号起，至金字贰百陆拾玖号止叁张。俱已经填用。于顺治拾柒年分册内报明外。今自生字玖号，生字拾号贰张。又自金字贰百柒拾号起，至金字贰百捌拾陆号止，拾柒张。以上通共壹拾玖张。

新收

一，巡抚衙门于顺治拾捌年伍月拾捌日，准兵部咨送臣火牌，自昆字壹百伍拾捌号起，至昆字壹百柒拾柒号止。共贰拾张。

一，驿传道衙门于顺治拾捌年拾壹月拾玖日，奉臣票发，准兵部咨送火牌，自昆字陆百叁拾伍号起，至昆字陆百陆拾肆号止。共叁拾张。

开除

今将用过火牌数目开后。

生字玖号，前件据该道册开，于顺治拾捌年正月贰拾壹日，奉前抚臣徐永祜票取，填给官承方城、王贵、余玉，马叁匹，口粮贰分，咨奏往京，原牌见在呈缴。

生字拾号，前件据该道册开，于顺治拾捌年贰月初贰日，奉前抚臣徐永祜票取，填给官承张廷升、李顺、卞成，马叁匹，口粮贰分，咨奏往京，原牌见在呈缴。

金字贰百柒拾号，前件据该道册开，于顺治拾捌年贰月贰拾捌日，奉前抚臣徐永楨票取，填给官承马虎、李国用、王元之，马叁匹，口粮贰分，奏奏往京，原牌见在呈缴。

〈中略金字贰百柒拾壹号至金字贰百捌拾陆号，昆字壹百伍拾捌号至昆字壹百柒拾贰号〉

昆字壹百柒拾叁号，前件据该道册开，于顺治拾捌年拾贰月贰拾捌日，系臣填给官承方元成、丁一美，马贰匹，口粮壹分，奏奏往京，原牌见在呈缴。

昆字陆百叁拾伍号，前件据该道册开，于顺治拾捌年拾贰月初伍日，准都司手本，详奉臣批给委官周世臣，役王忠、崔龙马叁匹，贡通省武职表文赴京，原牌见在呈缴。系署道事福州府知府吴六一经手填给。

实在

今将已、未用火牌数目开后。

昆字壹百柒拾肆号〔至〕昆字陆百陆拾肆号，前件据该道册开，以上火牌贰拾柒张，蒙臣咨部请给康熙年号未到，俟到日缴部报销。

附缴

福建提督三等侯马得功，移送汇缴填用过顺治拾捌年分火牌拾张，未用火牌壹拾贰张，数目开后。

阳字捌百陆号，前件准提督三等侯马得功册开，于顺治拾捌年正月拾捌日，填给差官马友龙、陈文马贰匹，口粮贰分，外填包马壹匹，回日不用。奏奏往京，原牌见在呈缴。

阳字捌百柒号，前件准提督三等侯马得功册开，于顺治拾捌年正月贰拾伍日，填给差官林国材、周玉、夏起龙马叁匹，口粮叁分。奏奏往京，原牌见在呈缴。

阳字捌百捌号，前件准提督三等侯马得功册开，于顺治拾捌年

肆月初叁日，填给差官高武贤、王有功、陈册马叁匹，口粮叁分。资逃人文册赴京，原牌见在呈缴。

·阳字捌百玖号，前件准提督三等侯马得功册开，于顺治拾捌年肆月初捌日，填给差官董国安、林应昌、高文马叁匹，口粮叁分。资奏往京，原牌见在呈缴。

〈中略玉字伍百陆拾贰号至伍百陆拾柒号〉

玉字伍百陆拾捌号，玉字伍百陆拾玖号，前件准提督三等侯马得功册开，以上火牌贰张，请给康熙年号未到，已于康熙元年贰月拾玖等日，已经填用，其用过事由，应造于元年分册内声说报销。

玉字伍百柒拾号〔至〕玉字伍百捌拾壹号，前件准提督三等侯马得功册开，以上火牌壹拾贰张，系顺治年号，未经填用，今已奉兵部颁给康熙年号火牌应用外，理合并缴兵部投销。

随征福建右路总兵官王进功，移进汇缴填用顺治拾捌年分火牌柒张，未用火牌伍张，数目开后。

阳字玖百捌拾贰号，前件准总兵官王进功册开，于顺治拾捌年正月拾玖日，填给差官邓启圣、朱天麟、王义马叁匹，口粮叁分，往京投册，原牌见在呈缴。

阳字玖百捌拾叁号，前件准总兵官王进功册开，于顺治拾捌年柒月贰拾伍日，填给差官邓启圣、李印、何永昌马叁匹，口粮叁分，往京投册，原牌见在呈缴。

出字捌百叁拾捌号，前件准总兵官王进功册开，于顺治拾捌年拾月贰拾柒日，填给差官周鼎、于自善、王益马叁匹，口粮叁分。资表往京，原牌见在呈缴。

〈中略出字捌百叁拾玖号至捌百肆拾柒号，丽字贰百伍拾叁号至贰百伍拾柒号，出字陆百柒拾捌号至陆百捌拾伍号，金字贰百贰拾号至贰百贰拾贰号，为字肆百叁拾贰号至肆百叁拾叁号，出字陆百玖拾捌号至柒百柒号，水字捌百陆拾肆，水字捌百陆拾伍〉

水字捌百陆拾陆号，前件据该道册开，于顺治拾捌年陆月贰拾贰日，系前按臣范平填给承差黄镛、吴嗣水、陈际兴马叁匹，口粮贰分，资奏往京，回福建时，因按臣撤回，于玖月贰拾叁日，据本差呈缴该道，汇缴原牌，见在缴销。

前件据该道册开，汇缴收过臣衙门用完旧火牌贰拾捌张。又给送清查福建钱粮户、工二部用完旧火牌贰张。又该道填给各衙门用完旧火牌肆张。又提督总兵官三等侯马得功用完旧火牌拾张，未用火牌壹拾贰张。又随征福建中路总兵官许天宠，用完旧火牌拾叁张。左路总兵官董大用，用完旧火牌叁张。右路总兵官王进功，用完旧火牌柒张，未用火牌伍张。福宁总兵吴万福，用完旧火牌伍张，未用火牌柒张。前巡按衙门，用完旧火牌叁张。以上通共玖拾玖张，见在缴销。

右谨奏闻。

（内附黄册）



## 顺治年间制钱的鼓铸

编者按：明亡清兴，政权更迭，作为改朝换代象征之一的货币铸造，是清统治者统治中国的重要工具之一，是进行经济剥削的重要手段。清朝虽是银钱并用，纹银只不过是国家财政收支以及大宗交易的计算单位，是国库或富有者的储存手段，而“制钱”才是社会上的主要流通货币。清政府刚刚建立，就对“制钱”的铸造有严格的规定，并逐步完善。在京城内外设立铸局，实行官铸官销，私铸私销则按律治罪。各铸局设炉座多少，铸钱多少，获息多少，都必须按年按季造四柱青册报部，年终具题，否则要受到指参。虽定制严格，但仍有官员与炉头串通，假“制钱”私铸以牟取暴利，也有人以大量明废钱掺入“制钱”内，在社会上流通行使。这些史料都从顺治朝内阁题本中选出，不再注明出处。

### 1 雷兴题报叁年陕西鼓铸钱息事本

顺治四年二月初九日

钦差巡抚陕西等处地方·赞理军务·都察院右副都御史臣雷兴谨题，为恭报钱息，以资军饷事。

据陕西布政司分守关内带管清军钱法道参议白士麟呈称，除顺治叁年陆月以前，收过铸本并铸过钱数及生息银数，先行造报，已经本院具题外。今自叁年柒月初壹日起，至本年玖月终止，所有

带管钱法左布政使刘弘遇经管，前册原报收过铸本并铸过钱数及生息银两数目，理合造册呈奏等因到臣。据此。

该臣查得前报已至叁年陆月终止，今自叁年柒月初壹日起至玖月终止，原收在局铸本银贰万捌千贰百叁拾叁两叁钱壹分柒厘。每次陆拾炉，共贰拾肆次，共铸完铜钱叁千贰百壹拾万壹千捌百文，共值银肆万伍千捌百伍拾玖两柒钱壹分肆厘贰毫。内除所用铜铅料物、匠役工食银贰万伍千叁百贰拾贰两肆钱，又支过钱局吏快等役工食并该道纸红银，共叁百叁拾伍两陆钱壹分玖厘陆毫，实在出息银贰万贰百壹两陆钱玖分肆厘陆毫零。该道会同布政司搭支军饷，俟完日另行开销。

既经该道呈造前来，除备造存册咨送部科外，相应具题，伏乞敕部查核施行。为此具本，专差承差王之璧赍捧，谨题请旨。

批红：户部知道。

## 2 吳景道題已委貳官辦理河南鼓鑄制錢事本

順治四年四月十三日

欽差巡撫河南等處地方·提督軍務兼理河道都察院右副都御史臣吳景道謹題，為請鑄制錢，以便民裕國事。

臣惟前朝舊錢俱已禁革，民間貿易不無艱難，查山、陝各省皆鼓鑄制錢使用，而河南自當一例舉行，臣隨行文布政司查議。今據該司左布政使局文燁呈稱，查得鼓鑄一事，職掌匪輕，非精明之官，不敢輕委。查前朝往例督理鼓鑄者，乃本司右布政也。而收掌銅炭料理匠役者，乃開封府清軍同知也。其鑄本銀兩，應動正項，至於雇覓匠役，購買銅炭，鼓鑄處所，又在委定官員，逐項酌議，呈請定奪等因到臣。

該臣會同按臣羅國士，看得鼓鑄制錢，不惟泉貨流通，有便于民，而計本生息，實有益于國，合無仰請聖裁，准委右布政使線縉與

开封府清军同知孟家栋管理其事。其应用正项银两数目，及一切举行事务，俟贰官料理酌妥，行有头绪，臣等另疏奏闻。

既经该司查议前来，相应具题，伏乞皇上敕下该部议覆行，臣等遵奉施行。为此具本，专差承差张焕然赍捧，谨题请旨。

批红：该部知道。

### 3 哈哈木题参南洙源稽迟开报鼓铸本息事本

顺治四年六月初四日

吏部侍郎臣哈哈木等谨题，为遵旨具奏事。

考功清吏司案呈，顺治肆年伍月贰拾叁日，奉本部送吏科抄出总督江南各省粮储兼理钱法户部右侍郎马鸣珮奏前事内开，顺治肆年叁月拾捌日，准户部咨该臣题为清报铸局本息，以佐军需事。顺治肆年贰月拾陆日奉圣旨：湖省藩司开报稽迟，著察明议奏。藩司姓名为谁，还著马鸣珮明白奏来。该部知道。钦此钦遵。又于叁月贰拾陆日准吏部咨同前事各备咨到臣。

微臣捧读纶音，仰见我皇上、皇叔父摄政王昭示创惩之至意。切臣奉命备员江南各省钱法事务，须与各省藩司官悉心商度，敷陈甚明。臣受事时于顺治叁年柒月初肆日，即将江宁府开通厂铸出制钱颁发湖广布政司，督令委官料理，照式鼓铸去后。捌、玖、拾月相继行催者伍次。查任布政司事则左布政南洙源也，历伍阅月，而洙源竟无片纸只字回覆到臣，此犹以铸务而言也。即该省本折钱粮数目，实征完解文册，臣到任亦已严檄，节次查催，洙源俱亦半载不报，延至年终，奏报期迫，臣不得已差舍人潘有仁守取，方具文申到于臣，则臣之半载频催，竟置罔闻矣。

洙源身为承流宣化之官，有钱粮总汇之责，表率一省，道府怠玩如此，尚可望其风励郡邑乎！且臣驻扎江宁，总督江南各省粮储钱法，通行各司道府必期文到即行始克济事，若俱如洙源之屡呼不

应，臣更有何术可以率属尽职乎！当此国家开创之初，军务繁兴，各省财赋全赖藩司清理，苟能刻期奉行尽洗明季因循之积习，犹恐不逮，今涿源之悠悠息玩，臣不能为涿源宽也。臣谨会同侍郎廉童据实奏明，仰祈皇上、皇叔父摄政王敕下该部，将湖广布政司左布政南涿源议处示儆，庶各司道府知所省惕，稍振江南积玩，而臣等仰借天威，风行属吏，得以克尽厥职矣。等因。顺治肆年伍月贰拾壹日奉圣旨：南涿源著议处。该部知道。钦此钦遵。抄部送司。相应具覆案呈到部。

该臣等看得左布政南涿源，鼓铸本折贰项钱粮，屡经严檄，半敕不报，因循息玩，岂能集事，相应降贰级调用。恭候命下，臣部行令遵奉施行。为此具本，谨题请旨。

批红：南涿源著降贰级调用。

#### 4 高斗光题亟清湖南开炉鼓铸事本

顺治四年六月十二日

钦差巡抚偏沅等处地方·提督军务兼理粮饷·兵部右侍郎兼都察院右副都御史臣高斗光谨题，为亟清鼓铸，以济军饷，以纾民力事。

窃照臣前驻荆州，曾以鼓铸具题，其铸本通融，业经部覆允行矣。今臣至长沙，所历郡县，颓垣坏壁，萧条不堪，有司半未开征，臣展转思维，足国裕民，舍鼓铸别无长策已。何也？泰平之时，国有常赋，民有余财，不烦督责，所入自足以供所出，何必谆谆言鼓铸乎！惟兹兵寇残破之后，百姓逃亡殆尽，所存孑遗，物力几何，能当旁午之征输乎！有壹分生息在官，便有壹分宽纾在民，此总理钱法我朝特隆其任，意盖深远已。况湖南今岁大水，衡阳壹带尽属淹没，新入版图之区，可不筹所以苏息之乎！故鼓铸壹节，在往时尤可缓，而在今日则必不可缓也。在今日为急务，而在湖南之今日则

尤为急务也。且行之有数善焉。近产铜之地，铜铅稍贱，出息必多，壹善也。山僻之民，不习私铸，财源益濬，貳善也。有查镇之兵，便有壹镇之局，各就其所铸，以佐粮饷之不时，既免挹彼注此之劳，又无偏枯底滞之病，叁善也。常见前代之钱，区域分，则款制各别，殊觉参差，今行之既广，将使顺治通宝，洋溢于穷陬僻壤之间，规制大同，不更昭一统之盛事也哉。恳乞皇上俞允开局，或仍常德，或准长沙，敕部议定施行。庶军免脱巾，民免竭泽，而臣亦得幸免于仰屋矣。

臣谨会同督臣罗绣锦、按臣张懋禧合辞具题。臣何胜迫切待命之至。缘系亟请鼓铸，以济军饷，以纾民力事理。为此具本，尚差官辄其济赍捧，谨题请旨。

批红：户部议奏。

## 5 英峨岱题升授广东鼓铸题判薛官为钱法道事本

顺治四年七月二十三日

固山额真·公兼户部尚书英峨岱等谨题：

准两广军门佟养甲题称，臣入广东，除已奏闻因民用钱币皆为旧币，甚为紊乱等因外，即设鼓铸局，委通判薛官监铸，由道臣张条定督理。样钱已定，一分银折钱七枚，一千钱重约十斤，特送样钱一千。臣窃思鼓铸<sup>①</sup>须专官督理，如薛官者，臣前见其手握重兵，才能干办且多心计，因使释兵权而监钱务，良有意也。今正委在监铸，颇著成效，果堪委任，合将本官加授钱法道职衔，专管鼓铸事务，则事权画一，泉货流通，国需民用有攸赖矣。等因。顺治肆年叁月贰拾伍日题，柒月拾壹日奉圣旨。该部知道。钦此钦遵。抄出到部。送司。奉此。相应具覆案呈到部。

<sup>①</sup> 以上汉文残缺，译自满文。

该臣等看得广东开局鼓铸，奉有谕旨。今准督臣送到样钱，精工局正，宝色灿然，真可行四方而垂万世。至于监铸，仍用通判督理，应用道臣查照别省事例，不妨于司道中择其事务稍简者兼理，不必另设专官。其薛宫应否升授，听吏部酌议，奏请定夺。

既经督臣具题前来，相应具覆，恭候命下，臣部遵奉施行。缘系遵制钱钱事理，未敢擅便，谨题请旨。

批红：是。

## 6 阿拉善题查获私铸制钱人犯事本

顺治五年六月初四日

刑部左侍郎臣阿拉善等谨题，为会议钱法，申饬严禁复获私铸，谨据实陈报，仰乞圣夺事。

山东清吏司案呈，奉本部送刑科抄出总督湖广四川等处地方军务兼理粮饷兵部右侍郎兼都察院右副都御史罗绣锦题前事内开，顺治伍年贰月初柒日，据分巡上荆南道参议兼佥事蔺民孚呈问得，犯人壹名万二，年叁拾伍岁，江陵县民，状招有脱逃未获金世重与在官妻刘氏并义男常明时、李有才、义妇张氏及先存今故义妇李氏，在于荆州府城内承天寺傍居住。叁年拾贰月内，金世重不合擅立炉头，出本银壹百两，令在官寺僧刘行葵同监放李兴教即李行镜买铜置具，纠同常明时、李有才并在官郑大，听从役使商谋匠人万二，颺子匠局洪私铸铜钱。比有在官邻佑刘登云、尚应科、陈喜儿，各不合知情不举。至肆年肆月内，蒙巡按曹御史巡历本府，有常随皂隶朱正、童之兰等，于本月初伍日在于寺傍听见炉火声闻，当即进入，将金世重拿获，随被伙人夺去，止搜获未到毛钱钳条厢罐各物，具禀本院。彼金世重起意远遁，商计郑大，又不合明知世重事发，辄尔将伊吊下城外脱逃去讫。伊妻刘氏，在于尚应科窝藏叁日，后见捕得势急，陈喜儿不合递送在郤玉寰家藏匿窖内。复蒙本

院行道牌行江陵沈典史到私铸处所，搜寻粪坑内起获碎铜佛、铜盆并毛钱沙匣等项，并各犯到道呈院。

遂蒙巡按曹御史，将会议钱法等事具题，奉圣旨，已有旨了。刑部知道。又蒙罗总督准曹御史会稿前事具题，奉圣旨，金世重严缉，依律拟奏。刑部知道。钦此钦遵。抄部咨督牌行巡道。转行府厅等官，严缉世重去后。

又经屡催卒无报获，详审问李氏病故，李行镜监放，各相埋取结在卷。致蒙巡道金事商民孚看得金世重既募夜幸脱于院皂之手，宁不高举，肯守株以就其缚耶？况拷讯党犯及妻孥，俱供莫知踪跡，业经严督府捕等官，比较捕役遍访不获，若必候世重而结案，是缘一犯之漏网而道众犯之典刑也。合无将万二、周洪、郑大、刘行葵依私铸铜钱律绞。李有才、常明时、邵玉寰、刘登云、尚应科俱依为从者律，各杖壹百，徒叁年；陈喜儿依知而不首者律，杖壹百。金世重姑准照提等因。具招到臣。该臣看得金世重私铸中之首犯也，经臣催催肆次，并提责捕役题缉无踪，是世重已脱然长往矣。其余犯接踵报毙，岂可因世重之逃，遂稽众犯之死乎？故该道有先后另结之请。臣一而仍行严缉，据招万二、周洪系私铸匠役，刘行葵买铜置具，又同谋人也，各绞似属允宜。至郑大听从役使，罪不过配，但纵放世重脱逃情重，于法拟绞亦不为枉。李有才、常明时为之役使，邵玉寰、刘登云、尚应科展转窝藏，其妻均属党羽，各配奚辞。惟陈喜儿知情不举，姑杖发落。至首犯金世重又当严缉另结者也。既经该道招拟前来，臣谨会同抚臣高士俊、按臣曹叶卜合词具题，伏乞圣鉴敕部议覆，事关招情，字逾格限，统乞鉴宥施行。等因。顺治伍年叁月拾陆日题，肆月初玖日奉圣旨，刑部核拟具奏。钦此钦遵。抄出到部。该启心郎周天成同本司郎中高云汉核拟明白呈堂覆核无异。

该臣等者得律严私铸，何物匠役万二、周洪甘为私铸，议与纵

放重犯之郑大并绞监候，俟巡按御史亲审具奏处决。刘行葵曾为买铜置具发附近充军。李有才、常明时听从役使，各责肆拾板，站徒叁年。邵玉寰、刘登云、尚应科、陈喜儿知情不举，各责肆拾板。脱逃金世重严缉另结，伏候圣裁。

批红：万二等叁名依拟应绞监候，俟巡按御史亲审具奏处决，余具依议。

## 7 祝世昌题伍年山西鼓铸息银数目事本

顺治六年八月二十二日

钦差提督雁门等关兼巡抚山西太原等处地方·都察院右副都御史臣祝世昌谨题，为晋省鼓铸息银数目岁终奏闻事。

案查先准户部咨，为微臣经国有心等事，户部抄出前巡抚马国柱题称，晋省旧设铸局，筹画铜本，鼓造新钱，年终奏销等因。顺治贰年叁月贰拾柒日，该本部奏奉圣旨，准行。钦此钦遵。抄出到部。移咨在卷。除顺治肆年分已经奏报讫。今自顺治伍年正月起至拾贰月终止，经臣督催易买铜铅，按月铸造，今据粮储道李惟桓开报，共计壹拾贰铸，除原本银两与夫匠役工食炭料等项支费外，实获利息以每分拾文计算，共该银肆千玖百柒拾贰两伍钱玖分玖厘。见在布政司库贮，虽亦获利不多，当此军兴孔棘之时，得一分有一分之用，留以接济兵饷，亦可少佐万一耳。

除将细数文册咨送户部照查外，臣谨会同督臣佟养量、督饷臣王米用具疏奏闻，伏乞敕下该部查照施行。缘系晋省鼓铸息银数目岁终奏闻事理。为此具本，专差承差段文谟资捧，谨题请旨。

批红：皇父摄政王旨，户部知道。



## 8 刘弘遇题柒年山西鼓铸获息事本

顺治八年正月初六日

钦差提督雁门等关兼巡抚山西太原等处地方·兵部右侍郎兼都察院右副都御史臣刘弘遇谨题，为鼓铸获息，恭报上闻事。

案照先准户部咨，该前抚臣马国柱题称，晋省旧设铸局，筹画铜本鼓造新钱，年终奏销等因。该本部奏奉圣旨：准行。钦此。等因。移咨前来，钦遵在案。除顺治陆年分已经奏报讫。今照顺治柒年正月初捌日起，至拾贰月贰拾叁日止，臣檄催买铜铸造去后。今据粮储道臣李惟桓开报，共造壹拾肆铸，除铜铅价银与夫匠役工食炭料等项支用外，实获利息银柒千叁百柒两玖钱外，有盘出附余铜铅应作铸本银贰百伍两柒钱肆分柒厘伍毫，并原铸本银柒千陆百壹拾两伍钱柒分伍厘，俱交布政司收贮外。但此兵荒之际，需饷维艰，虽涓滴无济河海，亦可少资急用耳。

除将细数文册咨送户部查考外，臣谨会同督臣佟养量、督饷臣王来用合词奏闻，伏乞敕下该部查照施行。缘系鼓铸获息，恭报上闻事理。为此具本，专差承差杨承恩赍捧，谨题请旨。

批红，户部知道。

## 9 巴哈纳题疏题钱法事本

顺治八年正月二十七日

户部尚书臣巴哈纳等谨题，为疏通钱法事。

照得我朝定鼎，铸造顺治通宝通行天下，初定以柒文作银壹分，后从民便，改为每钱拾文作银壹分，较之明季每钱陆拾文作银壹钱，行使者已多叁分之壹矣。乃奸民开铺市钱，多以前朝废钱插入，又每千短少陆文，作为绳底，以致街市使钱，每银壹钱至壹百肆拾文以外，殊属违制。查旧时该局差人巡缉有搀卖废钱私铸者，拿

送刑部治罪。今钱价日贱，制钱日壅，合行照例巡拿，务遵定制。每银壹钱止许换钱壹百文，如有仍前增至壹百之外者，买者卖者一并治罪。

为此具题，恭候命下，臣部遵奉施行。缘系疏通钱法事理，未敢擅便，谨题请旨。

批红：依议行。

### 10 马鸣珮题柒年江宁鼓铸获息事本

顺治八年正月二十八日

总督江南各省粮储兼理钱法户部右侍郎臣马鸣珮谨题，为恭报铸息，以佐军需事。

臣备员江宁钦奉敕谕兼理钱法履任以来，严督鼓铸，疏通钱法，未敢刻懈。顺治叁年，获过铸息银壹拾肆万陆百余两；顺治肆年，获过铸息银叁拾叁万叁千余两；顺治伍年，获过铸息银壹拾捌万捌千余两；顺治陆年，获过铸息银壹拾伍万壹千余两。臣于每岁年终俱经造册奏报讫。今照柒年已终，所有柒年分铸过铸次，用本获息各数目，例应清查具奏。但江南敕铸所需铜料，原出于川广云贵等处，目今商贾未通，日愈稀少，铸厂员役采办维艰，臣加意督催，远近收买，接湊鼓铸，颇费拮据。自顺治柒年正月起至拾贰月终止，江宁叁局厂各开贰百炉。宝源局同知郭鸣凤铸过贰铸，升任湖广贵州府知府，开通厂同知唐万龄铸过贰铸，升任山东盐运司，运同两局厂同知奉旨裁革，俱归并广铸厂同知温启知查官接管，仍旧开贰百炉，又铸过叁铸。宝源局开通厂柒年分共铸完拾铸，广铸厂铸完肆铸，计叁局厂通共铸壹拾肆铸，铸出制钱叁万捌百壹拾柒万肆百陆拾肆文，每钱壹千文作银壹两，共值银叁拾万捌千壹百柒拾两肆银陆分肆厘，内除采买铜料炭罐并给匠役工食，共算用过本银壹拾玖万壹千伍百肆拾伍两叁钱伍分，实获息银壹拾壹万陆千陆

百貳拾伍两壹钱壹分肆厘。臣将本息数目逐铸稽查明白，铸出制钱即令解交江宁户部银库并江南布政司库，及各府州县一例搭放兵饷廉俸工食等项支用，各于本项银内照数扣还，钱本解交臣部，发各局厂采买铜料，接济鼓铸，庶可源源生息，以裕军需。

兹值岁终，臣同侍郎臣廉童，谨将参局厂逐铸用过铜料炭罐炉匠工食并铸出制钱获过铸息各数目清查明白，分别总撤造册奏缴。其湖广、浙江等省铸务，臣已檄行查取，因路途遥远，尚未报到，臣又一面严催，俟报到用本获息各数目，即再开送户部查考，理合一并奏明。为此具本，专差舍人袁弘泰贡捧，谨题请旨。

批红：户部知道。册并发。

### 11 马鸣珮题苏州凤阳两府拒还钱本银两事本

顺治八年正月二十八日

总督江南各省粮储兼理钱法户部右侍郎臣马鸣珮谨题，为抗阻钱法，悞铸生息事。

窃惟裕国之道首先理财，臣谬承江南各省钱法之责，以生息为急务，期足国用，宽恤民力，日夜匪懈，尚不能报圣主于万一也。乃冀群属协力共勤，使钱法通行无滞，则国宝垂世诚万代之根本也。臣铸有制钱，发各府搭放兵饷、官俸、工食，不意苏州府知府王光晋领过搭放兵饷、官俸、工食制钱，该还钱本银叁万壹千捌百两柒钱叁分；凤阳府知府李世琯领去搭放官俸、工食制钱及拨兑漕抚各营兵饷，该抵还钱本银玖万柒千肆两。任频催催，分毫不解，视臣檄行真如故纸，藐朝廷钱法轻如鸿毛，况以制钱易额，饷成转移之便，反手之易，有何难为。至今本息两空，铸局停工，将何以足国用，以助军需也。两府共欠钱本银壹拾叁万两，铸本何以接济，钱法何以流通。伏乞皇上敕下该部严加议处，儆抗阻侵欺之弊，庶铸本生息两有攸赖，俾国宝永传于久远哉。

臣谨同侍郎臣廉童具疏上请，恭候敕部议覆施行。为此具本，专差舍人袁弘泰赍捧，谨题请旨。

批红：王光晋、李世琚著严察议奏。该部知道。

## 12 刘武元题兵船兴贩赣关无税不能开铸事本

顺治八年二月二十一日

欽差巡抚南赣汀韶惠潮郴桂等处地方·提督军务·都察院右都御史兼兵部左侍郎臣刘武元谨题，为鼓铸必凭关税，兵贩恐亏国课，请差部官董理，以重责任事。

窃照赣关桥税所恃者广货耳，在昔承平之时，往来兴贩照单输税者，皆商民也，一通判司之足矣。慨自克赣之后，远商近贾，向因兵丁所阻，视河上为畏途，片帆绝迹，即欲从头整顿，而通判一官，责重权轻。臣于顺治肆年拾月初叁日具有恭陈赣关旧制，仰祈圣鉴议差部官董理等事一疏。曾闻户部业经题差有人，继以金逆之变，遂尔停止，及臣前有鼓铸之请，又经部咨议以关税作铸本，专委道臣董理，奉有谕旨在案。臣即转行巡北道张凤仪酌议去后，彼时江省甫定，广贼踞岭，商未行而税绝望，鼓铸何由得兴。至顺治柒年貳月内，方委赣州府新任同知韩文明料理开关，所税者不过零星土著之物，寥寥无几，何凭鼓铸，以较本息也。臣准部咨移查，已备细详覆矣。

今行据该道册报，自柒年貳月貳拾肆日开关为始，至本年拾貳月貳拾玖日止，共收两关税银叁千贰拾肆两玖钱有零，收贮府库，以为开局募匠之费。又经镇臣胡有升以省饷不接，兵丁缺食，暂借叁千两以应急需，仍俟饷到补还，是亦不得已之呼也。臣无可奈何，就经行道那发外，今幸广省恢复，道路开通，从前商贾沦亡于锋镝者多矣。而上下两河多属广营，差遣往来兵贩之船，到即呼关开放，孰得而阻挠之无论，通判权轻力微，即道臣亦不足以资其弹压，

将见法愈弛，而税愈少，鼓铸之行究竟终无日矣。臣虽无钱粮之责，然目睹时势之难，焉敢嘿嘿无言。伏乞皇上念此税乃重务，查照各关之例，仍差满州部官专理税务，以重事权。至于鼓铸，原议道臣董理，仍令部官兼查，以较本息更折天语申饬，凡广中差遣之船并各营兵贩之货，俱应一体盘查，照则输税，无亏国课。庶商贾通而鼓铸兴，于地方大有裨益矣。

统折敕部速议，具覆施行。缘系鼓铸必凭关税，兵贩恐亏国课，请差部官董理，以重责任事理，为此具本，专差承差王之柱资捧，谨题请旨。

批红，赣州关税通判管理，该道稽察其来已久，若有兵船兴贩，抗不纳税，该抚在地方自当察实指参，何待添差满州部官。户部知道。

### 13 佟养量题柒年山西阳和铸局本息银两事本

顺治八年二月十一日

钦命总督宣大山西等处军务兼理粮饷·兵部左侍郎兼都察院右副都御史臣佟养量谨题，为恭报铸息事。

案照云镇旧设铸局，因城废题奉明旨，改设铸局于阳和，臣随檄行管理大同粮储户部主事万尧一，招商买铜开局鼓铸。今行据饷司呈据管理钱局委官黄绍炅开报，自顺治柒年貳月初叁日安炉鼓铸起，至本年拾貳月终止，共造完铜钱叁千陆百壹拾陆包，每包用铜壹百壹拾伍斤，除铜铅价银并匠役工食炭料罐价等项工本支用外，计获钱伍仟陆百壹拾貳两捌钱捌分貳厘貳毫，收过前项钱息俱经支放粮料等银，于月报册内按月造报外，理合呈报等因到臣。

该臣看得钱法行而九府裕，货币通而边储足，累镛铄以生子母，国家之富强恒必赖焉。今查阳和之铸局新开，未及壹年，除原

本外，总计收获钱息银伍千陆百余两，当饷缺军饥之际，取羨余以补支放，其于边计军需，未必无涓滴之济也。

除造清册咨送户部外，理合具题，伏乞敕下该部查照施行。缘系恭报铸息事理，臣未敢擅便，为此具本，专差提塘官陈素蕴亲资，谨题请旨。

批红：户部知道。

#### 14 波洛题苏州凤阳两府欠还本银应作速解完事本

顺治八年四月十一日

户部多罗端重郡王臣波洛等谨题，为抗拒钱法，悞铸生息事。

江南清吏司案呈，奉本部送户科抄出总督江南粮储马鸣珮题前事内开，窃惟裕国之道，首先理财。臣谬承江南各省钱法之责，以生息为急务，期足国用，宽恤民力，日夜匪懈，尚不能报圣主于万一也。乃冀群属协力共勤，使钱法通行无滞，则国宝垂世诚万代之根本也。臣铸有制钱发各府搭放兵饷官俸工食，不意苏州府知府王光晋，领过搭放兵饷官俸工食制钱，该还钱本银叁万壹千捌百两柒钱叁分；凤阳府知府李世琏，领去搭放官俸工食制钱及拨兑漕抚各营兵饷，该抵还钱本银玖万柒千肆两。任频严催，分毫不解，视臣檄行真如故纸，藐朝廷钱法轻如鸿毛。况以制钱易额饷诚转移之便，反手之易有何难为。至今本息两空，铸局停工，将何以足国用以助军需也。两府共欠钱本银壹拾叁万两，铸本何以接济，钱法何以流通。伏乞皇上敕下该部严加议处，儆抗拒侵欺之弊，庶铸本生息两有攸赖，俾国宝永传于久远哉。臣谨同侍郎臣廉童具疏上请，恭候敕部议覆施行。等因。顺治捌年正月贰拾捌日题，闰贰月初叁日奉圣旨：王光晋、李世琏著严察议奏。该部知道。欽此欽遵。抄出到部送司。奉此。相应议覆案呈到部。

该臣等看得钱法之设，权子母之息，以裕国用，本之不敷，息将

安出。今苏州府知府王光晋领过制钱，该还钱本银叁万壹千捌百两；凤阳府知府李世琏领过制钱，该抵还钱本银玖万柒千肆两，屡催分毫不解，致令本息两空，铸局停工，其亏国用悞军需，不职殊甚，奉旨严查议奏。但念事在赦前，应听吏部酌议覆。其未解银两，仍应敕江南督抚催令作速解完，庶有裨铸务矣。

既经该司案呈前来，相应覆请，恭候命下，臣部转行遵奉施行。缘系抗阻钱法，悞铸生息事理，未敢擅便，谨题请旨。

批红，是。

### 15 王来用题捌年前四月鼓铸本息事本

顺治八年七月十六日

钦差总督山陕四川等处粮饷兼理钱法户部右侍郎今奉裁臣王来用谨题，为恭报钱息，以资军饷事。

据陕西布政司清军钱法道右布政使王显祚呈称，除顺治柒年拾贰月终止，以前收过铸本并铸过钱数及生息银两，前已报明具题外。今自捌年正月初壹日起，至叁月终止，所有钱局铸本钱数并生息银两数目，造册呈报到臣。该臣查得旧管柒年拾贰月终止铸本银叁万两，又撙节附余银壹千贰百柒拾叁两伍钱肆分肆厘玖毫壹丝。又自捌年正月初壹日起，至本年叁月终止，连闰肆个月，共铸过铜钱贰千壹百玖拾捌万肆千贰百文，值银贰万壹千玖百捌拾肆两贰钱内，除用过工本等项银壹万柒千肆百捌拾捌两伍钱玖分贰厘捌毫，实出息银肆千肆百玖拾伍两陆钱柒厘贰毫。又积出撙节附余银贰百叁拾贰两伍钱，其今次钱息撙节附余并前次撙节附余银，共该陆千壹两陆钱伍分贰厘壹毫壹丝。该道径送布政司搭放兵饷外，实在铸本银叁万两，留局旋转鼓铸，既经该道造册呈报前来，除备造青册咨送户部并督理京省钱法侍郎及户科。又将铸本料物移送督臣孟乔芳，于捌年肆月初壹日起综理外。

再照臣自顺治叁年拾月初壹日综理钱局鼓铸起，至捌年叁月终止，共出钱息银玖万壹千伍百叁拾两叁钱捌厘壹毫肆丝伍忽，撙节附余银壹万壹千叁百叁拾陆两贰钱玖分陆厘陆毫伍丝，贰项通共银壹拾万贰千捌百陆拾陆两陆钱肆厘柒毫玖丝伍忽，虽涓滴无济于沧海，亦系军需之一助也。

伏乞敕下该部施行。为此具本，专差承差胡从德捧资，谨题请旨。

批红：户部知道。

### 16 车克题江南等省未开报鼓铸本息事本

顺治九年六月二十三日

户部尚书臣车克等谨题：

准总管京城钱法户部右侍郎赵继鼎题称，臣奉钦命总管钱法，年终理应奏销。今除湖广省武昌府等处，鼓铸钱息业已伍部奏缴外，尚有未全报者，江南、鄜襄。缺报者，浙江、福建、陕西。虽屡屢次催促，均未报来。此事关系钱粮，不可玩延。恳祈降旨严飭各省如期报部，以资兵饷。恭谨具题请旨。奉圣旨：该部议奏<sup>①</sup>。钦此钦遵。抄出到部。送司。奉此。相应议覆案呈到部。

该臣等看得各省鼓铸钱息，自应按季报部，年终汇报，以凭查核奏缴。今捌年分浙江止报到秋冬贰季。福建止报到春夏秋叁季。及钱法侍郎赵继鼎题后，陕西省鄜、襄二府续已报到。惟江南一省全未开报，其获息之多寡，并作何支销，凭何稽察玩延殊甚。应敕下各该督抚确查旧例，将每年获过钱息查核奏缴。其经管钱局各官，因何怠玩不报，分别参处可也。

既经该司案呈前来，相应覆请恭候命下，臣部转奉施行。臣等

<sup>①</sup> 以上汉文残缺，译自满文。



未敢擅便，谨题请旨。

批红：是。

## 17 车克题增炉广铸之意不可行事本

顺治九年七月十一日

户部尚书臣车克等谨题，为画一制钱，疏通利源，以隆国宝，以裕国用事。

广东清吏司案呈，奉本部送户科抄出福建道试监察御史石应泰题前事内称，窃见我朝自定鼎至今，兵行费繁，司农告匮，前者会议咸惟节省。夫天之生财止有此数，不在君，则在民，国家之赋税俱有定数，上非能神输鬼运，下不可厘加毫剥，惟省壹分乃多壹分之用，长虑却顾计诚无出于此，然而生之有道，载于经传，亦有自然之为用焉。试举钱法而衡之，钱法之设，历代尊为至宝。先王以前民用，今日特以其价不一至于亏本，且令天下议国宝之轻重，岂钱法之不可行于今乎？又岂鼓铜铸山非朝廷百万金钱乎？夫钱画一则可遵守，疏通则自充裕，此必然之理也。今日之钱，每两以千陆百余买，废弛极矣。然非炉多铸广之故，由于明季废钱得而搀和也。请照部行严禁搜取外。民间有自将废钱投纳者，则比杂铜给价再量增些须，使民乐于投纳，又或增铸改铸，或于背加更清字，使微薄旧钱较然有别，乐投则废钱自除，有别则搀和自绝，而画一矣。随而斟酌损益，凡非巨镇繁省人稀用鲜之地，利无所生，炉铸则为罢减。如湖广、江宁、临清、蓟、密、宣、大等处，兵马云集，日费数拾万钱，钱粮浩繁，为之增炉广铸，令其缓急有济。夫是而天下晓然，一代之制，决不与时为变迁，行之以自然，既无壅滞之虞，顺而通之，利已臻于无穷。所云隆国宝而裕国用者，有不在是哉。臣生长辽沈，以邑吏蒙恩拔置台员，自知謏劣庸才，无补于万一，但一得之见，亦惟圣主所不弃，如果可采，伏乞教部议覆施行。等因。顺

治玖年伍月貳拾捌日題，貳拾玖日奉聖旨，戶部議奏。欽此欽遵。抄出到部。送司。奉此。相應覆，案呈到部。

該臣等看得，御史石應泰疏請增爐廣鑄，雖生財之急著。查臣部于去年拾月內題有鑄錢虧本查疏，酌定寶泉局與江南省各設爐壹百座，其各省于布政司各設查局，每處設爐多不過伍拾座，其臨清、薊、密、宣府、陽和、鄆、襄、荊州、常德、南贛等處，悉行停止，意謂可無壅塞之虞矣。乃爐座既減，而錢價愈賤，此皆廢錢摻和行使之故也。合再請敕下五城并各省御史，嚴行禁革，如有奸民仍前摻和行使者，即嚴拿究治。至于增爐改鑄，背加清字。查鑄錢式樣，自元年迄今通行已久，改鑄難以允從，相應照常鑄造，以清錢法可也。

既經該司案呈前來，相應覆請，恭候命下，臣部轉行遵奉施行。臣等未敢擅便，謹題請旨。

批紅，依議。

## 18 車克題以明錢二當制錢一于市上流通之意不可行事本

順治九年十月十七日

戶部尚書臣車克等謹題，為廢錢愈禁愈多，法紀愈傷愈弛，敬陳一得之見，仰祈聖裁事。

廣西清吏司案呈，奉本部送戶科抄出福建道試監察御史委應奎題前事內開，照得鼓鑄一節，雖曰一代之通寶，實則生財之大道，我朝新制每錢百文代銀壹錢，故明廢錢概行禁止，違者犯人枷責，地方官參處，業經戶部題准，奉旨依議。刊刻告示，曉諭遐邇，不啻三令而五申矣。誰知申飭壹月之後，其摻雜如故也。每百之中，有摻叁肆拾文不等者，遠不具論，都城鞞轂之下，天威咫尺之地，公然行使，毫無顧忌，豈真不畏王法哉。只因愚頑之人，見利而忘害耳。市井之徒，將民間廢錢作銅收買，插和制錢之內，以壹廢錢當壹制錢，是以廢錢日見其多，錢數日見其增，錢本日見其虧，弁髦國法莫

此为甚，禁之不止，诛之不胜诛。以臣愚见，合无请旨再飭凡市上行使，每废钱貳文，当制钱壹文，一切买卖诸色人等，务要恪遵，彼卖钱之家，既不获废钱之利，恐反受废钱之害，则废钱自然收斂，而制钱自然腾贵矣。仍请敕下五城御史，严檄该管司坊官，不时稽察卖钱之家，有再违禁者，许诸人出首，除见钱尽数入官，即赏首告之人，仍照部议枷责游示。如司坊官怠玩猫鼠同乳，失于觉察者，听该城御史题参重处，信赏必罚，朝廷之大权，且法行自近。若不著实力行法纪，任其废弛，类而推之，天下之大，四海之远，皆视奉旨之事为虚文耳，宁止一钱法乎，又谁肯秉成宪而凛王章哉。臣系旧人，新列台班，有言责之官也。地方利弊皆得直言之，如果逾言可采，伏乞圣鉴，敕部建议施行。等因。顺治玖年玖月拾叁日题，本月拾肆日奉圣旨：该部知道。钦此钦遵。抄出到部。奉批。司查议送司。奉此。案呈到部。

该臣等者得钱法之壅滞，全由于废钱之混行。臣部屡经请旨严禁在案，今台臣娄应奎见市上行使搀杂如故，疏请以废钱貳文作制钱壹文行使。但明季废钱岂可并行，相应再行严飭五城御史司坊各官，多方缉拿搀杂铺户及行使之人，遵照前旨究治，务在杜其搀和之弊可也。

既经该司案呈前来，相应覆请，恭候命下，臣部转行遵奉施行。臣等未敢擅便，谨题请旨。

批红：是。

### 19 马国柱题报捌年江宁鼓铸获息事本

顺治九年六月十六日

钦命总督江南江西等处地方军务兼理粮饷·太子少保·兵部尚书兼都察院右都御史臣马国柱谨题，为恭报江宁敕铸获息以佐军需事。

窃照江苏省向设宝源、开通、广铸叁局厂，开炉鼓铸生息助饷，原隶江南总督，粮储钱法户部侍郎奉敕专理。顺治捌年叁月内，户部侍郎奉裁，事归督抚，臣驻江宁，就近综核。捌年肆月内，准户部侍郎马鸣颯咨会，开准督理京省钱法右侍郎任济咨，颁新式样钱伍拾文，转送到臣，随发江宁府管铸同知温启知照式铸造。据该同知呈称，江宁旧铸制钱，每文原重壹钱贰分，今颁新式每文计重壹钱贰分伍厘，每文加铜伍厘，每壹千文计该加铜伍两，每局贰百炉，每铸共该铸钱贰千捌拾万文，共该加铜陆千伍百斤。臣查钱既颁有新式，自应照式铸造，所需铜料，岂容短少，行令照数加铜鼓铸去后。今照顺治捌年分壹岁已终，所有江宁铸过制钱，用本获息各数目，相应照例清查具奏。

行据管铸同知温自知开报前来，计宝源、开通、广铸叁局厂，各设贰百炉，自顺治捌年肆月开炉鼓铸起，至岁终止，每局厂铸完叁铸，共计玖铸，通共铸出制钱壹万玖千捌百壹拾叁万叁千壹百肆拾柒文，每钱壹千文作银壹两，通共值银壹拾玖万捌千壹百叁拾叁两壹钱肆分柒厘。内除采买铜料炭罐并给匠役工食，共算用过本银壹拾贰万陆千叁拾两肆分，实获息银柒万贰千壹百叁两壹钱柒厘。臣将本息数目逐铸稽查明白，铸出制钱，即令解交布政司库搭放兵饷俸薪工食等项支用，并听各府州县具领，搭放扣还钱本发买铜料接济鼓铸，环转生息，以裕军需。兹值岁终，臣谨将局厂逐铸用过铜料炭罐炉匠工食并铸出制钱获过铸息各数目，清查明白，分别总撤循例造册，恭呈御览。

再照顺治捌年拾壹月内，臣准户部咨，为铸钱亏本酌议减铸，并禁旧钱事内开，题奉谕旨，每省布政司各开壹局，其余尽行停止。又据江南布政司呈，奉户部照会内开，江南原设炉陆百座，今议裁伍百座。等因。申报到臣。臣查鼓铸所需铜料，例必须给本银，远出采买，其去冬减炉文到之日，叁局厂办铜银两已先领訖，如即减

铸，臣恐发过钱粮未便销算，是以捌年岁杪，仍催参局厂照旧铸完。自今玖年为始，即照减定炉座开铸。

理合一并题明，恭候圣鉴，敕部查照核销施行。缘系恭报江宁鼓铸获息以佐军需事理。未敢擅便，为此具本，专差官董亮资捧，谨题请旨。

批红：著察核。户部知道。册并发。这本失写计开册一本，著饬行

## 20 车克题未报鼓铸钱息各省事本

顺治十年三月初二日

户部尚书臣车克等谨题，为查明京省钱息，以资兵饷，兼摘未报钱息各省，仰祈圣鉴严加申饬，厘定奏缴之规事。

广东清吏司案呈，奉本部送户科抄出该福建巡抚张学圣题前事内称，据福建布政使司呈，本年玖月初五日，奉臣牌行准户部咨该本部题覆前事内称，该臣等看得各省鼓铸钱息，自应按季报部，年终汇报，以凭查核奏缴。今捌年分，浙江止报到秋冬贰季，福建止报到春夏秋叁季。及钱法侍郎赵继鼎题后，陕西省郧襄贰府续已报到。惟江南一省，全未开报，其获息之多寡，并作何支销，凭何稽察，玩延殊甚，应敕下各该督抚确查旧例，将每年获过钱息查核奏缴。其经管钱局各官，因何怠玩不报，分别参处可也。既经该司案呈前来，相应覆请恭候命下，臣部转行遵奉施行。等因。顺治玖年陆月貳拾叁日题，本日奉圣旨：是。钦此钦遵。抄出到部。送司。呈部。咨院。烦为查照。本部覆奉圣旨内事理，钦遵施行。等因。准此备牌行司。遵照咨文奉圣旨内事理，即将每年获过鼓铸钱息，分别年分四季各银若干，共银若干，备造清册限叁日内具详奏缴。其经管钱局各官怠玩不报缘由，一并声说，以凭会疏施行。等因。奉此。

该本司右参政管左布政使事佟国器查得，部疏内开，福建止报

捌年春夏秋叁季，更冬季未报。案查捌年冬季分鼓铸本息册，于玖年正月贰拾肆日经本司右布政使周亮工，行据署督铸同知韩大缙备造本息四柱清册，缴司覆核，呈缴本抚院转缴。续于贰月拾壹日奉本抚院宪牌发回原册贰本，行司细加查确，改造详报。等因。奉此。

随准周右布政使咨移前因依行间，又为遵旨奏销事。玖年贰月贰拾壹日承准督理京省钱法本部右侍郎赵继鼎照会，照得本部先于顺治捌年拾贰月初拾日行文各督铸衙门，并管铸官，自捌年正月起到年终止，备将鼓铸本息分别管收，除在清册，星夜差人送部，以凭覆查明白具题去后。迄今匝月未见报到，时届春初，难以再迟，为此照会行司，即将该局捌年秋季下半季并冬季分鼓铸各项数目，速造清册报部，以凭题覆等因。承此。该本司各行督铸厅，逐一确查明白，攒造捌年秋季下半季及冬季分本息，分别肆柱清册共壹本，于玖年肆月内呈详本抚院咨部去后。更玖年春夏贰季，本息册亦经奉本抚院宪票行取造报，遵于本年捌月内具由各造呈缴外，前此各季本息文册，节经署福州府督铸同知文王辅及督铸事推官季芷与署福州府督铸同知韩大缙就业造报。今奉部文确查旧例，每年获过鼓铸钱息查核奏缴。今遵自陆年冬季第一铸起，至今玖年夏季第贰拾铸止，共获钱息银叁万肆千陆百贰拾壹两捌钱伍分玖厘柒毫伍丝，内除拨还原借浙钱为铸本银壹万两外，实共钱息银贰万肆千陆百贰拾壹两捌钱伍分玖厘柒毫伍丝，照依年次季分总攒数目备造清册，见在其经管铸局各官，俱各逐季遵依造册呈报，不敢怠悞，祇缘玖年春季以来，闽铜罄竭，采买维难，以致春夏两季只完两铸，已经通详三院具题案候外，合就并行声说回报等因。到臣。

该臣看得鼓铸一事，闽省遵行在顺治陆年玖月拾玖日开炉，自该年冬季起，至捌年冬季止，每季两铸，共玖季，计壹拾捌铸，每铸本息并工料等项，俱经布政司按季造册，臣即具咨移缴督理钱法部臣查核，并无怠玩不报。惟捌年分冬季册，布政司于玖年正月内造

到，其中数目弗确，臣行改造，而该司贰月内又承准钱法部臣取造捌年秋季下半季并冬季分鼓铸各项数目清册，该司遵照部文，备将捌年秋季下半季并冬季分分别肆柱，共造清册壹本到臣。臣于伍月内已经咨缴外。更玖年春、夏贰季应肆铸，为因铜非闽产，采买维艰，是以两季只完两铸，臣目击其由，于本年柒月内曾经会疏具题候旨在案。其玖年春夏两季本息数目，据布政司造到清册见在，另咨缴部，今部臣赵继鼎题称，福建捌年冬季钱息未经报部，部覆行臣确查旧例，将每季获过钱息查核奏缴。臣行布政司自陆年冬季开炉第壹铸起，至玖年夏季第贰拾铸止，共获钱息银内，除壹万两按还原借浙饷为铸本之数，实在共钱息银贰万肆千陆百贰拾壹两捌钱伍分玖厘柒毫伍丝，造册前来。至于经管钱局各官，未有怠玩不报之情，仰祈圣明原宥。除布政司清册备咨送部外，臣谨会同按臣王应元合疏具题，伏乞敕下该部查核施行。等因。顺治玖年拾月拾伍日题，拾年正月拾贰日奉圣旨：著察核。户部知道。钦此钦遵。抄出到部。送司。奉此。相应议覆案呈到部。

该臣等查得福建省因捌年冬季铸息玖年陆月内尚未报部，是以臣部汇疏题催并查怠玩不报缘由，奉有谕旨转行钦遵去后。今抚臣张学圣疏称，自陆年冬季起，至玖年夏季止，共获钱息叁万肆千陆百贰拾壹两捌钱零，其捌年冬季铸息，因该布政司造报数目未确，复行改造，原无怠玩之情，既经该抚查明具题前来，似应免议。仍敕该抚转行该布政司，嗣后按季造报，以凭查核者也。

既经该司案呈前来，相应覆请，恭候命下，臣部转行遵奉施行。臣等未敢擅便，谨题请旨。

## 21 车克照严行钱法事宜本

顺治十年四月十五日

户部尚书臣车克等谨题，为请旨再行严敕，以疏钱法，以裕国

用事。

窃照钱价，每拾文作银壹分，并禁革私铸插和废钱，及州县存留钱粮俱收制钱，复增旧停炉座事宜，俱经臣部先后具题奉旨，通行申飭在案。今在官收放，俱照拾文作银壹分定制，而民间仍不遵行，将制钱多折及插和废钱使用，其弊由于私铸甚多，私钱轻薄不堪，无知愚民希图价廉，换买行使，搅乱钱法。今后有私铸之家，或被人告首审实，依律分别首从拟罪，两邻不举，事发连坐。至各省镇鼓铸制钱，经管各官，加工铸造，每文定重壹钱贰分伍厘，务要轮廓圆明，字画端楷。如有铸不合式，低薄粗暗者，在内臣部工部，在外各该督抚，即行指名纠参。其所铸制钱如再有不遵拾文壹分定制，多与多索者，及明知私钱通同买卖者，插和废钱行使者，在内臣部工部，并五城御史，在外该督抚及各州县并关津官员，委人不时访拿，将犯人分别处治外。或委人拿获，或被人首告，将私钱废钱入官，制钱并货物尽给，拿首之人仍将稽查过缘由按季报部，其道府州县亦按季报督抚，以凭查考，分别劝惩。庶立法严，则人知畏，钱法通，则国用充矣。

相应题请，恭候命下，臣部转行遵奉施行。臣等未敢擅便，谨题请旨。

批红：依议行。

## 22 车克题进验新式样钱并请旨颁发事本

顺治十年九月十二日

户部尚书臣车克等谨题，为恭进样钱，请旨颁发事。

广西清吏司案呈，该臣部题覆大小九卿会议钱法一疏内，奉有务要精工如式，背面添壹厘贰字之旨，钦遵通行在案。该督理京省钱法右侍郎王弘祚，督率管理宝泉局满汉司官，遵照新式背铸壹厘贰字样钱万文，理合进验，如果合式，以便颁发各省镇照式铸造。查



在京有户、工两局，臣部经管者，钱背铸壹户字，工部工字，如江宁宁字，浙江浙字，武昌昌字，福建福字，山东东字，河南河字，陕西陕字，太原原字，阳和阳字，宣府宣字，薊镇薊字，临清临字，所以辨精粗，而分殿最也。铸造虽分省镇，使用仍令通行，自开铸以来，行之已久，然未经题明，各官必多因循玩视，伏乞天语严加申飭，务令照式精工铸造，如有违式不遵者，督抚即指名纠参，从重议处，庶经管各官，惕于功令之下，咸知尽心料理，而钱法自可疏通矣。

既经该司案呈前来，相应题请，恭候命下，臣部转行遵奉施行。臣等未敢擅便，谨题请旨。

批红：依议行。

### 23 刘弘遇题报山西拾年鼓铸息报数目事本

顺治十一年正月二十一日

钦差提督雁门等关兼巡抚山西太原等处地方·兵部右侍郎兼都察院右副都御史臣刘弘遇谨题，为晋省鼓铸息银数目岁终奏闻事。

案照先准户部咨，该前抚臣马国柱题称晋省旧设铸局，筹画铜本鼓造新钱，年终奏销等因。该本部奏奉圣旨准行。钦此。等因。移咨前来。钦遵在案。除顺治玖年分已经奏报讫。今将顺治玖年拾贰月贰拾贰日起，至拾年拾贰月贰拾柒日止，臣檄催买铜铸造去后。今据署右布政司事左布政使马光先开报，共造壹拾叁铸，除铜本价银与夫匠役工食炭料等项支用外，实获利息银壹万贰千捌百玖两贰钱伍分捌厘。又有盘出附余铜应作铸本银玖拾玖两贰钱壹分伍厘，并原铸本银柒千陆百壹拾两伍钱柒分伍厘，俱交布政司收贮矣。此虽涓滴，无济于大江，亦可少佐军需万一耳。

除将细数文册咨送户部并督饬京省钱法侍郎查考外。臣谨会同督臣佟养量合词奏闻，伏乞敕下该部查顺施行。缘系晋省鼓铸

息银数目岁终奏闻事理，臣等未敢擅便，为此具本，专差承差姜蕙勋赍捧，谨题请旨。

批红：该部知道。

## 24 车克题查明停减炉座铸本钱息事本

顺治十一年正月二十六日

户部尚书臣车克等谨题，为咨明停减炉座铸本钱息事。

广西清吏司案呈，奉本部送准督理京省钱法本部右侍郎王弘祚咨前事内开，案查京省各局钱息，自顺治元年起，至玖年止，有经本部奏销者，亦有经前任钱法侍郎赵继鼎，及本职奏销者。今户科给事中周体观题为厘弊当清其源等事查疏，奉有已经停止诸炉，多未奏结清销，亦著察核具奏之旨。除钱法已经本部会同大小九卿会议具题奉旨遵行外，复将停减炉座一切铸本钱息，备稽原案并行各省镇确查明白，逐一开列咨会拟合移咨，为此合咨本部，烦为查照，后开各数覆核奏结施行。等因到部。送司。案呈到部。

该臣等查得在京及各省镇节年鼓铸钱息例，俱按年奏销，其中停减诸炉存剩铸本等项，或充饷，或存库，俱经各省镇报明在案。今奉有察核具奏之旨，臣部通行严查覆核，与前奏销钱息报部铸本等案无异，相应逐款开列奏明，其存剩铸本除充饷外。今因复炉仍充铸本，以后应照例按年奏销者也。

为此具题，恭候命下，臣部遵奉施行。谨题请旨。

计开

顺治捌年拾月内减炉。

宝泉局：

顺治元年伍月开铸，至貳年伍月止，用库贮铜铅铜器共叁百貳拾叁万叁千拾斤拾两，旧钱壹百陆拾壹万柒千柒百捌拾玖文。自貳年伍月以后，用部买及各关州县买解铜斤，共貳千壹百拾叁万壹千

肆百叁拾叁斤零，各价不等，共价银壹百伍拾叁万捌千柒拾柒两叁钱零，铸出本息，俱解天财库并后库，支放八旗月饷及官员公费。元年起至柒年终止，获息壹百壹万贰千陆百柒拾壹两玖钱零。捌年捌月内臣部奏销讫。捌年拾月内减炉伍拾陆座，止留壹百座，至本年终止，获息捌万玖千贰百捌拾陆两捌钱零。玖年肆月内，前任钱法侍郎臣赵继鼎奏销讫。玖年分获息捌万叁千陆百陆拾柒两捌钱零，拾年貳月内前任钱法侍郎臣赵继鼎奏销讫。

#### 江南钱局：

顺治叁年陆月开铸，用库贮红铜废钱等项并铸本银壹万肆千壹百玖拾壹两柒钱，铸出制钱搭放兵饷并官员俸薪。叁年起至柒年终止，获息玖拾叁万捌百柒两陆钱零。捌年捌月内臣部奏销讫。捌年分获息柒万贰千壹百叁两壹钱零。拾年伍月内，钱法侍郎臣王弘祚补奏讫。玖年分减炉伍百座，止留壹百座，获息贰万叁千玖百捌拾贰两叁钱零。拾年伍月内钱法侍郎臣王弘祚奏销讫。顺治捌年拾月内停炉。

#### 临清钱局：

顺治贰年伍月开铸，用旧遗铜铅共拾伍万伍千叁百柒拾捌斤为铸本，贰年起至柒年终止，获息伍万伍千柒百伍两捌钱零。捌年捌月内臣部奏销讫。捌年拾月停炉，止获息壹万叁千捌百叁拾贰两伍钱零。玖年肆月内前任钱法侍郎臣赵继鼎奏销讫。据员外郎高来凤呈称，节年息银除搭放兵饷外，陆续动支买办铜铅，共存伍拾柒万肆千玖百玖拾叁斤零，存贮制钱叁百贰拾玖万陆千捌百玖拾捌文，银叁千玖百陆拾两，见存在局以充铸本。

#### 密镇钱局：

顺治贰年伍月开铸，用旧遗铜铅及部拨银两共铸本陆千柒百伍拾贰两叁钱零，铸出制钱搭放兵饷。贰年铸起至柒年拾壹月移铸蓟州止，获息壹万玖千肆百玖拾柒两陆钱零。捌年捌月内臣部

奏销讫。柒年拾貳月起至捌年拾月停炉止，获息貳千肆拾貳两陆钱零，玖年肆月内前任钱法侍郎臣赵继鼎奏销讫。据饷司杨宗岱呈称，前项本银见存在局，以充铸本。

#### 薊镇钱局：

顺治柒年拾貳月开铸，借动饷银貳万叁千肆拾伍两叁钱零为铸本，铸出制钱搭放兵饷。柒年拾貳月起至捌年拾月停炉止，获息壹千玖百玖拾壹两肆钱零。玖年肆月内，前任钱法侍郎臣赵继鼎奏销讫。据饷司杨宗岱呈称，前银俱办买铜斤，见存在局，以充铸本。

#### 阳和钱局：

顺治柒年貳月开铸部拨铸本银貳万两铸出制钱搭放兵饷柒年貳月起至本年终止，获息伍千陆百壹拾貳两捌钱零。捌年捌月内臣部奏销讫。捌年拾月停炉，止获息捌千捌拾叁两捌钱零。玖年肆月内前任钱法侍郎臣赵继鼎奏销讫。据饷司刘国钦呈称，前项本银见存在局，以充铸本。

#### 宣府钱局：

顺治元年拾壹月开铸，用旧遗红铜旧钱及部拨银两共铸本壹万玖千柒百貳拾貳两壹钱零，铸出制钱搭放兵饷。元年起至柒年终止，获息柒万貳千壹百两叁钱零。捌年捌月内臣部奏销讫。捌年拾月停炉，止获息陆千玖百肆拾伍两柒钱零。玖年肆月内，前任钱法侍郎臣赵继鼎奏销讫。据饷司郭熙呈称，前项本银见存在局，以充铸本。

#### 鄜襄钱局：

顺治伍年拾月开铸，鄜抚赵兆麟自行设处铸本，铸出制钱搭放兵饷。伍年拾月起至陆年拾壹月止，获息壹万壹千肆百伍拾叁两。捌年捌月内臣部奏销讫。柒年貳月内，鄜抚赵兆麟题请停止鼓铸，部覆于江南饷银内拨给貳万两为铸本。柒年拾壹月起，至捌年拾

壹月停炉止，获息玖千玖百陆拾贰两玖钱。拾年伍月内，钱法侍郎臣王弘祚奏销讫。准原任川湖总督罗绣锦咨开，部拨铸本并钱息俱给散兵饷讫。

#### 荆州钱局：

顺治伍年肆月开铸，动荆关税银壹万两为铸本，铸出制钱搭放兵饷。伍年起至柒年陆月止，获息壹万柒百肆拾两陆钱零。捌年捌月内臣部奏销讫。柒年拾贰月起至捌年柒月内止，该关仍归工部，获息陆千捌拾两陆钱零。玖年肆月内，前任钱法侍郎臣赵继鼎奏销讫。臣部咨明，原任川湖总督罗绣锦，将铸本钱息留充该省兵饷。

#### 旧停炉座

#### 延绥钱局：

顺治叁年陆月开铸，搜括废铜并动兵饷办买，铸出制钱搭放兵饷。叁年陆月起至肆年肆月止，获息贰千陆百肆拾捌两零。捌年捌月内臣部奏销讫。肆年肆月以后，乏铜未铸。至伍年闰肆月巡抚王正志题准停铸，据饷司姬琨册开前项本息，俱放兵饷讫。

#### 大同钱局：

顺治元年拾月开铸，搜括铜斤及部拨银共叁万肆千贰百肆拾肆两零以充铸本，铸出制钱搭放兵饷，元年起至伍年陆月止，获息拾壹万捌千叁百贰拾陆两玖钱零。捌年捌月内臣部奏销讫。据饷司萧炎呈报，柒月以后铸本文卷俱被姜逆焚劫。

#### 甘肃钱局：

顺治肆年陆月开铸，部拨银壹万两以充铸本，铸出制钱搭放兵饷。肆年陆月起至本年玖月止，获息壹千陆百肆拾壹两壹钱零。捌年捌月内臣部奏销讫。准甘肃巡抚周文烨咨称，动过银陆千两收买旧钱，鼓铸本息俱放兵饷讫。鼓铸乏铜，久经停止，剩银肆千两内支給征川兵饷壹千两，余银回叛被劫。

批红：依议行。

## 25 郝杰题报拾壹年宝泉局鼓铸本息事本

顺治十二年正月二十五日

督理京省钱法户部右侍郎臣郝杰谨题，为年终奏报事。

照得臣钦奉敕谕，每年终将鼓铸事宜，备细造册具奏钦遵在案。今查顺治拾壹年分，理应奏缴，行据宝泉局满汉监督司官暖我、刘廷献将前任钱法侍郎臣王弘祚任内，正月起到伍月终止，及臣自陆月初查日奉命督理钱法起，至本年终止，一应收过铜斤，铸过制钱，获过利息，备细造册到臣。该臣覆加查核无异。看得宝泉局铸钱拾壹年陆月以前，系前任钱法侍郎臣王弘祚督理，计伍个月，铸过制钱玖千零拾壹万贰千文，值银玖万壹百拾贰两，除铜本银伍万壹千捌百捌拾伍两，炉匠工料钱壹千捌百叁拾陆万文，值银壹万捌千叁百陆拾两，获息壹万玖千捌百陆拾柒两。

臣自陆月初查日接管受事起，至本年终止，计柒个月，铸过制钱壹万伍千柒百陆拾玖万陆千文，值银壹拾伍万柒千陆百玖拾陆两，除铜本银玖万肆百捌拾两，炉匠工料钱叁千叁百叁拾叁万文，值银叁万叁千叁百叁拾两，获息叁万叁千捌百捌拾陆两。拾壹年分获息伍万叁千柒百伍拾叁两。又串绳补轻钱伍拾叁万贰千壹百肆拾文，值银伍百叁拾贰两壹钱肆分，应入息银之内，共获息银伍万肆千贰百捌拾伍两壹钱肆分。本息钱已解天财库、部库充餉，共壹万捌千捌百零肆万玖千玖百玖拾文，尚存局库钱捌百陆拾万壹百伍拾文。查拾壹年拾壹月内奉旨清查局匠，停炉壹月，兼以拾壹月拾陆日奉旨，每铸铜百斤加增工料钱肆百文，用是利息不无少油耳。既经满汉监督造册前来，理合详开管收除在清数，具本题知。

计开

宝泉局，

旧管

顺治拾年拾贰月终止，存库每斤柒分钱，铜伍拾肆万伍千叁百拾壹斤拾肆两柒钱柒分陆厘伍毫，值银叁万捌千壹百柒拾壹两捌钱叁分肆厘陆毫肆丝柒忽壹微捌纤。存库每斤陆分伍厘钱，铜捌拾肆万陆千叁百肆拾肆斤陆两柒钱，值银伍万伍千壹拾贰两叁钱捌分柒厘贰毫壹丝捌忽柒微伍纤。存库每斤陆分钱，铜贰万壹千贰拾柒斤，值银壹千贰百陆拾壹两陆钱贰分。存库每斤伍分伍厘钱，铜壹千斤，值银伍拾伍两。存库铁铜壹千柒百玖拾肆斤柒两，不计价值。以上存库钱铜、铁铜共壹百肆拾壹万伍千肆百柒拾柒斤拾贰两肆钱柒分陆厘伍毫，除铁铜不计价值外，各价不等，计共值银玖万肆千伍百两捌钱肆分壹厘捌毫陆丝伍忽玖微叁纤。存库浙江解部样钱壹千文，制钱无。

新收

顺治拾壹年分陆分伍厘部发钱铜共贰拾万斤，值银壹万叁千两。各关解到钱铜共贰百伍拾贰万玖千陆百捌拾柒斤拾两叁钱，值银壹拾陆万肆千肆百贰拾玖两陆钱玖分陆厘捌毫肆丝叁忽柒微伍纤。各州县解到钱铜共贰拾捌万柒千壹百陆拾叁斤叁两伍钱贰分，值银壹万捌千陆百陆拾伍两陆钱玖厘叁毫。库积羨余铜捌千斤不计价值。以上收过钱铜、余铜共叁百零贰万肆千捌百伍拾斤拾叁两捌钱贰分，除余铜不计价值外，计共值银壹拾玖万陆千玖拾伍两叁钱陆厘壹毫肆丝叁忽柒微伍纤。

开除

顺治拾壹年分，鼓铸制钱共用过钱杂等铜贰百贰拾万斤，内除羨余铜不计价值外，各价不等，计共值铜本银拾肆万贰千叁百陆拾伍两内除耗铜贰拾陆万肆千斤，净铜壹百玖拾叁万陆千斤，铸成钱贰万肆千柒百捌拾万捌千文，值银贰拾肆万柒千捌百零捌两，除

给发炉匠工料钱伍千壹百陆拾玖万文，值银伍万壹千陆百玖拾两，净得饷钱壹万玖千陆百壹拾壹万捌千文，又串绳钱叁拾捌万伍千文，补轻钱壹拾肆万柒千壹百肆拾文。以上本息钱共壹万玖千陆百陆拾伍万壹百肆拾文，值银壹拾玖万陆千陆百伍拾两壹钱肆分，已解天财库、部库充饷钱壹万捌千捌百零肆万玖千玖百玖拾文，尚存局库钱捌百陆拾万壹百伍拾文，除前项铜本银拾肆万贰千叁百陆拾伍两，净获息银伍万肆千贰百捌拾伍两壹钱肆分。

实在

顺治拾壹年拾貳月终止，存库每斤柒分钱铜伍拾肆万伍千叁百拾壹斤拾肆两柒钱柒分陆厘伍毫，值银叁万捌千壹百柒拾壹两捌钱叁分肆厘陆毫肆丝柒忽壹微捌纤。存库每斤陆分伍厘钱铜、板铜壹百陆拾玖万叁千壹百玖拾伍斤零肆两伍钱贰分，值银壹拾壹万零伍拾柒两陆钱玖分叁厘叁毫陆丝贰忽伍微。存库每斤陆分钱铜贰拾柒斤，值银壹两陆钱贰分。存库铁铜壹千柒百玖拾肆斤柒两，不计价值。以上存库钱铜、板铜、铁铜共貳百贰拾肆万叁百贰拾捌斤拾两贰钱玖分陆厘伍毫，除铁铜不计价值外，计共值银壹拾肆万捌千贰百叁拾壹两壹钱肆分捌厘玖忽陆微捌纤。存库浙江解部样钱壹千文，存库未解饷钱捌百陆拾万壹百伍拾文。

批红，知道了。户部知道。

## 26 巴哈纳题江宁鼓铸获息存剩银两

去向开造不明事本

顺治十二年三月初六日

少保兼太子太保·户部尚书臣交罗巴哈纳等谨题，为恭报江宁鼓铸获息以佐军需事。

广东清吏司案呈，奉本部送户科抄出该江南总督马国柱奏前事内称，窃照江宁钱厂玖年分遵照减炉止留壹百座，清算本息已经



造报訖。续于拾年柒月内，准户部咨开，量复贰百座，共叁百座，题奉諭旨钦遵咨前来，已经转行添炉鼓铸去后。今照拾年分铸造制钱所有用本获息数目，例应奏报，臣缘海警夏末方回，履行驳催，已据前任右布政使郑廷搨册报，顺治拾年分正月起，至拾貳月终止，铸完壹百炉肆铸，叁百炉壹铸，通共铸钱柒千柒百陆万貳千伍百捌拾柒文，每钱千文值银壹两，共值银柒万柒千陆拾貳两伍钱捌分柒厘，内除买办铜铅炭罐并给炉匠工食，共算用过本银伍万壹千玖百捌拾玖两貳钱伍分，净获利息银贰万伍千柒拾叁两叁钱叁分柒厘。臣逐铸稽查，钱交布政司库，搭放兵饷俸薪工食等项支销，仍令扣还铸本银两采买铜料接济后铸，俾得环转生息，以襄国计于无穷也。臣谨分别本息各数目备造总撤清册，具疏奏报，恭候圣鉴，敕下户部查核施行。等因。照治拾壹年拾壹月拾柒日奏，拾貳年正月初拾日奉旨，著察核。户部知道。册并发。钦此钦遵。抄出到部送司。奉此。相应议覆案呈到部。

该臣等查得江南总督马国柱疏称，顺治拾年分共铸过钱柒千柒百陆万貳千伍百捌拾柒文，值银柒万柒千陆拾貳两伍钱捌分柒厘，除用过本银伍万壹千玖百捌拾玖两貳钱伍分，净获息银贰万伍千柒拾叁两叁钱叁分柒厘，搭放兵饷俸薪工食等项具题前来。查该督拾年奏销册内，止开搭放制钱貳千叁百肆拾柒万玖千玖百肆拾文，值银贰万叁千肆百柒拾玖两玖钱肆分肆厘，尚有余利息银壹千伍百玖拾叁两叁钱玖分叁厘，或作何支销，或存贮在库，册内因何不开明白，如此蒙混，甚不合理。合请敕下该督，即将前项余剩钱息并册内不开明缘由，查明报部，以请钱粮可也。

既经该司案呈前来，相应覆请恭候命下，臣部转行遵奉施行。臣等未敢值便，谨题请旨。

批红：值议行。

## 27 翁祖望題宣鎮官爐私鑄应予严究事本

順治十二年八月二十二日

巡按宣大等处監察御史臣翁祖望謹題，為官爐私鑄有據，經管覺察無聞，請敕嚴究，以肅錢法事。

竊惟私鑄之禁，從來最嚴，所以重國寶，而明壹尊也。迨來錢法日弊，留心國計者咸請嚴禁私鑄，然屢經申飭，未見肅清，固奸黨積弊之難破，亦所司奉行之未力也。臣受命巡方，職司厘剔。竊以為今日之大利大弊莫過於錢法，則臣職之宜清宜核，亦莫急于錢法。入境之初，悉心采訪，已知弊源，然猶未有實據，不敢入告。

隨于捌月拾伍日，有錢局工匠王國明鳴冤首告，臣細詢之。據供，爐頭朱燮元，私買制錢入局改造，自拾壹年玖月起至拾貳月止，查爐私鑄伍拾陸萬玖千余文，出入帳簿可証。臣閱之駭異，單騎赴局，面喚各爐匠役質訊，如出壹口。當下查驗，果有尚未改鑄制錢，堆藏在庫。復于次蚤傳集在城道臣蔡興局、推官臣方畿，仍拘各爐匠役李隆等，當堂公審。有首稱壹月私鑄拾包者，有首稱壹月私鑄拾叁包者，有首稱壹月私鑄拾肆包者，有首稱壹月私鑄拾伍包者，有首稱壹月私鑄拾陸包者，有首稱壹月私鑄拾柒包者，有首稱壹月私鑄拾捌包者，有首稱壹月私鑄拾玖包者，有首稱壹月私鑄貳拾包者。其每包之數，則壹萬陸千肆百文也。而原被告首告之朱燮元行擬在官，不待嚴訊已供認壹月實私鑄柒包矣。臣因念朝廷開設錢局，原為足國便民，乃奸黨名托官爐，實圖私鑄。問其工匠，則公家之工匠也，問其物力，則公家之物力也。以壹錢鑄壹錢未嘗增費，加厚字與宣字，便獲倍償，朋鑄朋分，上下蒙蔽。使非王國明以朱燮元之短少工價而憤然首發，或臣平日之聞見未真，臨時之摘發稍緩，又不知如何輾轉，如何蒙蔽矣。除經管員役令道臣嚴審具招另疏奏報外。至道臣蔡興周既司鼓鑄，漫無覺察，相應壹并題明敕部

议处者也。

臣因是更有请焉，钱法国脉所关，鼓铸非止宜慎壹处，伏乞天语申劝抚按诸臣，时加搜剔，务绝弊端，则炉不减，而钱法自清，钱法清，而国计攸赖矣。

事关钱法，字稍逾格，伏乞鉴宥。缘系官炉私铸有据，经管觉察无闻，请敕严究，以肃钱法事理，为此具本，专差快手杜宗亲赍，谨题请旨。

批红：据奏，用官炉铸私钱，多至五十余万，明系官役通同分肥。朱燮元并经管官，俱著该督严审追拟。蔡兴周漫无觉察，著议具奏。该部知道。

## 28 马之先题阳和钱局炉头私铸审理情形事本

顺治十二年十月三十日

钦命总督宣大山西等处军务兼理粮饷·兵部左侍郎兼都察院右副都御史臣马之先谨题，为局委朋奸私铸，发审供证已确，请祈严敕追究，并议处经管道臣，以清弊案事。

切照铸局为利弊之藪，厘剔最宜严密。故臣于谆谆申飭之外，又时加察访，果有阳和铸局委官盛应征串通局内炉头带铸私钱。先已廉得其概，正行查究，适有局匠王孝、范龙等，以少给匠役工食告发局中情弊。臣随严批大同府推官沈会霖会同知府曹振彦，行提应征等细加研审。据称，应征于顺治拾壹年拾貳月委管阳和铸局，至拾貳年正月内乘阳和道公出，及叁月以后本道又赴大同督工，应征道商串炉头胡世贞、王显明、郭大印、张应放等贰拾家，自正月起至陆月止，每月每炉除正铸贰拾包外，各那用官铜带铸私钱叁包，每包铸钱壹万肆千文，计陆个月，共私铸铜叁百陆拾包，计钱伍百零肆万文，陆续在应给工食钱内带出分肥等情。臣复亲审，供证在案。似此奸蠹通同作弊，借官炉以资私铸，数至伍百万有奇，

玩法悞公，莫此为甚，向非党发之蚤，不几以朝廷之泉府，为各蠹渔利之窟径耶？除将盛应征、胡世贞等拘禁外，合请严敕究拟，以肃法纪。至阳和道臣刘兴汉既司鼓铸，不预为之严防密察，以致应征等朋比作奸，亦难辞疏忽之咎，相应并请议处。

若夫铸局嗣后出入钱物铜斤俱应道臣身亲料理，即或一时兼顾不能，当责职官管理，不必另委局员，以兹弊窦。理合一并题明，伏乞皇上敕部施行。为此具本，谨题请旨。

批红：盛应征等著该督按严究追拟具奏。刘兴汉著议处。该部知道。

## 29 朱之弼题十二年宝泉局鼓铸获息事本

顺治十三年二月初十日

督理京省钱法户部右侍郎臣朱之弼谨题，为年终奏报事。

照得臣奉命督理钱法，每壹年终，例应备查简明数目具奏钦遵在案。今查照治拾贰年，宝泉局壹年鼓铸事宜，循例奏缴。行据宝泉局满汉监督臣爰我、杨鼎，将前任钱法侍郎臣郝杰、赵开心、周亮工、曹溶、杜笃枯任内拾贰年正月起，至拾壹月初玖日止，及臣自拾壹月初拾日莅任受事起，至拾贰月终止，一应收过铜斤，铸过制钱，获过利息，备细造册到臣，该臣覆加查核无异。

看得宝泉局铸钱，拾贰年拾壹月初玖日以前，系钱法侍郎臣郝杰等督理，计拾个月零玖日，铸过制钱贰万壹千陆百肆拾叁万柒千柒百陆拾文，值银贰拾壹万陆千肆百叁拾柒两柒钱陆分，除铜本银拾贰万陆千叁百捌拾贰两伍钱，炉匠工料钱伍千壹百柒拾捌万肆千肆百贰拾伍文，值银伍万壹千柒百捌拾肆两肆钱贰分伍厘，获息叁万捌千贰百柒拾两捌钱叁分伍厘。臣自拾壹月初拾日接管起，至拾贰月终止，计壹个月零贰拾日，铸过制钱叁千叁百柒拾玖万贰千文，值银叁万叁千柒百玖拾贰两，除铜本银贰万两，炉匠工料钱捌百

零捌万伍千文，值银捌千零捌拾伍两，获息伍千柒百零柒两。拾贰年分共获息银肆万叁千玖百柒拾柒两捌钱叁分伍厘，又串绳钱补轻钱共壹百拾肆万柒千柒百柒拾玖文，值银壹千壹百肆拾柒两柒钱柒分玖厘，应入息银之内，通共获息银肆万伍千壹百贰拾伍两陆钱壹分肆厘，本息钱并拾壹年分原存库钱捌百陆拾万壹百伍拾文，俱解天财库、部库讫。查拾壹年拾壹月内，奉旨清查局匠，因匠役衣食不敷，题准每铸铜百斤，加增工料钱肆百文。壹年共加增捌千捌百捌拾陆两。是以利息较上年不无少溢，既经满汉监督造册前来，理合详开管收除在清数，具本题知。

计开

宝泉局：

旧管

顺治拾壹年拾贰月终止，存库每斤柒分钱银伍拾肆万伍千叁百拾壹斤拾肆两柒钱柒分陆厘伍毫，值银叁万捌千壹百柒拾壹两捌钱叁分肆厘陆毫肆丝柒忽壹微捌纤。存库每斤陆分伍厘钱铜、板铜壹百陆拾玖万叁千壹百玖拾伍斤肆两伍钱贰分，值银拾壹万零伍拾柒两陆钱玖分叁厘叁毫陆丝贰忽伍微。存库每斤陆分杂铜贰拾柒斤，值银壹两陆钱贰分。存库铁铜壹千柒百玖拾肆斤柒两，不计价值。以上存库钱铜、板铜、杂铜、铁铜共贰百贰拾肆万叁百贰拾捌斤拾两贰钱玖分陆厘伍毫，除铁铜不计价值外，各价不等，计共值银拾肆万捌千贰百叁拾壹两壹钱肆分捌厘玖忽陆微捌纤。存库浙江解部样钱壹千文。存库未解饷钱捌百陆拾万壹百伍拾文。

新收

顺治拾贰年分，每斤陆分伍厘，各关解到钱铜壹百伍拾贰万壹千壹百伍拾柒斤拾伍两伍钱，值银玖万捌千捌百柒拾伍两贰钱陆分柒厘玖毫陆丝捌忽柒微伍纤。各州县解到钱铜拾陆万捌千伍百

貳拾叁斤伍两叁钱，值银壹万零玖百伍拾肆两壹分陆厘伍毫叁丝壹忽贰微伍纤。又每斤陆分杂铜叁千斤，值银壹百捌拾两。以上共收过钱杂铜壹百陆拾玖万贰千陆百捌拾壹斤肆两捌钱，各价不等，共值银拾壹万零玖两贰钱捌分肆厘伍毫。

#### 开除

顺治拾貳年分，鼓铸制钱，共用过钱杂等铜貳百貳拾貳万壹千伍百斤，各价不等，计共值铜本银拾肆万陆千叁百捌拾貳两伍钱，内除耗铜贰拾陆万陆千伍百捌拾斤，净铜壹百玖拾伍万肆千玖百贰拾斤，铸成钱貳万伍千零贰拾貳万玖千柒百陆拾文，值银贰拾伍万零贰百贰拾玖两柒钱陆分，除给发炉匠工料钱伍千玖百捌拾陆万玖千肆百贰拾伍文，值银伍万玖千捌百陆拾玖两肆钱貳分伍厘，净得饷钱壹万玖千零叁拾陆万叁百叁拾伍文，又串绳钱叁拾捌万捌千柒百陆拾貳文，补轻钱柒拾伍万玖千零拾柒文。共本息钱壹万玖千壹百伍拾万捌千壹百拾肆文，值银壹拾玖万壹千伍百捌两壹钱壹分肆厘。除前项铜本外，净获息银肆万伍千壹百贰拾伍两陆钱壹分肆厘，以上铸钱并拾壹年分存库钱捌百陆拾万壹百伍拾文，俱解天财库、部库讫。发铸陕西盐引铜板并京粮厅铸造法马铜，共伍百零肆斤，每斤陆分伍厘，值银叁拾贰两柒钱陆分。

#### 实在

顺治拾貳年拾貳月终止，存库每斤柒分钱铜拾肆万伍千叁百拾壹斤拾肆两柒钱柒分陆厘伍毫，值银壹万零壹百柒拾壹两捌钱叁分肆厘陆毫肆丝柒忽壹微捌纤。存库每斤陆分伍厘钱铜、板铜壹百伍拾陆万叁千捌百柒拾贰斤玖两叁钱貳分，值银拾万壹千陆百伍拾壹两柒钱壹分柒厘捌毫陆丝贰忽伍微。存库每斤陆分杂铜贰拾柒斤，值银壹两陆钱貳分。存库铁铜壹千柒百玖拾肆斤柒两，不计价值。以上存库钱铜、板铜、杂铜、铁铜共壹百柒拾壹万壹千零伍斤拾伍两玖分陆厘伍毫，除铁铜不计价值外，各价不等，计共

值銀拾壹萬壹千捌百貳拾伍兩壹錢柒分貳厘伍毫玖忽陸微捌纤。  
存庫浙江解部樣錢壹千文。存庫制錢無。

批紅：戶部知道。

### 30 戴明說題严查江宁鼓铸息少事本

順治十三年三月十七日

戶部尚書今候議處臣戴明說等謹題，為恭報江寧鼓鑄獲息，以佐軍需事。

廣東清吏司案呈，奉本部送戶科抄出吏科外抄，該太子太保·吏部尚書臣宗室韓岱等題前事內稱，考功清吏司案呈，奉本部送吏科抄出總督江南江西等處地方軍務兼理糧餉·兵部尚書兼都察院右副都御史今降貳級戴罪臣馬鳴璫題前事內開，順治拾貳年玖月拾玖日，准戶部咨開，廣東清吏司案呈，奉本部送戶科抄出該本部覆江南總督馬鳴璫奏前事等因。順治拾貳年柒月拾壹日奏，本月貳拾玖日奉旨：著察核。戶部知道。冊留覽。欽此欽遵。抄出到部。送司。奉此。相應議覆案呈到部。

該臣等查得江南總督馬鳴璫奏稱，拾壹年分江南布政司開爐叁百座，共鑄錢伍千貳百貳拾柒萬伍千壹百叁拾叁文，值銀伍萬貳千貳百柒拾伍兩壹錢叁分叁厘，除本叁萬柒千玖百貳拾貳兩捌錢壹分貳厘伍毫，獲息壹萬肆千叁百伍拾貳兩叁錢貳分伍毫，搭放兵餉俸薪工食等項支用。等因。具題前來。但查鼓鑄原以生息裕餉，該省拾年分开爐止壹百座，尚獲息貳萬伍千柒拾叁兩叁錢零，今拾壹年分开爐至叁百座之多，獲息反止壹萬肆千叁百伍拾貳兩，計比拾年分少息壹萬柒百貳拾壹兩零，豈得以采買銅斤不繼為詞，甚不合理。合仍請敕下該督，確查拾壹年鑄息數少是否催督不力，有無少報情弊，據實具題，奉旨：下部以凭酌議，嗣後仍要按爐鼓鑄，以資生息，務要多鑄不虧錢息可也。等因。順治拾貳年捌月貳

拾肆日題，貳拾陸日奉旨，炉多息少，有无情弊，著该督确察明白速奏。还立限去，如或怠缓，尔部参来重处。钦此钦遵。抄出到部。拟合就行。合咨烦为确察明白，定限文到之日，壹月内具疏奏明。等因。

又准督理京省钱法户部侍郎咨同前事各到臣，随经撤行江南布政司右布政确察去后。续据右布政使冯如京呈称，遵依各行管铸同知崔鹿鸣严查去后。续据该同知回称，案查前任同知温启知经管铸务，因存厂本银无几，该同知尽将在厂并附近以及远买铜料，充拾年分奏报外。其拾壹年厂无存料搜买又竭，当经详请给发本银，择差前往山东、河南等处收买，往返数千，程途经历数阅月矣。及严加催比，于伍月尽方获到厂，随经纠匠择陆月初陆日进叁百炉第壹秤铜起，陆月拾肆日收钱，歇炉拾壹日。至陆月貳拾陆日进叁百炉第貳秤铜，柒月初肆日收钱，歇炉伍日。柒月初拾日进叁百炉第叁秤铜，柒月拾玖日收钱，歇炉陆日。柒月貳拾陆日进壹百炉壹秤铜，捌月初肆日收钱，歇炉捌日。捌月拾叁日进壹百炉壹秤铜，捌月貳拾查日收钱，歇炉拾日。玖月初叁日进壹百炉壹秤铜，玖月拾壹日收钱，歇炉柒日。玖月拾玖日进壹百炉壹秤铜，玖月貳拾柒日收钱，歇炉玖日。拾月初柒日进壹百炉壹秤铜，拾月拾伍日收钱，歇炉陆日。拾月貳拾貳日进壹百炉壹秤铜，拾月叁拾日收钱，歇炉柒日。拾壹月初捌日进壹百炉壹秤铜，拾壹月拾陆日收钱。同知温启知升任杭州府，于拾壹月貳拾捌日交代，按察司照磨张焕接管署事止，歇炉拾貳日。该照磨于拾貳月初拾日进叁百炉第肆秤铜，拾貳月拾捌日收钱。至岁终贰拾玖日止，歇炉拾壹日。顺治拾壹年共铸过叁百炉，壹铸计肆秤，又壹百炉柒秤，是以壹岁之间，半歇半铸，炉虽多而铜实少，故止获息银壹万肆千叁百伍拾貳两叁钱貳分伍毫，蒙本司严催如雨，即前任同知亦未尝不竭蹶从事也。况铜料收买艰难，旋买旋铸，不能预备以致停工歇炉，并无



少报情弊。等因到司。据此。

该本司覆查得江宁铸局系前任管铸同知温启知，因拾年奏报遂将远近铜料尽数催完，获息具报外，其拾壹年分厂铸无本无料，官匠束手，当经具详发银远处采买，陆续到局，越数月始能开炉，是以一岁之间，半歇半铸，故生息短少。盖因铜多则齐铸，铜少则计铜以开铸，本司每每亲诣厂中日夜严催，呕尽心血，非敢督催不力，及再四诘查，果为本少铜远之故。此外毫无他情，相应据实回报。等因到臣。据此。

该臣看得设炉鼓铸，原期国宝流通兴利之一著也。今右布政使冯如京据管铸同知崔鹿鸣，查拾壹年铸务系升任同知温启知因采买铜料未到，至陆月鼓铸，将近半载开炉叁百座，再铸叁秤，续因铜料愈少，捌、玖、拾等月每开炉壹百座也。其开炉日期凿凿可据，管铸同知委无少报情弊，而见任右布政冯如京捌月到任，据崔鹿鸣详称，严催如雨，并无督催不力矣。及研查正月至伍月督催不力者，乃原任右布政降调郑廷樾也，买铜愈缓者升任同知温启知也。均难辞其咎矣。臣今奉旨确察，理合据实具题，伏乞皇上睿鉴敕部议覆施行。等因。顺治拾贰年拾月拾伍日题，拾壹月初贰日奉旨：吏部议奏。钦此钦遵。于拾壹月初肆日抄出到部。送司。除买铜开炉催节听户部议覆，原任鼓铸同知升杭州府知府温启知已经病故，无容再议外，案呈到部。

该臣等议得江南拾壹年分鼓铸，据该督疏称，右布政冯如京捌月到任，严催如雨，其正月至伍月督催不力者，乃原任右布政郑廷樾，难辞延缓之咎。查本官已经别案降伍级调用，相应于补官日罚俸壹年，但事在拾壹年拾壹月拾陆日恩赦以前，相应免议。理合具覆，恭候命下，臣部遵奉施行。臣等未敢擅便，谨题请旨。顺治拾贰年拾壹月贰拾玖日题，拾贰月初壹日奉旨：依议。钦此钦遵。叁月初拾日抄出到部。送司。奉此。相应议覆案呈到部。

该臣等看得鼓铸原以生息裕饷，自当预办铜斤，照炉开铸，以资生息，何江南布政司郑廷樾等，怠于采买，以致拾壹年铸息短少，今该布政司已经吏部议覆，无容再议，合仍请教下该督严督该布政司并经铸各官，嗣后务要预办铜斤，照炉鼓铸，以广铸息，如仍前怠玩，以政息少，该督即将经铸各官指名题参，以凭议处可也。相应具覆，恭候命下，臣部转行遵奉施行。臣等未敢擅便，谨题请旨。

批红：依议。严飭行。

### 31 亢得时题查河南怀庆铸局赔累里甲事本

顺治十三年四月二十九日

钦差巡抚河南等处地方·提督军务兼理河道·都察院右副都御史臣亢得时谨题，为禁加派以苏民困事。

顺治拾叁年叁月拾伍日，准户部咨河南清吏司案呈，奉本部送准河南巡抚亢得时咨报新安河夫原无私派缘由到部。奉批司察。奉此。案察吏科郭一鸮条奏，怀庆鼓铸，新安河夫，温县杂差，额外加派查疏，业经覆奉俞旨行察，除温县杂差已经该抚察明具题议覆外。其怀庆鼓铸，新安河夫加派一项，虽经咨明，本部以事关钦件，不便遽覆，相应咨回豫抚，再察明白，自行具题，以凭议覆可也。等因。案呈到部。移咨到臣。除新安河夫加派，见遵部文覆察另疏具题外。案照顺治拾贰年柒月拾玖日，准户部咨该本部覆吏科右给事中郭一鸮题前事，该臣等看得内开科臣所奏情节，应仍请教下该督抚确察。怀庆府鼓铸原有议定之额。今又何得尽派里甲赔累，详明察报，臣部据实指名参处。等因。顺治拾贰年陆月拾玖日题，贰拾壹日奉旨：依议。钦此钦遵。抄部移咨到臣。

又准督臣李荫祖咨准户部咨同前事，俱行布政司严察速报及展催去后。顺治拾贰年拾贰月贰拾陆日，据该司署司事右布政使陈培楨呈称，各蒙宪行移准分守河北道左参议张藩咨，据怀庆府推

官张元枢呈准本府陞任知府王添贵牒称，察得顺治肆年开局之始，原管局开封府同知孟家栋，原领布政司本银捌百两，以至年终解钱捌百千抵还本银讫。顺治伍年，又领布政司本银叁千贰百两，亦经解钱抵还讫。顺治陆年内，因煤炭运解不便，遂移局怀庆，孟同知随局管理。至顺治柒年拾月初壹日，交与怀庆府先在任后革职知府张道降接管，张道降至顺治捌年柒月拾柒日，又交与陞任推官汪汝祺接管，至顺治拾年伍月初壹日始，交与本府兼摄相沿交接俱系前孟同知所留。顺治伍年秋冬贰季息钱贰千玖百陆拾叁千壹百柒拾柒文，其所用铜斤原自顺治肆年柒月拾陆日开炉之初，俱蒙右布政使行文各府州县买铜，催交钱局供铸。本府与前管局各官，惟遂右布政使催到数目，收局鼓铸，每铜壹斤，遵照部定价值，随发厘钱陆拾文，近蒙先在任后休致右布政使白本质呈详，巡抚亢都御史批仰司自行招买并无短缺等因。牒覆到职，覆察无异。看得钱局遵行已久，其接管各官俱有卷案可察，至于分买价值，皆奉司文行府，以襄鼓铸，即任事之官，不得恣意，以低昂其手。卑职细阅府卷，随准府牒回称，贰千玖百陆拾余千之数，原系所留息钱以为局内诸务使用，其中并无别情，谨将分买缘由并接管职名察明具呈到道。该本道覆详，看得怀庆鼓铸原无铸本，但存息钱贰千玖百陆拾余千文，以为铸料价值及周流买铜之用。然自肆年奉文各府买铜，孟同知管局以来，数易其人，大抵俱右布政行文分买，而管局官惟收秤待铸，非管局官，即能派之各府也。本道玖属邑悉官给见银，吏为办买，一交到局，遂照额定给以厘钱，每斤陆拾文，则原本还矣，无厉民也。等因。移咨到司。又移准右司与守巡，睢陈各道回覆确察，所属并无私派铜斤累民情由。等因到司。该本司看得科参派铜壹款，移准分守河北道察明卷案，俱经管局右布政分买有数，解交有数，原未私派，既经各司道察明前来，拟合转呈。等因到臣。据此。已经遵照报部之部文，于顺治拾叁年正月初伍日，会同督臣李荫

祖，咨明户部在案。今准部咨复，严行布政司再察明白去后。于肆月拾玖日据该司呈移，准右司回咨内称，怀庆鼓铸一项，案照开归等捌府并汝州所属察无私派里甲出铜印结，先已咨送。今察无异，无容烦赘矣。相应移覆。等因到司。覆察明确，委无私派情弊，所有印结拟合转报。等因到臣。

该臣看得鼓铸之铜斤，部中原有定价，里甲之赔累，臣亦屡有严禁，怀庆买铜情节，臣严行司道确察，各称官吏买办，俱照部价，并无私派赔累情弊，臣惟恐未的取有各官印结在案，今准部文行司复察，详称无异。

既据该司呈详前来，臣谨会同督臣李荫祖相应具题，伏乞敕部议覆施行。缘系禁加派以苏民困事理，臣等未敢擅便，为此具本，专差承差刘正礼资捧，谨题请旨。

批红，户部知道。

### 32 亢得时题请足铜本运价事本

顺治十三年闰五月十三日

钦差巡抚河南等处地方·提督军务兼理河道·都察院右副都御史臣亢得时谨题，为鼓铸无铜停炉缺息，照例请足铜本运价，恳祈题发，以裕国用事。

顺治拾叁年伍月贰拾玖日，据布政司右布政使陈培桢呈前事内称，钱法奉旨专责，右布政本司日夜焦思，凡禁私铸，禁废钱，疏通钱法者，无不奉行。惟谨今急有请者，他省鼓铸俱在省城，右布政就近督理。杞县因不产煤炭，俱取之怀庆地方，运买为艰，随该前任张右布政议改设于怀庆安炉觅匠，即委知府管撮，每拾日报司察核销算。今据知府周继芳有缺铜停炉之请。盖因先年怀庆有铜，就于本府附近收买足供鼓铸，是以铜多而息不缺。迄今数年搜买已尽，势不得不取给于别府，各省俱发有铜本，惟豫省独无，止存

息钱贰千玖百余千，留作铜本，内除煤灰铜罐匠役预支饭食等项所余无几，然本钱既少，安能分发买铜，况各府相去近或叁肆百里，远或伍柒百里，载钱而去，运铜而来，盘费脚价又将奚出也。盖既无铜斤，则停炉缺额势必然矣。虽本司屡行严督，而巧妇不能为无米之炊，再四思维，计无所出。通察本局炉，共拾捌座，合计每年用铜叁拾贰万肆千斤，壹年两次买解，周流接济，应以壹拾陆万贰千斤，请发铜价，照依户部题明，每斤应给银陆分伍厘。察本省原止给价陆分。今议比例，请添伍厘，即为运铜脚价。计铜拾陆万贰千斤，共该给银壹万伍百叁拾两。除局内见存息钱作银贰千玖百陆拾叁两壹钱柒分柒厘叁毫，再讨铜本银柒千伍百陆拾陆两捌钱贰分贰厘柒毫。俟允发日，本司酌量府州县之大小，定数分发，官买解局，以供铸造。如此则铜多而利自足，庶国用军需不致亏额矣。本司职掌所关，激切陈请，伏惟具题。等因。详呈巡抚亢都御史。蒙批，铸本应动何项，仰司详议速报。蒙此。随移准左司咨称，别无可动银两。惟顺治拾年史承贴班银壹千柒百玖拾捌两，拾壹年分史承贴班银壹千捌百零陆两，再动拾壹年分春季屯息银叁千玖百陆拾贰两捌钱贰分贰厘柒毫，共合柒千伍百陆拾陆两捌钱贰分贰厘柒毫之数，似可通融，俟获息抵解。等因。准此。相应呈请具题。等因到臣。

该臣看得怀庆府设炉壹拾捌座，按炉计息岁获银捌千余而，坐拨兵饷。细算壹拾捌炉，岁该用铜叁拾贰万肆千斤，每斤价银陆分，岁该用银壹万玖千余两，而见在铜本止有息钱贰千玖百陆拾叁千零，今据藩司屢详谓怀属地方废铜废钱买办已尽，议分发各府银两官买解局，以供鼓铸。又铜本短少，不能通融，请将拾年、拾壹年史承班银与拾壹年屯息银内，暂动柒千伍百陆拾陆两捌钱零，作为铜本，俟获息之后，照数抵解。又议添运价银伍厘，共计每斤用银陆分伍厘，此皆遵照部文原估之数也。

既据该司呈详前来，臣谨会同督臣李荫祖、按臣祖永杰，相应题请，伏乞敕部议覆施行。缘系鼓铸无铜停炉缺息，照例请足铜本运价，恳祈题发，以裕国用事理，臣等未敢擅便，为此具本，专差承差汪理闻赉捧，谨题请旨：

批红，户部议奏。

### 33 孙廷铨题参侵欠鼓铸钱本事本

顺治十三年丙五月十七日

户部尚书臣孙廷铨等谨题，为特参侵欠钱本，有司速济鼓铸事。

广东清吏司案呈，奉本部送户科抄出吏科外抄，该吏部尚书臣觉罗科尔坤等题前事内称，考功清吏司案呈，奉本部送吏科抄出总督江南、江西等处地方军务兼理粮饷·兵部尚书兼都察院右副都御史今降贰级戴罪马鸣珮题前事。等因。顺治拾叁年肆月貳拾陆日题，伍月拾叁日奉旨：李正华等著分别议处具奏。该部知道。钦此钦遵。于伍月拾肆日抄出到部。送司。相应议覆案呈到部。

该臣等查得侵欠钱本一案，先经臣部议覆，凤阳府知府王曰都降叁级戴罪督催，松江府知府李正华、滁州知州杨凤岐罚俸陆个月督催，定限叁月内全完，苏州府调用知府张学曾应于补官日罚俸壹年，镇江府调用知府高来凤于补官日罚俸叁个月，未完钱本责令见任官督催。于拾叁年正月拾貳日奉有依议之旨。在案。

今据该督疏称，松江府知府李正华参后，止完银肆百貳拾叁两零，未完银肆千伍百拾伍两零，滁州知州杨凤岐参后，止完钱贰百贰拾肆两零，未完银肆千伍百拾贰两零，苏州府调用知府张学曾已经离任，止完银肆百玖拾伍两零，未完银贰万叁百叁两零，见任知府吴一位，接征镇江府调用知府高来凤尚未离任，止完银壹百陆拾壹两零，未完银贰千贰两零，凤阳府知府王曰都已经病故，未完钱

本銀拾壹万陆千陆百伍拾玖两零，行令署印同知朱永勋查催，尚未完解，今叁个月之限已滿，完解甚少，題參前來。但錢本未完與過限不完者，應照何例議處，請敕下戶部查例具奏，以便議處。理合具覆，恭候命下，臣部遵奉施行。臣等未敢擅便，謹題請旨。順治拾叁年閏伍月初叁日題，初肆日奉旨：依議。欽此欽遵。于閏伍月初玖日抄出到部。送司。奉此。相應議覆，案呈到部。

該臣等查得未完正賦、屯米、漕米、南米等項，考成參罰題有定例，業經咨會吏部在案，其拖欠錢本，與過限不完，臣部原無定例，但鑄錢搭放兵餉工食，自應即于兵餉工食項內照數扣還，錢本何以久延不完，及該督題參部覆議處，勒限督催，而完解仍復寥寥，若非嚴加議處，而未完錢本終難完結。合將見任承追錢本各官，應敕吏部查照先次處分則例議處，以儆怠玩，仍請敕下該督，即將未完錢本，務于文到叁個月內，設法追完，以濟軍需者也。

相應具覆，恭候命下，臣部轉行遵奉施行。臣等未敢擅便，謹題請旨。

批紅，是。依議行。

### 34 車克題報寶泉局拾柒年鼓鑄錢息事本

順治十八年三月初一日

少師兼太子太師·戶部尚書加壹級臣車克等謹題，為年終奏報事。

廣西清吏司案呈，奉本部送戶科抄出督理京省銀法戶部右侍郎臣嚴正矩題前事內開，照得臣奉命督理京省錢法，每查年終，例應各查鼓鑄簡明數目具奏，欽遵在案。今查順治拾柒年分，寶泉局鼓鑄，行據該局滿漢監督臣蘇照得、郭世純將前任錢法侍郎臣袁懋功、左侍郎署理錢法事臣杜篤祐任內，拾柒年正月日起至拾月拾玖日止，及臣自拾月貳拾日莅任受事起，至拾貳月終止，一應收過銅斤，

铸过制钱，获过息银，各细造册到臣，该臣覆加查核无异。看得宝泉局拾柒年拾月拾玖日以前，系侍郎臣袁懋功、杜笃祐等督理，计玖个月零拾玖日，铸过制钱壹万捌千壹百贰万捌千伍百柒拾肆文，值银壹拾捌万壹千零贰拾捌两伍钱柒分肆厘，除铜本银壹拾贰万伍千陆百玖拾壹两伍钱，炉匠工料钱肆千捌百伍拾壹万文，值银肆万捌千伍百壹拾两，获息陆千捌百贰拾柒两零柒分肆厘。臣自拾月贰拾日接管起，至拾贰月终止，计贰个月零拾日，铸过制钱伍千零贰拾捌万伍千柒百壹拾伍文，值银伍万零贰百捌拾伍两柒钱壹分伍厘，除铜本银叁万伍千两，炉匠工料钱壹千叁百肆拾柒万伍千文，值银壹万叁千肆百柒拾伍两，获息壹千捌百壹拾两零柒钱壹分伍厘。拾柒年分共获息银捌千陆百叁拾柒两柒钱捌分玖厘。又串绳钱叁拾肆万伍千文，值银叁百肆拾伍两。通共获息银捌千玖百捌拾贰两柒钱捌分玖厘，本息钱俱解部库讫。

既经该局满汉监督造册前来，理合详开管收，除在清数具本题知，计开宝泉局旧管顺治拾陆年拾贰月终止，存库钱铜、铁铜共贰百壹拾捌万玖千零肆拾斤陆两叁钱玖分陆厘伍毫，内除铁铜壹千柒百玖拾肆斤柒两不计价值外，共值银壹拾伍万叁千壹百零柒两贰钱壹分柒厘叁毫伍丝玖忽陆微捌纤柒沙伍尘。存库浙江解部样钱壹千文，存库制钱无新收。顺治拾柒年分部发钱铜陆万壹千柒百斤，每斤陆分伍厘，值银肆千零壹拾两零伍钱。各关解到钱铜壹百伍拾肆万捌千柒百柒拾玖斤拾壹两，每斤柒分，值银拾万捌千肆百壹拾肆两伍钱柒分捌厘壹毫贰丝伍忽。以上共收过钱铜壹百陆拾壹万零肆百柒拾玖斤拾壹两，各价不等，计共值银壹拾壹万贰千肆百贰拾伍两零柒分捌厘壹毫贰丝伍忽，开除顺治拾柒年分鼓铸清汉字制钱，共用过钱铜贰百叁拾万斤，各价不等，共值银拾陆万陆百玖拾壹两伍钱，内除耗铜贰拾柒万陆千斤，净铜贰百零贰万肆千斤，应铸钱贰万叁千壹百叁拾壹万肆千贰百捌拾玖文，值银贰拾叁



万壹千叁百壹拾肆两贰钱捌分玖厘，除炉匠工料钱陆千壹百玖拾捌万伍千文，值银陆万壹千玖百捌拾伍两，净得饷钱壹万陆千玖百叁拾贰万玖千贰百捌拾玖文，又串绳钱叁拾肆万伍千文，共本息钱壹万陆千玖百陆拾柒万肆千贰百捌拾玖文，值银壹拾陆万玖千陆百柒拾肆两贰钱捌分玖厘，除前项铜本银外，净获息银捌千玖百捌拾贰两柒钱捌分玖厘，实在顺治拾柒年拾贰月终止，存库钱铜壹百肆拾玖万柒千柒百贰拾伍斤拾两叁钱玖分陆厘伍毫，每斤柒分，值银壹拾万肆千捌百肆拾两零柒钱玖分伍厘肆毫捌丝肆忽陆微捌纤柒沙伍尘，存库不计价值铁铜壹千柒百玖拾肆斤柒两，存库浙江解部样钱壹千文，存库制钱无。顺治拾捌年贰月初捌日题，本月拾壹日奉旨：著察核。户部知道。钦此钦遵。于贰月拾贰日抄出到部。送司。奉此。相应议覆，案呈到部。

该臣等看得钱法侍郎臣严正矩，将顺治拾柒年分宝泉局铸过制钱本息数目奏销前来。备查发宝泉局每斤柒分，算铜贰百贰拾叁万捌千叁百斤，又每斤陆分伍厘，算铜陆万壹千柒百斤，贰项共值银壹拾陆万陆百玖拾壹两伍钱，铸出制钱贰万叁千壹百叁拾壹万肆千贰百捌拾玖文，内除发给工料钱陆千壹百玖拾捌万伍千文，净解库钱壹万陆千玖百叁拾贰万玖千贰百捌拾玖文，又解串绳钱叁拾肆万伍千文，贰项共值银壹拾陆万玖千陆百柒拾肆两贰钱捌分玖厘，内除本银壹拾陆万陆百玖拾壹两伍钱，净获息银捌千玖百捌拾贰两柒钱捌分玖厘，以上各数俱查对相符。理合具覆，恭候命下，臣部遵奉施行。臣等未敢擅便，谨题请旨。

批红：知道了。

## 顺治十七年尚衣监行文知会簿

编者按：下面公布的史料是尚衣监致司吏院的行文知会簿，原件为满汉合璧。这本档案记载着顺治十七年时，尚衣监、司吏院、尚方院、文书馆等机构的名称和职掌，以及尚衣监主要官员名称、俸禄等等，是研究内务府机构演变的新史料。

### 1 尚衣监掌印监正等官员食俸数目

顺治十七年二月二十一日

尚衣监掌印监正屯太牛录章京加贰级，食俸壹百叁拾两；

左监副艾明阿牛录章京加贰级，食俸壹百叁拾两；

右监副叶素黑随品加壹级，食俸陆拾两；

左监丞解有声伍品，食俸陆拾两；

右监丞王应聘柒品加壹级，食俸肆拾伍两。

顺治拾柒年貳月二十一日，笔帖式官保送去。

### 2 尚衣监为本监钱粮系宫内机密不便明开于册

致司吏院知会

顺治十七年二月二十二日

尚衣监为请旨事。

本年貳月貳拾叁日，文书馆抄出该尚衣监等衙门掌印监正加贰级臣屯太等题前事内开，顺治拾陆年拾貳月貳拾日，该本监奏前

事，照得拾伍年尚方院参造拾肆年册不清，本监开列机密项款具奏。奉旨：是零星数目，别与他。钦此。于此拾伍年册，依先式造送，本年又参造拾肆年册不清，本监又开列机密项款具奏。奉旨：密用数目，别与他。钦此。两次奉旨尚方院不知机密情由，常参本监司吏院，又不知机密情由，常要开送明白情由，常常如此，冒渎宸聪。因属宫内重大，照御用监例，与司吏院、尚方院会同议定，永以为例具奏。为此谨奏请旨。等因，具奏。本日承应赵守宝传御旨：是。钦此。

臣等叁衙门遵旨议得，尚衣监各项钱粮，系宫内机密之处，所用重大，实不便开明于册送尚方院、御用监。况二库钱粮，一半明开，一半不行开写，不惟不当，亦且难于销算。但尚衣监又两次机密项款开列具奏，两奉明旨，别与他。钦此。尚衣监年终将总用钱粮数目，造册进呈御览，其尚方院御用监之册，免行开送可也。臣等未敢擅便，谨题请旨。等因。顺治拾柒年貳月貳拾貳日题，本月貳拾叁日奉御旨：依议。钦此钦遵。相应移会贵院，烦为查照旨内事理施行。须至知会者。右知会司吏院。

顺治拾柒年貳月二十四日，笔帖式燕拜、书办周道隆送去，左院副界大收。

### 3 尚衣监为查无书写真楷苏拉太监事

#### 致司吏院知会

顺治十七年三月二十一日

尚衣监为知会事。

准司吏院知会前事内开，各衙门苏拉太监内有书字真楷，不拘名数，遴选送院考试补用等因到监。准此。本监查点并无书字真楷苏拉太监，相应回覆。为此合移贵院查照施行。须至知会者。右知会司吏院。

顺治拾柒年叁月二十一日，太监傅增寿送去，司吏院知事孙光裕收。

#### 4 尚衣监为考核满洲官员事致司吏核知会

顺治十七年五月初八日

尚衣监为循例考满事。

据本监左监丞解有声呈前事内开，案查顺治拾叁年柒月拾貳日，该司吏院题覆恭陈铨政第拾壹本，满汉之罚降皆同，副理之升迁独异，请定画一之法，以昭同仁之典事一疏内开，各副理事官见居三品、四品，无论院、监、司、局、馆，准以貳年无过者，或臣院议行加级，或敕下御用、内□二监，察明赏赉，以示鼓励，其有特恩超擢者，不拘此例，永为定例可也。等因。奉御旨：依议行。钦此。

又查得顺治拾陆年正月貳拾捌日，司吏院题覆考满之期限太迫，臣工之殿最难分，谨虑刍议，仰冀睿裁，以妥内庭考成之例事一疏内开：各衙门官员俱限三年考满，其各衙门副理事官向系貳年考满。然汉官既以改限，满官理应一体，则亦改为叁年，俟考满之时，仍各照前考满例可也。等因。奉御旨：依议。钦此钦遵。通行在案。

窃职于顺治拾肆年正月拾貳日题定，以壮大顶带遇副理事官缺补用。伍月初伍日补尚衣监副理事官，拾陆年拾月拾陆日题覆满汉官衔画一，改为尚衣监左监丞。今自拾肆年伍月初伍日起，至拾柒年伍月初伍日止，连闰月扣算，共计叁拾陆个月，叁年已满，并无降罚，理合循例具呈考满等情。据此，该本监看得，左监解有声任内，叁年并无降罚，与例相符，为此咨送贵院烦为察照题奉施行。须至咨者。右咨司吏院。

顺治拾柒年伍月初八日，笔帖式丁自成、书办周永盛送，司吏院左司司中马腾远收。

## 5 尚衣监为咨送役满书办事致司吏院知会

顺治十七年六月初四日

尚衣监为咨送役满书办事。

顺治拾柒年正月初肆日，准司吏院知会内开，照得各书办已经效役五年，拟合题请咨部，所有应咨应留书办姓名、服役日期，并年岁、籍贯，逐一确实详开过院，以便类题，等因到监。准此。该本监查得书办周永盛等柒名，俱已五年役满，合将应咨应留姓名开列移送。为此合咨贵院。烦为查照施行。须至咨者。

计开

应咨书办：

宋国祚年肆拾壹岁，顺天府宛平县人，顺治拾壹年拾月拾壹日进监办事；

徐 瓚年肆拾柒岁，顺天府宛平县人，顺治拾壹年拾月拾壹日进监办事；

周 宇年肆拾伍岁，顺天府宛平县人，顺治拾壹年拾壹月初肆日进监办事。

应留书办：

周永盛年陆拾岁，顺天府宛平县人，顺治拾壹年拾月拾壹日进监办事；

施嘉臣年肆拾岁，顺天府宛平县人，顺治拾壹年拾月拾壹日进监办事；

刘国禎年贰拾柒岁，顺天府宛平县人，顺治拾贰年肆月初贰日进监办事；

闾增寿年肆拾伍岁，顺天府宛平县人，顺治拾壹年拾壹月初肆日进监办事。

右咨司吏院。

顺治拾柒年陆月初四日，书办周永盛送去，录事孙光裕收。

## 6 尚衣监为翻译循例加级事致司吏院咨会

顺治十七年六月十六日

尚衣监为翻译效力日久，循例恳恩仰祈睿鉴以广皇仁事。

本年陆月拾贰日，文书馆抄出该本监掌印监正加贰级臣屯太等题前事内开，据臣监他赤哈哈番加壹级松竹稟称，窃照松竹在兵科效力伍年有余，自因内庭乏人荷蒙取用，又经贰年有余，又笔帖式哈番加壹级李尽性稟称，自顺治拾贰年贰月内，自吏部选内监办事，及今伍载有余，伏乞垂念我贰人数载之劳，照例俯赐代题等情到臣。

该臣等看得本监他赤哈哈番加壹级松竹，内外效力柒载有余，笔帖式哈番加壹级李尽性在内庭效力伍载有余。臣监因职司成造，衙门事务繁剧甚多，此贰人翻译章奏，办理一切文移，兢兢小心，晨昏罔怠，且毫无过失，斯勤劳效力年级，与加级之例相符，伏乞敕下司吏院，比例议加恩级，则将来之任事者，莫不鼓舞恩奋矣。臣等未敢擅便，谨题请旨。等因。顺治拾柒年陆月初拾日题，本月拾贰日奉御旨，司吏院知道。钦此钦遵。抄出到监。为此咨会贵院，烦为查照施行。须至咨者。右咨司吏院。

顺治拾柒年陆月十六日，书办周永盛送去，司吏院承院孙谋收。

## 7 尚衣监为本监查无善能书写太监事

致司吏院知会

顺治十七年七月初三日

尚衣监为知会事。

准司吏院知会前事内开，各衙门所有善能书写太监开送过，以

凭选应用等因到监。准此。本监查点并无善能书写太监，为此回覆贵院。察照施行。须至知会者。右知会司吏院。

顺治拾柒年柒月初三日，书办刘国禎送去白知会一本，司吏院左司中马腾远收。

## 8 尚衣监为效力一年官员请给俸禄事

### 致司吏院知会

顺治十七年九月初一日

尚衣监为效力一年已满，恳请移咨开给俸禄事。

据御用监试右监丞管尚衣监知事雷动呈前事内称，职于顺治拾陆年捌月初二日题定，以从六品服色授试职，仍食本身钱粮，俟效力一年印官咨送开给俸禄。八月二十八日以兵仗局试左局丞管尚衣监知事，顺治拾柒年四月十二日司吏院题奉御旨：改授御用监试右监丞管尚衣监知事。今自十六年八月二十八日起，扣至十七年八月二十八日止，共计十二个月。一年已满，伏乞堂台俯准，照例咨送司吏院，开给俸禄等情。据此。相应移咨贵院，烦为查照施行。须至咨者。右咨司吏院。

顺治拾柒年玖月初一日，太监王进朝送去，交与司吏院录事孙光裕收。

## 9 尚衣监为请复职掌成造官员事致司吏院知会

顺治十七年九月二十一日

尚衣监咨司吏院：

本监奏，为请旨事。

照得本监职掌成造，一应各处衣服等件，不时传造，事务甚多，因各处应差经管成造，无官不便。察得臣监原有汉官五员，内右员二员裁去，见今止有三员，此内一员有罪。但经管事务成造，无官

委实有误。伏乞交该司吏院议奏，臣等未敢擅便，谨奏请旨。顺治拾柒年玖月二十一日具绿头牌奏，本日承应金图吉传御旨：是。钦此。为此合咨贵院，烦为查照旨内事理施行。须至咨者。右咨司吏院。

顺治拾柒年玖月二十一日，他赤哈哈番李尽性送去，司吏院左司中马腾远收。



## 定南将军文移稿

### ——清代三藩问题的档案史料。

编者按：《定南将军文移稿》，是清内閣三逆方略館為編纂《平定三逆方略》而收集的檔案文稿，輯錄了定南將軍希爾根在康熙十三年十一、十二月間，進軍江西後，給耿精忠部下的勸降書。此檔冊現存於內閣檔案中。這些史料沒有收入《平定三逆方略》，解放前故宮出版的《文獻叢編》發表“清三藩史料”時也未輯入。現為研究清代三藩問題提供史料，予以公布。

#### (一)

欽命定南將軍·太子太保·內大臣希為緊急軍務事。

照得耿逆犯順，久干天誅，亡在旦夕，乃沈迷猖獗，不自省悟，敢復稱兵。今本府已于十三日親統大軍追至界山地面，斬馘略盡，猶恐遺孽潛竄近邑，貽患匪輕，為此稟仰該知縣遵照，即便前往各處探訪的確，果有此等，立刻申報，以凭發兵剿除，安集黎庶。其已征未征米谷草豆各項，亦當作速催足運解前來，以佐軍需，以充正項，毋得耽延取究(咎)未便。須稟。

康熙十三年十一月十四日，行樂安縣知縣。

#### (二)

欽命定南將軍內大臣布、平寇將軍尚書哈、霸章京桑、統領侍

郎舒、副都统席、提督总兵官赵，谕游击杨玉太知悉。

照得敕罪责功，本朝廷宽大之德，临危制变，实哲士转移之机，决择既明，生死早判。逆贼耿精忠，世受国恩，罔图报效，反与吴三桂党同叛逆，自干詔訖之诛，诚不足惜。但念汝杨玉太乃国家旧人，身守大郡，原与助恶吹尧者不同，城陷被胁，情非得已。今闻有悔罪输诚之心，正祸福转移之际，本府等体朝廷德意，安得不曲为保全，以此特行宣谕，果能改逆从顺，翻然来归，除已往不问外，仍行保奏，给以原官，必得福裔殷流，身名永泰。倘执迷不悟，则大兵出进贤者，由广信而南驻抚州者，抵界山而越飘驰霆击，所向无前。建昌孤围，破在旦夕，城下之日，玉石莫分。当与吴、耿二逆同受恶名于万世，而为智士之所非笑，慎早思之，毋贻后悔。特谕。

康熙十三年十一月十五日，招杨玉太。

### (三)

钦命定南将军内大臣希等谕原苏松道参议李来泰知悉。

照得祸福无门，惟人所召，是以明者顺时而行，愚者悖理而动，岂有身为士人不知顺逆，不顾纲常，而狂瞽感溺，恣行非义者乎！汝李来泰早擢科名，复登膺仕，受国恩不为不厚矣。哲尔家食，瓜期有时，犹当激发忠义，鼓舞人心，以为四民倡。乃贼至，竟受其迫胁，不知平日读书讲学名教之谓何。然闻汝弟言，汝身虽陷，汝心未甘，抑郁冤埋，情犹可悯。本将军等每念之，未尝不慨然叹息不置也。前十九日，大兵杀贼时，得知汝亲叔已为逆党所戕害，覆巢之下，当无完卵。凡属明哲，宁不知机。昔齐襄复九世之仇，春秋是之。汝李来泰果能去逆效顺，率眷来归，仗公义以报私憾，则远迹山泽之民，必望风景集，同发忠义，以臻治平，甚盛举也。本将军等，除已往一概不问外，仍行申奏，为补高官，则必庆；流后人，名光史册。倘沉迷不悟，甘为处堂之雀，终作入釜之鱼，必有糜烂焦馊

之惨，生蒙显诛，死作愚鬼，不亦哀乎！兹特遣汝弟连生持谕招汝，限二十六日同家属军前一齐投到，如稽延即以抗法论，后虽悔之，亦无及矣。特谕。

康熙十三年十一月二十二日，发。

#### (四)

钦命定南将军希等谕乐安县绅衿乐凤翔、游兼材、詹相廷、原益晋、黄继美等知悉。

照得士为四民之首，以其才优识卓，足以表帅一乡，而不随时颠仆者也。逆贼吴三桂、耿精忠以臣叛君，用下凌上，凡有识之士，靡不愤恨，争为请缨，岂乐邑十室之中绝无忠义？今王师赫怒，挾伐用张，三桂幸就灰钉，精忠难逃斧钺，大兵自抚州府进发，诚恐所破城邑，其中迫胁众姓，未免玉石同焚。本将军等惻然不忍，特令知县郭肇基，持谕遍行招抚，汝诸绅衿，或志在廊庙，或兴托江湖，或怀席上之珍，或负干城之寄，均为民望，见谕可即宣布德意，激劝人心，仍相率赴军前参谒，以便分给告示。事平之日，仍另加优赏，则声名施于寰宇，福泽流于子孙，倘或徘徊歧路，坐昧机宜，祸患临时，悔无及已。特谕。

康熙十三年十一月二十三日，发。

#### (五)

钦命定南将军希谕陈端、詹荣。

自吴、耿二逆叛乱，江西介在闽粤之间，遂有奸民乘机窃发，浸入内地，乃文武将吏平时引日偷安，又不严守备，以致贼势猖獗，连陷广建等府，朝廷赤子悉为贼徒，可胜叹哉。今王师赫怒，大张挾伐之威，云集抚城，共图进取，正忠臣厉节之秋，烈士报功之会，嘉尔端尔荣，忠义兼具，拳勇兼资，纠集一方，固守城邑，不为波流，不

为风靡，刚正果毅，实可褒美。顷以军兴无暇，爵赏犹后，故特遣知县郭肇基持谕宣慰，到日仍增修武备，益治城垣，茂此忠贞，共襄大举。昔李氏建业，惟昭义之兵，卫臣勤君，有繁纒之赐，古今人可相及，尔其勗诸。

康熙十三年十一月二十三日，发。

### (六)

钦命定南将军希谕叶都督并邹、李二伪官知悉。

照得法外施仁者，朝廷之德也。迷而能悟者，智士之明也。故君子不远而复，小人怀伏待终，去就之间，生死迥别，可不慎哉。逆贼耿精忠祖孙父子三世，受国厚恩，不知报效，乃与吴三桂同谋反噬，此真罪恶通天，王铁所不赏者也。其从贼诸将吏，罔知顺逆不顾纲常，趋利从便，陆梁无礼，亦当一概除之，以为人臣不忠之戒。但念我皇上浩荡鸿恩，推心置腹，前曾刊布明旨，凡逆党渠魁，有能率众来降者，概为宥免，仍给官爵，本将军等仰体斯意是用，广行宣谕，以弘向化之诚，又念汝叶都督等，兜鍪武士，兵少权轻，身被迫胁，原非得已。今果能悔罪输诚，率众就抚，即免其前责，仍补显官，兵丁编入队伍，则有泰山之安，无累卵之患。如或迁延畏顾，忘君子之复，怀小人之宁，大兵一至玉石俱焚，后虽悔之且无及矣。特谕。

康熙十三年十一月二十八日，押行。

### (七)

钦命定南将军希谕知县郭肇基知悉。

前所与乡官乐凤翔等谕贴，该县于某日曾否亲自送到，或是伊等接谕抗拒不前，自当具文申说明白，责有攸归。今来禀中全不提反，反将别事朦胧翻陈，狎玩殊甚，本当不允所请，姑念为地方起

见，再发谕一通，告示二纸。到日，仍责令诸绅作速赴军前投见，并陈端、詹荣何无回话，可一并说明，若再稽延，问罪之师，断不免矣。特谕。

康熙十三年十二月初二日，行。

### (八)

钦命定南将军希谕乐凤翔等知悉。

照得耿精忠世守藩职，忽为逆谋，忘父祖之恩，悖君臣之义，戕贼生灵，蹂躏疆土，此仁人所痛心，烈士所疾首者也。况江右素称礼义之乡，前代英俊挺出，岂今日诸绅矜等躬睹叛逆之事，有不心怀忠愤，倡为义举，建非常之绩，绍休嘉之名，以慰当事厚望乎！而孰知其资粮从贼，竟有大谬不然者，本将军秉钺专征，师次抚郡，累欲问罪于尔等，但仰体皇上好生之心，不杀为本，故特用宽典遣谕，遍行招抚，谓因垒可以降崇，舞干可以格苗，若繆士元、李来秦辈，输心向化，即受上赏矣。岂意尔等冥顽无灵，视宪章如弁髦，等王法于儿戏，建十五日犹抗拒如故，一何怙恶速祸至此极乎！不思陈端、詹荣一介武夫，犹知忠义，凡尔士类宁不愧心。今知县郭肇基，再三为尔等请命，以故复行宣谕，奚啻五申，果能悔罪，率逃散众民建归县邑输纳粮草，仍着一二人赴军前亲领告示，事平之日，福有攸归。倘或如前执迷不悟，天兵一到，百口难逃，纵复悔之且无及已。

康熙十三年十二月初二日，行。

### (九)

钦命定南将军希为军务事。

照得大兵进剿之期，所有军行孔道，为积雨崩坍，急宜平治，除临川各县已经陆续报完外，其进贤县地方亦当作速修理者也。为此票仰该知县遵照，即便多拨民夫，起自茭湖以极十里亭，务将坑

塹处垫平，狭隘处增阔，限五日内赴军前告竣，庶车安驱，而骑成列，敢有迟延失误，定行指名参处不贷。须票。

康熙十三年十二月初十日，行知县胡鼎生。

(十)

钦命定南将军希为禁约事。

据乡官管恺稟称，身家在南乡密迩城邑，恐大兵来往，不无骚扰之虞，敢恳天恩，颁给告示禁止。为此示仰一应兵厮人等知悉，示后即不许擅至村中惊恐作践，敢有故违，定差人擒拿，以军法从事。该乡官仍激发忠义，晓劝众民，令速至城中交纳粮草，庶不负本将军拳拳致望之意。须至示者。

康熙十三年十二月十二日，给原翰林编修管恺。

又给游击杨国栋，武举人方朝鼎，文大略同，不录。

(十一)

钦命定南将军希等谕都督黄镐知悉。

照得击叛锄奸惟严首恶，推心置腹必有无辜。尔黄镐虽系投诚，颇有卓识，前三月间，闻杨富曾着人相招，尔坚辞不赴，即此一段，忠贞已足暴白于人间矣。无何杨富反形毕彰，即身伏斧钺愚夫不察，妄致惊骇，于时鸟兽散者，实繁有类，于尔镐独何尤哉，不思薰莸本不同性，善恶岂可例观，若吉安陈平仗义杀贼，已徵不次之恩，南昌黄元驥任事微劳，旋膺方面之寄。尔镐本无他意，去后亦未尝以一矢相加，又何必以形迹之间为介介也。今王师将届省会，饬治战舰以靖湖氛，雷霆所摧无不糜灭，念尔等虽有抒诚之心，若无归命之路，倘概行诛戮，深为可悯，本将军体皇上德意，是用宣慰，以期保全。谕到，可速率部下赴军前投降，除已往勿有所问外，仍行申奏为补皇富，则必恩流九族，福并二人。倘或首鼠两端，机

宜坐失，天兵一到，京观难逃，勉思良言毋贻伊感。特谕。

康熙十三年十二月十八日，交抚州府知府王永茂发行。

## 附 一

附与伪都督蔡明书。内院命作。

前锋参领达尔罕，白日在海东颇辱知遇之雅，岂意一旦顿成参商。仆感往日交情，特遣纪纲，陈说利害，谓足下智士，必能见机而行。今反加残杀，丈夫举动，何其不广大耶？仆窃意足下始终狂惑，甘心就死不悟者，只倚吴三桂为声势耳。不知恃远交者必败，忽强敌者先亡。矧三桂以臣畔君，于名为不顺，举数州罢敌之众，当天朝百万铁骑，于势为不侔。今金戈一挥，云飞电扫，巴蜀既以鲸奔荆岳，遂尔蚁溃，进讨长沙，则贼帅旦夕授首，是三桂自蹶不遑，尚能远庇他人乎？足下力竭计穷，只得遁归闽岭，天陷之区，声援阻绝，我兵三路并进，立见覆亡，虽欲倚丸泥为封关奇策不可得已。夫怙恶不悛，王法之所必戮，临危制交，哲士贵乎知机。昔郑许以肉袒全国，韩彭以悖逆亡身，书之史册，足下岂不厌闻？今果能翻然觉悟，弃暗投明，则必安于泰山，荣如华袞，富贵可获，宗族可全，事在一反掌间，足下胡憚而不行之，如谓此身为易明所挟制，弗克自由，何不以忠言相告勉，不听则斩其首来降，以邀非常之赏，亦豪杰快举也。仆备员藩封甚见信任！诚不忍足下之危，愿以百口相保，故敢尽吐肝膈于阶前，惟足下裁之。生死祸福，在兹一时，万勿待垂危之日，方致悔听言不早，兼使仆有负兹良友之叹。尔罕顿首。五月初八日。

## 附 二

一 康熙十三年十一月初五日，顾大成、韩珂、周鸿楣同领到中书纪原领兵部马伍匹，内老白马壹匹，因久患流鼻，于十四年正月

初二日倒毙，随禀明内院老爷，将耳尾交付抚州府临川县收贮存案。又青马壹匹，系南昌换过的马，亦患流鼻，于十四年正月二十二日倒毙，随禀明内院老爷，将耳尾割交临川县收贮存案。

康熙十四年四月初八日，抚州府临川县，补送前倒毙部马贰匹，一青骡马，一枣留驹马（同杨老爷脱档青善马一齐送来）。

康熙十四年五月初一日，至建昌府初九日蒙内院老爷面谕，将前马五匹，尽交南城县，取有收领讫。（收领付后）。

南城县知县姚瀚收到内院随征办事韩珂、顾大成、周鸿翎所交（一黄善、一虎刺善、一赤善、一枣留善、一青骡）马伍匹，先于五月内交着。鞍伍付，帐房壹架（有杆子无钉板）。铜锅壹口。所收是实。

康熙十四年拾月二十二日收帖。



## 有关阿睦尔撒纳的档案史料

编者按：这里发表的是从军机处录副中逸出的定边右副将军兆惠追剿阿睦尔撒纳的奏折一件和在满文月折档中查出的四封满译沙俄官员至阿睦尔撒纳的信件，现译成汉文予以公布。

### 1 兆惠奏追剿阿睦尔撒纳情形折

乾隆二十二年五月初三日

臣兆惠谨奏，为奏闻事。

四月十四日夜間，臣至托多克地方，將馬匹暫為休息，欲于十五日起程。據參贊大臣富德移咨內稱，四月十一日巴圖魯侍衛奇徹布等，在庫爾喀拉烏索地方，詢據被獲之噶爾藏多爾濟部下人稱，阿睦爾撒納曾帶領眾鄂托克之厄魯特兵四千名，來至吉爾哈朗、卜爾哈齊一帶地方，于初九日將扎那噶爾布游牧搶擄，此際不知何往，等語。我等隨即帶兵約千名連夜追趕，欲于天明時一齊奮擊擒拿。因潛行至卜爾哈齊地方奇徹布、達理善、孟綽爾圖、努三等尋賊住宿之處，已于夜間遷移。訊據拿獲生口告稱，昨日阿睦爾撒納帶兵往搶噶爾藏多爾濟游牧時，因聞哨探人回報稱，曾有索倫兵不知几千，已將噶爾藏多爾濟游牧搶奪之信，遂將所搶牛羊馬駝等物先行遺發，当晚但留下兵眾意图邀截，伊已于夜半遁去，等語。我等隨即陸續編成隊伍，就中挑選精兵三百名，令奇徹布、達理善、孟綽爾圖、努三等前往追趕，并囑伊等但將要賊阿睦爾撒納擒獲，余

皆易办，此去若能截伊去路则擒拿甚易，谆谕遣往外。我同爱隆阿、鄂博锡、罗卜藏多尔济、顺德讷四人尾随前进。追至古尔图喀拉乌素地方，追及贼人。我所遣前队与贼殿后兵千余人攻击之间，我兵后队随至，一同剿杀，遣夺取长枪鸟枪等器械数百件，牛羊万余只。阿睦尔撒纳在兵前行走，不敢回顾，带伊所抢马驼，先已败走。我等陆续追至明安塔雅克郭壁内之噶顺地方。贼众约有百名，弃其疲乏马驼，改乘所抢马驼，四散奔逃。因此奇彻布、达理善、孟绰尔图、努三等不知贼阿睦尔撒纳在何队内，每人各带兵约有十名，四向分追。而努三所追贼队内，有一宰桑被委署闲散章京禅布赶上射倒擒获，询问系鄂必特宰桑讷墨岸。问及阿睦尔撒纳所在，据称实不知何往，等语。讷墨岸因伤重殒命，其所穿盔甲鸟枪令素所稔之厄鲁特认识，知是讷墨岸无疑。其分路往追之奇彻布、达理善、孟绰尔图、努三等所乘马匹，因一日两夜奔驰四百里，实在疲乏不堪，正当夤夜不得踪迹之间，我带领十数人赶到。询问所获生口等，据与阿睦尔撒纳自哈萨克逃出之厄鲁特额尔德什告称，去年大兵进哈萨克时，阿布赖与阿睦尔撒纳反目，欲将阿睦尔撒纳擒献以图安宁，而阿睦尔撒纳逃至巴彦乌兰处过冬后，于今岁三月间窃取哈萨克马匹，构约塔本积赛之达什车楞、乌尔古尔济齐巴罕、鄂必特之讷墨岸、克勒特之巴郎哈丹、阿巴噶斯之德木齐等兵三千余名，与喇嘛等商谋，欲将噶尔藏多尔济、扎那噶尔布等游牧及各部落尽行抢掠，以便进伊犁坐床。至于大兵之来，杳然不知，然亦别无栖息之处。或因塔本积赛之喇嘛，俱在博罗塔拉居住种地，大约阿睦尔撒纳往喇嘛处去，等语。询问余所获之生口，供亦相似。是以带领奇彻布等由靖河去之踪迹追寻，而官兵之马匹俱已疲乏，连我仅有六十五人，于十二日夜半始到靖河地方。至次日各寻踪瞭看，业已渡过靖河，于西边会合，向博罗塔拉去讷。及擒获生口询问，又据称，昨日在郭壁内漫散，夜间于此处会合，分两路而去，但不知或往博

罗塔拉，抑或往阿尔滩特布什前去。等语。

嗣后，爱隆阿、鄂博什顺德纳、罗卜藏多尔济等带兵约有百名到来，马匹亦俱疲乏，就其中择尚堪用者，拨给兵丁一百名，交与奇彻布、达理善、努三等即刻起程去讫。又查得我等本队兵丁俱系由济尔吗奈乌鲁木齐等处搜山，不使逆贼知觉，擒拿生口，在马那斯地方会合，更换所骑之马而行。自初六日无分昼夜牧放马匹，且日夜行走两三站，将扎哈沁之游牧收取，于是闻得扎那噶尔布游牧甫向伊犁迁移。初九日在马那斯地方，马匹虽乏，犹昼夜奔驰；至十一日申时，奇彻布等在库尔喀拉乌素地方已将噶尔藏多尔济游牧收取，彼时闻得叛贼阿睦尔撒纳之信，不及牧放马匹，是晚即起程追击，而贼阿睦尔撒纳已逃走，遂由库尔喀拉乌素以至靖河追行七站，约四百余里。至十二日夜，连本身只有六十五人赶到，十三日早晨，爱隆阿等带来兵约有百名，于此项疲乏马匹内择堪用者，拨给兵丁百名，即遣往追拿，使奸贼无暇与众人会合，是以不便等候调取大营所留马匹，即令奇彻布、达理善、努三等于是本日起程讫。我与爱隆阿、罗卜藏多尔济、顺德纳、鄂博锡俟兵一到，即前往接济。

窃思奸贼逆天害人，罪孽已极，肆行跳梁，率同部落抢掠游牧，且欲勾通俄罗斯生事滋扰，仰仗圣主洪福，适与我兵相遇，剿杀贼党八百余名，除疲乏弃置马驼外，抢获牛羊甚多，以致贼人离散。现今奸贼恶贯满盈，并无可去之处，仰赖皇上福泽，众官兵莫不切齿痛恨。富德、爱隆阿、鄂博锡、奇彻布、达理善、顺德纳、孟绰尔图、努三等公同商酌，此次撝遇奸贼机会实不易得，伊或入于哈萨克，或归于俄罗斯，不论逃往何处，誓必追随拿获，以仰慰皇上圣怀。彼时官兵俱各奋勉，只期擒获奸贼阿睦尔撒纳，使负恩背逆之徒，终不致于漏网，其余马驼牛羊什物等项，俱无暇收取，并特派索伦营总塞沙尔泰巴图鲁扎尔善将因马乏存留之官兵带领二三百名，令其将马驼牛羊尽行收取，俟将军到来时，即行呈交，其贼人四散余

党逃入树林者，令其俱行剿洗。再多带兵丁，不但马力不足，且将军办理事务繁多，尚有贼首数人未曾拿获，若将前队行走兵二千名俱行照数派往，将军营内势力单薄，而马畜力量恐亦有不敷，请带兵一千五百名，由大营将伊等所留马匹先行赶赴，其倒毙疲乏马匹，将军处由存留兵丁马匹内办理，仍各给马三匹。

再，副都统额尔登额等原带兵四百名前往，又中途马乏，并看守抢获物件差往将军大营之兵三百余名。又击败阿睦尔撒纳收取牲畜因马乏存留之兵丁三四百名外，其余兵丁内行走拮据，仅能来到靖河地方者四百名。俟陆继来到，我等即带领找寻阿睦尔撒纳踪迹追赶，正值贼众离心之时，凡遇有游牧，暂令用计降伏，以擒逆贼，如仍有与贼相通者，一并剿捕，若遇巴雅尔哈萨克西拉亦一并办理。是以副都统额尔登额、图伦楚总管端济布等，因办理游牧存留于后，将军大营大人既少应留者，酌量应留外，其应行赶来之大人，请将所遣兵丁送来马匹一并交付，令其昼夜趲行，赶送我处，现缺粮马，甚为盼望。再，前队兵丁行李口粮，亦请传知各营，由各该部落解未等因。

又据咨称，途间由叛贼阿睦尔撒纳行李内得书一包，开看俱系托特俄罗斯之书，现今我处并无认识此字之人，令略能认识大概之人观看，据称系叛贼阿睦尔撒纳在哈萨克时，与俄罗斯来往遣使之书，将此研讯现获之生口额尔德什，据称，额尔齐斯那边那林河科尔沁地方，有五十余户乌梁海居住，系克勒萨为首，阿睦尔撒纳处有贼人锡里等二十九人同在一处。自去年十一月十二日差人前往，伊所差宰桑二人俄罗斯并未遣回，因而阿睦尔撒纳疑惑，尚未投往俄罗斯去，其意欲先来准噶尔地方，相度情形，俟可入俄罗斯之时，再行前往。且现在额尔齐斯那林果尔等处五十余户乌梁海居住种地养牲，并不知大兵前未，忽闻兵到，势必即行逃窜。其传集各鄂托克之兵尚未到来，或投喇嘛，或投集赛游牧前往博罗塔拉

聚集兵丁亦未可定，抑或于各处偷窃马匹往投俄罗斯亦未可定，大约必投俄罗斯去等语。伏思逆贼由哈萨克逃回准噶尔地方，收束余众，复欲为乱，荷蒙上天眷佑，皇上威福，突遇我师，贼乃弃其輜重，只身脱出，带领原来三十余人，乘骑掳取马驼逃窜而去。我等现在尾随追赶，若果逃往俄罗斯，我必一直前往见俄罗斯汗，擒贼而回。看来逆贼阿睦尔撒纳奸诡莫测，若知伊事不成，各部落之人闻我大兵前来，复变心不从，因而生疑逃往俄罗斯仍未可知。理应预防伊逃走之路，是以于现到三百余兵内，派出二百名，不论何人之马，拣选好者，每人各给马二匹，所有兵丁行李口粮，现未到齐，又不便久待，是以于兵丁瘦马内，每四人合给菜马一匹，副都统鄂博锡人去得，历练军务，此等地方，伊亦深知，我即派出鄂博锡、固济尔巴图鲁三等侍卫孟绰尔图将截拿逆贼之处，详悉晓谕，令其昼夜竭力由博罗塔拉往辉迈拉呼，一路防范，务必先至那林地方，将阿睦尔撒纳所留乌梁海五十余户先行掳取，收其牧畜，邀截埋伏，以绝逆贼去路，并将所获生口额尔德什作为向导，交于鄂博锡等，于十四日即行起程，我同爱隆阿、顺德纳、罗卜藏多尔济四人，所有马步官兵二百名带领前往接济奇彻布等去讫。

又，查额尔齐斯之阿克里地方与阿尔泰三车楞所居游牧相近，亦与乌梁海查达克游牧相近，将军处一面具奏，一面行文与照看车楞游牧参赞大臣唐喀禄，可否令伊带领杜尔伯特之兵，于紧要地方截防之处，伏乞酌定。再，此事紧急，如若行文，由巴里坤奈曼明安卡伦一带递送，唐喀禄可以速到。等因前来。臣随即咨覆富德内称，我带兵三百名，于四月十四日傍晚来至托多克地方，是夜正欲起程之际，大人咨到，当即开着具奏外，我等俱系仰沐皇上重恩之人，平日报效之心无由得见，今蒙上天默佑，将逆贼赏赐我等，是我等之福至矣。大人等既誓师前往，我并无可以提撕之言，惟俟捷音速至而已，但大队牧畜亦系由卡伦略地队内遵程行走到来者，昨大

人处索取兵马，我即行文参赞大臣永贵等，令副都统三格于马匹内或拣选六七百匹或一千匹派兵一二百名带领前来。十四日接到参赞大臣永贵等咨文内称，富大人队内马匹俱已疲乏，不论何队马内拣选六七百匹或一千匹派委官兵连夜赶送三大人处，令仍照前咨选兵一二百名赶来，查十二日清晨将军处令三格预备兵马，以听调遣，咨文一到，即令各队一千余名每人各出好马一匹验看，疲乏不能速行者甚多，恐其中不无好马隐匿，复亲往存留之前队各队马群内详加挑选，只得可用之马五百余匹，随派出查哈尔于爵车楞多尔济等领兵一百名，令其舒缓马力，连夜赶至将军大营，不可在途逗留，亦不可甚急，以致疲乏，于本月十三日晚间即令由魁屯起程外，又于各项兵丁内公私驮装牲畜牧群及搜山等项差使通融办理，得兵一百二十名，三格亦于十三日连夜起程，现今兵丁仅足各项差使之用，自屯多克台站那边每站所需兵丁十名，再不能通融等语。是以将本身带来兵三百名内挑选马匹好者二百名，先行遣往，俟副都统三格到日，将伊带来兵马随即遣往。再尔队内存留马二百余匹，已派程果先行送往，今日必到，所有后边大队兵丁，于十七、十八日始能到，此应将尔等存留古尔图之前队兵丁，统行拣选，可得若干名，即量其所得之数，差往接济。又查口粮之拮据，尔等所得掇获牲畜甚多，我即将此牛羊办理作为口粮赶送，现今哈丹阿布噶斯未经收获，尚在山内，将此不可置之不问也。大人处所得信息所办事体情形，速行咨覆，以便具奏。等因。即速行文富德等外，将副总管扎尔善等收获牛一千余只内，挑选五百只，羊四千余只内，挑选二千只，骡马内可以赶送者，尽力挑选，派拨官兵解送参赞大臣富德等处。又迎咨参赞大臣永贵，令将逃入山林之贼人搜查剿杀。哈丹阿巴噶斯之游牧若尚在原处，暂行招降，等因，已经咨行外。三格亦令前往永贵处协办。

臣在此暂住，俟后来各队兵丁到齐，选力量好者，即行遣往富

德处。其哈丹阿巴噶斯等游牧办理完竣后，再找寻将军成滚扎布等前往办理。库图齐讷尔库本诺约特多合罗特等鄂托克可也。为此谨具奏闻。

乾隆二十二年五月初三日奉旨：该部知道。欽此。

## 2 沙俄官员致阿睦尔撒纳的信

### (一)

俄罗斯国枢密院议政大臣兼奥伦堡省省长伊凡·涅米耶夫、将军阿列克谢·米什捷列夫等致贵诺颜<sup>①</sup>阿睦尔撒纳书。

据闻，尔因窘迫至极，由本地脱出，现已进入我俄罗斯国所属吉尔吉斯、哈萨克地方。前来朝觐并归附我女皇之多尔赫乌特斯基、和硕乌都威等诺颜，以及乌鲁斯<sup>②</sup>、卡尔梅克<sup>③</sup>等，俱已受到安抚。即使他部被迫逃来之异教人，亦俱受我女皇恩泽裨益，此节尽人皆知。故闻尔之尊名后，为尽朋友之道，拟就此文，委派可信之头目阿布都尔·卡斯季诺夫，前往问安。

今尔意欲使我等为尔转告我女皇请恩资助，则望尔现在到达后，即相机而行。若尔果逃往哈萨克避险，则不论何日，确有机会，欲来我奥伦堡省亦可。

我委派之阿布都尔，即通尔处语言，有话请随便告知该人。为此祝安。寄信。

一七五六年八月一日

### (二)

俄罗斯国管理边界司令官兼陆军上校伏兰茨捷·嘎布里科致

① 诺颜，历史上蒙古贵族的称号。

② 乌鲁斯，指游牧部落的屯营地或即指游牧部落。

③ 卡尔梅克，外国学者称厄鲁特蒙古或其所属各部。

宰桑郭尔卓辉留下之德木齐爱西克书。

据闻，尔与亲属都已依从宰桑郭尔卓辉，且与其首领德木齐过往甚密。当与蒙古兵交战而溃散后，不仅乌梁海宰桑郭木布、郭尔卓辉、苏鲁斯等人，即特楞古特、吉尔吉斯人乌尔罕、日尔科夫等宰桑，皆率属下，来投我俄罗斯国。伊等已获安置，各得生计。上年，该降我之人，非但被尔等打死，又抢其官马牲畜。尔目睹此情却避之。现在我处之人因彼此杂居，而有所畏惧。故我特拟此文告尔，尔虽处于叛逆者中，惟恐获罪，然尔系于准噶尔部内行走，并非于我俄罗斯境内行走。

又据闻，尔人均被蒙古人剿灭，即有幸存几人，亦仍被搜寻缉拿中，不留一人，等情。今宰桑郭尔卓辉恳请我致书于尔，招尔前来，欲与尔会而，故拟此文寄送与尔。尔等之背叛能有何妨？我女皇如同父母，必以慈爱之意宽宥耳。望尔见此可靠之信后，必拟复函，交我所派之人瓦尔米斯多尔持回。我再候尔意斟酌办理。再，我委派之俄罗斯人，绝不可使尔人加害。为此签字玺印寄达。

一七五七年一月五日

### (三)

俄罗斯国管理边界司令官兼陆军上校伏兰茨捷·嘎布里科致准噶尔诺颜阿睦尔撒纳书。

今我女皇授我为管理边界司令官。今年，我到任之后，获悉尔准噶尔众均被满洲、蒙古镇压，惨遭剿杀。于是，众宰桑各率牧民，入我俄罗斯国，以求生路，来者亦均被收纳安置。今贵诺颜由吉尔吉斯、哈萨克地方，带出一百五十人，前来我俄罗斯边界附近，特派达巴送信，恳请我以旧存友好之礼回信等情。于是，我告知尔：今尔等既以大败于蒙古兵而无处栖身，来我俄罗斯乞降，我念朋友之谊，恐贵诺颜于彼处有所不便，特派人与尔所派宰桑达巴、额尔克



等公同前往迎尔等。据伊等返回禀称，尔等将自愿降于俄罗斯国一节，已修书呈我女皇。惟我女皇早已飭令我等，不仅似尔之人，即凡准噶尔宰桑，若带属下脱出前来乞降，我俄罗斯国即可接收，然尔等必先立投降书等因著我承办。尔若诚愿归属我俄罗斯国，理应先修投降书，交付所派宰桑带来，不应径行报闻我女皇陛下。尔既已如此办理，亦勿庸疑，请放心随同我所派之人前来。俟我会面后，将如何报闻我女皇，方有利于尔等之处，届时酌量商办。为此签字盖印寄信。

一七五七年一月六日

(四)

俄罗斯陆军上校伏兰茨捷·嘎布里科致准噶尔部诺颜阿睦尔撒纳书。

我前致尔之文书内，有遣派我俄罗斯人前往尔处等语。因尔又遣派达巴、额尔克等前来，我反存疑虑。因为尔呈报我女皇之文内，并未写明愿归我俄罗斯所属等语，仅口称愿降，等语。今又派人前来递文，观此来文，并无可疑之处。故此，俟我先与尔订立投降书后，再遵尔之愿办理。若就尔所派宰桑之言辞，与呈报女皇之文，不甚相符之处面观之，实难资助尔等。请四日后，或缮写一份明据送达，抑或亲自前来耳。

因我有几件事，今由此地急切起程。当我启程之后，任何人均不能与尔通信。故将尔所派宰桑等人，暂留于此，以候尔前来。为此寄信。

一七五七年一月七日

## 承德布达拉庙

编者按：本专题史料选自乾隆朝内务府“和国利档”。“和国利”是满语之汉文译音，“杂”之意也，和国利档即杂档。这些史料记载了修建布达拉庙（即普陀宗乘之庙）所耗费的银两数目，以及竣工后出现的诸如屋顶漏雨、墙垣坍塌等等问题，此外还有布达拉庙及其它庙宇的陈设情况。

### 1 福隆安等奏布达拉庙工程所需砖块由留京车协运折

乾隆三十六年

奴才福隆安、三和、英廉谨奏：

查热河布达拉庙工程所需砖块，现今由京运往，目今不时落雨，道路泞淖难行，不能尅期速至。奴才三和在工次，数日遍购小式砖块及前所办红砂石料，通盘核计，足敷添湊使用，惟计此项所买小砖以及灰石诸料，向例本应商人自行运工，但工紧限迫，商人自雇车辆不能多得，自应通融协助，俾得无悞工作。前奴才英廉在热河时，曾与明山保商明，伊有车四百五十辆，将木植运完，既分为协运别项物料之用。今木植尚未运完，此项车辆亦自未能即得。奴才福隆安会同详加筹画，京砖既转运维艰，彼处之砖石加车协运又可以敷用，应请将京砖尽此一运，不必续发其砖，到热河卸载后，即核计物料之多寡，酌留京车，令其协运，其余不用之车，俱令各自散归。所有留用之车，应给之车价，交管工大臣等乘公核定，由商人

物价内扣发，不得令猾商刻削，以致车户受累。如明山保运木车一毕，仍令其就近助运，则远道之车，即可陆续遣还，不致久羁。

再查庙工尚有需用之埧地尺七方砖等五项细泥砖块，计有六万三千六百余块，系彼处所无，前经工次大臣于月内二十七日寄信到京，令由京运往。查此五项细泥京砖，奴才三和到彼筹画通融办理，亦毋庸运往，所有运工砖块，应行酌办情节，合行核议具奏，伏候睿鉴察夺施行。为此谨奏请旨。

## 2 寄谕副都统和尔经额等布达拉庙砖料

### 以自京前往车辆就近运用

乾隆三十六年六月初一日

内务府大臣尚书公福、侍郎英，字寄副都统和、热河总管永、直隶总督杨，乾隆三十六年六月初一日奉上谕：

据三和奏，热河各处存有砖料五百余万，约计足敷布达拉庙工之用，现在雨水稍多，所有自京运砖车辆途中艰于行走，且恐缓不济用等语。因交福隆安、英廉会同三和酌议，今据奏称，热河既有存砖，自应就近运用，其自京前往车辆，应立即留住热河，以备装载，较之自京运送更为便易，著交和尔经额、永和将直隶所办运砖车辆，于到热河后，酌量应需留用若干，存于该处备用，如有余剩，仍奏明交还直隶查收，并谕杨廷璋一体遵照。至杨廷璋前奏议令经过各州县预备草料，及河干控扎木筏派员照管之处，今既停其自京运送，则沿途亦可无庸办理。将此一并传谕知之，福隆安等折并抄寄阅看。

钦此。遵旨寄信前来。

### 3 内务府奏查得镀金铜瓦工价银两事折

乾隆三十六年

查得成造镀金铜瓦，原估续估共领过工价银五万八千二百二十二两三钱，镀金叶六千九百八十七两三钱七分八厘，红铜十一万一千二百斤零。领过工价银五万八千二百二十二两零，内得余平二千三百二十八两零，除三年给发拜唐阿书算人等纸笔公费等项目俱用无存。其镀金叶六千九百八十七两三钱七分零，内得余平金二百七十九两四钱九分零，应行回缴，现在尚未交库。谨奏。

### 4 内务府奏布达拉庙工程领用银两事折

乾隆三十六年八月十一日

臣等遵旨，查得布达喇庙工程自三十一年起，至本年四月内共领内库银一百二十九万一千四百八十七两一钱七分六厘，内发过工料银一百八十八万三千二百六十三两七钱三分五厘。又本年五月起，领过热河道库银二十万两，连前用存银十万八千二百二十三两四钱四分一厘，二共银三十万八千二百二十三两四钱四分一厘，内发过工料银二十二万九千五百二两四钱三分九厘，除发净存银七万八千七百二十一两二厘，内在京库存银七万八千六百十二两七钱四分五毫，在本处工程库存银一百八两二钱六分一厘五毫。其热河道库除五月内发过银二十万两外，现存备用银四十五万六千九百两。至布达喇庙工前后领用银一百四十一万二千七百六十六两一钱零，内得余平银五万二千七百六十四两四钱零，内给发过各工程处公费饭食纸笔及进京请领钱粮盘费等项，五年共用过四万九千一百三十六两七钱四分外，现存余平银三千六百二十七两七钱零。

再三和、和尔经额应行赔修拆窑镀金瓦片需用工料银二千七

百三十九两八钱一分八厘。合并声明谨奏。

### 5 内务府奏查核布达拉庙工程用过银两折

乾隆三十七年三月二十二日

遵旨查核布达喇庙工，调取前后案件，逐一细加查对，自乾隆三十二年起，领过养心殿库银一百七十二万四千六十两零，热河道库银二十万两，古北口余剩赏恤银九千三十两零，崇文门银四百两，明山保等赔交银三千三百两，共领过银一百九十三万六千七百九十八两五分。内布达喇庙建造都罡殿亭楼台塔等项前后共用过银一百四十八万六百三十五两六钱一分零，其余银两询问该监督等，据称，尚有砍伐木植并粘修清音阁等处开挖河道挪盖民房等工，共用过银五十八万一千四百四十余两外，现存银一千三百八十六两零。臣等详细查核，各该工所领款项及用过银数，虽属相符，但砍木植及粘修清音阁开挖河道等项，并未奏明动用银两，亦属未协，惟是现在系就档册查核，而各工尚未勘收，臣此次随往热河应请俟到彼后选派委员详加查核，再行奏销。至前项热河道库银二十万两，系暂时借用，俟工程统行完竣后，再行由养心殿库内领拨归款。为此谨奏。

乾隆三十七年三月二十二日奉旨：知道了。欽此。

### 6 福隆安奏查布达拉庙工程核减银两事折

乾隆三十七年九月十五日

臣福遵旨查得布达喇庙工程核减银二万九千一百二十两六钱五分六厘，应著落商匠赔补。据该工监督等禀称，向来修理工程，所需钱粮，俱系陆续支发，工竣时，所有各项尾数，于奏销后始行找给。今各商匠应领尾数，尚未支給，等语。相应遵旨，请交三和等，将核减银两于商匠应领尾数内，按数扣留。谨奏。

乾隆三十七年九月十五日奉旨：知道了。钦此。

## 7 福隆安等奏布达拉庙工程坍塌情形折（共十五件）

乾隆四十年五至八月

(一)

奴才福隆安遵旨，前往布达拉上大紅台頂查看，原有空洞共三十六个，其南面空洞二十四个，俱已隨墻坍塌，現有東面空洞八个，西面空洞四个，北面并无空洞。即將東西兩面空洞各刨一个驗看，均系灰磚填實，微覺潮濕，并无水漬，看其情形，南面所塌之墻，似非因空洞浸水之所致。隨問得劉浩、永和、三格、薩哈練等均稱，南面現倒墻垣，實因空洞之外，俱系土筑其海墘裂縫，雨水下浸，以致土濕膨脹，墻垣坍塌，并非空洞受水之故等語。謹將原有空洞，并現在刨驗情形，繪圖貼簽，恭呈御覽。

(二)

奴才福隆安，將三和之子蘇第查亦帶往布达拉令其看視，據稱，奴才年輕，實未經辦工程，奴才之父三和，受恩深重，今布达拉如此坍塌，實在辜負皇上天恩，除應賠之項照數分賠外，仍求皇上將奴才从重治罪等語。

(三)

據劉浩稱，布达拉南面墻垣坍塌，其地脚果否堅固，實不得知。今三格、薩哈練既稱地脚堅固，又奉皇上恩旨，著于明歲聖駕巡幸之前趕辦完竣。除現經雨水并未走錯各處，毋庸奴才竭力督率重修妄行拆修外，即就現在坍塌倒壞五處，務于明年五月間告竣，斷不致貽誤。

(四)

三格供，看得南面大红台墙垣虽经坍塌，但地脚是我亲身监督看做的，想来不致走错。若给数目(日)工夫，我细心查看筹画，再行定夺。即就现在情形看，东西北三面墙垣并未沉陷，其根脚想来自必坚固。况旧日匠作人等，现俱在此，大家上紧赶办，我尽心督率，赶明年五月间可保全行告竣。

(五)

萨哈练供，看得大红台南边现在坍塌，但地脚是我一同三格亲身监造，实属坚固。况东西北三面墙垣根基并无沉陷，看此光景，地脚可保坚固，从此上紧会同三格极力尽心赶办，于明年五月间断无贻误。

(六)

南面大红墙、十三间楼、大白基、黄塔台、千佛楼后檐墙踏踩共五处应重修拆砌。都细殿海漫应筑打灰土另行铺漫，其余御座楼等二十处，均应粘补修现。至东西北三面楼房大红墙，虽毋庸拆砌重修，亦当详细粘补。其余各等处及僧房应零星粘补之处，倘有临时应行拆砌改修者，即酌量奏明办理，毋得拘泥原定情形将就了事。

(七)

大红台南面檐墙全行闪裂，东南角自跟至顶裂有七八寸，西南角裂有一二寸至四五寸不等。

四层楼南面后檐柱，亦随墙闪裂沉陷。

佛座下地面亦有沉陷。

楼顶南面海墁全行闪裂，东边沉陷一段。

都纲殿踏垛海墁俱有沉陷之处。

九间房等处墙垣券门踏垛俱有闪裂。

## (八)

奴才福隆安遵旨，会同刘浩至布达喇坍塌处所，逐一详细察看。其南面之墙现俱塌卸，内南面楼房闪歪亦甚，应行拆修，东西北三面之墙，俱有闪裂，亦应拆修，其三面楼房，间有搬走之处，只用竿直拔正，毋庸拆修。至都纲殿现属完固，惟殿内多有渗漏，地基未动，面海墁全行沉陷，大红台顶墁亦多塌陷，俱应重筑。所有渗漏及沉陷处所，并原办不妥应行拆修等处，各丈尺细数并应如何修理之处，问之刘浩，绘图粘签进呈，并询问萨哈练，从前承办之时，如何筑坚固？据称，地基甚是坚固，此乃海墁浸水所致，海墁向系一层灰土，一层素土相间打筑，所以易于渗水，致有颞裂坍塌。彼时萨哈练之意原要纯用灰土，回过大人们，未曾准行。再，前经回禄之时，墙垣未动，但为火所逼，亦不无损伤等语。浩问汝系承办之员，既知海墁不妥，告知三和等，伊等因何未经允准。据称，地（他）们说工程例海墁不准全用灰土，是不得开销的。萨哈练只得仍用素土灰土照旧例办理等语。又诘问三和现已病故，明系以设对证的话来搪塞了。据称三和虽故，三格现已奉旨叫来，尽可当面讯问，萨哈练再不敢说谎。又问如此高墙，如何不用铁锅钹住。据称，墙一现在俱有铁锅，但未经钉联楼木，当经查验墙垣俱有铁锅。

至布达喇所有坍塌各处，现令刘浩、永和清理地面，暂将席片遮护，以蔽风雨，并于地面清出之后，将所有地基根脚是否坚固，刨验酌办。据刘浩告称，现有清理地固，即须用项，应先请银二十万两应用。查热河道库存项尚有宽余，应请就近，即于道库支放，俟



工竣后，核实银数，即将工程处银两拨还归款。现今刘浩一面详细查勘，确估黄样呈览，即行购料兴修，谨奏。

### (九)

奴才福隆安遵旨，将大红台墙垣坍塌及殿座渗漏柱木闪裂应  
急行修理者，仍照昨日式样缮贴黄签呈览外。今复遵旨，将毋庸修  
理处所，详细查看得都纲殿并东西围楼暨御座楼、八方殿等处殿座  
柱木故修虽并未走错，毋庸拆卸修理，但其中稍有闪裂，微觉不合  
之处，应行酌量粘补修理者，谨缮贴红签，恭呈御览。

至各处僧房平台间有渗漏皴裂处所，统俟刘浩查办修理时，详  
加查验，逐座粘补修理。再呀嘎达噶坛并黄塔台因大红台坍塌压  
坏，今补贴黄签，合并声明，为此谨奏。

### (十)

查热河园内，因水冲刷山石泊岸桥闸等处，现在均已修整完  
竣。内除挖淤淘井等工，俱系用本地兵丁挑浚，无庸动支钱粮外，  
所有各处修补共用工料银二百八十两有零。据刘浩、永和等称，此  
等被水冲刷零星粘补，为数无几，本属分所应办，且圣驾未到之先，  
未能赶办速竣，今虽各处均已修完，已属迟悞，所有用过银两，断不  
敢动用官项，恳请据情转奏等语。为此谨奏。

乾隆四十年六月十二日奉旨：著永和一人赔修。

钦此。

### (十一)

奴才福隆安谨奏，为遵旨将此次斗母阁傍冲坏城墙一事。

询问刘浩、胡世杰。据刘浩称，告知胡世杰时，系云此次修补  
不准开销，并未有原无开销之语。而胡世杰则称，刘浩告我时，系

云此项工程原系兵丁修葺，并无开销等语。再四详问，彼此各执一说，显系胡世杰误听此次不准开销，作为原无开销回奏，此系胡世杰错误。但胡世杰奏后，传旨不必令兵丁修葺，应动官项办理。刘浩既奉此旨，知其错误，即应据实参奏，乃直至永和回时，又复含糊告知胡世杰此项工程向有开销，而于奏片内，亦并未声明，向称仍不准开销之语，显系刘浩回护错误，不行据实奏闻，殊非大臣之体。除将胡世杰请旨交总管太监议罚钱粮外，刘浩应交内务府大臣严加议处。谨奏。

乾隆四十年六月二十九日奉旨，知道了。钦此。

## （十二）

奴才福隆安遵旨，查斗母阁等处城墙向来修理开销之处，刘浩与太监胡世杰所言互异，昨已询明具奏。至现在行宫各处城墙冲坏者，奴才详悉确查，共三十四丈五尺。查此处行宫岁修项下，每年准销银一千一百余两，向为热河行宫及口外各处行宫零星修补之用。此次被冲城墙丈尺较多，不似向年数尺或丈余可比，未便亦于岁修项下支用修理。但此项坍塌城墙内，有经永和等历年零星修补之处，核计十五丈有零，其余十九丈零，俱系年久未经修补者。奴才请将永和等曾经修补之墙垣十五丈零，着落永和等即日赔修，其未经修补之墙垣十九丈零，著交工程处详细确估修理，所需工料银两，即于工程项下支领，并飭令工程处及永和等此次修理务须多用灰肋，换用大块虎皮石料，以期坚固，仍各令照例保固，以杜草率。再查此项工程其应交永和等赔修者，即令赶办速竣外，其交工程处应修之墙垣十九丈零，若照例由京派员前来估修，未免稽迟时日，刘浩现在热河，应请即交刘浩于现在热河工程处司员内，选派修理，务期即日完竣。谨奏。

乾隆四十年七月初二日奉旨，此次应赔修之城垣十五丈零，着

令永和办理，仍不免于草率，著一并交刘浩多用灰斤选换石料坚固修理，照内廷工程定例核销，其应用工料银若干，著永和赔十分之七，其余三分著落原修之员赔缴。姚良到任未久，此项工程未经办及，著免其分赔，余依议。钦此。

交热河总管工程处。

### (十三)

臣福隆安谨奏，查都纲殿四面俱有渗漏，随著匠役上顶拆瓦一片验看，约俱在铜瓦接缝处浸水渗漏，相应请旨，令原办铜瓦之员外郎连城等来至热河，会同该监督等加意修补。谨奏。

乾隆四十年七月十三日奉旨：知道了。钦此。

### (十四)

奴才福隆安遵旨，前往布达拉会同刘浩等查看得，千佛阁白台南面墙西边裂缝一道，约宽五分，长二丈五尺，阁前海漫沉陷三寸，西墙裂缝三道，约宽二分，长二丈至五丈不等，将压面石压裂，阁内东西悬山板均有裂缝。随将因何闪裂沉陷之处问据原监督萨哈练禀称，原修时，系盖造平台房座，按例筑打灰土一步，素土三步，后改建千佛阁时，原应将素土撤出，另筑灰土，彼时并未撤出素土，浮面仅打灰土三步，下七尺钉，以致沉陷闪裂，必须拆做，材料可免伤损等语。又问得刘浩、永和并新派监督等所说情形相同。奴才亲看得，此台可以上人拆卸，随交刘浩等率同监督等酌量拆卸，不致伤损材料。谨奏。

乾隆四十年八月初十日奉旨：知道了。钦此。

### (十五)

奴才福隆安谨奏，为奏闻事。

奴才遵旨前往布达拉，会同刘浩查看布达拉各座内似千佛阁用素土者尚有几处，大红台东西北三面并群楼厢内之素土，如何办理之处。据原任监督萨哈练等称，御座楼、曲尺楼、七辈喇嘛楼、八方阁、六方阁、九间房等处，均系照依原定做法建盖，并无似千佛阁者。大红台东西北三面群楼厢内，均系素土，院内海漫亦系素土，均深数丈不等。等语。刘浩、永和暨新旧监督等公同商酌，群楼厢内素土系在屋内，均有拦土，无用拆筑。其院内海漫素土既深，难保不致沉陷，今若将素土全行起出，则都罡殿及群楼无靠，难保不无走错之虞，实难保固。奴才刘浩再四筹画，院内海漫素土，必须起出，改填虎皮石，上打五步灰土方妥。但恐群楼、都罡殿陡悬，须设法用撑杆支架，分面刨挖，随用撑杆支架，可保埋头不致走错。其大红台东西北三面墙内，除北面墙无用拆砌外，东西两面南角墙，各拆砌三四丈，楼房各拆二间，以便搆做大料石地基，顶上三面海漫，原修不妥，水沟亦不好，今将顶上三固海漫全行拆去，另行加意修做，添用锡片，酌量多修水沟，则可保无虞矣。永和暨新旧监督等亦称如此做法甚好。等语。

再查御座楼院内海漫沉陷三四寸不等，均称亦须另打灰土，铺砌砖块，则可经久。等语。如此办理，所需钱粮省费之处，据刘浩暨永和新旧监督等俱称，虽添筑都罡殿、御座楼院内海漫、折修大红台顶上海漫、东西两面南角墙垣楼座等项，或赶办即缓办，所需钱粮不过英廉所估三十七万余两数内，不致出估。等语。谨此奏闻。

再查千佛阁现在闪裂沉陷情形，问及刘浩等，据称，此座原系盖造平房，是以筑打灰土一步，素土三步，地基不能坚固，即或粘补完整，亦不能经久，必须全行拆卸，照依做法建盖，方可经久坚固。等语。奴才随令刘浩等即行拆卸，看其情形酌量办理，其如何做法，及需用钱粮若干之处，统俟刘浩等得有确情，另行奏闻请旨。但此座改建时，既知素土不坚，即应改筑灰土，如法办理，其原监督等

草率完事，以致沉陷闪裂，如此应请将此座工程所用钱粮七万五千四百余两，即著落原任承修大臣三和、英廉，监督寅著三格、萨哈练等分赔，以昭惩戒。谨奏。

乾隆四十年八月十二日奉旨，知道了。钦此。

## 8 内务府奏布达拉等庙宇念经茶饭开销事折

乾隆四十年

布达喇万法归一、千佛阁等殿，供佛一百一十六尊，每岁供献香灯银一千两，内给二学念经茶饭银八十七两零，在于地方官应交香灯利钱内支給。

普宁寺大雄宝殿、东西配殿、三样楼等殿，供佛五十尊。普佑寺大方广殿、法轮殿、东西配殿、后楼等殿，供佛三十六尊。二寺每岁共供献香灯银一千两，内给四学念经茶饭银四百两。

普乐寺宗印等殿，供佛二十七尊。每岁供献香灯银一百八十两。

安远庙普度殿一座，供佛十一尊。每岁供献香灯钱一百两。

罗汉堂应真普现东西配殿、天王殿等殿，供佛十一尊。每岁供献香灯银一百两。

广东寺定慧楼、戒台等殿，供佛十一尊。每岁供献香灯银一百两。

以上六处需用香灯银两，俱由八沟税银内解交副都统库内收贮，每年四季交达喇嘛收领办理。

溥仁寺大殿、后殿等殿，供佛三十二尊。每岁供献香灯银二百六十两，在于园头应交银内解交热河总管收贮。交千总会同达喇嘛办理。

朱像寺天王殿、后楼、东西配殿等，供佛三十八尊。今拟给供献香灯银二百两。

## 9 内务府奏查普乐寺下砖窑情形折

乾隆四十年

遵旨查普乐寺下磬捶沟砖窑，系民人自行开烧，并非官窑，其烧成砖瓦，遇有钦工需用，定价买用。现在各处工程俱已完结，并不需用砖瓦，其现存砖瓦，俱系该民人自行烧出，预备发卖，为此谨奏。

## 10 福隆安奏工部收贮之引重布达拉庙不合用事折

乾隆四十年八月初六日

奴才福隆安谨奏，为奏闻事。

七月二十五日刘浩所奏，请将工部收贮钟楼交到引重一分，送至热河布达拉应用一折，奉旨：交福隆安查办。钦此。奴才随寄字英廉、阎循琦等，即将工部收贮引重查出，派内务府人员送至热河。等因去后。今据英廉告称，查明工部原贮钟楼交到引重共有七分，寿皇殿工程取用六分外，工部所存一分业经变价，现在工部并无收贮引重。其寿皇殿工程取用之六分，不知现在何处，已派司员彻底究查。等语。又据英廉带来造办处所有引重样子二个，是否用得之处，令刘浩验看。据称，此引重布达拉工程用不得。等语。查寿皇殿工程取用之六分引重，英廉现已派人清查，应俟英廉查明奏闻。为此谨奏。

乾隆四十年八月初六日具奏，奉旨：知道了。钦此。

除交英廉外，交内务府。

## 11 内务府奏都墨殿院及南面群楼填用

虎皮石工价银两折

乾隆四十年八月十二日

遵旨将南面群楼填用虎皮石，较之灰土何项坚固，囊价多寡

之处，问据刘浩等均称，虎皮石与灰土一样坚固，但筑打灰土见方一丈，高二尺五寸，不计灰斤，即用工价银三两一钱五分；填砌虎皮石，见方一丈，高二尺五寸，用工价银二两。以此估计，每用虎皮石一丈，较之用灰土一丈，少需银一两一钱五分。等语。又据刘浩称，除都盟殿院内海墁仍用虎皮石填砌外，其楼厢用虎皮石及用灰土实不放心，总不如用大料石坚固妥当。今蒙皇上施恩宽限，请仍用大料石为妥，其所需钱粮，刘浩通融办理，总不出英廉原估三十七万余两之数。等语。谨奏。

乾隆四十年八月十二日奉旨：知道了。欽此。

## 12 福隆安奏万寿山香严宗印之阁柱木朽烂情形折

乾隆四十年九月二十八日

奴才福谨奏，为请旨事。

奴才福遵旨会同英廉前往万寿山。和尔经额亦在彼处，随逐细察看，香严宗印之阁后檐柱八根，金柱六根，两山柱八根，俱属朽烂自五六尺至一丈五六尺不等。查此项柱木，原系乌喇松木，而后檐逼近山坡，历年雨水浸润，兼之柱木包砌墙内，不见风日，是以易于糟朽，其余金柱、檐柱二十六根，俱完整无故。今该管大臣等具奏，请将南面已朽檐柱、金柱、山柱俱行更换。其南面檐垣及两山墙垣之下截三面俱砌大料石泊岸，将柱顶石安置泊岸之上，以期永久完固。

今奴才与英廉等查看情形，再两筹酌，除北面金柱、檐柱二十六根既未糟朽，应毋庸更换外。至南面已糟之柱木，若俱不砌泊岸，仍照旧更换木柱，现在虽可一律完整，但后檐柱木仍包墙内，且贴近山坡，恐将来不能保无糟朽，若如该大臣等所奏，将三面尽行改砌大料石泊岸，必得拆卸山墙，毁弃画廊，亦可毋庸似此办理。奴才酌议应将南一面后檐墙请改砌石泊岸，将柱木安于泊岸之上，则

柱脚高地既远，水气自难上浸，洵可保水久坚固。至东西两山柱脚，虽同在山坡，究系旁流趋下之水，过而不留，较之檐墙情形不同，自应遵旨不必添砌泊岸，酌由墙之外面开挖柱门，更换柱木，画廊既可不动，而为力亦省，即头停亦无庸尽行卸却。

再，查楼顶横柁四架，微有弯形，询及英廉、和尔经额及官员等据称，柁身宽大，虽稍有弯形，尚无妨碍，若加更换，则仍须满拆，似可无庸轻动，应请不必更换。谨将各做法，应用钱粮数目，开单进呈，伏候皇上指示，以便交与该管大臣确估委派委员如式修理，并绘图贴说，一并恭呈御览。为此谨奏请旨。等因。

乾隆四十年九月二十八日奏，本日奉旨，应如此办理。欽此。

### 13 福隆安奏改砌香严宗印之阁后檐墙情形折

乾隆四十一年正月二十六日

奴才福隆奏，遵旨将改砌香严宗印之阁后檐墙，如何改用大料石，并檐墙背后本有砖石数层，俱未酥碱，其檐墙因何先能酥坏之处，问据英廉、刘浩、和尔经额称，后檐柱木下截均已糟朽，此系因不能见风日之故，至砖块亦间有酥碱，想来必系潮湿所致，是以商酌，将后檐砖墙改砌石料，将柱木安放上面，不但柱木不受埋砌糟朽，且石料较之砖块自属坚固，此系奴才等糊涂情想，方商酌如此办理，今蒙皇上询问指示，奴才等实无可辨，今拟将后檐柱分位用坚细城砖成砌碌墩高与墙齐，再于上安竖柱木，如此实属巩固妥协，永久坚实，至从前拟改石料之处，系奴才等办理错误，所有此项改砌工料银两，俱不敢开销。等语。谨将询问缘由理合奏闻。如蒙俞允，即交该大臣等廉此办理谨奏。等因。

于乾隆四十一年正月二十六日奉旨，知道了。城砖碌墩何能坚固，着仍用大料石成砌。欽此。



#### 14 福隆安奏砍伐英图莫多图等围场木植情形折

乾隆四十一年五月二十七日

奴才福隆安遵旨，查砍伐英图莫多图等围场木植共二十四万二千三百五十七件，各工取用木植二万三千八百八十一件，运京交厂木植六万四千四百四十二件，交商人变价木植十二万七千一百三十六件，现已抵通木植一万七千九百二十二件，现在澈河桥扎筏海运木植八千九百七十七件，澈河桥至热河七百余里，所有砍伐围场木植，俱已运完，现在并无可以截留木植。至现今遵旨添建房间无几，需用木植无多，且此地系产木处所，购办亦不甚费事。谨奏。乾隆四十一年五月二十七日具奏。奉旨：知道了。欽此。

#### 15 谕刘浩明年将布达拉庙红台上亭坡改陡削

乾隆四十一年六月十五日

乾隆四十一年六月十五日奉旨：布达拉庙红台上亭子二座，坡身太平，著交刘浩存记，俟明岁收拾铜瓦时，将亭子两层坡身俱改陡削。欽此。

此旨面交刘大人存记。交员外郎天德领去存记。

#### 16 福隆安奏查勘建盖文庙地基情形折

乾隆四十一年九月十四日

奴才福隆安谨奏，奴才遵旨前往查勘建盖文庙地基，先至热河同知衙门之西，将该督原拟地方加相度。查文庙应用地基，进深四十四丈，宽二十九丈，今该处情形约计盖至大成殿已属山坡，较街道高至六丈有余，若刨挖取平，既费工力，且在同知衙门之面，尚隔山沟一道，诚如圣谕，此处建造文庙，实未妥协。奴才当即会同刘浩前往庄亲王永璘住处查勘，其房东西共有二所，东所向系永璘自

住，西所系伊家人等住居。奴才将西所前后察看，地势既属平坦，且宽深丈尺亦敷建盖，惟西牌楼内外有碍民房二十六间应行拆去，若于此处兴工创造与市廛相接，实足以表观瞻而符体制。至将永瑞西边房屋拆去，改建文庙，伊仅存东边房屋未免窄狭，奴才复与刘浩面商，拟将拆去屋料即于东所后身代伊增葺数间，亦足敷伊家人住居，其应拆民房照例给价。谨将永瑞现有房屋应拆地基，并应拆民房地基及建盖文庙形势丈尺，绘图贴说，恭呈御览。再，泮池既无从得水，遵旨毋庸开凿，是以图内未经绘入，至此外别无可以建盖文庙之处，合并声明。谨奏。

乾隆四十一年九月十四日奉旨：依议。欽此。

已交刘大人办理。

### 17 和坤奏各庙仪仗换新所需锦缎纱绸数目折

乾隆四十一年

户部侍郎臣和等谨奏，遵旨将各庙仪仗俱各换新，并将新建须弥福寿之庙照普陀宗乘之庙仪仗添做一分，除御杖瓜枪八十六对外，其余伞扇旗幡等项共一百九十对，俱照原奏改用芳园居存贮锦缎谨折尺丈，计需用锦缎纱绸等项一千七十五匹，分晰开列数目于后。

以上六庙改做共约用，宽二尺黄锦二百匹，宽二尺红锦一百二十九匹，宽二尺绿锦一百十五匹，宽二尺青锦七十六匹，宽二尺米色锦三十四匹，宽二尺桃红锦二十二匹，宽二尺月白锦二十六匹，宽一尺六寸素黄锦十二匹，宽二尺二寸碎花红缎二匹，宽二尺碎花石青缎一匹，宽二尺碎花蓝缎十一匹，宽一尺九寸黄云缎二匹，宽一尺六寸月白绸一百六匹，宽一尺六寸鱼白绸十四匹，宽一尺五寸红绸七十七匹，宽一尺五寸黄绸六十四匹，宽一尺五寸绿绸七十六匹，宽二尺黄绫五十二匹，宽一尺八寸黄平绉三十二匹，宽一尺五寸黄纺绸六

匹，宽一尺五寸红纺绸二十二匹，宽二尺二寸黄芝麻漏地纱四匹。

总计约用，各色锦六百十匹，各色缎十六匹，各色春绸四百四十五匹，黄芝麻漏地纱四匹。等因。将此项缎锦纱绸按数摆盘，于六月初七日交总管太监桂元恭呈御览。奉旨，知道了。

布达拉庙：

石青妆缎伞一对，	白妆缎九龙伞一对，
石青妆缎九龙伞一对，	白妆缎四季花伞一对，
红妆缎瑞草伞一对，	红妆缎九龙伞一对，
黄缎九龙销金伞五对，	黄妆缎九龙曲柄伞一对，
黄妆缎九龙伞四对，	黄妆缎四季花伞一对，
罗缎龙头杆幡二对，	绣罗金节二对，
五色罗缎仪仗伞四对，	改平讼理幡一对，
红缎绣花堆尾扇二对，	红缎绣单龙扇一对，
黄缎销金龙扇三对，	蓝缎二十八宿旗十四对，
御杖四对，	立瓜五对，
卧瓜五对，	星五对，
斧五对，	豹尾枪五对。
共七十六对。	

普宁寺：

黄绫伞十对，	石青蟒缎伞二对，
黄蟒缎伞三对，	三檐蟒缎伞一对，
各色三檐伞十对，	大顶黄绫伞三对，
大顶黄彭缎伞一对，	大顶红妆缎伞一对，
大顶青妆缎伞一对，	大顶黄妆缎伞一对，
大顶黄缎伞一件，	五色筒子幡十对，
五色妆缎扁幡二对，	五色妆缎筒子幡二对，
青缎龙麈一对，	白缎龙麈一对，

黄缎龙氍一对，  
黄缎双龙扇九对，  
黄缎销金扇二对，  
立瓜四对，  
星四对，  
棍三对，  
共八十五对。

安远庙：

黄妆缎伞一对，  
红单龙扇一对，  
红双龙扇二对，  
黄龙氍一对，  
豹尾枪三对。  
共十五对。

普乐寺：

红妆缎伞一对，  
红罗缎单龙扇一对，  
黄罗缎单龙扇一对，  
黄缎金鼓旗一对，  
红缎画金黑旗一件，  
红缎画金天马旗一件，  
共十二对。

溥仁寺：

黄妆缎伞一对，  
红罗缎双龙扇一对，  
黄罗缎单龙扇一对，  
红缎门旗二对，

红缎龙氍一对，  
红缎单龙扇一对，  
青缎雉尾扇二对，  
卧瓜四对，  
斧三对，  
豹尾枪三对。

青妆缎伞一对，  
黄单龙扇二对，  
信幡二对，  
风云雷雨旗二对，

白妆缎伞一对，  
红罗缎双龙扇一对，  
三色罗缎筒子幡二对，  
红缎画金熊旗一件，  
红缎画金麟旗一件，  
豹尾枪二对。

蓝妆缎伞一对，  
红罗缎单龙扇一对，  
三色罗缎筒子幡二对，  
黄缎肃静旗一对，

豹尾枪二对。

共十二对。

### 18 福隆安奏昭庙殿庙镀金铜瓦用铜情形折

乾隆四十三年正月二十三日

臣福隆安、和坤遵旨，询据金辉称，昭庙殿座六座，所有镀金瓦片，均折厚一分，按尺寸合算，应用铜十四万零，因系镀金活计，是以照热河铜瓦之例奏明，行取洋铜应用，以节糜费。本月十四日召见时，皇上亦问及别项铜用得用不得，我已奏明，打造活计，黄铜不堪应用，该局现贮蟹壳铜用得，但系生红铜，必须入炉煎炼，伤耗甚多，已派郎中永德率领该处官员监看匠役熔化，到京时，再将实在伤耗数目具奏。

再，该局现存洋铜七万余斤，我已奏明，如打造都壁殿一座铜瓦，足敷应用，其余五庙改用琉璃瓦片等语。

查蟹壳铜每熔化百斤伤耗若干之处，现据金辉派员试看熔化，尚未据该员等稟覆。臣等详悉商酌，如蟹壳铜熔化之后，伤耗无多，则昭庙六座瓦片，自应用蟹壳铜，以省糜费。如伤耗果多，自不便仍将蟹壳铜应用，或仍照金辉面奏，止将都壁殿一座用洋铜瓦片之处，统俟熔化蟹壳铜后，查明伤耗数目，再行酌议具奏。谨奏。

乾隆四十三年正月二十三日奉旨：知道了。欽此。

### 19 福隆安奏卤簿大驾之金大八件见新应用事折

乾隆四十三年二月初二日

奴才福隆安遵奏，遵旨恭查卤簿大驾。新旧有二分，内金大八件止有一分，盛京及热河各存有卤簿大驾一分，内均无金玉二辇五辂五宝，并少旗纛伞扇等项一百四十一件，其大八件均系铜镀金。至制造金大八件一分，用金七百一十余两，核计银六千五十六两，

工料銀五十五兩，共用銀六千一百一十一兩。現在奉旨製造鹵簿大駕一分，請將現有金大八件酌量見新應用，毋庸另行製造，謹奏。

乾隆四十三年二月初二日奉旨：知道了。欽此。

## 20 福隆安奏製造鹵簿大駕所需銀兩數折

乾隆四十三年

臣福隆安、和坤遵旨，查製造鹵簿大駕一分，共用銀若干之處。查金玉二華五帑五寶，向來未經另行製造，俱系隨製造鹵簿大駕時酌量修飾見新。其製造鹵簿大駕一分，所有應用金銀綉片彩緞顏料油飾等項，價值謹詳細按料核價開列清單，恭呈御覽。謹奏。

工部承造金大八件金傘頂龍頭并鍍鑲蠶傘旗頂扇葉什件等項，共用：

頭等赤金四百四十三兩二錢（每兩銀十五兩，合價銀六千六百四十八兩）；

二等赤金一錢（合價銀一兩四錢五分五厘）；

九成色金七百五十四兩三錢（每兩銀三兩六錢，合價銀一万二千五百八十四兩四分）；

六成色金五百九十二兩六錢四分（每兩銀九兩四錢，合價銀五千五百七十八兩八錢一分六厘）；

共用各色金一千七百九十兩二錢四分，合價銀二萬二千四百七十八兩七錢五分一厘。

工部承造蠶傘頂扇葉并鍍造各項什件，共用銀六千九百七十一兩一錢五分。

織造綉傘扇旗節等項，工料銀五千五十兩四錢。

行取緞匹庫緞綾片金、紬絹、布綿、皮毛等項，合價銀八千六百六十八兩三錢七分四厘。

行取顏料庫泥金、飛金、銅錫各色顏料漆油紙張等項，合價銀

二千七百五十九两二钱八分。

行取内务府珊瑚、松石、磁磁、罗缎木等项，共价银一千八百九十三两零四分三厘。

造办处承造铜镀金八风旗顶工料，合银一百七十七两四钱四分九厘。

行取武备院弓箭、鹿角，合价银九十一两六钱二分。

工部办买一切物料，共银一千三百三十四两四钱。

工部取用杉木、毛竹、绳斤、藤竿等项，核值价银一千六百十二两。

工部发给匠夫工钱二千九百五十五串四百十九文。

以上通共合值银五万一千三十五两四钱六分六厘，钱二千九百五十五串四百十九文。

## 乾隆四十八年销毁书目

编者按：乾隆年间纂修四库全书，除内府原藏图书外，还征集了流散在民间的大量图书，据前人考证，仅一半收入全书，另一半均被销毁，这是中国文化史上的重大损失。清代姚琬元在《咫进斋丛书》中著有《清代禁毁书目》，此书目中包括《全毁书目》、《抽毁书目》、《军机处奏准全毁书目》、《军机处奏准抽毁书目》、《外省移咨应毁各种书目》、《应毁违碍书籍各种名目》，此外还辑有《补遗（一）、（二）、（三）》。近人孙殿起也辑有《清代禁书知见录》。一九五六年商务印书馆将上述禁毁书目合为一部出版，所载书目已十分详尽。

今检阅内閣档册，发现乾隆四十八年九月《检查红本处办应销书籍总档》一本，内载前后七次应销毁书籍七十六种的书名、各书著者、内容及销毁原因。较之前列禁毁书目，此红本处书目中仅十种属重复著录，加注说明。此《应销书籍总档》虽于一九二六年二月三日北京大学研究所国学门周刊第二卷第十七期上已全文刊出，但离现在时间久，一九五六年商务印书馆出版的禁毁书目中又未收入，故再次发表，供研究者参考。



## 《检查红本处办应销毁书籍总档》

乾隆四十八年九月

### 初办第一次应销毁书四种

#### 《昭代典则》<sup>①</sup>一本

系刑部尚书黄光昇辑，此册仅存第五、第六二卷，其书载明初事实，略仿纲目体例，前后俱散失无存。查此书四库馆已经销毁。

#### 《明宣宗宝训》一本

系宣德宝训。查从前明代实录宝训已经奏明销毁，此册仍应销毁。

#### 《明献皇帝宝训》三本

系明嘉靖初，命儒臣所纂恭睿帝宝训十卷。从前明代实录宝训已经奏明销毁，此册仍应销毁。

#### 《两广去思录》共二本

系明正德十一年，二粤士大夫赠总镇太监保定刘璟还南都各体诗文，上下二卷，前后有费宏邵宝序。

### 续办第二次应毁书十一种

#### 《北楼日记》<sup>②</sup>一本

未详何人所撰，语多违碍，应毁。

#### 《许少薇疏草》一本

系明兵部尚书东阳许宏纲撰，内有边情事宜，语涉违碍，应毁。

① 《昭代典则》，《清代禁书知见录》已著录。

② 《北楼日记》，《浙江省查办奏缴应毁书目》、《应缴违碍书籍各种名目》已著录。

《留省焚余》一本

系明给事中陈尧言疏稿，内有明末奏疏，语涉忌讳，应毁。

《掌铨题稿》一本

系明臣疏稿，语涉违碍，应毁。

《徐忠烈公遗集》一本

系明海盐徐从治撰，因篇首有钱谦益墓志铭，应毁。

《冯默庵诗文稿》一本

系明末冯舒撰，因有钱谦益序，应毁。

《赵芝亭疏稿》一本

系明御史赵洪范撰，因多明末奏章，语有干碍，应毁。

《抚豫奏言》三本

系明瀛海元默撰，明末奏疏，语涉违碍，应毁。

《蒋侍御疏草》二本

系明蒋允仪撰，明末奏章，语有干碍，应毁。

《泡香馆集》一本

系明末兵部尚书安陵梁廷栋撰，筹边奏议，语涉干碍，应毁。

《宣云奏疏》

系明巡按宣府御史吴允中撰，内有关涉辽东事迹，语稍违碍，应毁。

续办第三次应毁书四种

《万历三大征考》<sup>①</sup>一本

系明荅上愚公撰。按荅上愚公乃湖郡茅瑞征所述，三大征考乃倭氏倭国播州三处，惟图内显有干碍，应毁。

《东安志》一本

<sup>①</sup> 《万历三大征考》，《军机处奏准全毁书目》、《应缴违碍书籍各种名目》、《清代禁毁书目补遗（一）》、《清代禁书知见录》已著录。

系明孟际可撰。查此书内显涉忌讳，应毁。

《鱼山剩稿》二本

系明熊开元所撰奏疏杂文，共七卷。查此书多崇禎间疏议，语涉干碍，应毁。

《杨忠烈公文集》<sup>①</sup> 三本

系明杨涟所撰奏疏等文，现存三册。查此书内语涉干碍，应毁。

续办第四次应毁书共十种

《理美堂集》一本

系明末水佳允所撰散体各文语有干碍，应毁。

《闽藩拙议》一本

查此书系明黄景章所撰解粮规议，内显涉忌讳，应毁。

《张茂仁游山记》一本

系明张应武及其从子张振德所撰。应武有雁荡天台游记，振德有越游大峨山游记。查此书序内有干碍字样，应毁。

《明臣奏疏》一本

查此书武备边防诸疏，语有干碍，应毁。

《两朝从信录》<sup>②</sup> 一本

查此书系四库全书处应毁之书。

《山居草》一本

系明末陈昌言所撰古今各体诗。查此书语有干涉，应毁。

《遥掷稿》二本

系国初虞山冯武所撰古今各体诗，语多感慨，应毁。

① 《杨忠烈公文集》，《应缴违碍书籍各种名目》、《清代禁书知见录》已著录。

② 《两朝从信录》，《军机处奏准全毁书目》、《应缴违碍书籍各种名目》、《清代禁毁书目补遗（一）》、《清代禁书知见录》已著录。

《戊申笔记》一本

此书系方麓居士金坛王樵笔记，内有干犯，应毁。

《朱南冈文集》一本

系明朱廷声所撰奏疏诗稿，字句干碍，应毁。

《张惇物集》一本

系明张蒙训所撰诗文集各一卷，语有干碍，应毁。

#### 续办第五次应毁书共二十四种

《九边图说》<sup>①</sup>一本

系明兵部所进，内有忌讳，应毁。

《奉使朝鲜稿》二本

系明朱之蕃著，内有忌讳，应毁。

《马中丞奏疏》一本

系明马鸣世撰，内有忌讳，应毁。

《黄公奏稿》一本

系明黄嘉善撰，内有忌讳，应毁。

《掖垣奏议》一本

系明李世祺撰，内有忌讳，应毁。

《西台奏议》一本三卷

系明左佩玳撰，内有忌讳，应毁。

《留台奏疏》一本二种

系明李文熙撰，内有忌讳，应毁。

《西台疏草》一样二本

系明李乔仑撰，书内显有干犯，应毁。

《西台奏疏》一本

系明宋师襄撰，内有忌讳，应毁。

---

<sup>①</sup> 《九边图说》，《清代禁书知见录》已著录。

《人文纪略》一本

系明宋仪皇所著，仅存记序，内有忌讳，应毁。

《左忠毅公集》<sup>①</sup>二本

系明左光斗著，内有忌讳，应毁。

《廖恭敏稿》一本

系明廖庄所著，内有忌讳，应毁。

《图书编》<sup>②</sup>一本不全

系明章潢所编，仅存卷四十三，内有忌讳，应毁。

《明朝官制大全》一本不全

今存卷一，其例内显有干犯，应毁。

《明文翼运》一本不全

系明文逸本，仅存卷四十八，内有忌讳，应毁。

《明奏疏》一本不全

系明神宗年间奏疏，仅存卷四，显有干犯，应毁。

《明奏疏》一本

系崇祯年间南京助教施元征奏疏，内有忌讳，应毁。

《视师纪略》一本

系明谢三宾所记，书内显有干犯，应毁。

《东溟疏稿》一本

系明王邦直撰，内有忌讳，应毁。

《华美录》一本

系明内监刘清苑镇浙时绅缙歌颂诗词，并有后序，仅存卷八至卷十三一本，似与两广去思录一律，应毁。

《两垣奏议》一本

---

① 《左忠毅公集》，《应徽逸闻书籍各种名目》、《清代禁书知见录》已著录。

② 《图书编》，《清代禁书书目补遗（二）》、《外省移咨应毁各种书目》、《清代禁书知见录》已著录。

系明万历给事中遯中立奏议防边，疏内语涉干犯，应毁。

《疏草》一本

系明监察御史黄宗昌所撰疏草，后附恒山游诗，内有钱谦益序，应毁。

《明实录宝训》二十本

查明代实录宝训，前经奏明销毁，此书仍应毁。

《拟山园》二本不全

系明时王觉斯所著，仅存卷二十三至卷二十七，七律诗，语有干碍，应毁。

续办第六次应毁书共十八种

《岭西水陆兵纪》一本

系明万历间喻政所撰，俱水陆边防各事宜，并附船图，序文中有干碍，应毁。

《明代帝后纪略》四本

系明万历间编辑有明一代帝后并藩封谱系。查明代实录宝训俱经销毁，此亦应毁。

《明代圣政》二本

系明天启、崇祯间敕谕奏疏，语涉违碍，应毁。

《旭山集》<sup>①</sup>一本

系明金忠士所著边略防御各事宜，中有干碍，应毁。

《玉堂荟记》一本

系明杨士聪所撰，俱崇祯一朝事迹，中有违碍，应毁。

《明大政纪》一本

系明谭希思所辑有明一代政纪，内显有干碍处，应毁。

---

<sup>①</sup> 《旭山集》，《禁书总目》、《应缴违碍书籍各种名目》、《清代禁书书目补遗（一）》、《清代禁书知见录》已著录。

《吾学编》<sup>①</sup> 三本

系明郑晓所撰边防事宜，内有违碍，应毁。

《明资治通纪》一本

系明陈建编辑有明一代政治，体仿纲目，中有干犯，应毁。

《徽吾录》一本

系明郑晓所撰，内有违碍，应毁。

《朝鲜征倭纪略》一本

系明按察使萧应宫奏疏，内多干碍，应毁。

《崇祯存实疏抄》八十八本

系明崇祯六七年间，内外臣工条陈奏议，其武备边防诸疏，均多违碍，应毁。

《经世掇要》二本

系明曹飞条陈筹兵奏疏，内显有干碍，应毁。

《掌铨题稿》八本

系明吏部题稿，内有违碍，应毁。

《明奏疏》一本

系明天启间陆澄源奏疏，语涉干碍，应毁。

《闻见录》一本

系明贾新铭记，中有干犯，应毁。

《辽海编》一本

系明倪克让往封朝鲜道途所赋诗辞，其子倪岳編集，中有违碍，应毁。

《熊明遇奏疏》一本

系明天启间御史熊明遇奏疏，内有干犯，应毁。

《掌卫疏稿》五本

---

<sup>①</sup> 《吾学编》，《禁书总目·军机处奏准抽毁书目》、《应缴违碍书籍各种名目》、《清代禁书知见录》已著录。

系明崇祯间锦衣卫奏疏，中有避忌，应毁。

**续办第七次应销毁书共五种**

《西台建白》抄本二本

系明末御史金忠士奏疏，其子星耀亦有疏数篇，虽未显涉干犯，然语多狂漫沽直，应毁。

《倪文正公奏牍》二本

系四库馆办理抽毁之书，此奏牍自应稍毁。

《豹陵集》十一本

系明末梁云构所作诗文序论疏启，凡二十六卷，内有违碍，应毁。

《使蜀稿》一本

系明庐陵刘惟德著传序诗铭诸体略，其间有字句疵碍，应毁。

《庙堂忠告》一本

系张养浩所著，残破不全，应毁。



## 同治进药簿

编者按：关于同治帝载淳的死因，流传颇多，莫衷一是。现从宫中簿册中，检出《万岁爷天花喜进药用药底簿》，供研究者参考。从这本进药簿的名称，以及从载淳患病到去世的脉案、用药处方，都可以证明是因患天花没有治好而去世的。这本进药簿是敬事房太监根据太医院御医处方登录的，其中有明显抄错之处，如金银花抄成金钱花、牡丹抄成牡丹，这次公布仍保存其原状，以存真象。

### 万岁爷天花喜进药用药底簿

同治十三年十月三十日未刻

李德立、庄守和请得皇上脉息浮数而细。系风瘟闭束，阴气不足，不能外透之症，以致发热头眩，胸满烦闷，身瘦腿软，皮肤发出疹形未透，有时气堵作厥。今用益阴清解饮，晚服一贴，避风调理。

小生地四钱 元参四钱 牛蒡子二钱 研 葛根一钱五分  
荆芥二钱 麦冬三钱 金银花三钱 连翘三钱 枳壳二钱 炒  
甘草八分 川郁金三钱 研

引用芦根五把。申初二刻十分进药。

十一月初一日丑刻

苦梗三钱 甘草一钱 生 芦根八钱 研  
水煎代茶。

口含 鲜青果。要香菜十斤。

### 十一月初一日辰刻

李德立、庄守和请得皇上脉息浮数。昨服益阴清解饮，疹形透出，挟杂痘症，烦闷堵厥俱退。惟疹痘尚未透彻，瘟热熏蒸肺胃，以致咽喉乾痛，胸满作呕，头眩身热，气颤谵言。今议用清解利咽汤，即晨一贴调理。

小生地四钱 元参四钱 牛蒡子三钱 研 葛根一钱五分  
山豆根三钱 苦梗三钱 金钱花三钱 姜连一钱五分  
荆芥二钱 焦查四钱 生甘草一钱 竹茹二钱

引用鲜退一钱揉碎。已初三刻进药。

### 十一月初一日午刻

李德立、庄守和请得皇上脉息浮洪，头面周身疹中挟杂之痘颗粒透出，系属天花二朝之喜。惟瘟热毒滞过盛，以致头面颈项颗粒稠密，颜色紫滞，内症咽痛作呕，身热口乾，便秘溺赤。此由气血为毒滞锢所致，症界于险。今议用清解活血饮，申服一贴调理。

根生四钱 元参四钱 牛蒡子三钱 研 紫草一钱五分 酒洗  
葛根一钱五分 荆芥二钱 山豆根三钱 甘草一钱  
连翘三钱 青皮三钱 炒 焦山查五钱 竹茹二钱

引用蝉衣一钱。申初二刻进药。

### 初一日戌刻

利咽代茶饮

元参八钱 山豆根三钱 苦梗三钱 麦冬三钱  
江蚕三钱 炒 青果六枚 捣扁  
水煎代茶。

### 十一月初二日子初

#### 安神代茶饮

茯神三钱 研 枣仁三钱 炒研

水煎，冲硃砂面三分。

### 十一月初二日辰刻

李德立、庄守和请得皇上脉息沉数。天花三朝，颗粒续出，稠密连络，紫滞乾艳。内症咽痛呛欬，腰疼胸堵，懊悒作呕，大便四日未行。此由毒滞熏蒸肺胃，阴分不足所致，症势重险。今议用利咽化滞汤，即服一贴調理。

根生五钱 元参五钱 牛蒡子三钱 研 紫草一钱五分

苦梗三钱 枳壳三钱 炒 山豆根三钱 酒军三钱

江蚕三钱 炒 当归三钱 焦山查四钱 甘草一钱

引用陈皮二钱、枇杷叶三钱炙去毛。午初进药。

要青花白地磁大碗四个，黄磁大海碗二个。候首领交给小太监双喜。

### 十一月初二日未刻

李德立、庄守和请得皇上脉息沉数。天花三朝，形色渐润，胃口渐开，大便未行。今议照原方利咽化滞汤加减，申服一贴調理。

根生五钱 元参五钱 牛蒡子三钱 研 赤芍三钱 酒炒

苦梗三钱 枳壳三钱 炒 山豆根三钱 酒军三钱

江蚕三钱 炒 当归三钱 焦山查四钱 甘草一钱 生

引用陈皮二钱、枇杷叶三钱炙去毛。

申初二刻，大便已行，原方内减去酒军一钱五分。申初三刻进药。

### 十一月初二日戌初

清咽代茶饮

麦冬三钱 元参五钱 苦梗三钱 青果六枚 糖  
水煎代茶。

### 十一月初三日辰刻

李德立、庄守和请得皇上脉息滑数。天花四朝，颗粒渐长，紫艳稍化，胸堵烦呕俱退，大便已行，胃口渐开。惟板实顶陷，攒簇紫滞，有时咽痛，呛咳腰疼。此由毒盛阴燥，气血郁滞，肌肉不能松懈所致。今议用清毒松肌饮，即服一贴调理。

根生五钱 元参五钱 当归三钱 紫草茸二钱 酒洗  
青皮三钱 炒 连翘三钱 苦梗三钱 山豆根三钱  
酒军二钱 江蚕三钱 炒 焦查四钱 生甘草一钱

引用蚯蚓一钱五分炒去土，金银花三钱。未初进药。

### 十一月初三日酉刻

照原方减去青皮、山豆根、酒军，加橘皮二钱、建曲三钱，即服一贴。戌初二刻五分进药。

### 十一月初三日晚

照原方安神代茶饮

茯神三钱 研 枣仁三钱 炒研  
水煎，冲硃砂面三分。

### 十一月初四日辰刻

李德立、皮守和请得皇上脉息滑数。天花五朝，颗起长紫滞渐润。内症俱见稍减，惟色艳板实，顶平不凸，有时懊恼。此由毒热

气滞，肌肉尚欠松绽，中焦蓄饮所致。今议用松肌透毒饮，午服一贴调理。

根生五钱 元参五钱 当归三钱 苦梗三钱  
连翘三钱 金银花三钱 酒军二钱 花粉三钱  
焦查四钱 橘皮二钱 江蚕三钱 炒 甘草一钱

引用牡丹皮二钱、香薷二钱。未初进药。

本日酉刻，照原方减当归、花粉、牡丹皮、甘草，加枳壳三钱、炒焦曲三钱、射干二钱，一贴调理。戌正三刻进药。

### 十一月初五日子刻

皇上宽中饮

木香一钱 研 砂仁一钱五分 研 枳实三钱 炒 厚朴二钱 炙  
广皮二钱 苦梗三钱

水煎温服。子正进药。

要白蔻仁一钱 研。

### 十一月初五日辰刻

李德立、庄守和请得皇上脉息滑数。天花六朝，顶陷渐起，已有放白之势，饮食亦佳。惟形欠饱满，根艳紫滞，胸满腹胀，有时咽痛呛咳。此由毒遏阴燥食水气滞所致。今议用宽中清毒饮，午服一贴调理。

元参五钱 麦冬三钱 紫草茸二钱 苦梗三钱 木香一钱 研  
砂仁一钱五分 研 炒枳实三钱 研 厚朴二钱 炙 白芷二钱  
连翘三钱 紫地丁三钱 酒军三钱 橘皮二钱 江蚕三钱 炒

引用赛金化毒散五分冲。午正二刻十分进药。

本日酉刻，照原方去白芷、赛金化毒散，改酒军一钱五分，一贴调理。未用。

### 十一月初五日亥正

#### 皇上和中生浆饮

当归三钱 麦冬四钱 沙参三钱 茯神三钱 研 橘皮二钱

花粉三钱 白芷一钱五分 甘草一钱 炙

水煎温服。初六日子初进药。

要白蔻仁一钱 研。

### 十一月初六日辰刻

李德立、庄守和请得皇上脉息数大。天花七朝，浆汁已行，饮食俱佳。惟浆未充足，根举未收，咽痛音哑，呛咳堵胀。此由痘原稠密，当此长浆之时，咽喉道隘，肺胃气滞所致。今用利咽生浆饮，早服一贴，擦伤之症，用胭脂膏调赛金化毒散，调敷调理。

当归二钱 元参五钱 麦冬三钱 川贝母三钱 研 苦梗三钱

射干三钱 连翘三钱 金银花三钱 枳壳三钱 炒 江蚕二钱 炒

塘瓜萎五钱 大腹皮二钱 白蔻一钱 研 甘草一钱 生

引用花粉三钱。午正十分进药。

胭脂膏一小盒重一两，赛金化毒散一两。

### 十一月初六日申初

#### 皇上宽中饮

塘瓜萎六钱 枳壳四钱 炒 苦梗四钱 苏梗子各一钱五分

川连一钱 研 腹皮三钱 干草八分 生

水煎，冲赛金化毒散五分。戊初三刻五分进药。

### 十一月初七日辰刻

李德立、庄守和请得皇上天花八初，原系肾虚阴亏，毒盛气滞

之重险症。以致出发之时，腰疼腿痠，咽痛呛咳，胸堵作呕，蒙头盖面，锁项咽关，板实顶陷，紫艳灰乾，用药调治，可喜毒化浆行，阴液尚敷，由险渐化为平之象。惟咽痛音哑，呛咳堵胀，腰疼腿痠，未能骤减。此由咽喉道隘，肺胃毒火未清，肾阴未复所致，浆未苍老。若肾精不动，咽胸渐宽，可保化顺之喜。今议用滋阴清毒饮，早服一贴调理。

当归三钱 沙参三钱 元参五钱 麦冬四钱 茯神三钱 研  
前胡一钱五分 白芍二钱 炒 苦梗三钱 黄芩三钱 枳壳三钱  
花粉三钱 甘草八分 炙 木香七分 研 腹皮二钱  
引用赛金化毒散五分冲。巳正三刻进药。

#### 十一月初七日酉刻

李德立、庄守和请得皇上天花八朝，肺胃毒火不清，阴液干燥，以致咳嗽少寐，咽痛堵胀。今议用清肺安神饮一贴调理。

麦冬三钱 沙参二钱 茯神三钱 研 款冬花三钱 杏仁三钱  
研 前胡一钱五分 枣仁三钱 炒研 枇杷叶三钱 炙 元参四钱  
川贝母三钱 研 生草八分  
引用硃砂面三分冲。戌初进药。

#### 十一月初八日辰刻

李德立、庄守和请得皇上天花九朝，浆渐苍老，盘晕赤色见退。惟浆后气血空乏，微感风凉，以致咳嗽鼻塞，心虚不寐，浸浆皮皱，似有停浆不属之势。今议用益气养血汤，兼理肺安神之品，早服一贴调理。

生耆三钱 沙参三钱 殊茯神三钱 枣仁三钱 炒研  
当归三钱 川芎一钱 款冬花三钱 前胡三钱 根生四钱

百部三钱 苏梗叶各一钱 炙草一钱

引用苦桔梗三钱。午初一刻五分进药。

### 十一月初八日酉刻

#### 皇上益气养血汤加减

炙耆三钱 路党参三钱 栝子仁三钱炒 研 茯神三钱 研  
枣仁三钱 炒研 当归三钱 酒洗 炒白芍二钱 根生三钱 酒洗  
炙草一钱 橘皮二钱 款冬花三钱 山药三钱

引用苦桔梗二钱。午初一刻五分进药。

### 十一月初九日辰刻

李德立、庄守和请得皇上天花十朝，昨因精气乍虚，停浆不属，  
头面浸浆，项身白陷，无神，挟感咳嗽。连服益气养血理肺之方，各  
症俱减，渐有收属之势。惟收属较迟，咽干音哑，咳满少寐，未能骤  
愈。此由心肾气血俱亏，余毒未清所致。今议用保元回浆饮，午服  
一贴调理。

炙芪三钱 党参三钱 归身三钱 白芍三钱 炒  
何首乌三钱 生 茯神三钱 研 枣仁三钱 炒研 栝子仁三钱 炒  
山药三钱 款冬花三钱 橘皮二钱 炙草一钱

引用薏仁三钱炒。午初五分进药。

### 十一月初九日酉刻

#### 皇上安神代茶饮

党参三钱 茯神三钱 研 枣仁三钱 炒研 归身三钱 炙草八分  
水煎温服。



### 十一月初十日辰刻

李德立、庄守和请得皇上天花十一朝，头面渐次收靛，咽痛咳嗽腰疼轻减，音哑渐开，浮肿已消。惟心肾不交，气血虚弱，以致痘痂干燥，抓破见血，身肢未收，少寐多梦。今议用保元回浆饮，加減一贴調理。

炙耆四钱 党参四钱 制首乌四钱 归身三钱 白芍三钱 炒  
鹿茸一钱 炙 茯神三钱 研 龙齿二钱 煨 枣仁三钱 炒研  
木香八分 研 橘皮二钱 炙草一钱

引用葱仁三钱炒。巳初三刻进药。

本日酉刻，照原方減制首乌、橘皮、葱仁；加熟地三钱 砂仁并，肉桂八分 去皮研、栝子仁三钱 炒研一贴。戌正二刻进药。

### 十一月十一日辰刻

李德立、庄守和请得皇上天花十二初，头面渐次结痂，微能多寐，饮食亦增。惟痂结干白，身肢浆未回收，间有抓破，睡则虚空梦语。此由心肾不交元阳气血俱亏所致。今议用保元回浆饮，加減早服一贴調理。

炙耆四钱 党参四钱 当归四钱 白芍三钱 酒炒  
熟地四钱 砂仁并 茯神三钱 研 枣仁三钱 炒研 龙骨三钱 煨  
鹿茸二钱 炙 肉桂一钱 去皮研 远志一钱五分 肉 炙草一钱

引用木香八分研、生姜三片。巳正三刻进药。

### 十一月十一日未刻

皇上调气代茶饮

制香附三钱 研 延胡索三钱 炒 川郁金三钱 研 炒三仙六钱  
醋青皮三钱

水煎代茶。

### 十一月十一日酉刻

#### 皇上保元调气饮

生耆三钱 党参四钱 当归四钱 白芍三钱 炒  
熟地三钱 砂仁拌 茯神三钱 研 龙骨三钱 煨 远志二钱 去心  
鹿茸一钱五分 酒蒸 桂枝一钱五分 延胡三钱 炒 香附三钱 炙研  
引用三仙六钱炒、生姜三片。亥初进药。

### 十一月十二日辰刻

李德立、庄守和请得皇上天花十三朝，头项胸背手指结痂，渐得安寐，内症轻减。惟身肢痂薄回干，皮破抓伤，肉色淡红，有时气串胀痛。此由心肾不交元阳气血俱亏，饮滞气道不畅所致。今议用保元调气饮，早服一贴。痂燥皮破处，用紫草膏合赛金化毒散外敷调理。

生芪四钱 党参四钱 於术一钱五分 蜜炒 茯苓三钱 研  
熟地四钱 砂仁拌 桂枝一钱 香附三钱 醋制 当归四钱  
白芍三钱 酒炒 三仙六钱 焦 鹿茸一钱 酒蒸 炙草一钱  
远志一钱五分 去心

引用连翘三钱。巳正二刻十分进药。

紫草膏一小盒，赛金化毒散一两。

本日酉刻，照原方减於术、三仙、鹿茸，加枣仁三钱 炒研、栝子仁三钱 研、蝉衣一钱五分 搽一贴。戌正进药。

### 十一月十三日辰刻

李德立、庄守和请得皇上天花十四朝。头面痘痂揭落，糜浆成痂，气串胀疼俱止。惟痂灰干燥，间有麸薄，身软肢颤。此由心肾

不足，气血俱虚所致。今议用保元育神汤一贴调理。

生耆四钱 党参四钱 当归四钱 酒白芍三钱  
熟地四钱 砂仁拌 鹿茸一钱五分 酒蒸 茯神三钱 研  
栝子仁三钱 研 远志一钱五分 去心 枣仁三钱 炒研  
蝉衣一钱五分 揉 炙甘草一钱

引用连翘三钱。午正三刻进药。

本日酉刻，照原方减生耆、熟地、鹿茸，加麦冬三钱一贴调理。  
十四日子正进药。

### 十一月十四日辰刻

李德立、庄守和请得皇上天花十五朝，前因停浆不隔，痘皮外剥，糜烂没陷。内虚重症，是用托补助阳，渐加峻剂，展药以来，糜烂已平，痂疤渐红，寝食见增，二便亦调，并无生热等症，今喜险化为平。惟气未充，余毒不净，痘痂干薄，尚未脱落，腿膝结痂未齐。今议用补养清毒饮，午服一贴调理。

生耆三钱 党参三钱 当归四钱 白芍二钱 酒炒 茯神三钱 研  
枣仁三钱 炒研 麦冬三钱 香附二钱 醋制 蝉衣二钱 揉  
连翘三钱 银花三钱 甘草一钱 炙

引用焦三仙六钱。午正五分进药。

### 十一月十四日酉刻

李德立、庄守和请得皇上天花十五朝，脉息浮大，系气血不足，余毒未清，停食感凉之症，以致憎寒发热，胸满气促，今用扶元清解饮一贴调理，务须邪解正强为要。

党参三钱 当归三钱 麦冬三钱 杏仁三钱 研 苏梗叶各一钱  
前胡一钱五分 桔梗三钱 苦 焦三仙六钱 连翘三钱  
生甘草一钱

引用蝉衣一钱五分去足揉。戊正三刻五分进药。

### 十一月十五日辰刻

李德立、庄守和请得皇上天花十六朝，脉息浮大。憎寒气促已止，精神渐长，惟痲燥粘连不落，胸满发热，身软腰痛。此由气血俱亏，表凉里滞未清所致。今议用扶元清解饮一贴调理。

党参三钱 当归三钱 根生四钱 川芎一钱五分 葛根二钱  
防风二钱 蝉衣一钱五分 去足揉 杜仲三钱 炒 滑瓜蒌四钱  
连翘三钱 银花三钱 地骨皮三钱

引用焦三仙六钱。已初进药。

### 十一月十五日午刻

皇上平胃饮

苍术二钱 炒 老厚朴二钱 炙 橘皮二钱 半夏三钱 炙  
建曲四钱

引用生姜三片，水煎温服。

### 十一月十五日酉刻

皇上清解化饮汤

元参四钱 麦冬三钱 竹茹二钱 地骨皮三钱 葛根二钱  
蝉衣一钱五分 揉 枳壳三钱 炒 郁李仁三钱 橘皮二钱  
半夏二钱 炙 连翘三钱

引用焦三仙六钱。戊正三刻五分进药。

### 十一月十六日

熬焦曲三钱、焦查三钱、焦芽三钱。早晚二钱熬建莲子五钱、芡实五钱。早晚二钱。

### 十一月十六日卯刻

李德立、庄守和请得皇上天花十七朝脉息滑缓。昨因食水感凉，服扶元清解化饮平胃等方，寒热呕堵俱减，痲渐脱落，惟肾虚赤浊，余毒挟湿，袭入筋络。以致腰软重痛，微肿不易转坐，腿痛筋挛，屈而不伸，大便秘滞。今议用益肾清毒饮一贴调理。

云苓三钱 研 山药三钱 大生地三钱 姜炭 丹皮二钱  
杜仲三钱 炒 木瓜二钱 怀牛膝二钱 酒炙 连翘三钱  
防风二钱 蝉衣一钱五分 焦三仙六钱 厚朴二钱 炙

引用一捻金四分冲。午初进药。

本日戌刻，照原方减焦三仙、一捻金，加莲蕊三钱一贴。戌正一刻五分进药。

### 十一月十七日

熬三仙饮各三钱早晚二钱。建莲子五钱，芡实五钱，早晚二钱。

### 十一月十七日辰刻

李德立、庄守和请得皇上天花十八朝，脉息滑数。精神寝食俱好，痲渐脱落。惟疤痕深红，间有湿嫩，痲不易落，睡则滑遗，赤浊腰软重痛，腿疼筋挛，此由肾阴不固，湿热余毒内扰所致。今议用益肾清毒饮，加固阴之品一贴调理。

熟地四钱 砂仁拌 山药三钱 山萸肉一钱五分 炙 龟板四钱 炙  
云苓三钱 研 丹皮二钱 桑螵蛸三钱 黄柏一钱五分 盐炒  
白芷二钱 木瓜三钱 川杜仲三钱 炒 蝉衣一钱五分 搽

引用芡实三钱研。巳正三刻进药。

本日酉刻，照原方减桑螵蛸、芡实，加泽泻二钱、白术二钱 土炒一贴。戌正二刻五分进药。

外用牡蛎粉四两，固本膏二张。

### 十一月十八日辰刻

李德立、庄守和请得皇上天花十九朝，脉息浮数，痲渐脱落，滑浊渐止，惟发热头眩，腹胀便秘，腰软重疼，腿痛筋挛。此由肾虚湿热，复停食感凉所致。今议用益肾清解饮一贴调理。

云苓三钱 研 大生地四钱 山药三钱 丹皮二钱  
泽泻三钱 川杜仲三钱 炒 盐栝一钱五分 荆芥二钱  
防风三钱 焦三仙六钱 腹皮二钱 木瓜二钱

引用一捻金五分冲。巳正十分进药。

本日酉刻，照原方减山药、一捻金，加苍术三钱 炒、清麟丸八分化冲。戌正五分进药。

### 十一月十八日

熬三仙饮各三钱一钱，早晚二钱。熬建莲子五钱、芡实五钱一钱。早晚二钱。

### 十一月十九日

熬三仙饮各三钱一钱，早晚二钱。熬建莲子五钱、芡实五钱一钱，早晚二钱。

外用拔毒膏大小五十张，蜂蜜一小磁盒，重一两，红玉膏一小磁盒，重一两，冲和膏面一两。

### 十一月十九日辰刻

李德立、庄守和请得皇上天花二十朝，脉息滑缓。发热头眩俱退，惟湿毒乘虚流聚，腰间红肿溃破，浸流脓水，腿痛筋挛，头项胳膊膝上发出痘痂肿痛。此由经络余毒，肾虚湿热所致。今议用托

里化毒汤一贴，外用红玉膏盖拔毒膏，未破处用冲和膏蜜水调敷调  
理。

生香二钱 当归三钱 连翘三钱 金银花三钱 白术二钱 炒  
花粉三钱 白芷二钱 川杜仲三钱 炒 木香一钱 研 防风三钱  
木通一钱五分 甘草节一钱

引用老酒一小杯。巳初一刻十分进药。

本日酉刻，照原方减去木香、木通、老酒，加云苓三钱、款冬花  
三钱、前胡二钱一贴调理。二十日子初一刻十分进药。

### 十一月二十日

熬三仙饮各三钱一钱，早晚二钱。熬建莲子五钱、芡实五钱一钱，早  
晚二钱。

### 十一月二十日展刻

李德立、庄守和请得皇上脉息滑缓无力。痘痂渐落，发热咳嗽  
俱减。惟痘后余毒湿盛，气血两亏，以致腰疼重软，漫肿流汁，腿  
痛筋挛，头项、胳膊、膝上发出痘痂肿痛，烦急少寐。此由停浆外剥  
之时，毒陷经络流浆所致。今议用托里化毒汤一贴调理。

生香三钱 党参三钱 白术二钱 炒 茯苓三钱 研 当归三钱  
熟地四钱 砂仁拌 赤芍二钱 酒炒 远志二钱 连翘三钱  
银花三钱 白芷二钱 甘草节一钱

引用麦冬三钱。巳初一刻进药。

本日酉刻，展原方减生香、白术、熟地，加金沸草、紫苑茸、炙桑  
皮各三钱一贴。酉初二刻五分进药。

### 十一月二十一日

熬三仙饮各三钱一钱，早晚二钱。熬建莲子五钱，芡实五钱一钱，早

晚二饷。

### 十一月二十一日辰刻

李德立、庄守和请得皇上脉息滑缓。脱膊、腿膝之痘痂，四处肿消，脓溃余腐未清。惟腰疼重软，漫肿流汁，腿痛筋挛，咳嗽口干，夜寐不沉。此由心肾气血两亏，余毒湿盛所致。今议用托里化毒汤一贴，外敷照原方变通调理。

生耆三钱 党参三钱 茯神三钱 研 苍术三钱 炒 当归三钱  
赤芍二钱 酒炒 猪苓二钱 泽泻三钱 连翘三钱 银花三钱  
金沸草三钱 百部三钱 甘草节一钱

引用花粉三钱。巳正二刻进药。

本日酉刻，照原方减生耆，加枣仁三钱 炒一贴。亥初一刻五分进药。

外用松花粉二两，赛金化毒散二两，小拔毒膏二十张，赛金化毒散调紫草膏一小磁盒。象牙起子二根。

### 十一月二十二日辰刻

李德立、庄守和请得皇上脉息滑缓无力。腰疼稍减，稀汁渐浓，惟红肿未消，溃破流汁，咳嗽口渴，夜寐不沉，其余各处痘痂有已溃而毒未净者，有未溃而仍肿者。此由心肾气血两亏，余毒湿盛所致。今议用托里化毒汤一贴调理。

生耆三钱 党参三钱 防风三钱 苍术三钱 炒 当归三钱  
赤芍二钱 酒炒 银花三钱 泽泻三钱 远志二钱 连翘三钱  
茯神三钱 研 甘草节一钱

引用花粉三钱、紫苑茸三钱。巳初二刻进药。

本日酉刻，照原方减赤芍、花粉，加麦冬三钱、葱苡仁四钱 炒。亥初五分进药。



## 二十二日

熬三仙饮各四钱一钱，早晚二钱。熬建莲子五钱、芡实五钱一钱，早晚二钱。

白蔻仁六钱。

## 二十三日

熬三仙饮各四钱一钱，早晚二钱。熬建莲子五钱、芡实五钱一钱，早晚二钱。要建曲四块，拔毒膏二十张，芙蓉叶面一两。

### 十一月二十三日卯刻

李德立、庄守和请得皇上脉息弦滑无力。头背臂膝各处痘痂渐轻，痘痂俱落。惟腰间溃孔脓汁不减，红肿不消，臀肉左右溃孔二处流汁，少寐口乾。此由心肾不交，气血面亏，余毒湿盛所致。今用托里化毒汤，加安神之品一贴调理。莫蔓溃陷透膜为要。

生耆三钱 白芍三钱 茯神三钱 研 龙骨二钱 煨研 当归三钱  
党参三钱 白术二钱 炒 远志二钱 肉 连翘二钱 银花三钱  
泽泻二钱 甘草节一钱

引用炒枣仁二钱研、麦冬三钱。未初进药。

本日酉刻，照原方减泽泻加没药二钱一贴。戊初三刻五分进药。

## 二十四日

熬三仙饮各四钱一钱，早晚二钱。熬建莲子五钱、芡实五钱一钱，早晚二钱。

红升五钱。小太乙膏二十张。

### 十一月二十四日展刻

李德立、庄守和诸得皇上脉息弦滑无力。腰软渐轻，内症亦减。惟腰间溃孔脓汁未少，红肿不消。此由素日肾虚湿盛流注，挟痘后正虚，毒袭所致。今议用托里化毒汤一贴调理。

炙耆三钱 党参三钱 白术二钱 炒 川杜仲三钱 炒 当归三钱  
白芍三钱 炒 茯神三钱 远志肉二钱 连翘三钱 银花三钱  
麦冬三钱 甘草节一钱

引用车前子三钱布包、赛金化毒散四分冲。已正三刻五分进药。

本日酉刻，照原方减连翘化毒散，加肉桂八分 去皮研、炒枣仁三钱一贴。戌初三刻五分进药。

生肌散一料，红花白地小磁瓶盛。

京牛黄一钱 乳香三钱 珍珠一钱 龙骨二钱 煨 孩儿茶二钱  
没药三钱 轻粉一钱 冰片八分

共研极细面。

加减赛金化毒散一料，红花白地小磁瓶二个盛。

乳香五钱 去油 没药五钱 川贝母四钱 炒 黄连二钱  
花粉四钱 甘草一钱五分生 川锦纹四钱 炒 冰片六分  
牛黄八分 珠子一钱 血竭四钱 儿茶四钱 龙骨四钱 煨

共研极细面，过重绢罗。

### 十一月二十五日

熬三仙饮各四钱一钱，早晚二钱。熬芡实五钱，建莲子五钱一钱，早晚二钱。

白丁香面五钱，白江豆面五钱。

### 十一月二十五日辰刻

李德立、庄守和请得皇上脉息弦滑无力。肩臂之痲，势见毒化，精神渐好。惟腰臀流注漫肿串溃，脓汁未减，外口小而内溃大。此由心肾气血俱亏，湿盛毒袭所致。屡服温补利湿化毒护膜之方，并无燥热渴秘等形。今议用托里化毒汤一贴，外敷各法酌量调理。

制芪三钱 党参三钱 白术二钱 炒 川杜仲三钱 炒 归身三钱  
白芍三钱 酒炒 茯神三钱 研 远志肉二钱 枣仁三钱 炒研  
肉桂八分 去皮研 泽泻三钱 甘草节一钱

引用金银花四钱。已正二刻十分进药。

本日戌刻，照原方减肉桂，加矾蜡丸五分另送。戌正进药。

熬三仙饮各四钱一铤，早晚二铤。熬芡实五钱、建莲子五钱一铤，早晚二铤。

### 十一月二十六日

熬三仙饮各四钱一铤，早晚二铤。熬芡实五钱、建莲子五钱一铤，早晚二铤。拔毒膏五十张，薄荷四钱一包，四包。

### 十一月二十六日卯刻

李德立、庄守和请得皇上脉息弦滑无力。连服温补托里化毒之方，精神寝食渐增，肾俞流注之恙，败浆稍浓，气秽微减，惟漫肿串溃，每日约出脓汁一茶盅有余，未见减少。此由素日肾亏温寒，挟痘后正虚，毒袭而发所致，温补应手脓渐稠而减少，庶不致肾督根元日耗。今议用托里护膜汤一贴调理。

炙耆三钱 党参三钱 於术三钱 川杜仲三钱 归身三钱  
白芍三钱 酒炒 熟地四钱 砂仁拌 远志肉二钱 茯神三钱 研  
泽泻三钱 肉桂六分 去皮研 甘草节一钱

引用金银花四钱、矾蜡丸五分别送。巳正一刻十分进药。

本日申刻，照原方减矾蜡丸，加补骨脂二钱一贴。戌初进药。  
安神代茶饮一贴。

殊茯神五钱 炒枣仁四钱 研

水煎温服随便。

### 十一月二十六日申刻

李德祥、韩同九请得皇上系素禀肾经虚弱，寒温积久流聚于肾俞穴。以致腰间漫肿内溃，口小淡红，湿流脓水，症势缓慢。今议用化腐灵应散以敷疮口调理。

红升一两 轻粉四钱 血竭四分 冰片四分 珍珠一分

麝香五厘

共为细末，红花白地磁瓶盛。

### 十一月二十七日

熬三仙饮各四钱一钱，早晚二钱。熬芡实五钱、建莲于五钱一钱，早晚二钱。

### 二十七日丑刻

生津代茶饮

沙参三钱 麦冬五钱 花粉三钱 五味子一钱 枣仁三钱 研炒

水煎代茶。

### 十一月二十七日卯刻

李德立、庄守和请得皇上脉息弦数无力。腰肾疮口微大，浆汁未减，气秽如昨，臀肉蔓肿，长强紫肿，寐虚口干，每拭脓则欲溺。此由浆出过多，心肾气血俱伤，津液不能上溉所致。今议用托里护

膜汤，加减一贴调理。

炙芪三钱 党参三钱 麦冬四钱 川杜仲三钱 炒 归身三钱  
白芍三钱 炒 枣仁三钱 炒研 远志肉二钱 连翘三钱  
银花三钱 花粉三钱 橘皮一钱五分

引用乳香二钱去油。巳初一刻十分进药。

本日酉刻，照原方减去炙芪、党参各一钱。戌初三刻十分进药。

### 十一月二十七日酉刻

李德祥、韩同九议用外用熨洗药方。

木香一两 当归一两 肉桂五钱 生附子五钱 川贝五钱  
草乌五钱 苍术五钱 煅龙骨五钱 白芷一两 山甲五钱 炙  
乳香一两 透骨草一两

共研粗末，分两布袋装药。猪蹄二支、葱白三支切段熬汤两大碗，煮药布袋熨洗疮处，温热易回阳提毒换脓，气血通畅。

### 十一月二十八日卯刻

平胃代茶饮

苍术一钱五分 炒 老厚朴一钱五分 炙 橘皮二钱 半夏三钱 炙  
神曲三钱 炒 生姜三片

水煎代茶。

### 十一月二十八日卯刻

李德立、庄守和请得皇上脉息弦数。阳气渐长，阴液未复，臀肉肿势渐消，腰间溃汁未少，微稠色灰，气秽如昨，憎杂作呕。此由阴液受伤，水饮不消，余毒未净所致。今暂缓托里温补，议用益阴化毒汤一贴调理。

沙参三钱 元参四钱 麦冬四钱 竹茹二钱 连翘三钱

银花三钱 花粉三钱 橘皮二钱 厚朴二钱 炙 白芍三钱 生  
白芷二钱 生草八钱

引用赛金化毒散一钱五分煎服。已初三刻进药。

### 十一月二十八日申正

李德立、庄守和请得皇上脉息弦数无力。肾俞发浆汁出多，阴虚水亏，生热心肾不交，以致日晡发热，寐虚恍惚，胸满嘈杂。今议用益阴化毒汤，加退虚热之品一贴调理。

沙参三钱 元参四钱 鳖甲四钱 炙 地骨皮三钱 归身三钱  
白芍三钱 生 橘皮一钱五分 炙厚朴二钱 远志二钱  
银花三钱 生草七分

引用青蒿二钱。戊初三刻五分进药。

熬拔毒万应膏方二料

川乌生 草乌生 生地 白薇 白芨 官桂 白芷  
当归 赤芍 羌活 苦参 土木鳖 山甲 乌药  
甘草 独活 元参 大黄 天麻子各二钱五分 肉

以上十九味用净香油二斤半，将药浸入油内，用洁净锅，慢火熬至药枯，滤去渣，将油称准，每油一斤，约计官粉半斤，炼至滴水成珠，嫩膏为度，薄摊纸上。

### 十一月二十八日

熬三仙饮各四钱一钱，早晚二钱。熬建莲子五钱，芡实五钱一钱。拔毒膏五十张。砂仁三钱，白蔻仁三钱 研，整白蔻仁十个。

### 十一月二十九日

熬三仙饮各四钱一钱，早晚二钱。

红玉膏一磁罐，紫草膏一磁罐，拔毒万应膏六十张。冰硼散

二钱。

十一月二十九日

冰硼散二钱 煨人中白一钱 冰片四分  
共研极细面。

止渴漱口方今明三分

元参四钱 石膏五钱 生薄荷一钱五分 生草一钱  
水煎漱口。

十一月二十九日卯刻

李德立、庄守和请得皇上脉息弦数。腰间溃汁出多，阴亏气弱，毒热上亢，以致少寐恍惚，口干晡热，牙胀面肿，嘈杂作呕。此由心肾不交，正不制毒所致。症势日进，温补则恐阳亢，凉攻则防气败。今用益阴化毒汤，加减一贴调理。

沙参三钱 元参四钱 麦冬四钱 金石斛五钱 当归三钱  
花粉三钱 连翘三钱 金银花三钱 橘皮一钱五分 竹茹二钱  
生草七分 远志肉二钱

引用赛金化毒散一钱五分煎服。午初一刻进药。

本日申刻，照原方减当归、金石斛，加炒三仙六钱、炙厚朴二钱。戌初二刻进药。

十一月三十日辰刻

李德立、庄守和请得皇上脉息弦数。肾俞发浆汁渐少而浓，知觉痛痒，阴转为阳之象，长强紫肿见小，口渴晡热亦减。惟水不济火，胃阳蓄积生热，以致面颊肿硬，牙浮口粘，胸满嘈杂。今议用益阴化毒汤，加减一贴调理。

沙参三钱 元参四钱 金石斛四钱 胡连一钱五分 连翘三钱

花粉三钱 金银花三钱 三仙六钱 炒 竹茹二钱 枳壳三钱 炒  
小生地四钱 生草一钱

引用赛金化毒散二钱煎服。已初三刻十分进药。

本日酉刻，照原方减胡连、三仙、竹茹、枳壳、赛金化毒散，加云连一钱、焦白芍三钱、芫莩一钱五分。亥初一刻进药。

熬三仙饮各四钱，早晚二钱。

### 十二月初一日丑刻

和脾代茶饮

茯苓三钱 研 白术二钱 土炒 白芍二钱 炒 炙草一钱

水煎温服。

止渴漱口方 早午晚煎三分

元参四钱 石羔五钱 生 薄荷一钱五分 生草一钱

水煎漱口。

平胃代茶饮

苍术一钱五分 炒 老厚朴一钱五分 炙 橘皮二钱 半夏三钱 炙  
神曲三钱 炒

引用生姜三片水煎代茶。

熬三仙饮各四钱一钱，早晚二钱。如意金黄散一两，梅花点舌丹五丸 研。牙疼白玉膏十张。熬鲜芦根二两，青果二个二钱。

### 十二月初一日辰刻

李德立、庄守和请得皇上脉息弦数。肾俞发紫少而浓，色红，知痛。长强紫肿橘消，阴疮转阳，未致透膜之象。惟毒郁生热，水亏火亢，挟胃阳蓄积生热。以致面颊硬肿，牙龈黑糜口臭，胸满嘈杂，大便频数，所下粘臭黑红糟粕之物，所由下元不足，毒热上攻所致。今议用益阴清毒汤，佐以缓中之品一贴，外用数贴各法调理。



元参四钱 白芍三钱 酒炒 茯苓三钱 研 白术二钱 土炒  
金石斛四钱 酒苓三钱 酒连一钱 研 芫蕘一钱五分  
牡丹皮二钱 甘草一钱 花粉三钱

引用薄荷一钱五分。巳正一刻十分进药。

本日酉刻，照原方减甘草，加入中黄二钱一贴。亥初二刻进药。

本日合口齿消毒散一料，红花白地磁瓶盛。

南薄荷五分 儿茶一钱 人中白三钱 研 青黛一钱

甘草五分 生 硼砂一钱 生 梅花片二分 珍珠二分 牛黄二分  
共研极细面。

### 十二月初二日卯刻

李德立、庄守和请得皇上脉息弦数。肾俞发及各处痘痂俱见正脓，红活颊颐、肿势渐消。惟唇腮硬肿，牙龈黑糜，舌干口臭，大便黑粘，糟粕腥臭，次数亦减。此由肠胃湿热攻冲，水亏火亢所致，大便碍难涩止。今用益阴清毒汤，加减一贴调理。

元参四钱 金石斛四钱 白芍三钱 酒炒 花粉三钱  
茯苓四钱 研 牡丹皮二钱 酒苓三钱 酒连一钱五分 研  
芫蕘一钱五分 木通二钱 橘皮二钱 甘草一钱 炙

引用葛根三钱。巳初三刻进药。

### 十二月初二日酉刻

李德立、庄守和请得皇上脉息弦滑。毒火上亢渐轻，面颊肿势见消，牙龈臭稍减。惟腰间及各处痂脓如昨，唇腮硬肿，牙根仍黑，食少口干，大便坠滞不畅，小便短赤。此由上焦毒热渐减，肠胃不清所致。当此痘后溃后之际，须知时顾元气。今议用理脾清胃饮一贴调理。

沙参三钱 茯苓三钱 研 生草一钱 木香八分 研 砂仁一钱 研  
橘皮二钱 云连一钱 酒炒研 石斛四钱 银花三钱 元参四钱  
防风三钱 谷芽三钱 煎

引用荷叶三钱。亥初二刻十分进药。

照前方止渴漱口方早晚二铤。熬鲜芦根二两，青果二个。早晚二铤。

### 十二月初三日卯刻

照原方理脾清胃饮，去防风，加建曲三钱生芪三钱一贴。巳初三刻五分进药。

熬鲜芦根二两，青果二个，早晚二铤。照前方止渴漱口方早晚二铤。

### 十二月初三日酉刻

李德立、庄守和请得皇上脉息弦数。面颊红肿见消，各处溃脓尚可。惟牙龈如昨，上唇连左腮颊紫黑硬肿，势欲作脓，舌干食少，口喷臭气，胸满肋胀，溺赤便粘。此由肠胃积滞，毒火上攻所致。理应清泻，当此痘后溃后之际，今议用益气清毒饮一贴调理。

生芪三钱 茯苓三钱 研 金银花三钱 连翘三钱 建曲三钱  
谷芽三钱 煎 洋芦会一钱 云连一钱 研 元参四钱  
砂仁一钱五分 研 制香附三钱 研 甘草一钱

引用白芷二钱。戊正三刻十分进药。

### 十二月初三日戌刻

平胃代茶饮

竹茹三钱 化橘红二钱 半夏三钱 炙 香附三钱 炙研  
建曲三钱

水煎温服。

### 十二月初四日

硃砂安神丸二钱 研，梅花点舌丹十九 研，熬鲜芦根二两，青果二个，早晚二钱。照前方止渴漱口方早晚二钱。

### 十二月初四日卯刻

李德立、庄守和请得皇上脉息弦数无力。上唇肿木，腮紫肿硬处敷药，屢揭伤皮，不能作脓，时流血水，自亥至卯溃深分许，牙龈黑臭，势恐口疳穿腮，毒热内扰，减食少寐，理必耗伤气血。今议用益气清毒饮，减去茯苓、香附、白芷，加当归三钱、硃茯神三钱、炒枣仁三钱一贴，外敷消毒止血散，竭力调理。巳初一刻进药。

木日酉刻，照原方减砂仁，加生知母三钱一贴。戌初三刻五分进药。

合如意金黄散一料，紫草膏二两，蜜清一罐。照前方化腐灵应散二料。

### 十二月初四日

消毒止血散，红花白地磁瓶盛。

京牛黄五分 珍珠五分 血竭五分 云连一钱 早三七五分

乳香七分 没药七分 冰片二分

共研极细末。

### 十二月初五日

李德立、庄守和请得皇上脉息弦数无力。毒火凝结，神气日耗，上唇未消，腮颊顽腐紫黑，蔓及口角，虽未流血，亦无正脓，牙龈黑糜，臭气仍然，呛咳口干，少寐减食，精神恍惚，腰间溃脓微稀。

此由毒攻肺胃，正气日形消耗所致。诚恐毒热内陷，正气不支生变。今议用益气育神汤，佐解毒之品一贴，若寝食渐佳，结毒渐化，方有转机。

生薑三钱 高丽参一钱五分 当归三钱 白芍二钱  
茯神三钱 研 炒枣仁三钱 研 连翘三钱 银花三钱 麦冬四钱  
远志肉二钱 甘草一钱

引用赛金化毒散三分冲服。已初二刻十分进药。

### 十二月初五日申刻

李德立、庄守和请得皇上六脉微微无根，系病久神气消耗，偶因气不运痰，厥闭脱败，急用生脉饮一贴，竭力调理。

高丽参五钱 麦冬五钱 五味子一钱 炙  
水煎温服。

### 十二月初五日酉刻

李德立、庄守和请得皇上六脉已绝。灌生脉饮，不能下咽，元气脱败，于酉时崩逝。

## 清代历史档案名称简释(续二)

单士魁

### 37 勘合、火牌册

此为驰驿之文书,沿途凭此供应人夫车马。清会典:“凡差给驿者,皆验以邮符,曰勘合,曰火牌。”又注“官驰驿者给以勘合。”“兵驰驿者给以火牌。”这两种都是印板文书,由兵部豫发空白于各省将军、督、抚、提、镇、学政、盐政,临时填用。当年所用,次年分别存用,造册奏销。

按,勘合、火牌为邮符类文书,由兵部车驾清吏司掌之。

### 38 朋、桩、皮脏银两数目册

清代各省营马,均有定额,缺额即动用朋扣等银买补。光绪会典注,“官兵应支俸饷银,副将以下,把总以上,每月各扣二钱,马兵扣一钱,步兵扣五分,守兵扣三分,名曰朋扣。”“营马未及年限倒毙者,分别责令赔偿,名曰赔桩。”“营马倒毙合例者,每匹仍分别缴回银两,名曰皮脏。”是为清代马政制度中一部分,各营朋桩银两分别存储,以备买马之用。其支用存留各项,分由各省督、抚,按年奏镇。

### 39 事简

此为内务府案卷之一,日常公务将办理每一事项之公文,集合

一处，存入纸袋立卷，名曰事简。如光绪二十六年吏部办理掇绅录，咨取内务府官员衔名等，内务府将来文及其所属各单位呈报官员衔名单，汇集一处立卷是。

#### 40 八旗世爵谱档

档载八旗各族人员得官缘由及其子嗣承袭世次，并附谱系图。承袭人以硃书，余为墨书，均为满文，得官缘由，则兼缮满汉文。此项谱档为各该旗每十年即修一次，送内阁交满本房存库备查。如世爵官有遗忘世系，或得佐领缘由不明，须查家谱者，咨内阁，或经奏请得旨准查，内阁同该旗官员赴库查看。

按：清代，世爵之位九，分为公、侯、伯、子、男、轻车都尉、骑都尉、云骑尉、恩骑尉等。

#### 41 上谕档

此为军机处档案之一。军机处首要职掌，嘉庆会典说：“掌书谕旨。”春融堂集说：“盖古者知制诰职。”其承命拟旨，皆另钞成册，以备查考。由军机处寄发者，曰寄信档，或曰廷寄档。交内阁公布者，谓之明发。统称上谕。

枢垣记略：“军机处缮写谕旨之式，凡特降者曰内阁奉上谕。因所奏请而降者曰奉旨。其或因所奏请，而即以宣示中外者，亦曰内阁奉上谕，各载其所奉年月日子于前。述旨发下后，即交内阁传钞，谓之明发。其谕令军机大臣行，不由内阁传钞者，谓之寄信，外间谓之廷寄。”

#### 42 石峰堡档

此为乾隆四十九年，甘肃省通渭县属之石峰堡回民田五率众起事，清廷对其镇压，将历次所发之上谕，按时日先后汇钞成册，以

备存查。由于起事和镇压，皆以石峰堡为中心，遂以此地区为立档名称，曰《石峰堡档》。实即为此事专题之上谕。

档中还记有清廷以陕甘总督李侍尧等，对此事办理未协，继派钦差福康安，领侍卫内大臣海兰等，驰往会同督办。其后李侍尧、固原提督刚塔，固此事被逮问口供，议罪情况，以及起事被俘人员口供，都记录在档中。

又乾隆五十一年，台湾地区，以林爽文为首的天地会起事，清廷对其镇压，历次颁发之上谕，汇钞成册，曰《台湾档》，事亦类此。

### 43 随手登记档(又简称随手)

军机处在日常公务活动中，收发文件都由军机章京办理，立有文簿，按日登记。首行标写直日章京姓氏，不书名，再另行依次登记事项，如上谕若干道，某人奏事，折、片、若干件等。其具体情况，枢垣记略说：“直日章京将本日所接奏折，所递单、片，所奉谕旨，详悉分载，殊批数谨全载，谕旨及折、片则摘叙事由。有应发内閣者皆注明交字，应发兵部者皆注明马递及里数。钉成巨册，以春夏二季为一本，秋冬二季为一本，谓之随手。”其作用等于收发文登记簿。每年元旦日，例不记事，只书“太平无事”或“太平有象”四字于册端。个别有写“元旦吉利，太平无事”八字者。

### 44 月折包

军机处每日将京内外各衙门所进呈之奏折，经皇帝阅览发下后，由军机处另钞一份，凡钞折皆以方略馆供奉，若系密奏则由军机章京自钞，以每日若干件为一束，积半月十五束为一包，两包合为一月，汇存备查谓之月折包。原存于宫内军机处所属方略馆库房，清代编史修书，多取材于此。

#### 45 丝纶式样

清内阁每日应进题本，事先依照每本内容所题事项，另纸拟具处理办法，谓之票拟，实即代皇帝拟写谕旨。由于年久日深，积累不少成式，由票签处编集成册，以各衙署为门类，列举事例说明，以备参考，名曰丝纶式样。

按，此明代已有先例，四库诏令奏议类存目：“丝纶捷要便览一卷，不著编辑者名氏，乃明万历、天启中，内阁票旨成式，以曹司为次，分类标载，盖为两房中书舍人所钞撮而成者。”清代之有丝纶式样，也是题行前明故事。

#### 46 记旨档

此为奏事处日行公事案卷，内容记载为内阁、各部及内务府等衙门进呈经过批示之奏折，依时间先后，逐项登记，以记奉旨为主，具奏衙门及事由，则在其次。这是在帝制政权时代，尊王特征在文书方面的表现。其例很多，不只此一种文件。由于奏折以记皇帝批示为主，立卷取名为记旨档。

按，奏事处以御前大臣兼管，其办事章京以内务府及各部院司员兼充。主要任务是接收京内外各衙门送来之奏折，接收后，汇交奏事太监呈览。

#### 47 大记事档

此为内阁记载由军机处交发奉有硃批之奏折，关系部院应办者传知关系衙门来阁抄写之文簿。光绪会典：“如奉硃批该部议奏，该部知道，……皆视其事系部院应办者即发抄，不涉部院者不发抄。其发抄者，皆交内阁中书领出传抄。”中书由军机处将折领出到阁后，通知关系衙门派员来抄，立有文簿，写明折件事由及硃



批，各衙门来人抄写毕签署姓名于簿上，以备存查。名曰大记事档。

#### 48 捷报捷

此为奏事处日行公事案卷，内容记载多为边远地区大吏，如伊犁将军、驻藏大臣、云贵总督等，或用报匣，或用夹板，由驿发京之奏折。（由驿发递文书多为紧要事项）奏事处接到此项折件按时日先后将其人衔名，发折地点，发折月日，收到月日，以及公文每日限行里数，四百里或五百里。间有不注里数者，或标“马上飞递”字样，都记录在卷。清制，京外各官，由驿驰递来京之奏折，皆先投送捷报处，再由本处司员递至奏事处入奏。因此奏事处登记捷报处送来之折件，取名为“捷报档”。

按，捷报处隶兵部，掌接各地由驿驰递来京之奏折，递送宫门。

又光绪会典兵部卷注：“凡督、抚等官，皆赏给报匣，遇奏事，用以封进。”“未经赏给报匣之督抚等官，遇奏事将奏折盛以夹板，外用棉纸封固，接缝处钤盖本职印信，包以黄绫乃进。”

#### 49 闈墨

清代各直省乡试试卷，谓之闈墨，或称乡墨、墨卷。在考试完毕揭榜之日，所在地方执事官员将试卷封送礼部，以凭磨勘。雍正会典：“各省乡墨礼部会同翰林院选择醇正典雅理宗传注可为程式者，恭呈御览，览定颁发，……刊刻流布，会试墨卷亦遵此例颁行，并照原本，不得擅自增改。”选刻闈墨，首行为试题、阅荐官衔名、考生姓名及名次。以下为论文，每人录刻三篇，依名次先后，汇集成册。

## 50 三传折

清制殿试传胪，事先由内阁中书缮写三传折，内容首列制文，次为第一、二、三甲进士姓名。届期交鸿胪寺官，在太和殿传制，唱名，（实即宣布殿试中式等第名单）唱名凡三传，故曰三传折。具体情况，嘉庆会典事例，“鸿胪寺官导引各进士以次入拜位立，鸿胪寺官赞有制，赞跪，各进士皆跪。……传制，某年、月、日，策试天下贡士，第一甲赐进士及第，第二甲赐进士出身，第三甲赐同进士出身。赞第一甲第一名某，接传至班内，令前跪，次赞第一甲第二名某，第一甲第三名某并令前跪。赞第二甲第一名某等若干名，第三甲第一名某等若干名。毕。鸣赞官赞行三跪九叩礼，……。”至此殿试传胪典礼告成，其三传折仍缴回内阁。

## 明清诰救命文书简述

鞠德源

在漫长的中国封建社会里，随着封建专制主义中央集权制度的高度发展，形成了一整套等级森严的官僚体制和复杂烦琐的官爵除授制度。封建帝王为了维护专制统治，巩固和扩大封建王朝的统治支柱和社会基础，极力推崇和宣扬这项官爵除授制度，利用它来笼络官僚士大夫，满足他们“上荣祖考，下及子孙”的特权欲望，使之效忠于主子，维系和豢养一个庞大的官僚食利阶层。

从魏晋南北朝以至唐代，每于官爵与夺之时即按官员的品级授给本人一种文书，时称“告身”，上面记载着官员的官品职衔，任官事迹，以及封授的官职、勋封等项；按其用途来说，相当于现代的任免证书。到了宋代，由于官僚制度的发展，官爵除授的范围亦随着扩大，除了封授官员本身以外，还对官员的先代和妻室实行所谓推恩封赠（生者为封，死者为赠）。这项制度为以后的明清两朝所沿袭，而且又有许多变化和发展，由告身演变成诰命和救命，简称诰救命文书。本文仅就明清两代的诰救命文书作一简要介绍。因所见明清诰救命不多，所以难免不有疏漏错谬之处，希望知者不吝指教。

明清两代用于封赠官职或赐给爵位名号时，发给诰命或救命，由于实行所谓“覃恩封赠”，诰救命文书的发授，不仅及于官员的先代和妻室，而且还延及官员的子孙后代，有的可以袭封数代，有的可以“世袭罔替”，祖祖辈辈享有特权。这项记载官员的官职、事迹和享有特权的诰救命文书，一般是在夫典时颁给，所以受到官僚士大夫

及其子孙后代的特别重视和保护。

明朝洪武五年(1372年)三月,参照唐宋告身文书实行诰敕文书制度;清朝仍沿袭明制,直到灭亡。

明初规定,在京官员,逾年实授,给本身诰敕,三年考满,始得封赠。外官三年考满,给本身诰敕,六年、九年始得封赠。后来京官免去试职,初授散官,待到考满始给诰敕,并与封赠。外官满一考而以最闻者,即给与封赠。

明朝和清朝的诰敕等级基本相同。明朝规定,一品至五品皆授以诰命,六品至九品皆授以敕命,妇人从夫品级。清朝规定,封赠五品以上官员及世爵承袭罔替者,发给诰命,敕封外藩,“覃恩”封赠六品以下官,及世爵有袭次者,发给敕命。

明清两代诰敕文书的封赠范围亦大体相同。一品封赠三代,二品三品封赠二代,四品至七品封赠一代,八、九品至本身而止。明清两代发给官员诰敕文书的轴数,也有具体规定。明正统十二年(1477年)定,一品五轴,二品三轴,三品二轴,四品至七品俱一轴。天顺元年(1457年)奏定,一品四轴,二品三品三轴,四品至七品二轴。清代诰命,一品四轴,二品三品三轴,四品五品二轴;敕命,六品七品二轴,八品九品一轴。

诰敕文书不同于一般文书,它是写在比较贵重的丝织物上面的。明朝的诰敕由工部所属的神帛制敕局(后称南京织染局)织造,清代的诰敕由江宁织造制成。诰敕文书为卷轴形式,分为苍、青、黄、赤、黑五种颜色;按官品等级的高低,它的图案和轴头也有严格区别。明朝制度,王府诰轴,亲王郡王俱用册,亲王生母封夫人者给诰命,云凤如旧制。镇国将军及夫人用玉轴,辅国将军及夫人犀轴,奉国将军及淑人、镇国中尉及恭人俱抹金轴,辅国中尉及宜人、奉国中尉及安人俱角轴,郡主及郡主仪宾犀轴,县主及县主仪宾,郡君及郡君仪宾,俱抹金轴,县君及县君仪宾、乡君及乡君仪宾俱角

轴。文武官诰敕轴，一品云鹤锦，夫人云鸾锦，俱玉轴；二品狮子，夫人鸿鹳，俱犀轴；三品四品瑞荷，淑人、恭人芙蓉，俱抹金轴；五品瑞草，宜人四季花，俱角轴；六品、七品、安人、孺人，俱葵花乌木轴，及八品、九品官同。武官诰轴，一品至七品俱铠甲葵花引首，抹金轴。<sup>①</sup>明代诰敕命的织文，文官用玉箸篆，武职用柳叶篆。诰命织文曰“奉天诰命”，敕命织文曰“奉天敕命”，俱有升降龙盘绕。

清朝的诰敕文书，虽沿用明制，却又有所变通和发展。诰命用五色或三色绞丝织成，文曰“奉天诰命”，敕命用纯白缕织成，文曰“奉天敕命”，均用升降龙盘绕，织文满汉字兼用。

发给宗室王公封爵的诰敕文书，书于册、轴。封亲王、世子、亲王福晋、世子福晋、公主，皆用金册；封郡王、郡王福晋用镀金银册；封贝勒、贝子及贝勒、贝子夫人，郡主、县主、郡君及外藩蒙古亲王、郡王、贝勒，俱用纸册<sup>②</sup>。封镇国公以下、奉恩将军以上，镇国公夫人以下、奉恩将军恭人及乡君以上，龙边诰命，锦面玉轴，牙签黄带。封蒙古贝子、镇国公、辅国公、扎萨克、台吉、塔布囊、蒙古王公福晋、夫人诰命，及封外国王妃、世子、世孙诰命，龙边犀轴。公、侯、伯以下世袭诰命，锦面犀轴。

文武官“覃恩封典”诰敕文书，一品玉轴，鹤锦及狮锦面；二品犀轴，赤尾虎锦面；三品四品贴金轴，瑞荷锦面；五品角轴，瑞草锦面；六品以下，俱角轴，葵花锦面<sup>③</sup>。

清末，由于政治腐败，财政困难，诰敕文书的质料变得很次，不用织锦面用纸幅。宣统二年（1910年）七月十八日浙江巡抚增祺奏请将诰敕改用纸幅，经礼部议覆，决定“一律改织为绘，惟颜色尺寸及轴头锦面不得稍易旧制”。从前诰敕文书每轴用银数两，改用纸

① 《明会典》卷二百十二《中书会人》；孙承泽《天府广记》上册《中书科》。

② 《光绪会典》卷三。

③ 《光绪会典事例》卷十六《中书科》。

幅以后所用不过数钱。今见清光绪、宣统以来的诰敕，质料极劣，连麻布都不如，说明诰敕制度已经没落，并失去了原有的荣宠作用。

明清诰敕文书，皆由中书科的中书舍人缮写。颁给官员的诰敕，采用多种编号形式。据孙承泽《天府广记》卷十《中书科》项下载：“凡诰敕勘合籍以《急就章》为号，凡诰敕之号四：曰仁，曰十二支，曰文行忠信，曰千字文。以千号为满，满则续。”又载：“天顺六年九月，中书舍人杨贵芳言：旧时诰敕勘合字号，国王用礼字，追封用文、行、忠、信字，文官二品以上用仁、义、礼、智字，三品以下用十千字<sup>①</sup>，新制武官诰命初编用二十八宿字，续编用千字文。”清代诰敕文书上面，无编号，满字向右行，汉字向左行，合于中幅面书年月日，年月各按奉旨、奉诏日期书写。凡遇袭封，世袭有数次者及世袭罔替者，每袭一次，各以原给之诰命、敕命，注写于后。如注写已满，则易写新诰，送内阁用“宝”，并与原给诰敕一同发给官员<sup>②</sup>。

明清两代的诰敕文体有明显的不同。明初以至成化以前，诰敕之体比较朴实，即所谓“明敕履历，宣昭事功”，写官员本人事迹的，不过百余字，其“覃恩”祖父母、父母及妻室，才不过六、七十字。后来由于明王朝政治腐败，官吏更加贪婪，反映在诰敕文书上面的文词，也随着发生变化。官吏极力追求虚荣，不适当的谀词逐渐增多，因而反映的情况去事实更远；由概括表述的文字变为冗长叙述。到了嘉靖、万历年间就更趋腐败。嘉靖朝阁臣张孚敬批评说：“近来俗习千求，文尚夸大，藻情饰伪，张百成千，至有子孙读其祖父母、父母诰敕，莫自知其所以然者。”隆庆万历朝阁臣张居正也批评说：“查成化、弘治年间诰敕，叙本身履历功绩，不过百余字，祖父母、父母及妻室不过六、七十字，至于庆典覃恩，则其词尤简。……

<sup>①</sup> 《天府广记》卷十《中书科》，《明会典》卷二百十二《中书舍人》。

<sup>②</sup> 《光绪会典》卷三。

近年以来，俗尚干求，词多浮靡，撰述官沿袭宿弊，往往不候进呈，先将文稿传示于人。其中词语又过为夸侈，多至数百千言，或本无实行，虚为颂美，或事涉幽隐，极力宣扬，臣等方欲为之更正，而本官已先得稿登轴矣。”明朝诰敕文书的浮靡夸侈，不但是文章本身的弊病，而且是明朝整个统治阶级反动腐朽、政治黑暗的必然结果。明朝统治者内部，派系斗争异常激烈，得势的官僚权臣，为了保持和维护私己势力，便要大发一通诰敕，阿谀颂扬一番；当被排斥失势之后，便要免官罢职乃至杀头、灭族，尽行追夺原封诰敕文书。翻开明代的历史，在统治者内部倾轧的历史记录中，关于追夺或颁发诰敕的材料，几乎举目皆是。

清代诰敕，由翰林院撰拟文式，经内阁大学士奏定之后，按品级填给。清朝统治者鉴于明代诰敕之弊，对诰敕文词的句数，作了严格限制。顺治十年（1653）规定：一品起六句，中事实十四句，结六句；二品，起六句，中十二句，结六句；三品，起六句，中十句，结六句；四、五品，起四句，中八句，结四句；六、七品，起四句，中六句，结四句；八、九品，起二句，中四句，结二句。康熙二十四年又改为各按官职撰定文字颁给。文式存储内阁，刷印草本，各官请封，由官员所在衙门开具职衔送内阁，顺应得诰敕，将草本填注姓氏，发中书科缮写。如有“格外加恩”应别撰文字者，交翰林院撰写。今观清代的各官诰敕，同一品级的文式千篇一律，开头文字完全相同，只有姓氏、职衔及袭封次数方面的区别。这表明清代诰敕文书纯属官样文书。

明清诰敕命文书，遗留下来的为数不多，非名家诰封，很少被收藏家、史学家所重视。其实这类文书，亦有一定价值，既可补历史文献之缺略，又可作为历史的实证。为了让读者了解明清两代的诰命和敕命的文书程式、文体特点和史料价值，特将搜集到的几件典型诰敕文书抄附于后，并选几件影印插图，以供参考。

## 一 明代诰命和敕命

### (一) 隆庆元年封赠吏部尚书严讷曾祖父母诰命

#### 奉天诰命

奉天承运皇帝制曰：朕闻严穴好修之士，有畜德百年之前，而发祥奕世之后者，盖源远流长，理固然矣。兹惟辅弼之臣，其伟绩令名既寒，由前而启后，则在朝廷之礼。凡隆恩异数，允宜自祖以率曾。尔严昌乃太子太保·吏部尚书·武英殿大学士讷之曾祖父，端良成性，利济存心，慕卓越之名流，厌浮华之陋习；乡闾表率，素高长者之评，胤祚蕃昌，诞启曾孙之烈。追惟本始，爰用褒崇，兹特赠尔为光禄大夫·太子太保·吏部尚书·武英殿大学士。于戏！嘉名肇锡，荣光焕被子九原；茂渥新颁，庆泽永延于百世。钦兹盛典，庇尔后人。

制曰：《传》称妇与夫，齐德，而隐者其清风婷节，即百世而下犹嘉乐之，矧其三世之孙显于百年之后，则徽音未泯，芳闻益彰，溥家优渥之恩可或遗耶？尔朱氏乃太子太保·吏部尚书·武英殿大学士严讷之曾祖母，作配善良，克修庄敬，凛言动于有则，肃闺闾以无哗；戢耀含章，德既媲于君子，储休委祉，庆乃发于重孙；眷言辅弼之勋，寒藉，渊渥之祚，是用赠尔为一品夫人。宠逮曾闻，表新朝之异渥，恩膺极品，昭潜德之幽光。

#### 制 诰

隆庆元年八月初九日

之 宝

仁字肆百柒拾伍号

广 运

之 宝



(二) 万历十七年封赠刑部尚书李世达及妻诰命(影印件一)

奉天诰命

奉天承运皇帝制曰：尚书政事之本，夙号穹阶司寇，邦国之平尤称隆寄，是惟硕德重望之士，乃有明刑弼教之能。既保嘉师，宜膺湛渥。尔刑部尚书李世达，清修亮节，郎识闳才。粤自计部蜚声，铨曹振誉，遂擢银台而领冏寺，屡持节钺以抚藩垣，三躋六副之班，再正孤卿之位；两都劳勩，更历试而弥章，庶来仪刑，合师言而靡间，乃召还朝，著俾长秋官。而尔伤律求情，惟明克允，卹罚丽事，能恤而钦。庶几淑问之臣，式称祥刑之指，是用嘉尔岁闋，授尔阶资政大夫，锡之诰命。于戏！刑罚之用，下系民命，上关天和。朕比者数下恩泽诏书，亦惟庶狱是慎，分子犹念，所赖老成，尔尚日笃不忘，盖虔嘉旆之听，俾予从欲以治，共底圉圉之空，钦哉！

初任户部广西清吏司主事

二任吏部考功清吏司主事

三任本部文选清吏司主事

四任本部稽勋清吏司署员外郎事主事

五任本部考功清吏司署员外郎事主事

六任实授本司员外郎

七任本司署郎中事员外郎

八任本部文选清吏司署郎中事员外郎

九任通政使司右通政提督誊黄

十任复除遂政使司右通政提督誊黄

十一任南京太仆寺卿

十二任都察院右佥都御史巡抚山东地方督理营田

十三任总理河道兼提督军务都察院右副都御史

十四任巡抚浙江等处提督军务都察院右副都御史

十五任总督漕运巡抚凤阳等处都察院右副都御史

十六任南京兵部右侍郎

十七任户部右侍郎

十八任吏部左侍郎

十九任南京吏部尚书

二十任南京兵部尚书参赞机务

二十一任今职

(按：初任至十任；十一任至二十一任，各盖“制治之宝”。)

制曰：朕惟大臣亮工体国，能宣骏伟之猷，其发迹起家，必有燕私之助，从夫而贵，虽歿不遗，所以酬旧劳元配也。尔刑部尚书李世达妻，累赠淑人吴氏，卓为女士，嫔于名人，茹淡苦以佐勤，行符图史，躬拮据而从宦，动应箴规，夫既跻于上卿，尔乃捐于中道，音徽邈矣，淑懿在焉。兹加赠尔为夫人。载扬彤管之芬，永作玄扃之耀。

制曰：国家甄叙，勋庸疏荣，伉伉义不殊乎先后，典均逮于存忘，总之从夫，要以章德。尔刑部尚书李世达继室王氏，提令范于图经，嗣徽音于闺闼，相厥夫子，服在大僚，迨此崇跻，渣焉永逝，追惟往勋，宜涣新纶。是用赠尔为夫人。諡懿灵之有知，服休光于无斁。

制 诰

万历十七年十一月十九日

之 宝

义字壹百伍拾叁号

广 运

之 宝

隆庆元年月日造(系织棉制成标记)。

### (三) 景泰三年封陕西道监察御史

#### 朱瑄及其父母和妻救命

〈前残〉朝廷设监察御史，欲其探□□励风俗以弼成国家□□□□□轻。尔陕西道监察御史朱瑄，□身贤科，擢任斯职，历年既久，式克勤慎，是用进尔阶文林郎，闕之救命，以示褒嘉。夫官以察为名，言为职，在明大体而略细故，在扶君子而抑小人；其益端尔志，坚尔□，毋私于法，毋挠于势，毋汙以为直，毋苛以为能；明以烛之，公以行之，懋修不懈，乃为允称；尚有显爵，以循尔成，钦哉！

敕曰：朕惟人子之孝，皆欲显其亲，故群臣之任职者，必有推恩之命，所以体其心而劝教也。陕西道监察御史朱瑄父孟庸：克成厥子，用举其官，宜锡宠荣，以示褒显。兹特封为文林郎·陕西道监察御史。尔其祗承，毋忝嘉命。

敕曰：国家于任职之臣，必褒显及其亲者，所以重源本也。尔陆氏子朱瑄，为陕西道监察御史，克勤厥事，皆尔善德所致。兹特封为孺人。服此隆恩，尚懋教之。

敕曰：夫妇人之大伦，故朝廷推恩群臣，命必及之。陕西道监察御史朱瑄妻王氏，克相其夫。兹特封为孺人。祗服荣恩，永光闾阖。

敕 命

景泰三年十二月十六日

之 宝

□字贰百拾伍号

之 宝(半印)

(四) 正德六年封南京中军都督府经历司  
都事张牧及妻救命

奉天救命

奉天承运皇帝敕曰：国家分督府以领五军，虽专武职，置幕官以理庶务，则用文资，其寓意为甚深，故用人所宜慎。尔南京中军都督府经历司都事张牧，乃故太子少保南京兵部尚书·赠太子太保谥‘庄简’悦之子，系出宦门，名成胄监，官居府幕，职领文移，在公称综理之能，克裨戎务，处已励操持之志，恪守官箴。肆当庆典之行，宜示褒奖之宠。兹特进尔阶文林郎，锡之救命。於戏！虞廷之严，考绩已明，陟之可期，周书之重，象贤尚遗，风之不泯，益加慤懋，以俟超升，钦哉！

敕 命

初任南京左军都督府经历司都事。

二任复除今职。

之 宝

敕曰：夫妇有齐体之义，伦理所关，朝廷有并命之荣，典章攸具，况乃贤能之配，可无推锡之恩？南京中军都督府经历司都事张牧妻顾氏，淑慎有常，柔嘉维则，出自名族，嫔于儒流，傲戒相成，志不违于姆训，俭勤自励，动必协于家规。宜锡宠恩，以旌内助。兹特封为孺人。益敦祗慎，用副嘉名。

敕 命

正德六年四月十五日

之 宝

□字□□□□□号

之 宝(半印)

(五) 隆庆六年赠兵部车驾清吏司主事  
冯子履父母救命(影印件二)

奉天救命

奉天承运皇帝敕曰：朕君临万寓，凡往勤之未宣，奇节之未显者，方与庶寮共宠扬而尊礼之。矧有子绳武服劳王家而鸿典弗加，乌私何恤？尔原任行人司行人冯惟重，乃兵部车驾清吏司主事子履之父，世笃忠贞，天与敏达，蜚英甲第，棣萼联辉，效职使垣，皇华播咏；当显祖巡狩乎南国，命卿士播告于朱方。尔乃奉役惟虔，赍志以歿，虽厥施之未究，喜缙绪之有人。兹特赠尔为承德郎·兵部车驾清吏司主事。祇款荐至之恩，弥笃寔昌之祚。

敏曰：朕观斯世，曰有淑媛，守三从以不变，美四德其具兼；艰而且贞，永矢柏舟之节，爱而能教，遂成机杼之严。旌典既彰，纶褒是续。尔蒋氏乃兵部车驾清吏司主事冯子履之母，柔嘉成性，慈俭提身，孝敬克承乎舅姑，顺正不违于夫子。尔夫没于王事，茂宣奉使之劳，尔子蔚为时髦，躬见遗孤之立。母仪妇道，世有范模。兹以覃恩，特封尔为太安人。祇服青纶之宠，永昭彤管之光。

敕 命

隆庆六年十月初八日

之 宝

□字伍百捌拾捌号

广 运

之 宝

## 二 清代诰命和敕命

### (一) 天命丙寅年封佟延诰命(影印件三)

奉天承运皇帝制曰：崇德报功，国之大典；秉忠尽职，臣所宜然。咨尔佟延，昔为抚顺平人，大兵进取抚顺，因得尔归，升为备御，及得辽东，尔能勤劳国事，屡有功劳，升为副将。若与敌国通谋，定依法处，或过误犯事，免尔二死，子子孙孙永不革职。尚其钦哉，无负朕命！

天命丙寅年六月 日

(按：此件系满汉合璧诰命，于年月日处盖满文印，(清文从略)。清文写于黄色纸上，四边墨印云龙戏珠边框。此件是现存清入关前最早的一件诰命，对研究清初的历史和官制具有重要价值。)

### (二) 顺治五年封许尔安诰命(影印件四)

奉天承运皇帝制曰：朕惟崇德报功，国家之大典；效忠尽职，臣子之常经。昔者圣王莫不以威武安黔黎，以文德致升平。朕仿古制，爰建文武，用以报功而示劝也。受兹谕者，必忠以立身，仁以抚众，智以察微，防奸御侮，机无暇时。能此则荣及前人，福延后嗣，而身家永昌矣，敬之勿怠！许定国，尔原系明朝时官，因欲归顺，送贰子来质；福王闻知，遣其兴平伯高杰领兵壹万攻尔，尔设计擒杀高杰，遂败其众；率官兵伍万迎降，授壹等正钦尼哈番，后病故，子许尔安仍袭壹等正钦尼哈番，再准袭拾叁辈。

制 诰

顺治五年八月初八日

之 宝

(按：此件系黄绶云龙边幅，无“奉天诰命”字样和升降龙。诰命文系满汉合璧，于朝年月日上面特置汉字宋文“制诰之宝”。这是清初诰命之形式。诰文式为以后各朝所沿用，如与后附之乾隆朝诰命相较，即可看出只有较小的改动。)

(三) 康熙五十二年三等待卫兼佐领色尔登  
及妻诰命

奉天诰命

奉天承运皇帝制曰：奉鞬期门，久追趋于豹尾，珥貂中禁，应荷宠命于龙章。尔三等待卫兼佐领加一级色尔登，武勇夙闻，恪勤茂著，周旋禁闕，历夙夜以宣劳，环卫廷墀，直云霄而奉职。允称爪牙之选，宜膺纶綍之褒。兹以覃恩，特授尔阶通议大夫，锡之诰命。于戏！紫泥璀璨，式瞻扈辔之荣，朱绂辉煌，益励奉公之谊。

制曰：干戈载戢，端资硕画于戎行；琴瑟咸和，更赖同心于闕内。尔三等待卫兼佐领加一级色尔登之妻佟佳氏，柔嘉维则，淑慎其仪，勤以相夫，虎旅奋从王之烈，敬能聚德，鸡鸣戒旦之忧。兹以覃恩，封尔为淑人。于戏！恪修内职，膺玉佩以无惭，克赞中权，捧宝纶而加步。

制 诰

康熙五十二年三月十八日

之 宝

(四) 雍正十三年副都统色尔登祖父母诰命

奉天诰命

奉天承运皇帝制曰：习六韬而建绩，誉望攸崇，邇三世以推恩，旧劳宜奖，特颁异渥，以示崇褒。尔多罗额驸·原任侍郎·头

等阿思哈尼哈番鄂母布，副都统加二级色尔登之祖父；才猷夙蕴，德器深沉，美积家门，启箕裘之令绪，谷貽孙子，策闾闾之高勋。盛典欣逢，殊荣宜被。兹以覃恩，赠尔为光禄大夫，锡之诰命。于戏！图功勿替，爰资裕后之模，锡命重申，用慰光前之志。钦承国爵，永播德馨。

制曰：采擢前劳，遡祥源于诒谷，甄明内德，流惠问于含怡。式奖家声，载扬国庆。尔副都统加二级色尔登之祖母多罗格格：禀赋温恭，敦修礼则，标兹闾范，夙流珩璫之声，诒以孙谋，大展巾帼之业。芳仪夙著，宠命宜加。兹以覃恩，赠尔为一品夫人。于戏！徽音无斁，被象服以增辉，闾泽长流，捧鸾函而贲采。休光洋溢，潜德馨香。

制曰：壶德远闻，诒孙谋以树绩；国恩上逮，表母范而垂型。爰沛彝章，载光家乘。尔副都统加二级色尔登之继祖母书母氏：茂族含芳，名门作偁，淑后先而媲美，雅知珩璫同声，启子姓以开祥，早见旂常建烈，芳徽既播，殊渥宜膺。兹以覃恩，赠尔为一品夫人。于戏！衍庆再传，式受自天之宠；疏荣大母，用酬积日之劳。休命祗承，幽光无替。

制曰：壶德远闻，诒孙谋以树绩；国恩上逮，表母范而垂型；爰沛彝章，载光家乘。尔副都统加二级色尔登之祖母纳拉继氏：茂族含芳，名门作偁，淑后先而媲美，雅知珩璫同声，启于姓以开祥，早见旂常建烈。芳徽既播，殊渥宜膺。兹以覃恩，赠尔为一品夫人。于戏！衍庆再传，式受自天之宠；疏荣大母，用酬积日之劳。休命祗承，幽光无替。



制 诰  
雍正十三年九月初三日  
之 宝

(五) 乾隆十二年景住袭封二等轻车都尉诰命

诰命

奉天承运皇帝制曰。朕惟尚德崇功，国家之大典，输忠尽职，臣子之常经。古圣帝明王，戡乱以武，治致以文。朕钦承往制，甄进贤能，特设文武勋阶，以彰激劝。受兹任者，必忠以立身，仁以抚众，智以察微，防奸御侮，机无暇时。能此则荣及前人，福延后嗣，而身家永康矣，敬之勿怠！

速兴病故，将长子景住仍承袭二等轻车都尉，世袭罔替如前。

制 诰  
乾隆十二年十二月十七日  
之 宝

(按：此件诰命系云龙边框织锦，从“奉天承运”字至“敬之勿怠”，全系织文，满文亦同，其后用墨笔书写。印文“制诰之宝”系满汉文合璧。)

景住缘罪革退，伊胞弟多海仍承袭二等轻车都尉，世袭罔替。

(无印)

乾隆十九年十二月十七日

多海告退，将伊子塔恩哈仍承袭二等轻车都尉，世袭罔替。

嘉庆拾陆年拾貳月拾陆日

制 诰  
之 宝

塔思哈病故，将伊长子祥安仍承袭二等轻车都尉，世袭罔替。

道光拾壹年拾貳月拾陆日

制 浩  
之 宝

祥安病故，将伊子寿康仍承袭二等轻车都尉，世袭罔替。

(无印)

咸丰五年十二月十六日

寿康出缺，与伊子瑞常仍承袭二等轻车都尉，世袭罔替。

制 浩

光绪二年十二月十八日

之 宝

(六) 乾隆三十六年赠双全父母诰命

奉天诰命

奉天承运皇帝制曰：委质策名，荣既膺夫管绂，克家绩绪，功必溯乎箕裘。尔塞尔泰乃内务府盛京佐领双全之父，道足持躬，谋能裕后，经传诗礼，青緌扬奕叶之辉，庆笃芝兰，丹綉焕天衢之泽。前徽允懋，新典宜颁。兹以覃恩，赠尔为昭武大夫，内务府正白旗盛京佐领，锡之浩命。于戏！被章服以增荣，聿显肯堂之绪，承丝纶而无忝，永昭积庆之风。

制曰：教启义方，慈母克襄夫严父，荣敷闾闾，君恩宜体乎子情。尔吴氏乃内务府正白旗盛京佐领双全之母，贞淑性成，徽柔道协，夙宣慈训，聿储卓荦之材，载布德音，用衍炽昌之祚。丕昭令绪，特沛温纶。兹以覃显，赠尔为恭人。于戏！龙章式贲，壹德著美于

当时，象服钦承，遗范永光夫来叶。

制 诰

乾隆三十六年十一月二十五日

之 宝

双 全

(按：此件诰命系瑞草绸面。前部双全之父诰命系用黄、绿、蓝、红四色写成。后部双全之母诰命，系用黑、蓝、黄、绿四色写成。每一行为一种颜色，满文颜色与写法和汉文相同。)

(七) 嘉庆二十五年封陕西渭南知县鲍珊及妻救命

奉天救命

奉天承运皇帝制曰：分符百里，必遴出宰之材，报最三年，爰重懋官之典。尔现任陕西渭南知县鲍珊，雅擅才能，克宣慈惠，抚绥有要，常深疾痛在己之心，怀保无穷，不忘恢复斯民之责。兹以覃恩，授尔为文林郎，锡之救命。于戏！前劳已茂，用褒制锦之能；来轸方遒，益励饮冰之操。

制曰：良臣宣力于外，效厥勤劳，贤媛襄职于中，膺兹宠锡。尔现任陕西渭南知县鲍珊之妻李氏，终温且惠，既静而专，兼循从夫，克赞素丝之节，蘋蘩主馈，爰流彤管之辉。兹以覃恩，封尔为孺人。于戏！敬尔有官，著肃雍西并美，职思其内，尚黽勉以同心。

救 命

嘉庆贰拾伍年捌月贰拾柒日

之 宝

现任陕西渭南知县鲍珊

(按：此件救命系白色织锦，无云龙边裾。诰轴背面有“覃恩第字五百五十七号知县鲍珊”字样，并铃有“中书科印”清汉朱字篆文。)